

Princeton University Library



32101 077883468

RECAP

GOERTZ

3135

LIBRARY OF PRINCETON UNIVERSITY





Confer: Markhof in Boly-
histor Tom: 1. Lib: 4. Cap:
5. num: 6. & König in
Biblioth: pag: 169.

^{30x}
^{Cley naerts}
NIC. CLENARDI
EPISTOLARVM

LIBRI DVO.

QVORVM posterior iam primum
in lacem prodit.



ANTVERPIÆ,
Ex officina Christophori Plantini,

clō. 15. LXVI.

CVM PRIVILEGIO.

C. PLANTINVS LECTORI
BENEVOLO S.

CVM nuper Carolus Clusius vir doctus & ad rem literariam promouendā promptissimus, ex Hispanijs rediens, ad me pro antiqua nostra familiaritate salutandi gratia diuertisset, ille, ut est ingenij sui candor, qua illinc secum rara exportarat, nobis ostendit. Inter quæ cum essent Nic. Clenardi viri doctissimi epistola quamplurimæ nunquam editæ, lepida iuxta & erudita; rogavi, earum mihi faceret copiam, ut, ubi primum liceret, me auspice omnium in oculis, uti digna erant, apparerent. Fecit ille pro suo more, & nostra necessitudine lubentissimè. Quia autem intelligebam ipsum Clenardum, quoad vixit, D. Iacobo Latomo Theologo doctiss. unicè carum semper fuisse; ut etiam epistola testificatur, conatus sum rescire, num idem aut alius quispiam propositum hoc nostrum adiuuare posset. Adiuvit verò ille, non quidem accessione aliqua, sed opportuno cōsilio, admonens, ut alterū eiusdem Clenardi epistolarum librum, semel atque iterum euulgatum, præponeremus: præsertim cū iamdiu exemplaria passim desiderarentur. Quod consiliū quanti fecerimus, facile tu amice lector, cuius causa omnia cupimus & facimus, ex operis titulo intelliges. Vale. Antuerpia, ex officina nostra typographica, Kal. Martij. Anno clō. Io. LXVI.

NICOLAI CLENARDI

EPISTOLARVM LIB. I.

3 NICOLAUS CLENARDVS DOMINO
IACOBO LATOMO PRAECEPTORI
OBSERVANDO, S. D.

- 10 **N**ON dubito, charissime praëceptor, quin
sepius discipulum accusaueris, quòd toto
quadriennio vix binas literas miserit. Si fa-
ctum id putas obliuione tui, audacter ipse
vicissim iudicium tuum damnabo, qui lō-
ginitate loci amicitiam dirimi putaueris. Cur ergo
15 alios, inquires, crebrò salutasti, me vix vnquam? Cur
etiam anno superiore, cùm fratrem germanum dimit-
teres, Latomi tui non meministi? Hic enim iam omnem
præcidit causationē, de inopia vel perfidia tabellario-
rum. Accipe ergo excusationem non peccati, sed silen-
20 tij. Cùm primū veni Salmanticam, & futurum vide-
bam, vt ibi aliquandiu subsisterem, nihil magis erat in
votis, quàm vt te præcipuè de rebus meis certiozem fa-
cerem. Verū homo, vt scis ipse, domesticis parietibus
magis delectatus, quàm luce publica, nullam prorsus
25 reperiēbam nunciorum commoditatem. Aberat aulā
Cæsaris Methymnæ, vnde propter veredarios spes ali-
qua nobis affulserat, in ipsa verò Academia fermè solus
eram è nostratibus, & quotquot amicos nactus eram,
Hispani erant, nec desiderio meo conducebant. Quid
30 igitur facerem stupidissimus homuncio, quī tanquam
plumbeus semper vixerim in huiusmodi humanis ne-
gotijs, scilicet expectabam dum felix aliquis incideret
casus, quando consilio viam inuenire non poteram. Et
ecce subito Minorita quidam me nihil tale suspicātem,
35 vltro adiit, iubetque literas expediam: se enim intra
biduum abiturum in Flandriam. At vide quàm sinistrè
fuerim vsus tam bona occasione: dum studio plurimis

A 2

sedulus

4948
26

340059

sedulus satisfacere, viles modò schedas effudi, quòd
tam multis amicis iustis literis salutandis, ne octo qui-
dem dies satis fuerant. Retulisti tu festiuiter sanè, &
per eundem tabellarium chartulam remisisti, abiectam
alioqui nisi fuisset tua, & honore ac titulo præceptoris
cōmendaretur. Agnoscebam protinus culpam meam,
& exprobratam ridebam contractiorem epistolam. Di-
stuli tamé placare offensum fortè animum tuum, quòd
iam tum cœperant res meæ vtcunque nutare, & modò
videbar sedem stabilem habiturus Salmantica, propter
linguarum trium professionem: nūc contrà de adeun-
da quidam somniant Italia, quò propediem abiturus
erat discipulus meus, filius Proregis Neapolitani, &
animus erat tibi omnem vitæ meæ fabulam conscribere.
Dum sic suspensus aliquandiu cessassem, & iam pa-
rum de tabellariis cogitarem, menses aliquot labuntur,
deposito penitus scribendi animo, donec certiùs quip-
piam de statu meo contingeret. Quid ergo tandem fa-
ctum est? Amicorum precibus dedi, vt professionem
publico salario susciperem, cū longè alia mecum
agitarem. Vix duodecim credo abierant dies, cū ecce
mihi adest legatus è Lusitania, proposita conditione
Regis, & ocio copiosissimo. Quod ego vlnis obuiis ar-
ripui, mirante vniuersa Salmantica, quæ tamen abeun-
tem honesto prosecuta est viatico. Hic rursus exclu-
ditur propositum meum, & profectio Lusitanica lite-
ras isthuc proficisci vetuit: nimirum vt simul atque huc
venissem, omnia ad plenum tibi per ocium scriberem.
Vbi Eboram perueni, dedi aliquid literarum ad amicos,
sed in præsens non memini, nisi quòd deinde laboraue-
rim eadem inopia tabellionum: & si quid scripsi, in ca-
sum potiùs misi, quàm spe certa futurum vt literæ red-
derentur. Sed hæc omnia, inquires, pensare poterat tuus
frater. Audi quæso & hanc infelicitatem. Putabam ho-
minem hîc permanfurum, nam ex meorum literis suspi-
cabar ea gratia missum à parentibus, vt apud mercato-
rem quempiam negotiorum rationem perspiceret, ef-
feci

feci hîc facilè, vt meus hospes D. Iohannes Paruus, fratrem commendaret Carolo Correo mercatori Gallo, qui agit Vlyssipone. Verùm ego imprudens, confectis epistolis, disco fratri in totum displicere Lusitaniam, de
 5 quo certè non magnopere dolui, tum propter adolescentem ipsum, quem videbam in perditissima iuuenum colluuiione versaturum: adeò perditè viuuit iuuentus Hispanica, aut vt veriùs dicā nostras iuuentus, postquam huc sese contulerit, tanta est flagitiosæ vitæ licentia, maximè Vlyssipone, vbi fratri viuendum fuerat:
 10 tum ergo ipsius nomine, tum mei quoque gratia sic satis gaudebam, qui turbam alioqui metuere debebam, & aliquantis per denotare molestias fraternas. Ad hunc modum spe retinendi hominis præcisa, consilium fuit,
 15 vt tamen si redire statuisset, potiùs tamen interim dum aliqua solueret naus, inter mercatores viueret, & vel obiter quid disceret, quàm hîc in ocio & tædio sine fructu hæreret. Vnus credo exactus iam erat dies, cùm audimus appulsas naues, & quasdam adornare abitum.
 20 Ibi verò nihil prius fuit, quàm vt quamprimum frater discederet Vlyssiponem, & raptim vnā atque alterā epistolam conscripsi ad parentes, & ad patrum: nimirum per ocium omnes amicos salutaturus, & fasciculum grandem missurus ad fratrem: neque enim crede-
 25 bamus tam citò illum abiturum in patriam. Verùm vt vbique sim à literis mittendis exclusissimus, simulatq; ingressus est ille ædes Caroli Correi, nunciatur nauta Zelandus abiturus. Pernoctauit itaque Vlyssipone, & postridie profectus est. Habes molestas rationes taciturnitatis meæ: verùm condonabis, & quando verbosas tantum nos scribimus literas, nō sententiosas, è multitudine & inepta verborum congerie, saltem epistolæ scribendæ voluntatem colliges. Pergamus igitur in fabula, & ineptiamus ad saturitatem, apud humanissimū
 30 præsertim virum, quique vt coram me nugantem non solebat reijcere, ita etiam per epistolam cōfabulantem æquis accipiet auribus. Facit, facit optime præceptor,

perfecta mihi tua facilitas, ut abutar patientia tua, & alioqui tam longū silentiū loquaci aliquo calamo pensandum erat. Suggestit etiam libertatem atque adeo libidinem garriendi, tam profunda studiorum meorum tranquillitas, ut res, inquit Comicus, sese dant, ita magni atque humiles sumus. Cū olim me videres miserē contabescere, quod iudici N. adulandum esset, & procuratores ambiendi, profectō non potuissem sic insolescere, & tam delicatē cum chartis ludere. Nunc nos Deus respexit, & eam traducendæ vitæ commoditatem largitus est, ut ocio planē abundem. Quid faciam nisi ut cum charissimo mihi Latomo paulisper animum recreem? Gaudeo mi præceptor, rogo fer me. Utinam aliquando me Dominus tibi restituat, utinam saltem sedem tecum morituriens habere possim, & præsentis ocij fructum apud præceptorem meum deponere. Est sanè hæc mihi vita tam commoda, ut nunc demum me vivere credam, propterea quod nihil tracto præter literas, sed alia exilij bona, alia patriæ. Nisi quod atrociora hîc quotidie nobis obnunciantur, quàm ut illic iam vivere libéret. A quibus omnibus tumultibus adeo hîc sumus alieni, ut facilius Christiani quidam futuri sint, quàm hæretici. Eia nimium istud mordax est Clenarde: Semper mortificat veritas, semper tamen sunt qui non metuant verum dicere: missam, si libet, faciamus hanc camarinam, tantū indicare volui, quàm sumus hîc tuti à factionibus, quæ indies magis ac magis isthic increscunt, adeo ut si nihil aliud, vel hoc certè nō nimis displicere queat mihi hæc præsens peregrinatio, ut interim omittam bellicos istos rumores, quos nescio quis hîc nuper sparferat, rursus reges illos inter sese committendos, utriusque ditionis luculenta clade: cū hîc nobis in utramque aurem securos dormire liceat, quod ad hanc causam attinet: magis cum Indis & Afris bellum gerimus, qui & si quid moliantur quotannis, non tamen tam latē malum grassatur, ut Lusitani sentiant: tantū in confinio præsidia quædam subinde

subinde Mauri incessunt, & quod olim perdiderant, recuperare student: quos ego hostes sic metuo, vt non semel in mentem venerit adeundam mihi tandem esse Africam. Audio enim in vrbe Fessensi mirè florere studia Arabica, ad quæ dum Salmantica viuerem, magnū animum adieceram, nec meus respuit animus: etsi iam fermè biennio ipsum studium ferias habeat. Expecto libros quosdam è Murcia, qui si (vt spero) veniēt, rursus in illud pistrinum reuoluar; neque enim con-
 10 quiesco priusquam felicem illam Arabiam penetrauerō. Est nobis hīc medicus eius linguæ callentissimus: homini molestus sum futurus cū istos, quos dixi, libros accepero. Non hinc distat ciuitas Fessensis nisi leucas circiter centum, & celeberrimum est emporiū
 15 Africæ, quò crebrò nostri mercatores commeant. Faxit Deus vt aliquando hanc tanquam appendicem & obiter profectionibus meis adiiciam. Nam de Italia nec dum despero: scilicet vt per Germaniam, Germanus erro recurram Louanium: Ita enim per iocum discen-
 20 dens dicebam, & forsitan eueniet. Cras si dabitur locus, pergā tecum fabulārī. Tu mi colende præceptor benè interim vale, & me vt facias, ama. Eboræ XXIII. Martij. Anno M. D. XXXV.

25 CLENARDVS LATOMO SVO S.

P V T O te, mi præceptor, iam nuper audisse, quo pacto relicta Salmantica venerim in Lusitaniam, vocatus à Rege. Placebat sanè celeberrima illa mihi Academia, nec paucos amicos mirè candidos, & doctos
 30 nactus fueram, quibus nihil æquè studio fuit, quā vt me si possent, penitus inaurarent: & vel hoc lenocinio perpetuo in gregem suorum, externum hominem cooptarent. Et omnino futurum videbam, si illic hæsissem diutius; adeo magnum apud plurimos fauorem
 35 emeritus hīc fuerat tuus ineptus discipulus, nulla re magis insulsus, vt nosti, quā si quid pal pandū est, & assentandum. Diuulsit tamen me subito conditio regia, non
 A 4 quodd

quodd rem hic nummariam pluris æstimem, quàm pro-
uentum illum in Academia, quod lucrum illic forſitan
futurum fuerat vberius: ſed quodd mihi alieno ſemper
à ſtrepitu & ſolitudinis amico, commodior viſa eſt præ-
ſens hæc vitæ ratio, & maiore cum ocio coniuncta. Illic
in luce viuendum erat, & cum multis aut ſimulanda,
aut ineunda quotidiana iſta & vulgaris amicitia, quæ
mutuis ſalutationibus conſtat: quæque vt ſemel aperto
capite conciliatur, ita contra ſi ſecus obuiam minus ob-
ſerues, in perpetuum diſſoluitur. Stupidus autem ego, 10
& natus iam grandior recudi non poſſum, & nõ eſt ad-
modum facilè tam inſigniter fieri ciuilem, hominem
præſertim Campiniẽſem, crasſoque ſub aère natum.
Erat & aliud quod receptum eſt in hiſ regionibus, &
inter Italos quoque obtinet, ſtatim peracta lectione, 15
profefſores tanquam oracula quædam paſſim à quouis
adeuntur, & quicquid illud tandem fuerit, quodd Arca-
dico iuueni in mentem & buccam venerit, niſi clemen-
ter præceptor excipias, & tanquam de re ſeria cum ho-
mine verba facias, negligere videris dominum tuum, 20
Et ſi poſtea à cathedra quæpiam vacauerit, vlciſcetur mi-
ſer in turba, quem ſolùm non timeas, fraudaberis mul-
tis ſuffragiis, nec quicquam inſignis tibi profuerit eru-
ditio. Vidisti ne circulos iſtos Louanij ante tabernam
librariam Iaſparis, quam illic vocant Cancellariam no- 25
uorum? Quot ſunt Salmanticæ profefſores, totidem co-
gites te videre diſcipulorum coronas, quarum in me-
dio conficitur miſer ſæpe maiore moleſtia, quàm in ip-
ſa docendi hora. Quin inſuper gaudent etiam miſeria
ſua plerique, quando illis tanquam certis ſignis ad fu- 30
turi certaminis brauium præeunt. Multitudo enim vn-
de pendunt calculi, iſtis facillimè ducitur. Et quamuis
non deſunt qui hoc ambitu non nitantur, maximè qui
iam maximas cathedras obtinent, nec alias magis opi-
mas ſuſpirant, tamè ita inualuit iſta conſuetudo, vt om- 35
nes obnoxios habeat. Et alioqui lege quoque cautum
eſt, vt quiſq; Cathedraticus (ſic vocant) à lectione pro
foribus

foribus sese dubiis discipulorū offerat. Quare & meum docēdi munus, compedem eandem habebat comitem, nisi quod cernerent mihi fabulam nō perinde gratam, & non assueuisse istiusmodi moribus. Ita enim iam
 5 ante animi mei specimen præbueram, priusquam stipendio auctoratus essem, & iuuentutis respectu prodirem in publicū: Verūm vt abhorrerem plurimū, vt libertatis plurimum ipse mihi in prouincia decreta sumere, & arrogarem; facillē tamē futurum videbam magis me
 10 expositum iri populo, quā vel umbratili homuncioni gratum esset, quā etiam studiis meis domesticis conueniret. Suscepi proinde quod vltro mihi ne suspicanti quidē obtulit Lusitania, semperq; hoc nomine gratias ago Deo meo, qui animum confirmauit, tota præsertim
 15 admirante Salmantica. Sum enim reductus in ocium & tranquillitatem, quam ne votis quidem optare fas erat. Adeo principem regis fratrem, statā quadam hora tertia aut secunda pomeridiana. Mox perfuncto officio, recipio me domū, nec quicquam habeo præterea quod
 20 agam in aula: labor ipse qui me alit, multo minor est quā ille centum Philippeorum: nisi quæ Philippeos dabat patria, ducatos Lusitania, eosque duplices, & aliquanto plus. Quanquam non admodum rei pecuniariæ causa gloriari libet, vt quam nec dum immodicanti
 25 affecutus sum, nec adhuc admodum requiro, nihilque prius habeo, quā vt præsentibus semper sim benè cōtentus, quādo iam ablata sunt quæ me in patria cruciare solebant. Quid inquires, quingentos Rhenenses tu tā parui ducis? Hanc enim summam conficiunt centum
 30 millia nummorum Lusitanica. Omittam in primis nullam esse regionem, vbi tanta sit rerum omnium caritas: non dicā pluris esse Rhenensem Louanij, quā hīc ducatum aureum: eō demittam orationem, vnde propius scopum peregrinationis meæ colligas. Si vsquam neglectui habita fuit agricultura, id potissimum locum
 35 apud nos habet. Audis principio præcipuos populi neruos admodum debiles, deinde si qua gens ignauo

ocio dedita est, nisi sit Lusitanica, nulla est prorsus. Lo-
quor de nobis hîc potissimum, qui vltra Tagum incolim-
us, & Africam propius olfacimus. Quod nisi exter-
norum & nostratium turba, mechanicas istas artes hîc
exerceret, puto ægrè vel calcearium, vel tonsorem ha-
beremus. Sed commodum mentionem tonsorum feci-
mus, hinc enim vel maximè res nostras æstimabis. Au-
di ergo non è tonstrina de lippis fabulâ, sed quàm dam-
nosam mihi barbam fecerit Hispania: & quemadmodum
olim quidam è barba metiebantur philosophos, ita è
barba tu mea, sapienter coniecturam facito, quàm
onustus & beatus isthuc recurram. Cùm essem Sal-
manticæ. Verùm præstat, opinor, vt ante omnia ratio-
nem numismatis constituamus, deinde mittes in digi-
tos, quot ego hîc emitto è loculis. Ducatus in Castella,
valet vndecim regalia, hi nummi sunt argentei: forsitan
Budæus quatuor æstimaret sestertiis: nō datur Salman-
ticæ minùs quàm semi regale, cùm ego quondam Petro
Formoso tonsori octonariū præberem, qui tamen mul-
tò teneriùs & blandiùs caput mulceret, & multò le-
niùs duceret nouaculam, quæ mihi hîc subinde lacry-
manti nonnunquam nimium sonat, scilicet vt sit musica
in luctu. Non miror plures esse barbatos in Hispania,
quàm sint in Flandria. Pergamus tamen & numeremus
dispendia barbæ. Ducatus Lusitanicus æstimatur qua-
tuor Testonibus: nummi sunt isti argentei, quales apud
nos qui vocantur Dormitores, isti Testones continent
vigenos quinq; numulos paruulos, qui plus minus va-
leant stufferum duplicem nostratem. Dicti sunt autem
quòd numulos æreos faciant viginti: hic ergo vicesima
pars nummi vigeni, regale vocatur. Quo tamē nomine
Castella vndecimam partem vocat sui ducati. Diuidam
adhuc, quia forsitan vsui erit si fabulari perseueraue-
ro. Regale Lusitanicum continet sectilia sex. Epi-
logum faciam, Ducatus, testo, vigenus, regale, secti-
le. Quid ergo tibi, ais, Lusitanica abstulit noua-
cula? Hebdomadis singulis sesquiuienum: hui ni-
mium

mium est. Subducatur ergo ratio more nostrate, & omisis minutijs leui brachio rem æquemus. Sesequingenum intelligo tres stuferos: protinus efficio quotannis sex Philippeos, & vt magis rem exaggerem, septem
5 Rhenenses & semis. Deinde me confero ad patrum meum quæstorem Diestensem, & imputo barbæ meæ quindecim florēnos annuos: quem censum multorum non æquant patrimonia, & tamen ita fermè annum hîc vixi, nam minus si obtuleris, denud non redibit, hoc est, vt propius adhuc hanc gentem cognoscas, iterum etiam rogatus non veniet. Non est hic
10 tanta opificum copia: nec receptum vt merces suas offerant. Prece & precio fermè constant hîc omnia: & ita his moribus intincti sumus, vt oblata omnia sordescât:
15 nec carnes volumus, nisi quas post duas aut tres horas sperantes in macello tanquam extorsimus. Verùm nondum audisti catastrophē fabulæ tonsoriæ: si radi velis, præmitte ministrum, qui oret vt veniat. Quid tum postea? Tandem expectatus adest, non vt nostras, onustus ipse sua pelui & aquario. Non enim decet, vt vir
20 quispiam honestus aliquid manu gestet. Tuus, tuus inquam minister necesse est vt peluim ferat cum aquario, & idem referat, alioqui manebis intonsus Apollo. Omnes enim hîc sumus nobiles, & magni probri instar
25 est, aliquam profiteri artem. An tu credis matrem familias adire forum? emere pisciculos? parare holusculum? Nihil habet quod vsui sit, præter linguam, & quo tueretur nuptiarum titulū. Etiam si quartam census mei partem largiar, non assequar mulierculam quæ more
30 nostrate mihi curet familiam, aut rem domesticā. Quomodo ergo, ais, isthic viuitis? Mancipiorum plena sunt omnia. Aethiopes & Mauri captiui, omnia obeunt munia, quo genere hominum tam est referta Lusitania, vt credam Vlyssipone plures esse huiusmodi seruos, & seruas, quàm sint liberi Lusitani. Aegrè repe-
35 rias domum, quæ non saltem ancillulam huius generis teneat, ea foris emit quocunque opus est, lauit vestes, verrit

verrit pauimentum, fert aquam, effert suo tempore fa-
 ces domesticas & humanas, & breuiter seruam agit, &
 præter figuram nihil differt à brutis iumentis. Nam qui
 ditiores sunt, plures etiam possident vtriusque sexus:
 quidam etiam non exiguum quæstum faciunt è vernis
 natis, vt mihi tanquam columbas alere videantur, &
 adeo non offendi ancillæ concubitu, vt etiam admissa-
 riis equis gaudeant, & partus ventri cedat, non vicino
 sacerdoti, aut nescio cui Aethiopi & captiuo. Nam, vt
 hoc quoque obiter aspergam, mihi per omnem Hispani- 10
 am verè *πάνδημον* esse Venus apparet, non minus
 quàm olim celebrabatur apud Thebanos, maximè ta-
 men in Lusitania, vbi credo monstrū esset *κορίδιον* spon-
 sus. Quæ res me nuper aduentu fratris valde commo-
 uit: timebā enim ne lubrica ætas, si hîc inter suos equa- 15
 les versaretur, multum mihi facefferet negotij: sed benè
 mecum actum est, quodd adolescenti non placuit Lusi-
 tania: imò nullos prorsus esse arbitror, qui non hinc re-
 uerti malint, si subitò, perspectis regionis incommodis,
 redeundi daretur copia: tam dissident in omnem par- 20
 tem viuendi mores à nostratibus: sed quotquot isthinc
 huc veniunt, partim tædio patriæ, aut exuti patrimo-
 niis, quouis potius rapiuntur, quàm reflectant ad suos,
 partim regressum non vident: itaque quod fors dat ar-
 ripiunt: alij illecebris istis illiciuntur, quarum magna est 25
 & libido, & licètia: alij sensim bona domestica didice-
 runt, & paulatim miseriam, atque incommodam vitam
 ferre consuecunt. Id quod nobis accidit. Volo enim
 iam ordine per loca nostræ peregrinationis paulisper
 circumferre oculos, & probabili argumento tibi fidem 30
 facere, posse me vtcunque mores huius gentis tolerare.
 Relicto meo charissimo Latomo, sensi protinus abripi
 me à notis omnibus, ferri ad ignotissimos. Commorati
 sumus biduum Lutetiæ, sed inter amicos, tamen semper
 peregrinus mihi sum visus. Aquitaniam vidimus non 35
 sine voluptate. O felicem illum tractum Gallix, qui nos
 ad sedem deduxit diui Martini: poteramus dicere cum

Petro:

Petro: Bonum est nos hic esse, faciamus tria tabernacula, &c. Sed dux discipulorum subinde tristitia prænunciabat, fore ut aliquando pocula quoque deessent, nedum Gallicæ coenæ. Hæc autē abscondita erāt ab oculis eorum, intellexerunt autem postea. Statim enim vbi pridie diui Martini ingressi sumus Cantabriam, licuisset benè ieiunare, nisi hic panem, ille vinum, alius pisces, alius uvas passas conquisissent. Et verissimè dictū sensi in Gallia, velis nolis, pecuniam profundes, in Hispania
 10 si velis maximè, non tamen poteris. Dominus autē Fernandus patronus & vates noster, solabatur ut poterat, & per viam adhibebat diligentiam, ne quid deesset hominibus Brabantinis, & insuetis malorum diuersoriorum: tamen terræ genius, omnem illius & sedulitatem,
 15 & liberalitatem vincebat. Credo si semel conscripsero dialogos, notabo suis coloribus diuersoria Hispanica. Vide quæso infortunium, cum haud procul à Victoria diuertissemus, nisi tamē fallit memoria, at parui refert, quando fermè omnia sunt pari fortuna: cum ergo
 20 mensa posita esset, & vnum tantum poculum esset vitreum, quod in orbem ambulabat, casu quodam è manibus Vasæi nostri decedit. & fractum est nec quicquam restabat, nisi ut Diogenis exemplo caua manu bibere-mus. Hoc autem totū factum est, ut adimpleretur sermo
 25 quē dixit, fore ut aliquādo pocula quoque deessent. Alio quodam tempore prudentibus nobis, superuenerunt noui viatores, & inter conuiuia duo, vnum discurrebat poculum. habes fecundas præmissas, inferes conclusiones quælibet, omnium enim ferax est Hispania. Itaque
 30 Cantabria utcunque nos deliciis patriis abstersit, & ad reliqua ferenda fecit idoneos. Postquam verò peruenimus Burgos, & nescio quos æstus haberemus in animo, nihilominus alsimus quā Louanij, nisi quod lignorum copia esset parua. Memini hic iam vici satis popu-
 35 losi, vbi vnum solū nancisci potuimus fasciculum sarmentorum: neque enim præterea fuit alter, & præter spem bruma inualuerat. Omitto Pinciam vbi hæsi-mus

mus

mus dies decem, dum certiores redderemur de com-
 modo domicilio, quod Methymnæ, quod tum pergeba-
 mus, statua erant aulæ Imperatricis. Diuertimus ad
 Proreginam Indiæ, huius enim matrimonio iunctus
 fuerat quondam frater D. Fernandi: illic omnia melio- 5
 ra, & commoditas tanta, quantam inter aulicos spera-
 re liceat. paulò post abimus Salmanticam, vbi cum ego
 postea subsisterem in meis studiis, & rogante Episcô-
 po Cordubensi, suscepissem docendum filium fratris
 Proregis Neapolitani: reliqui interea in aula versati 10
 sunt, & post annum demum profecti sunt Hispalim.
 Illic socius professionis periit Iohannes Hammonius,
 correptus phrenesi, alius è ministris Gallus & ipse, quē
 in viâ oblatum adduximus, submersus est in Betico flu-
 mine: equorum custos qui nobiscum è Louanio vene- 15
 rat, defunctus est Salmanticæ. Tres abstulit triennium.
 Porro ipse meus Vasaus, Augusto superioris anni de-
 speratus iacuit, adeò illic omnia feruent in Betica: sal-
 nus tamen ad me venit Eboram, paulò post Calendas
 Octobres: iam enim exactum erat tempus quo sese ad- 20
 dixerat D. Fernando, & calida non placebat Hispalis.
 Is nunc agit Salmanticæ, honesta conditione, ocium
 nactus & ipse profundissimū, de quo narrare libet, &
 deinde ad me veniam. Est Prætor Antuerpiensis Fran-
 ciscus de Valle, is ante annos aliquot creditor Cæsa- 25
 ris venit in Hispanias, recepturus quod deberetur:
 longa est fabula, & nihil ad nos. Filium habet natum
 annos credo x v. qui prioratum Ecclesiæ Salmanticen-
 sis obtinet, qui est circiter sexcentorum ducatorum
 quotannis, præter alia sacerdotia, quibus oneratus est. 30
 Huic præfectus est Vasaus noster docendo, patri, ac
 matri, & vniversæ familiæ charissimus. Bona spes mi-
 hi per hunc posthac fore, vt crebrò literas meas ac-
 cipias. Oro te, mi colende præceptor, vt tuas inui-
 cem videam, eas curabis perferendas Louanium ad 31
 Ruggerum professorem Græcum, qui dabit operam,
 vt tandem ad me veniant. Sed ad me redeo, qui ta-
 met si

metſi vixerim alioqui ſuauiſſimè cum amicis Salmantenſibus, multa tamen mordebant ſubinde, quoties reſpublicas noſtrates cum iſtis cōferrem, & vtriuſque nationis religionem perſpicerem. Sed iam vtcunque ad res inſolitas minus commouebar uſu doctus & admirationis ſatur. Et viuendi genus illud, etſi remotiſſimum à noſtratium moribus, hac tamen parte nunc felix arbitror, præ vt hīc viuitur. Nam Salmantica rerum certè omnium eſt copia, & familiam componere licet more Brabantino ſi libeat: miniſtros, ancillas, & reliqua omnia compares, & tractes vt liberos hominēs decet. Verū vbi primū ingreſſus ſum Eboram, putabam me veniſſe in ciuitatem aliquam Cacodæmonum: tot vbique occurrebant Aethiopes, quos ego ſic deteſtor, vt vel ſoli queant me hinc depellere. Quòd niſi Deus amicum largitus eſſet Magiſtrum Iohannem Paruum, doctorem Pariſienſem, haud ſcio an hætenus ſubſtiſſem inter Luſitanos. Eſt hīc diues admodum, non canonicus ſolum, verumetiam Archidiaconus templi, qui non minus abſentia mea cruciaretur, quàm ego illius: adeò viuimus amicè & familiariter. Videor mihi verſari in Pædagogio noſtro. Domum habeo è regione illius: cū menſa poſita eſt, vocor. Inter comedendum legitur aliquid Hebraicè è Teſtamento veteri, & Græcè è Teſtamento nouo: dubia conferimus, & alter alterius ſcientia fruimur, quando & ipſe has literas non ignorat, & duos habet domi conſanguineos ſic ſatis peritos. In ſummā tota conſabulatio, aut literas habet, aut ſermones de pietatē, & religione. Nihil itaque hætenus mihi fuit negotij cum iſtis mancipiis. Vnum habeo miniſtrum noſratem, annolum, & rerum domesticarum peritum, quem offendi Salmanticae. is meis uſibus & negotiis vacat vel ſolus, nec graue eſt non imperioſi domini iugum ferre. Quòd ſi me ad ingenium terræ vernaculum accommodarem, ante omnia mulam alerē, & miniſtros quatuor.

Qui

Quiposses? Ieiunarem domi, foris splendidè triumpharem, & amarum illud sumerem pharmacum, vt plus deberem quàm queam soluere. Nam ita demum perfectus absoluitur aulicus. Venit hîc in mentem cuiusdam, vnde coniecturam facies de cæteris: is quem tibi depingere volo, similtates exercebat cû homine (credo) Gallo, qui huc migrauerat tempore regis Emanuelis, ascitus in familiam Leonoræ reginæ. Lusitanus fastu externo vincebat, Gallus coenabat lautius: & (vt sit) nō ignarus istorum morum, curiositate quadam, & arte nactus est libellum, in quo alterius referebantur sumptus diurni. Incidit in locum satis ridiculum, & planè Lusitanicum. Cùm enim sic quotidie scriptum esset, in aquam quatuor sectilia, in panem duo regalia, in raphanum sesqui regale; & ita tota hebdomada tam magnificis impensis decurreret, ratus aliquanto lautiorem futurum diem Dominicum, sic scriptum repperit, hodie nihil, quia in foro non erant raphani. Eiusmodi charisis. Latome fastuosos *παφνοφάγους* multos hîc reperias, & tamen plures secum foris trahunt famulos quàm domi consumant regalia. Imò credo hîc esse, quorum census non est maior meo, attamen octo vtuntur asseclis, quos vtcunque, si non grandi cibo, fame tamen sustentant, & aliis fouent rationibus, quas ego stupidus nunquam discere potui: nec magni negotij hîc est, inutilem turbam conquirere seruorum, quòd omnia potius ferant, quàm artem discant mechanicam. Et quid quæso tanto opus est numero? Et si ocium agant omnes, nemo tamè caret officio. Duo præcedunt, tertius gestat galerum: quartus pallium si fortè non pluat: quintus equi capistrum: sextus holoserica sandalia, septimus scopulas illas quibus vestes repurgâtur à pilis: octauus pannum quempiam, ad abstergendum equi sudorem, interim dum dominus audit sacrum, aut confabulatur cû amico: nonus pectinem promit, si fortè honoratior sit salutandus, ne in composito appareat capillitio. quæ vidimus testamur. His moribus tu fieri putas, vt laborem vllum

vllum ingenuo patre natus suscipiat? Etiam si dimidiū
 prouentuum meorum effundam, non nanciscar ancil-
 lam liberam, aut ministrum verē ministrum. Quin &
 5 nostrates quoque perpenſa gentis consuetudine, protin-
 us rediguntur in nobiles: pudori enim daretur, si ē
 macello partem carnis deferrent, aut ostederent se ma-
 nibus valere. Omnia huc spectant vt perpendas, quā
 distent hi mores a nostratibus, ipsi quoque Lusitanis
 non probabiles. Verū hic gustus ocij sic palsim om-
 10 nes corripuit, vt boni viri, velint nolint, mancipiis vt
 necesse habeant, & prudenter ferant, quod vitare non
 possint. Faxit Deus, vt aulā diu persistat Eboræ, tum
 propter D. Archidiaconum doctissimum & optimum
 virum, tum etiam propter rationes domesticas: quæ si
 15 ad Aethiopum regnū reuoluantur, vereor ne hic diu-
 tius hæream quā velim: sin receptam consuetudinem
 pergā damnare, non video aliud futurum, quā vt
 subito me aliō conſeram, aut misere comedam rapha-
 nos. Consolortamen ipse me foriter, & magis præsen-
 20 ti gaudeo statu, quā metu futuroꝝum conficiar. Tan-
 tum volui tibi significare, quomodo sese hic omnia ha-
 berent, vt quemadmodum præſens consueuisti, ita ad-
 huc pergas etiam absens consiliū tuū adhibere. Me-
 mini me quandoque leuiter abs te castigatum, quod ad
 25 rem parū attentus essem, & parandū etiam senectū-
 tis viaticum. Hactenus non induxi animum, vt aliquid
 prospicerem in posterum, nec adhuc mihi possum illud
 imperare. Spero dabit locus exilij mei victum exuli,
 quocūque me Deus miserit: quod si nihil reliquum
 30 est in patria, quod me reducem queat alere, moriar
 peregre, & studiis meis morem geram, potiū quā il-
 lic nemini. Nam de parandis hic opibus, quemadmo-
 dum plerique putant, vt benè saginatus domum reuer-
 tar, id verò somnium est: habentes victum & amictum,
 35 his cōtenti simus: & vt cū Flacco dicam: Lætus in præ-
 tens animus quod ultra est, oderit curare. Spes numma-
 ria non me fecit erronem, sed ocij desiderium, id volente

B

Domi-

Domino, consecutus sum profundissimum, nō est ani-
 mus præsenti oblata occasione non uti. Valeant qui cra-
 stina curant. Scio te ridere stultitiam meam, ipse ta-
 men me hoc nōmine non possum ridere, & ideo tibi
 forsitan magis ridiculus videor. Verūm quid facias, si
 aliquis me ita incantauit, ut nolim vllō pacto sollicitus
 esse de crastino? Non semel mihi succurrunt tres illi
 profectionis comites, forsitan quarto anno quartum
 adijciat Deus Clenardum. Et quod mihi diuitiæ si non
 conceditur uti? vnicus semper mihi fuit scopus, è tur- 10
 bis illis eripi, quas præbebat patria. satis mihi beatus vi-
 deor, quod vel tandem peregrè contigerit. Nihil am-
 plius opto, quàm ut Deus hanc mentem mihi sempi-
 ternet, ocium præsens conseruet, & qui viuere nō cu-
 piam valde diues, ne vnquam sic desipeam, ut diues ve- 15
 lim mori. Sed iam sit modus tam loquacis epistolæ,
 quando amoris erga te mei modus nullus esse queat.
 Charissime præceptor, da quæso veniam, & vicissim ad
 ineptas literas, & sapienter & copiosè de rebus me o-
 mnibus certiolem facito. Non poteram cohibere ca- 20
 lamum, quin quiduis effunderet: aded iucunda mihi est
 memoria Latomi. quod si hætenus tacuerim, iam cau-
 sam dixi silentij: tuum erit omnia in partem accipere
 meliorem, & ita Nicolaum tuum ex tempore scripsis-
 se, ut simplex animus dictabat, cogitare. O si aliquan- 25
 do dabitur in mutuos amplexus ruere, & buccis plenis
 de omnibus & coram colloqui: sentio hîc vim latentis
 nature, institutum sermonem abrumpo. Abbatem Blo-
 sium semel credo, aut bis salutauim, paucis tamen ver-
 bis. an acceperit literas, equidem hætenus ignoro: ego 30
 certè ab illo nihil vicissim accepi. Scribam nunc rur-
 sum, & ipsi quoque obtrudam prolixam fabulam. So-
 rorem charissimam cupio rectè valere. Vtinam desierit
 laborare è capite. Adornauit rex noster classem quan-
 dam, subsidio Imperatoris adituri Italiam: ea bellissimè 35
 instructa est Vlyssipone. Cumq; putaretur iam profe-
 cta, heri inde acceptis literis, intelleximus dilatam pro-
 fectionem.

fectionem: cū tamē ferant Cæsarem venisse Barchino-
 nem. Fessenſi, quem aiunt aduentare vt oppidū Saphin
 expugnet, & alioqui quotannis Maurorū incurſus ſem-
 per aliquid noſtro regi faceſſit negotij. Forſitan audiſti
 5 obſidiōnē anni proximi, quæ Luſitanos valde ſollicitos
 habuit. Sunt oppida quædam in confinio ſita Luſitani-
 cō, præſidio, eōq; perpetuo munita: quæ ſi Maurus ſe-
 mel recuperet, etiam de bona parte Beticæ actū fuerit.
 Inuitat me quod reliquū eſt ſpaciū, vt de ſectilibus ali-
 10 quid adhuc tecū fabuler. Menſe Iulio calent hīc omnia,
 vſq; adeo, vt vix vrbe tota puteū reperias, qui non peni-
 tus aqua deſtituatur. Niſi ſiccis faucibus perire velint,
 ante diē foris petenda eſt aqua. Interdiu vērō in foro
 mulierculę proſtātem aquā venditant, & ſectiliatim
 15 diſpertunt. Ibi etiam ſi rāphanophāgus fortē purpura-
 tus præterequeret, iubet porrigi quod bibat. Non enim
 id vitio vertitur, alioqui perpetua notandum infamia, ſi
 quem hoſpitem in taberna vinaria tractaret. Non ſemel
 mihi quoq; contigit, vt cū lauandæ forent mānus, ad
 20 ſectilia tanquam ad ſacram anchoram cōfugeremus. Si-
 quidem non ſemper habitauī tam commodē vt in præ-
 ſentia. Quid reſtat, optime Latōme? niſi vt orem Deū ne
 hanc animi ſecuritatem Nicolao tuo quandoq; adimat.
 Commendabis me precibus tuis Dominō, & mutuum
 25 orationis beneficium impendes. Ego & ſi velim, ne-
 queam tamen doctiſſimi præceptoris obliuiſci. Vtinam
 contingat olim communem habere ſedem, & priſtinō
 in ore tecum ſeria iocoſq; miſcere. Tecū viuere amem;
 adderem, tecū obeā libens. ſed nimis Horatianū eſt, &
 30 non crederes. Vale ergo optime atq; obſeruande præ-
 ceptor. Nec ex literarum raritate animū & memoriā
 meā metiaris. Si fuit quoquo pacto peccatum, pen-
 ſatum eſt abundē credo, & peruenimus vſq; ad Ohe, vt
 cum Comico dicas: Vehemens Nicolae eſ nimis in v-
 35 tramq; partē, aut pertinaci ſilentio, aut verbōſitate im-
 modica. Sed heus tu ſecreta hæc myſteria vide ne quis
 corycæus audiat, ne vel me miſeriorē putet quā ſim, aut

nimis in aliena Repub. dicat insolentem. Non alio mihi modo videbar hæc scribere, quam si tecum fabularer in cubiculo. Sint ergo omnia mea non in charta, sed in aëre scripta potius, quam alios velim fieri huius fabulæ conscios, videlicet ne quæ hoc ad *ἐμφανόφωνον* aliquem permanet, & ego perierim funditus. Eboræ XXVI. Martij. Anno M. D. XXXV.

NICOLAVS CLENARDVS D.

LATOMO. SVO. S. D.

MVLTIS paginis opus esset, si tibi ordine statuam perscribere, quo pacto hæc proxima successit profectio, particulam vnā modo decerpam, vt inde coniecturam facias quā sim in præsentia ad quauis exercitatus ferenda incommoda. Conductis mulis clitellariis tribus, quibus agasones duo præerant, & coemptis caballis duobus mihi ac ministro, XXX. die Iulij cum iam vtcunque deferbuisset æstus, coepi iter facere Bracaram versus. Aderant comites mihi tres serui Aethiopes, Dento, Nigrinus, & Carbo. Pompam si vidisses, & arcas grandes tenuis domini, omnino credidisses aliquem aduentare Episcopum. Discesseramus ab Eborā inclinante iam die: tantæ molis erat Eborensem linquere nidum. Quare factum est, vt sero & multa nocte vix tandem perueniremus ad primam stationem, implicati etiam erroribus, & dispendio leuæ vnus. In diuersorio vinum non erat. Aiebant in domo proxima venditari, sed abierant omnes cubitum. Itaque ad lagenam nostram confugimus, quam in huiusmodi vltum adornaueramus. Equi nobis fuerunt multo magis felices, vt qui talem aquam hauserint, qualem antea nunquam: quod vt exactè pernoscas (ad rem enim, opinor, facit) calculi nostri in memoriam reuocandi sunt. Ducatus continet centussess quaternos: Centussis, regalia centena: sint sanè decem regalia suferus Brabantinus. Cum ergo rogaremus, quò duceremus equos aquatū,

toto

1 toto pago siccitatem esse narrant. Quid? nihil domi ha-
betis aquæ? En tibi sex hydrias plenas, inde iumentis
subuentum est, tanta liberalitate hospitis, vt in singula
capita imputaret terna regalia, hoc est eorum symbolū
5 qui Louanij potitant vinum vernaculum. Mihi illic le-
ctus fuit multò breuior, quàm pro pedibus, adeò vt si
bruma fuisset, genuum tenus abijssem in glaciem. Man-
cipia mea, quæ domi assueuissent stratis mollibus, cum
diu è ministro quærerent, vbi nam dormirent; storem
10 quandam declinare coguntur. Hæc omnia prophetica
erant auspicia institutæ peregrinationis. Subsequente
nocte cum ad montem Argillæum venissemus, vnica
erat casula, vix sarcinarum capax, stabulum equis nul-
lum, lectorum ne vmbra quidem. Et protinus nos ad
15 hospitam. Estne hordeum? Non est, inquit, sed habeo
siliginem. Per Hispaniam, mi Latome, nec foeni, nec
auenæ vsus est, sed pælearum & hordei: Hic cuniculus
nobis coena fuit, quem interdum malè augurantes eme-
ramus. Equi sub dio pernoctabant, vnà cum reliquis
20 comitibus substratis humi clitellis, & huiusmodi deli-
tiis. Ego dominus, vt par erat, commodius tractari de-
bebam: inter sarcinas me sic composui, vt caput & dor-
sum vtcunque conquiescerent; reliquum corpus pro-
penderet vnà cum pedibus leuiter subrasa terra. Vix
25 dum hora præterierat, neq; enim solidam noctem dor-
mire cōueniebat, cui tantus strepitus curæ fuerat, cum
subitò muliones excito: at nec dum licebat progredi,
quòd adhuc lateret Luna, quare & ipse somnolentus
accubui inter agasonum aulæ, quorū ego vitam dum
30 toto hoc itinere disco, si è cubili metienda est sanctimo-
nia, plus est sanctitatis in his duobus meis agasonibus,
quàm in vniuersis fratribus minoribus: quin & me no-
cte illa sanctiorem fuisse putem, quàm decem Franci-
scanos. Iam Luna emergebat, & per vastum desertum
35 quod restabat, iter facere cœpimus. vix tandem meri-
die ipso, spacio horarum decem, confeceramus leucas
quatuor, cum interim & Guilielmo meo procidisset

equus, nō sine periculo, & mihi fermè idem accidisset,
 nisi adhuc meminissem in huiusmodi casibus ad frenū
 concurrēdū esse. Pransi sumus madidius, & lagenam
 exhaustimus securi iam de coena proxima, quā ultra Ta-
 gum muliones promittebant opiparam. Quid sit? seriū s
 aduenimus, quā ut Tagū trajicere liceret. Vnum erat
 in ripa diuersorium, cuius dominum, si rex fuisset, ea
 nocte coniecissem in carcerem, aut adegissem in crucē,
 adeo nos excepit inhumaniter. Itaque prius aliquan-
 tum distomachatus in agafones, qui non magis prope- 10
 rassent: ingredior domum, et salue, inquam, hospes, du-
 bitabat Polyphemus, an resalutare deberet. Habetis
 paleam? Silebat obambulans, occupatus, credo, in in-
 struenda nobis coena. Habetis, inquam, paleam? Vix tan-
 dem respondit non esse paleam. O misera Lusitania, 15
 Beati qui non viderunt, & crediderunt. Interim desi-
 debam totus ira tumidus. quod posteaquam equi no-
 stri benè ieiunassent, & aliquantum abiissent temporis
 deponendis sarcinis, domum dicebant palearum esse
 plenissimam, eam vix tandem post multos clamores 20
 protulerūt. Eadem mora fuit in ordeo. Heu gentem vl-
 trataganam. Pergamus in fabula. Est quod comeda-
 mus? Astabat igni ollula parua, cui inerat frustum lardi.
 Eia præbete mihi partem. Præbuerunt haud aliter, atq;
 carnes apud Genueses: mihi obtigit puto semisemun- 25
 cia, nec multò plus Guilielmo meo ministro. Habetis
 ne oua? Non est iam ouorum tempus. Quid, nullāne
 gallinam? Non sunt hīc nobis gallinæ. Omnia scrutabar,
 ut aliquid saltem obijcerem latranti stomacho. Heus
 hospita, possēsne mihi cedere partem iuris, in quo co- 30
 ctum est hoc lardū? Nō est salubre: Da inquam quale
 quale sit, ut intingā modò panē. Nō valet, inquit. Et ego
 ad ministrū: quid agimus Guilielme? nihilne reliquum
 est vini candidi? fortè fortuna scyphulus vnus remanse-
 rat è prandio. Itaque partem panis torrebam, & vipam 35
 (ut vocant) faciebam, scilicet ut cōsumeret si quid for-
 tē ex copiosa coena grauasset stomachū, exhausto scy-
 pho

pho magis etiam esuriebam. Et protinus, nihilne præterea, inquam, domi est lardi? Assare voluissē super prunas: non est sanum nocte: difficile erat aliquid cōtra tam præfractā medicā obtinere. O muliones, quā bel
 5 lē nos decipitis. In Taucos habituri eramus omnia, nam sic pago nomen est qui cis Tagum iacet; quo traicere non potuimus. Heus hospes, nihil est hic piscium? non est dies pisculentus. Quid facerem? commodū venit in mentem caparn, quas puer assas aliquando comederam. Et protinus: Suntne vobis capæ? quā hīc meruebam ne negaret. Videbimus, inquit. Aliquandiu inter spem metumque suspensi, hospitali Ioue propitio, nacti sumus par vnum: id dum assatur, pulchrē mihi dētes pruriebāt, quasi in phasianos essem inuolaturus:
 15 alteram comedit Guilielmus; alteram ego lambendis subinde digitis: conditæ autem erant oleo & aceto, cuius illic bona sanē fuit copia, nam quod vinum appellabant facilē duorum fungebatur officio. Post tam lautum conuiuium, habēsne, inquit meus Guilielmus ad
 20 hospitem, lectum huic domino? Non est, inquit Cyclops, iam lectorum tempus. Quā me putas consternauit hoc responsum? Subibant animum noctes duæ quibus multis Franciscanis incommodius cubueram. Post multas preces extorsimus lectum viginti regali-
 25 bus, quem aliis in locis præbebant nummis quinq; aut decem. Auriferum Tagum dixerunt Poëtæ, non ita me Deus adiuperā ferendo, sed ab auferendo auro. Cū tam malignē fuissē excepti, plurimum tamen solui-
 30 mus, vt nummulos aliquot omittam quos perperam supputando lucrabatur planē mercurialiter. Quid tibi videtur, mi Latome? An non verum erat vaticinium: cū nudis dormirem pedibus? Transmisso iam Tago omnia mitescere visa sunt, venimus Conimbricam, de qua egi apud Resciū. Braccaram ingressi sumus XII. Augusti, lo
 35 cū mihi gratissimū. Cras si Deus permiserit, proficiscor ad diuum Iacobū, hinc abest circiter leucas xxx. etiam inde salutādus es, vt omnis exilij mei habeas testimonia.

Interim Deum orabis, vt me quemadmodum statui,
 æstate proxima vobis incolumem restituat. Saluto ma-
 gistros nostros, & me illorum commendo precibus.
 Vale mi præceptor, vale charissime Latome, cum sore-
 re, & Latomo iuniore, & vniuersa familia. Braccaræ;
 XXI. Augusti. Anno M. D. XXXVII.

NICOLAUS CLENARDVS D. LATOMO
 SVO PRÆCEPTORI. S. D.

ET SI magnam mihi putem fieri iniuriam, quod tot
 epistolis prouocatus nihil responderis: humanius
 tamen esse duxi peccare officio, quam silentio retaliare
 iniuriam. Audi igitur, optime præceptor, quo in statu
 sint nunc res mex, & quo terrarum iactatus sim amore
 Arabisimi, qui quondam tam solebam esse sedentarius,
 vt vix pedem domo proferrem. Superiore Nouembri
 decessi Braccara, iactis iam ibi nouæ scholæ fundamen-
 tis, cui præfecimus Vasaum socium illum itineris mei
 stipendio centum milium, hoc est, quingentorum Rhe-
 nensium. Nolite inuidere Theologi Grammaticis, si
 opibus certent cum Cāonicis Cameracensibus. Sed
 vt coeperam, reliqui Braccaram, & profectionem ad-
 ornaui Castellam versus. Siquidem animus erat trime-
 stre illud hibernum insumere peragrandis vrbibus ali-
 quot Hispaniæ, ostensa mihi spe hominis Arabici, quem
 in vinculis esse audiueram Cæsaraugustæ. O te miserū,
 inquires, qui cūm posses esse felix, versandis libris Lati-
 nis, Græcis, Hebræis, Chaldæis, tamen tot viarum te
 obiectes periculis, vt salutes captiuos Arabicos. Magis
 id diceres, si die Clementis coram testis adfuisses, cūm
 montes arduos eques conscenderem: aut cūm proxima
 quadragesima, ferme diem totum in fragosis rupibus
 erraremus famelici, sitibundi, nullo aquarum reperto
 vestigio: verūm quos manet galerus cardinalitiū, eos
 æquum est his veluti rudimentis, ad tantum fastigium
 erudiri. Omisissis locis, pergamus in fabula. Proposue-
 ram

ram,inquam,adire Salmanticam,Cæsaraugustam,Mur-
 tiam,Granatam,Hispalim,& fortè Toletum,atq; Com-
 plutum. Venabar enim quædā in Arabicis, quæ priua-
 to Marte cōsequi nō poteram. Vbi veni Conimbricam,
 5 noua hæc est inter Lusitanos Academia,quā magno,
 & planè regio animo rex noster molitur: stipendia pro-
 fessorum quondam ad te perscripsi, vnum dolenter di-
 cam: superiore hyeme accitus est eò causificus qui-
 dam, salario mille ducatorum quorannis. Vide quā
 10 sint in precio discordiarum patroni. Eò igitur cū ac-
 cessissem, audio apud amicum in colloquio, Hispali esse
 figulum quendam Neophytum è Machometica gente,
 hominem Arabicè doctum, & quo ante annos aliquot
 vsus fuerat præceptore Pincianus quidam, vnde libros
 15 emeram Salmanticæ. Itaque diuerso peregrinationis
 ordine rectā propero in Beticam. Medio itinere obnū-
 ciata morte hospitis mei Iohannis Parui, despecto Ebo-
 ram,& saluo amico præter spem reperto, dies aliquot
 hæsimus in mutuis complexibus,& simul reparauimus
 20 vires, quas in miserrimis diuersoriis attriueramus. Spe-
 cimen quoddam habes in epistola, vbi inter cælum ac
 terram suspensus dormiebam. Ingressus Hispalim, sta-
 tim ad figulinas accedo: verū docendi munus detra-
 ctabat senex, quem conspurcatis brachiis in officina
 25 repperi ollulariam exercentem. aiebat sese iam senem,
 præterea aliis distractum negotiis (nam simul & medi-
 cinam meditatur in Triana, hoc est Hispalensi subur-
 bio) non posse mihi yacare; ego interim subornato D.
 Fernādo, apud quem eram in hospitio, quod eo aucto-
 30 re venissem in Hispaniam, omnem mouebam lapidem,
 vt saltem inter ollas mihi locus daretur, & obiter inter
 agitandum rotam subinde dubiis meis respōderet, ob-
 tineri res non potuit: Sontica allata est causa, & si Mau-
 rus esset natione, se tamē aiebat verè Christianum, nol-
 35 le se vllum veteris superstitionis signum dare, nec fieri
 posse, quin plerique de eo sermones miscerent, si me
 aut priuatis in adibus, aut inter operas suas in discipli-


nam suscepisset. Neophytum se quidem esse, tamen vi-
 ta genere se consecutum, vt paucis videretur alieni-
 gena, ægrè se opinionem illam velle perdere. Eam cau-
 sam cum meritò acciperem, & tamen anxie quærerem
 à quo discerem, assumpto mecum Arabico codice, quæ-
 ritabam in foro inter mancipia, si quis fortè è Tuneten-
 sibus esset qui nosset literas: nactus vnum qui sese lite-
 ratum profitebatur: Quid, inquam, in diem lucraris?
 Viginti quinque obolos. Eia mecum sis in cubiculo ad
 prunas, & tantum docendo capito, placet conditio. In-
 ter confabulandum, tento hominem num mecum ve-
 lit abire in Flandriam. Iam enim putabam apud me
 esse, aut Despauterium, aut Nebrissensem. Non omni-
 no abnegabat: ceterum se redemptionem expectare, &
 propediem venturam pecuniam ex Africa, quæ si eum
 spes destitueret, ego cum hero paciscerer, & præpto-
 rem abducerem. Rursum hinc excludor. Nam allati
 sunt nummi è Fes, & meus liber discessit magister. Quid
 restabat, nisi vt omnino desperatis rebus abijcerem A-
 rabica, & me quamprimum ad vos reijcerem. Intelle-
 xeram ex hoc Mauro, alium quendam seruire Almeriæ:
 iter est xxx. leucarum ultra Granatam, hominem mirè
 doctum, & facile posse illū redimi. Deterrebat me pro-
 lixitas itineris, præsertim hyeme, quæ tum multò quàm
 solebat inclementior incubuerat Beticæ, & montes ni-
 uosi mihi narrabantur, qui Granatæ imminēt. præte-
 rea non sine periculo adiri Almeriam propter Mauro-
 rum incursiones. Certè prouidendum erat, ne nimis
 fierem Arabicus, quàm vellem: hoc est, ne dum capta-
 rem literas, ipse in captiuos referrer. Ieci tamen aleam,
 & Granatam veni, inde ministrum misi, qui hūc quem
 dico Maurum conquireret. longæ sunt ambages, si
 singula persequar. Venio ad summam. Cùm Marchio
 qui regno Granatæ præsidet, in mei gratiam literas ad
 herum misisset, immodico precio consternati sumus.
 Petebantur ducenti Ducati. Deinde post menses duos,
 quos Granatæ contriui apud medicum quendam, ipse
 ad

ad Maurum profectus sum. Interea crevit merx Arabica, & petebantur Ducati trecenti. Ne tamen omnino consuetudine hominis frustrarer, quem doctum noueram, accepi conditionem quam tulit Marchio, se curaturum ut Mauro vterer Granatæ, modò ego illi, & filio operam meam commodarem in Græcanicis. Aegrè differebam reditum in patriam, ægrè priuabar hoc Mauro: remedium vnum videbatur, si ad Iulium vsque hîc manerem, ac post fructû aliquem cumulator abirem, 10 posse enim me Augusto nauigare ut Martio. Ita factum est: cûm appeterent Calendæ Iulij, ego iam abiturus videbar, cûm nihil vellem minus: statueram enim quiduis pati, quo hunc abducerem præceptorem, iam domestica consuetudine expertus illius literas. Marchio & 15 filius me retinere conabantur, causantes æstum nimium, quo durante non esset tuta profectio, saltem menses duos auferre volebant, ut interea filius consummator esset in Græcanicis: videbam eò rem spectare, ut hunc Maurum emptum donaret, modò permanerem bimestre: tamen nè quid fucatè agerem, vltro adiui, conditionem laturus. Donate, inquam, hunc mihi Maurum, 20 persistam hîc vel ad ipsum vsque Ianuariû. Donabimus inquit, etiam si mille constiterit aureis: itaque mihi hîc restant menses sex, quos non tam discendo Arabicè conteram, quàm conquirendis codicibus. Granatæ libros repperi, quos mihi hoc tempore Maurus descripturus est, venales enim non sunt, nec alibi temerè fuerint exemplaria, cûm hîc in funere Augustæ esset Cardinalis Burgenfis, benignè operam suam pollicitus est, 30 & se vel apud Cæsarem acturum de libris qui sunt apud inquisitores, ut mihi potiùs sint viles quàm Vulcano. Est inter aulæ proceres nostras quidam N. qui cum huic Marchioni intercedit amicitia. Propediem auctore Marchione ad eum daturus sum literas, ut hac in re 35 nobis commodare velit. Quorsum, inquires, tanta ista molimina? Audi charissime præceptor: Principio cûm discen-

discendi laborem instituissē , nihil aliud propositum habebam , quā ut affinitate linguæ penitus intelligerem Hebraica , nec superstitionem Machometicam somniabam . Nuper cū me Salmanticenses renocare conarentur , primæ notæ amicus Franciscus Victoria , non ignarus studij mei , sedulo me hortatus est , ut me componerem ad scribendum contra Machometum , quando bona pars Hispaniæ contagio sectæ laboraret , & illarum quoq; ouium habendam esse rationem , librum editum Latine vertendū in linguam Hispanicam , mox Græcum posse fieri , quo & Græcia , quæ fermè tota Machometi est , errorem suum agnosceret . Ego nō nescius quā parum ad eam prouinciam essem idoneus , præter cætera illud quoque addidi : Primū legendum esse Alcoranum : deinde Sunam : & stultum oppugnare , quod non planè perspexeris . Postquam hic Granatæ totus in hoc studio fui occupatus , nihil magis mihi arridere cœpit , quā quod inuitabar Victoria , hoc est , ut oppugnando Machometo me iam deinceps dederem , quando occasionem nactus sum , ut faciliè omnia illius superstitionis inuestigem mysteria . Cœpi cū hoc Mauro legere Alcoranum : is est liber velut Iudæorum Pentateuchus , aut Christianorum Euangelium . Suscipiunt illi vetus ac nouum Testamentum , iubente Alcoranō : at innumeris scatent hæresibus . Christum Deum negant , nec eum occisum à Iudæis , & multa item alia sunt dogmata , quæ pugnant cum Euangelio , ut Euangelio prodito , abrogata est lex ceremoniarum Moyſi : sic aiūt Machometum successisse Christo . Hic negotij cardo est , & hinc ordiēda est disputatio , ut persuadeamus nec sacerdotium Christi , nec legem translatam , nec vnquam transferendam esse . illosque nihil agere , nisi aut è nouo , aut è veteri Testamento demonstrent Machometum successurum Christo . Et quemadmodum nos non armis Euangelij , sed veteribus libris contra Iudæos pugnamus ; ita par esse , ut teste Euangelio nos confutent . Est liber ante multos annos editus à quodam

Theo-

Theologo Christiano, qui vbi descuiisset à Christo, pro Machometo scripsit: nomen est, **أبو جهم** Do operam, vt cum vndecunque habeamus, & iacula tentemus, quibus nam ille pugnare statuerit: Altera certandi ratio, est ratio ipsa legis Machometicæ, hoc est, Alcoranus & Suna. Hic liber est, imò volumina multa, in quibus dicta atq; facta sunt Machometi, quæ si fideliter verfa essent, nemo tam à communi sensu remotus, qui non protinus superstitionē detestaretur, adeò plerq; sunt
 10 ridicula. Audi quæso quod hic mihi narrauit præceptor dum legeremus locū Alcorani de paradiso, vbi sic scriptum est: **وَأَزْوَاجٌ مِّمَّنْ لَمْ يَلِدْ وَأَمْ يَلِدُ فَتِلْكَ أَزْوَاجٌ نَّكَّحْنَاهُمْ لِيَعْلَمُوا أَنَّ هَؤُلَاءِ خَلْقُهُمْ خَفِيُّ فَأُولَئِكَ هُمُ الْمُفْلِحُونَ**
 Hoc est, & in eo vxores habituri sunt mundas. Mundas, inquit, id est, liberas à menstruis, scilicet vt quouis tempore liceat coire. Quid ni? attamen non est futura
 15 proles, inquit. Nam voluptatis causa illic erunt vxores, non propagandis liberis, quin & singulis viris complures illic futuræ sunt vxores, pro meritorum ratione.
 20 Deusque huic plus, illi minus virium largiturus est, vt vel paucis, vel multis reddat debitum. Noli, mi Lato-me, ridere: deplora potiùs miseriam gentis, quæ multò latius sparsa est, quàm Christi religio. Opigros quondam orbis monarchas, qui non statim nascenti malo
 25 tulère remedium, antequam ex Arabia serperet in Græciam. Itaque qui hîc propter Euangelium castramur, & cælibatum meditamur, tota erramus via, quibus imperitis tot obtrudendæ sint vxores: colligebat porro, & nihil certius esse dicebat, quàm longè plures futuras
 30 in paradiso foeminas quàm viros. Quin & hac in vita quaternas licet ducere edicto Alcorani: quanto quis magis virum agere possit, tanto plures fas est ducere, non tamen supra quaternas. At præter has vxores liberum est quotquot velis emere seruas, & cum eis rem
 35 habere: has rursus potes vendere, modò steriles sint. Nam quòd ad vxores attinet, nulla interiecta causa, tamen quouis tempore repudiari possunt. Nò tibi narro fabulas,

fabulas, mi Latome, sed legem Machometicam, qui vxō
res simul habuit decem. Nam aiunt illi à Deo vires do-
natas prophetarum decem. Audi aliud. Quodam tem-
pore dum potens hic propheta inter sepulchra deam-
bularet, duobus designatis monumentis, vterque, in-
quit, apud inferos cruciatur, propediem tamen libe-
randus, alter in vita garrulus erat, & nouis rebus ope-
ram dabat, narrandis & audiendis. Alter à reddito lō-
tio sese minus purgauit: vt id intelligas, audi legem Ma-
chometicam. In Suna præceptum est, vt vbi quis minxe 10
rit, sinistra manus digitis exprimatur, si quid fortè circa
præputium sit reliquum. atque in eum vsum pannum
semper secum gestant, abstergendi causa: qui si defue-
rit, lapillum è proximo tollunt, quo summitatē virgæ
perstringunt. Et quia de lapillo facta est mentio, libet 15
alias gentis commemorare ceremonias. Quemadmo-
dum Mosaica lege ter coram Domino singulis annis
comparebant Iudæi, ita semel in vita adeunda est Mec-
ca, locus est in montē Pharam vbi Abraham (vt aiunt)
preces fundere solitus erat. Eò igitur quotannis con- 20
ueniunt peregrini, ex omni orbis parte, semperque nu-
mero accedunt sexties centena millia. quod si paucio-
res fuerint, Angeli ipsi comitantur, vt compleatur nu-
merus. Credendum est, nam ita in Suna traditur. Per-
actis igitur Ceremoniis Meccæ abeunt ad montem Ara-
phet: nomen habet à cognitione.  Araphe, id est, 25
cognouit: siquidem cum parentes nostri à paradiso ex-
puli essent, Adam delapsus est in Indiam, Eua non pro-
cul à Mecca concidit: ac tandem dum vterque vitæ cō-
sortem ac comparem quæreret, sese mutuo eo in mon- 30
te agnouerunt. Noli sibilare, ita Suna prodidit. Ad ra-
dices montis Araphet iacet spaciōsa planities, nimirum
tot capax millium. Ibi dum pernoctant, tota nocte stre-
pitus auditur parandis lapillis, quos inde auferunt sin-
guli sexagenos ternos, quanquam non frangenda sunt 35
saxa, vt numerum habeas, sed religiosè quærendi sunt
lapilli, vt sese offerunt. Itaque peritioribus cura est vt
obam-

obambulando moneant plebem ne quid lapidū com-
 minuant, violari enim religionem: hic iam compara-
 tis lapillis, quos secum in sacculo deferunt, rectā per-
 gunt Minam: pereum locum iter faciebat Abraham,
 5 occisurus filium. Sūtque ibi columnæ tres, certis inter-
 uallis distantes, grandi vnaquæq; lapidum acervus mu-
 nita. Nam dum ē religione ibi commorantur peregrini,
 triduum singulis diebus vnamquamque adeunt co-
 lumnā, & vnamquamque septenis lapillis salutant ad
 10 quemque iactum dicentes *אשר* *אשר* *אשר* Atque hac ce-
 remonia sese exonerant lapillis sexaginta tribus. Quid
 sibi hæc vult religio? Diabolus vt semper bonos ab obe-
 dientia conatur auertere, dum eo loco patrem seque-
 retur Isaac, suadere cœpit ne occidi sese permetteret,
 15 nec esse aliud quod pater haberet in animo. At obe-
 diens filius correptis septem lapidibus, iis dæmonem
 petiit abegit: paulò post rursum accessit tentator, &
 rursum septem lapidibus profligatus est, nec sat erat ni-
 20 si tertio tentaret. Credo vt Christi tentatio figuram ha-
 beret: propulsus est & tertio lapidum iactu. Quibus in
 locis hæc gesta sunt, religiosi sunt cippi, & quotannis
 lapillorum cumulantur aggeribus. Spero aliquando
 hominem visurus es, huius religionis participem, meū
 25 intelligo magistrum, qui Meccā inuisit semel atque
 iterū, quod genus hominū apud eos vocantur *אֱלִי*
 Nimirum eo sunt honore, quo apud nos equites Hie-
 rosolymitani. Quæ modò narraui, meritò ridemus, at
 apud illos Euangelij pondus habent, citiusque negent
 30 omnia quàm Sunam, quæ huiusmodi fabulamentis re-
 fertissima est. Hæc natio, mi Latome, longius distat à
 nobis Louaniensibus quàm Lutherani. Caterum non
 passuum interuallo metiendi sunt hostes fidei: quòd si
 pestis illa Germaniæ, nullam nobiscum nec libris, nec
 35 lingua communionem haberet, sed lingua quadam sua
 & libros nouæ hæresis conscriberet, & eam publicè
 in concionibus doceret, puto tamen operæ precium
 faceret,

faceret, qui ob id linguam hæreticorum disceret, ut er-
 rores cōfutaret, nisi fortè putas, hæcenus obuiam eun-
 dum esse quatenus nobis periculum est, nec continuò
 contra eos arma ferenda, à quibus tuti agimus. Id quod
 si obtinetur, in arctum charitatem cōtrahimus, tantam
 Dominici ouilis portionem habentes neglectui. Quasi
 verò contra Lutherum pugnatum sit, non ut ipse resi-
 pisceret, sed ne alios secum in perniciem traheret. Imò
 verò quicumque ab Euangelio discedit, eum quantum
 licet reuocare debemus, vel ultra Sauromatas agentem. 10
 Omitto quod suprà scripsi de Francisco Victoria, & si-
 militudine tecū agam propiore. Patrum nostrum me-
 moria in Pontificum conciliis cum Græcis agitata sunt
 controuersia, & de dogmatibus disputatum est, id cre-
 do fieri non potuit nisi linguæ communionē. Nam si 15
 Christianorum nemo Græcè nouisset, quid attinebat
 agi conuentus? Machometus iste quem illi paracletum
 dicunt, promissum in Euangelio, dupliciratione super-
 stitionem roborauit: Ut Numa congressum Aegeriæ
 commentus est, quo populum religione vinciret, ita 20
 Machometus fingit colloquium Gabrielis. Deinde ad-
 iecit gladium, & vi religionem obtinuit, quod illi fuit
 quàm facillimum, cessantibus nostris principibus.
 Cùmque semel in Arabia remotissima, velut solus in
 angulo, in lingua quam reliqui Christiani ignorabant, 25
 imperium suum stabiliuisset, armorum potètia fretus,
 vnā cum victoria Græciam occupauit, ac postea totam
 fermè Hispaniam. Machometista igitur semper armis
 exercitati, cū nullam cum Christianis haberent com-
 munionem, quā fieri potuit, ut ad rectam fidem reuo- 30
 carentur? Nam velut in altero orbe positi, nullo vetan-
 te, quicquid collibuit commenti sunt. Dic te rogo, nu-
 per cū patere cœpit Imperatori, & ante eum Ferdi-
 nando, aditus in Indiam, an non quamuis nouam reli-
 gionem inuehere potuerat, & eam armis tutari? Id fecit 35
 Machometus, & facturi erant Lutherani, ni armis
 prohiberentur, etiam si coniunctissima nobis cum illis
 libro-

librorum & sermonis est communio. Sed iam veniendum est ad propositam similitudinem. Nemo hætenus, quòd scimus, apud Christianos Arabicam linguâ professus est: Nam Psalteriû illud Nebiensis Episcopi
 5 nullos erudiuit. Certè non extant apud nos monumēta huius sectæ tam enucleata, vt si cum Machometistis congregi velis, citra dubium eorum mysteria possis asseuerare. Hoc omnino verum putò, non esse nobis eos Arabicos, qui cum peritis disceptent, quales habuimus
 10 aduersus Græcos. Quare cùm gratia Dei, me nactum videam, vt viam aliquam ad hanc rem muniam, non est negligenda occasio. Nisi mihi librorum defuerit copia, stat sententia fideliter Latinis donare quicquid in eâ superstitione positum est. Ac primùm vertendus est
 15 Alcoranus, non ille quidem nudus obijciendus vulgo, sed adiectis scholiis, & tuis, aliorumq; Doctorum confossus hic illic iaculis. Quòd si tam magno animo Cleonardi non defuerint opes (nam Regium somnio somnium) longè maiora tentabimus. Quid quæso? libri isti
 20 Hebraici, quos Venetiis imprimit Bombergus, in omnes orbis partēs ad Hebræos nauigant, in Africam, in Aethiopiam, in Indiam, Aegyptum, & cætera Iudeorū domicilia. Nos Alcoranos imprimemus cum versione Latina, & omnibus in locis vbi ab Euangelio defleclūt
 25 nostrum habebimus præsidium, tum Latinè, tum Arabicè, id quod huius Mauri auxilio promptissimū erit, etiam si Christum non induerit: siquidem domestica consuetudine statui tātum laborare, vt etiam stylo quid valeam. Eos itaque libros mittemus in Africam, & simul rem faciemus. Hæc atque alia consimilia iam verso
 30 in pectore, & modis omnibus adnitor, vt vndecunque mihi conquiram codices, quibus, si destitutor, frustra huiusmodi somnio. Vtcunque de istis iudicabis, propius ad munus Theologicū accedit, eum facere scopum huius studij, quàm si nescio quibus vertendis Græcis, aliquid vellem dicere significantius. Deinde quando quibusdam prurit ad scribendum calamus, & liben-

ter eloquentiam ostentant, ut ipsi nihil pugnauerimus,
 saltem studiosis hominibus, vertendo fabulas Macho-
 meticas campū aperiemus dicendi, ne necesse habeant
 muscas laudare, & in re nihili bonum ocium terere. An
 non suppetent argumenta differenti de perpetuo Chri-
 sti sacerdotio? An impium erit declamare contra per-
 sonatum paracletum? An minus patebit materiæ si quis
 demonstret Christum à Iudæis occisum, quàm si scarab-
 beus impetat aquilam? Omitto stultissimas Sunæ næ-
 nias, nam frustra coneris hac ratione cum illis agere, 10
 nisi prius stabiliueris perpetuum futurum Euangeliū.
 Nihil est enim tam ridiculum, quod non venerentur
 tanquam oraculum. Non alia de causa, nisi quod persua-
 sissimum habent Prophetam fuisse Machometum, lon-
 gè & Christo superiorem: cum tamen fateantur, Chri-
 stum Verbum Dei, id est, *ٱلْكَلِمَةُ* & natum
 è virgine Mariâ, sine patre in terris. Huic igitur muro
 admoendus est aries, & hic omnes intendendi nerui,
 ut quando Euangelium recipiunt, quod sexcentis ante
 Machometū annis floruit, eodē nos uti doceamus Euā- 20
 gelio, & sic nos intelligere, quemadmodū procures illi
 fidei intellexerunt. Verum de iis & multis aliis tecū co-
 ram, si Deus permiserit. Hinc Ianuario decedam in Lu-
 sitaniam, ut salutato Rege & meo Principe, quampri-
 mum me sistam parentibus. Cogito nonnunquam Ita- 25
 liam & Germaniam, ut quando semel peregrinari cœ-
 pi, eadem opera videam Romam, & quendam in Ger-
 mania periclitè priuato colloquio. Verum & viarum
 discrimina me commouent, & fortè si illuc excurram,
 nouas experiar remoras. Orabis Deum ut me in saluta- 38
 ria deducat consilia. Vale, mi Latome. O quando dabi-
 tur mutuas audire, & reddere voces? Salutabis Magi-
 stros nostros omnes, & me illorum commendabis pre-
 cibus. Vale iterum cum sorore & Latomo iuniore. Gra-
 nata xii. Iulij, Anno xxxi. Gratum mihi feceris, 35
 si quid fortè monendus videar, ut ante meū hinc disces-
 sum, tuas videam literas. Filius Vostermanni Typogra-
 phi

phi Antuerpiensis, faciliè curauerit vt ad me perueniât. Quotidie Hispalim isthinc nauigant mercatores, Antuerpię minimo negotio effecerint, vt abs te responsum habeam. Præterea & in aula istic Mariæ non defuerit
 5 occasio. Habitó Granatæ in Alhambra: arx est vrbis, vbi moratur D. Marchio, qui vrbi præsidet.

NICOLAVS CLENARDVS D. IACOBO
 LATOMO PRÆCEPTORI SVO, S. D.

10

ETSI literas Arabicas principio sequutus sum, vt quædam rectius intelligerem in Hebræis propter linguæ affinitatem: Nunc tamen longè aliò mea spectare cœperunt hæc studia. Dum Granatæ cum meo præceptore Arabico lectito Alcoranum, & quotidie deplorandos gentis illius contemplor errores, cogito non semel, quam indignum sit noue in iam seculis tantam cladem accepisse nostram religionem, & nullum interim exortum, qui cum Machometistis in arenam dogmatum descenderet. Non quòd defuerunt apud Latinos, qui calamo sectam impiam persecuti sint: Sed quid ad Machometistas, si nos Latinè disputemus? Quid ad hostes, si ensem vibremus quem nō sentiant? Neque enim tantum disputandū censeo, vt nostros tutos seruemus,
 25 ne præcípites abeant in falsam religionem; verum etiam ad nos pertinere arbitror, quòd tot orbis nationes disiectæ à Christo pereant. Nec ob id dissimulandum est vulnus quod vetus sit: sed quando vulnus est graue, facienda est medicina: id quod sine peritia linguæ Arabicæ fieri non potest. Quid ergo? Parare volo qui lingua & calamo valeant Arabico: vt vel coram miscendis colloquiis vel absentes queant cum illis cōfigere. Ego per gratiam Dei, etsi bonam téporis partē impendi Marchioni grēcissanti, reliquis tamē horis id cōsecutus sum
 35 vt cū præceptore quauis de re confabulari utcunq; possim, sic certè vt alter alterum intelligat. Neq; enim alius sermo inter nos habebatur quàm Arabicus. An putas

M. noster id me proponere, vt annum doceam Arabicè,
& nemo discipulorum loquatur Arabicè? Alia sunt quæ
moliôr, & meo exemplo studebo, si Deus voluerit, pie-
tatis aliquem fructum è linguarû parare notitia. Verûm
de hoc capite longius fortè agam, vbi peruenero in 5
Africam. Nunc de meo itinere certiore te faciam.
Cum iam nactus præceptorem nihil videbam mihi de-
esse præter codices, & eos in Hispania consequi non
possem, statui mihi proficiscendum esse in Africam. Ita-
que relicto præceptore apud Marchionem Granatæ ad 10
reditum, cum reliqua familia inde discessi, hoc animo,
vt mensibus reliquis huius anni viuam Fesæ, inter Ma-
chometistas: ciuitas est celebris in Africa, haud aliter
atque Lutetia in Francia: viget ibi Machometismus, &
ingens est doctorum copia. Non possum conquesce- 15
re, priusquam peruestigauero omnia illorû fundamen-
ta, & vniuersos comparauero libros, quibus impia se-
cta continetur. De consiliis meis tecum sum latè actur-
us, si Deus me illuc duxerit incolumem. Interim
ora pro me, & si quid pro tua prudentia me monendû 20
vides, vt ere præceptoris libertate. Desedi hîc in Euro-
pæ finibus in oppido Gibalaltar hebdomadis tribus;
tantus est enim Neptuni fragor, vt nauigatio non sit
tuta, & si traiectus non sit nisi horarum trium aut qua-
tuor. Rectâ nauigamus Septam, quod oppidum Lusi- 25
tani tenent firmo præsidio, & alioqui iam in annos vn-
decim pax est inter nos & Regem Fesæ, vt vltro citroq;
mercatoribus commeare liceat. Spero præfectus præsi-
dij Septensis sic mei curam habebit, vt saluus veniam
Fesam, quæ inde distat triginta leucis. Nunquam me 30
dignatus es literis tuis, dum iam octo absum annos: sal-
tem epistola consolaberis exultantem in Africa. Bene
vale, mi præceptor, cum omnibus magistris nostris, ve-
stris omnium precibus meum committo exilium. E
Gibalaltar, VII. Aprilis. Anno M. D. XL. 35

NICOLAUS CLENARDVS DOMINO
IACOBO LATOMO SVO S. D.

IN Gibalaltar, hoc est, vt Arabes vocant, **بداء**
 5 **I**hæsi fermè mēsem vnum, partim coactus tempestate,
 partim appetente & instante Christiano Pascha, vt Al-
 leluya canerem in Europa, postremum forsitan illud
 auditurus: Deus qui omnia nouit mihi misericors ad-
 10 fit in Africa. Decima Aprilis veni Septam primum A-
 fricæ oppidum. Sed hunc angustum strictumque tra-
 iectum, tanto cum metu sum expertus: vt optimè sine
 commentariis intelligerem illud Virgilij: Præsentemq;
 viris intentant omnia mortem. horis duabus gubernator
 occinebat in amoenam nobis cantilenam. Ariba à
 15 vela, hoc est, ad superius latus, ad inferius: cū inter-
 rim ego iam metu præmortuus totus in sudorem solu-
 tus sum. Mox stomachus Neptuno vota credo debita
 persoluit, & breuiter omnibus affectus sum malis, quæ
 patiuntur maris insolentes. Guilielmus interea meus
 20 minister grandior, & veluti columem meæ familiæ, etsi
 vocem contineret, tacitis tamē votis sic agebat: vtinam
 hætenus vixissem frater minor. Quod si essem adhuc
 in littore, nō ingrederer nauiculam, ne proposito qui-
 dem canonicatu Antuerpiensi: & quamuis alioqui non
 25 sit iniquus Erasmo, tamen optabat periculis intèresse
 Erasinum, vt videret an vota rideret nauigatium. Quin
 & in me stomachabatur, qui ob steriles infructuosasq;
 literas, tot adirem discrimina: nisi quòd in vocem aper-
 tam non prorupit: veritus, vt aiebat, ne maledicus in
 30 me peccaret, cū tempus esset poenitentiae. Erat inter
 rectores Gallus quidam, qui seriò asseuerabat se nun-
 quam tanto salo perfusum fuisse, etsi omnia fermè ma-
 ria nauigasset: & statim initio me terruit, cū nautas
 hortaretur ne tantum indulgerent velo. iam & Septen-
 35 sis quidam exurgentibus subinde vndarum molibus,
 crebrò, inquit, hoc fretum traieci, sed antehac huius-
 modi fluctus vidi nunquam. Alius Lusitanus admo-

dum peritus maris, sæpenumerò crucem pingebat con-
 spectis procul grassantibus in nos môtibus, nò sine mea
 suspicione. Ipse clauis moderator immaniter scisso Ne-
 ptuno, Deus, inquit, nos seruet ab isto puteo subeunte
 mihi & illo Virgiliano : His vnda dehiscens, terram in-
 ter fluctus aperit. Quid nos miseri aliud quàm mortem
 ominaremur, quando sic maris incolæ timere videren-
 tur ? Post longam iactationem frustrati instituto cursu,
 delati sumus in litus, quod vulgò vocant Bullones: ibi
 terræ reddit, proiecta ancora conchas legerunt adhæ- 10
 rentes scopulis, ingratum profectò prandium meo ina-
 ni stomacho. Locus distat à Septa leucam grandem : &
 interquiescere volebant, donec sub noctem mitesceret
 Eurus. Gallus, & Septensis ille quem dixi moræ impa-
 tientes (vt tum quidem putabamus) terrestri itineri se 15
 commiserunt, additis aliquot comitibus : nos interim
 expectabamus Neptunum propitium, ac non multò
 post, plusculum inualecente Aeolo, alius adolescens
 Septensis, inuitis nautis, abire cœpit: ibi còtinuò Gui- 20
 lielmus: Nónne, inquit, rem animaduertis? passim dila-
 buntur etiam periculorum doctissimi, & nos hîc desi-
 debimus? Quid agerem? Reptandum erat per arduos
 montes, & bene fragosos neutiquam peruios Theolo-
 go sandaliato: deinde & pericula non deerant propter
 Maurorum sparsas in montibus casulas, qui sic pacem 25
 dicebantur colere, vt nihilominus prædandi occasione
 noscerent. Quid tum postea, inquit Guilielmus, vel nu-
 dis pedibus effugias hodiernum metum, non agitur de
 frangendo brachio vel tibia, sed totum hominem vorat
 mare: si nos intercipient Mauri biennio portabimus la- 30
 pides, aut agitabimus mulos, & asinos; spes tamen erit
 in principe tuo infante Henrico, ne perpetuò manea-
 mus in seruitute. Ne longum faciam, benè reclamanti-
 bus nautis iungimur tres huic adolescenti, simul etiam
 suadente illo Lusitano, qui meum metum iam viderat. 35
 Vixdum per scopulos ad radicem montis reptauim-
 us, cùm nauis rursus in altum delata est, & nos
 fermè

fermè duabus sellis exclusi sumus : Siquidem protinus
 in limine ipso errauimus , nec via comparebat quam
 ingrederemur , huc atque illuc duce nostro recurstan-
 te : tandem casu in semitam incidimus , & benè suda-
 5 uimus , ego præcipuè , pallio , tunica longiore , &
 sandallis impeditus . Cum in ipso versaremur cacu-
 mine , & corpore toto stillarem sudore , ministrum
 vtrumque oneraui vestibus , vt expeditius me subdu-
 cerem è vasta illa solitudine , in qua nihil erat cernere ,
 10 præter Maurorum collapsas domunculas . Nam & ado-
 lescens , cum longè à tergo relinquerer , paulisper con-
 stitit , dum subsequenter cerneret : maneamus , inquit ,
 pariter , nam hoc loco solet esse periculum , & meritò
 singuli suam gestaremus lanceam . O me infelicem , qui
 15 vix me nudum portare poteram . Quòd si adfuiisset An-
 thonius Nigrinus meus Aethiops , nihil restabat , quàm
 vt sola indutus ambulassem subucula , vbinam erat ? Mo-
 nuerunt me Gibalatar , ne seruum meum abducerem
 in Africam , quare eum remiseram Granatam , ad redi-
 20 tum vsque permansurum apud D. Marchionem cum
 præceptore Arabico . Sed reuertamur ad montes Bul-
 lonicos : quos vbi perreptauius , multo adhuc sole in-
 trauius Septam , per omnia benedictus Deus : sera ià
 nocte comparuit nauicula , sic tamen vt alto mari
 25 pernoctaret . Sarcinas nostras recepimus postridie , vix
 tandem à prandio . Aiebant nauæ multò magis sese
 post nostrum abitum fuisse iactatos , & nobis ludū mo-
 dò fuisse visum , nihil tempestatis seriæ . Nudiustertius
 cum illi Lusitano occurrissem : si , inquit , remansisses ,
 30 timore periisses : ego qui semper ferè mare incolo ,
 valde metui , adeò intumuit mare ferè ad turris illius
 altitudinem , & quandoque vix salua cernebatur nauic-
 ula : primùm ad medium vsque fretum reuecti , rur-
 sum longius è cursu fuimus exclusi , & item alia multa
 35 cômemorabat , quæ malui audire , quàm coràm cernere .
 Utinam anno proximo saluus renauigè , credo non fa-
 cile iterabo nauigationis aleam . Habes iter maritimum :

si Deus me incolumem duxerit Fesam, video & aliud scribendi argumentum de profectione terrestri: aiunt nobis quinque noctes agendas sine tecto, sub dio, & sesquidiem consumendum in altissimis rupibus. hoc Brabantino homini, & discipulo Louaniensi quid est aliud, 5
quàm mortis species? Orabis Deum vt me seruet incolumem, & aliquo pietatis fructu reducat ex Africa. Benè vale, colende præceptor, cum tota familia, Latomo iuniore, & cæteris amicis. Commendo me precibus Magistrorum nostrorum. Septæ xv. Aprilis, Anno 10
M. D. XL.

NICOLAUS CLENARDVS D.
IACOBO LATOMO S. D.

SABBATO superiore discessimus Septa, vbi hæsi- 15
mus quatrimum, ipso scilicet tempore quo Machometistæ suum celebrant Pascha. Opposui ego aliquid veteri prouerbio: Semper aliquid noui adfert Africa. Siquidem multò magis me admirati sunt, quàm ego il- 20
los, qui iam pridem narrante meo præceptore illorum mores didiceram. Monitus fueram ne quid vel Machometistis crederem, vel Iudæis, quorū etiam magna hic est copia. Neutros metuo tum quòd & sic cum illis
agam, vt amare possint, non odisse: tum etiam quòd li- 25
teris mei præceptoris facti sunt certiores, quàm ego illum humaniter tractem, etsi captiuum. Apertè prædico me venisse discendæ linguæ gratia, & vt librorum mihi comparem supellectilem. esse enim iam apud
Christianos solennem linguarum complurium profes- 30
sionem: hanc deesse, velut Arabicam coronidem. mihi hanc susceptam profectionem, vt eam apud nostros homines profiterer. Ego vtrò ad disputandum non
prouoco, prouocatus respondeo me nò venisse dispu-
tandi gratia, sed discendæ linguæ Arabicæ. Illi tamen 35
interim admirantur, cùm in colloquio me audiunt citantem fragmenta quædam Alcorani. Superiore biduo
tantus

tantus fuit hominum concursus, vt Flandrensem cer-
nerent, qui legeret, scriberet, loqueretur Arabicè, vt vix
mihi spacium relinqueretur rebus peragendis necessa-
riis. Cumque meum sermonem vulgati puriorem au-
5 dirent (è libris enim eum hausi) veluti oratorem quen-
dam suspiciebant Arabicum: adeò vt adolescentem
quendam adducerent, veluti eximiè literatù, qui quin-
que annos studuisset Fesæ. Vnde nihil aliud consequuti
sunt, quàm vt cum multis præsentibus confutarem in
10 Grammatica: quæ mea victoria, multis in conuenticu-
lis iactata est. Hæc, mi præceptor, non gloriandi causa
commemoro, sed vt scias, me gratia Dei optimam con-
cepisse spem de hac mea profectioe, nec dubito, me
Fesæ multis charum & gratum futurum, etsi maximè
15 sim Campiniensis: Sin aliter eueniat, & mihi Deus pœ-
nam statuât imponere Fesæ; fiat eius voluntas. Benè va-
le, colende præceptor, & Deum ora pro me. Semper
sim commendatus precibus Magistrorum nostrorum.
Ex Tuytuan. XXI. Aprilis.

20

NICOLAUS CLENARDVS IACO-
BO LATOMO S. D.

25 **D**IE XXI. Aprilis discessimus à Tuytuan, noctes
duas egimus sub tentorio, Calendis Maij, confectis
duabus leucis, vehemens nos occupauit pluuia, & iter
torrentibus impedièbatur inter altissimos montes, vt
necesse haberemus figere tentoria. Sub iis desedimus
diem cum insequente nocte. Postridie data serenitate
30 pergere cœpimus, & quarta Maij, ingressi sumus Fe-
sâm, vrbem grandissimam, de qua per ocium latius ad-
te scribam, simulatque hic res meas composuero. Sa-
lutaui Regem Arabicè, & cum eo prolixè sermonem
miscui, exposita causa profectiois, de qua cum aliquân-
35 to ante aduentum meum certior fuisset factus, è literis
credo præceptoris mei, iam diploma fidei miserat vt
tutò venirem in Africam, & si calu factum sit, vt ad me

C 5

non

non peruenerit. Pollicitus est mihi omnia, modò velim
 huc vocare præceptorem è Granata, magna enim viri
 fama percrebuit Fesæ: mea semper fuit sententia addu-
 cere hominem Louanium, & eo tantisper vti, donec o-
 peram præceptoris non multum desiderarem. Volunt 5
 mihi reddere quâti eum emerim, & præterea eius quo-
 tidie facere copiam meo arbitratu, quamdiu hîc fuero.
 Rex ipse etiam fidem suam dat, permissurum se vt hinc
 mecum discedat in Flandriam. Id quod non video quî
 fieri possit. Verùm de exitu negotij postea scribâ. Laus 10
 Deo, rectè valeo. Orabis vt me sanum vobis reddat.
 Benè vale, mi præceptor, cum omnibus amicis. Fesæ
 VIII. Maij, Anno M. D. XL.

NICOLAUS CLENARDVS D. IACOBO 15
 LATOMO PRÆCEPTORI SVO, S. D.

SOLA nominis tui commemoratio in literis Rutge-
 ri sic me affecit, quasi isthic corâmi tecum loquerer:
 viuebas anno superiore mense Septembri: vtinam te 20
 mense Septembri proximo videre liceat. Iam nonus agi-
 tur annus, quòd reliqui dulce Louanium, quo dum an-
 no XXXVIII. vellem redire, quærendis literis Arabi-
 cis redactus fui Granatam, vbi quid egerim, & qua gra-
 tia profectione inde susceperim Africanam, literis mis- 25
 sis significauî: sed quia fortè non sunt redditæ, libet mi-
 hi id partè facere præsentis epistolæ, & deinde de vni-
 uerso meo consilio tecum disputare. Cùm incoepissem
 Granatæ legere Alcoranum, & miscendis colloquiis cû
 domestico præceptore, cognouissem quàm foedis er- 30
 roribus dementata esset gens ista Machometica, siue sic
 temerè venit in mentem, siue Deus hûc laborem mihi
 obiiicere voluit, certè coepi consilium, vt omîssis lin-
 guis omnibus, in quibus hætenus studium posuissem,
 iam in reliquâ vitæ spacium me deuouerem Arabicis, 35
 nec quiescerem, donec sic promouissem, vt & viua vo-
 ce præsens, & absens tolerabili calamo, possem cû illis
 in

in arenam dogmatum descendere, & simul meo exemplo prouocarem, si quis fortè hanc Theologiæ partem mecum vellet amplecti. Multa hîc statim video, quæ cogitas de hac noua pugnandi ratione. Verùm, mi præceptor, hoc thema satis iam mihi meditaturn est in variis epistolis, quas ad certos Hispaniæ procures misi, omnemque angulum huius argumèti sic excussi, ut putem me aliquando mea consilia mundo probaturum, simul atq; Deus me à præsentis exilio in patriam reducem fecerit. Est præceptor Hispaniarum Principis, hoc est, filij Cæsaris, Theologus quidam Ioannes Martinus Silicæus, vir probatissimæ vitæ, cognitus mihi Salmanticæ: is simul atq; à me factus fuisset certior, promisit se curaturum omnia, & Cæsarem ipsum, aliosq; mihi affuturos, modò scholam hanc nouam instituere vellè Granatæ, nam Neophytos illos potius hac re indigere. Ego verò in Brabantia statui fundamenta iacere, respondi q; non mea consilia destinari Granatensibus, qui inquisitionis metu simulant Christianismum, sed eos me somniare milites, qui cum Machometistis ipsis possint cõfligere: & ibi nobis aliquando pugnandũ esse, vbi apertè dogma profitentur Machometicum: nullum esse certamen, vbi nemo se præbeat hostem. Hunc scopum studiis meis proposui, quòd ita crederem me fructũ e capessendis linguis reportaturum, si eas accommodarem pietati. Mundus cœpit Græcari & Hebraicari, sanè ornamentum accessit hominibus studiosis. Verùm si hac via prorogata fuissent Christianæ religionis pomoeria, vera gratulandi esset occasio. Quando ergo in Arabismum reuoluta est mea peregrinatio, non me mouit quòd auctor diceret professionis Arabicæ, non ut medicis operam præberem restituendo Auicenna, aut Philosophis, corrigendo Auerroe, sed hoc tantũ ante oculos fero, ut quemadmodum contra cæteros hæreticos scribunt Latinè, sic aduersus Machometistas stylum stringerem Arabicũ. Id fieri non potest, nisi illorũ dogmata penitus habeamus cognita, nec credamus quid in Latino-

Latinorum libris de illis nationibus iactatum sit. Sed
 quòd suis libris illi ferunt, id arripiamus, & contra id
 arma capiamus. Præter Alcoranum habent libros Sun-
 næ tam ridiculos, ut ipsi sese possint confutare, nisi per-
 suasum esset, Machometum fuisse prophetam veracem. 5
 Ex iis depromenda sunt, contra quæ velis pugnare. Ego
 igitur putavi hos libros mihi cōquirendos, & re com-
 municata cum doctis Theologis ad me propriè hanc
 reuocandam prouinciam: primùm ut linguam doce-
 rem; deinde rationes doctorum in Arabicam verterem. 10
 Neque enim omnes possunt Arabicari, quamuis multi
 queant Machometum impugnare. Et contra Macho-
 metum Latinè scribere, quid pertinet ad tot orbis na-
 tiones, quæ solam linguam norūt Arabicam? Hac mēte
 cū venissem Fesam (distat à freto Herculeo leucas qua- 15
 draginta) statim tota vrbe rumor sparsus est, adesse
 quendam Casis (sic vocant literatos è nostris, ut nos il-
 lorum Alphakios) qui cupiat discere linguam Arabi-
 cam, eum inter Christianos aliquid esse: quare non ex-
 pedire, ut quis me doceat, ne quam turbam in vulgo 20
 concitem. Nam præceptor meus me diffamauerat, spe-
 ciosis in laudem meam mendaciis, adeò ut rex de ad-
 uentu meo paulò antè factus certior, literas fidei mise-
 rit, ut sine periculo intrarem Fesam. Primo congressu
 vehementer fuit rex admiratus, quòd tantillum balbu- 25
 tirem Arabicè, nam sententiam meam utcunque pote-
 ram proloqui. Fesenses autem etsi docti multi sint, fer-
 mē tamē vulgi utūtur idiomate, qui sic distat à librorū
 sermone, ut vernaculus Græcorum sermo ab oratione
 Demosthenis. Deinde quemadmodū in Hispania mul- 30
 ti professores Bartholum & Baldum intelligunt qui-
 dem, ac docent Hispanicè; sic Fesæ extra scholam litera-
 tam orationem non audies. Nam inter docendum sunt
 teriores. Charissime præceptor, si vnquam fui malus
 orator, certè in præsentia mihi dabis veniam, quod ἀπο- 35
 ριστῶς scribam epistolam & non multum eloquētem:
 quando enim hoc proximo biennio partim molestissi-
 mis

mis peregrinationibus, partim barbarorum consuetu-
 dine mihi vita transacta est, vix iam Latine scribere pos-
 sum. Fesa diuisa in duas partes. Vrbs vetus ingens est,
 & populosa: aiunt ibi esse templa ferme C C C C. toti-
 5 dem balnea: nam Machometistæ crebrò lauant, nec
 possunt sine lustratione horarias preces peragere, si
 vel pepederint tantùm. Caue rideas, non nosti eorum
 ceremonias. Molashabent innumeras, in quibus serui
 Christiani miseram vitam degunt, & re ipsa experiun-
 10 tur, quid sit, Dauum dedi in pistrinum. Vrbs noua distat
 à vetere ferme semileuca, illic est regia: in proximo est
 Iudæa, suis septa muris; penditque tributum pro regis
 arbitratu. In ea sunt, vt puto, synagoga octo, aut noue:
 nam habitant ibi ferme I I I I. millia, suntque multi in-
 15 signiter docti. quod si olim talem nactus fuisset occa-
 sionem, multò magis delectassem illū Antuerpiensem:
 verùm in præsentia frigent mihi omnia præter Arabis-
 mum. Nusquam sic feruet Alcoranus, vt hic Fesæ. Tu-
 netæ florebant & cæteræ omnes discipline, at Fesæ post
 20 Grammaticam, toti sunt in Alcorano, & doctoribus
 scholasticis. Scholasticos intelligo, qui de eorum cere-
 moniis tractant, de lustratione, oratione, matrimonio,
 & similibus: quarum rerum peritiam qui tenet, voca-
 tur *Alfakius* id est, Alfakius, Græcè *ἄλφακος*, nisi quòd
 25 vox modò usurpata est, in ea sapientia, quæ istas com-
 plectitur ceremonias. Dialecticam, Rhetoricam, & ar-
 tes reliquas, vix pauci attingunt. Est apud eos hic mos:
 statim à primis annis ad verbum ediscunt Alcoranum,
 & insigunt memoriæ librum quem non intelligūt. Nec
 30 tamen vllis in scholis hic comparet codex: sed ludima-
 gister è memoria depromit pensum, & in tabula lignea
 describit. id puer reponit in animo, & postridie alterū
 scribitur pensum, donec anni, aut biennij spatio, totum
 ediscat Alcoranum. Multò plures reperias qui teneant
 35 sic Alcoranum, quàm qui ipsum habeant domi codi-
 cem. Quare difficillimum est irreperere mendas in Al-
 coranum. Post hunc ad verbum ediscunt libellum qui
 dicitur

dicitur **رسالة**, in quo præscriptæ sunt gentis ce-
 remonię. Nec tamen eis quippiam declaratur, nisi quã-
 tum assequuntur commercio sermonis vernaculi, qui
 tametsi distat multum ab ea oratione quæ conspicitur
 in libris, tamen magnum adfert aditum ad percipiendâ
 pleraque vocabula. Hinc iam pergunt ad Grammaticâ.
 Estque apud eos receptus auctor Ibun Melic, qui Chi-
 liade versuum, id est, mille distichis complexus est vni-
 versam Grammaticam. Hanc Chiliadem difficilem ad-
 modum è tabulis suis commendant memoriæ, & quo-
 tidie apud præceptorem pensum reddunt, domi inter-
 rim lætantes glossemata. Nam in scholis nullus com-
 paret liber: in hac Grammatica, fermè biennio versan-
 tur, aut quadriennio etiam quidam. Porro auctoritates
 citantur à Grammaticis fermè ex Alcorano, & hîc iam
 fructum percipiunt memoriæ, citantur crebrò etiam
 poëtæ, quibus abundant Arabes. verùm sic hæc poetica
 discipulus intelligit, vt carmen Ennianum Thomista,
 qui post Alexandrum & Petrum Hispanum, statim læ-
 ctitat scholasticos. Quare crebrò rideo nonnullos qui
 me inuisunt, qui cùm sint insignes Grammatici, tamen
 subinde minus me intelligunt: Arma virûq; cano Troiæ
 qui primus ab oris. tantùm spectant cur versus in glos-
 sematis citetur, nempe, ab oris, abest præpositio ablati-
 ui casus. Quid inquam? nõne vos estis Arabici? Re-
 spondent id pertinere ad amatores bonarum literarû.
 Itaque Arabicum scholasticum norunt, non Latinum
 armatum: præter vnum atque alterum Latomum vel
 Dorpium. Quare paucos reperias, qui exactè & purè
 loquantur: nam & si Alcoranistæ sint, & is liber sit stylo
 elegantissimo compositus, tamen contenti sunt memo-
 ria, & magis religionis gratia discût Alcoranum, quàm
 vt eum curent intelligere. Siquidem dogmata suæ reli-
 gionis iam ex aliis libellis norunt, vt Ethica nõuit Tho-
 mista, qui tamen nõ legerit ipsum Aristotelem: in sum-
 ma totus orbis inter se consentit, vt homines magis
 rerum velint cognitionem, quàm verborum. Sunt, vt
 dixi,

dixi, apud Arabes poëtae quamplurimi, sed pauci eos
lectitant. Quando enim vocabulis vtuntur, quæ non
passim sint obuia in artium scriptoribus, velut ad aliud
seculum & priscum ab istis pertinere putantur. Omnia
5 enim antiquare libenter volumus quæ non intelligi-
mus. Est hic quidam inter primos habitus, versatus
quondam in Aegypto, vbi Rhetoricam & politiores at-
tiguit literas, hoc nomine tamen leuior, quod has gusta-
rit elegantias. Atque vt videas affines vbique esse hæ-
10 resibus, quotquot amant collegium trilingue hic, Al-
phakius nuper fermè in periculum capitis venit, pro-
pterea quod in scholis dixerit, nescio, in quo auctore
scriptum, non peccasse quidem vnquam Machometum:
potuisse tamen eum admittere peccatulū veniale, præ-
15 ripiendo scilicet pomum puero per iocum, aut consi-
mili quadam via. Nam in grandioribus culpis, optime
præceptor, nullū locum habet Machometus. Et quam-
uis decem seruiret vxoribus, nam tot simul habebat in
matrimonio, fide tamen bona reddebat singulis debi-
20 tum. quod, vt meus docuit Magister, decem propheta-
rum virtutem fuerit sortitus. Cumque illi solenne esset,
post vnamquamq; nocturnam salutationem ablui: roga-
tus, cur id faceret, respondit magis esse masculū, & vir-
tutem acuere. ne me putes iocari, seria scribo, serioque
25 decreui ætatem reliquam tradere huic linguæ, si fortè
salutis ianua detur tot nationibus, quæ tam fœdis in-
uoluuntur erroribus. Scholæ sunt in ipsis templis, quod
subire non potest vel Christianus, vel Iudæus. Taber-
næ librariæ non habentur Fesæ, cum sint tam multi lite-
30 rarū studiosi: cæterum die Veneris singulis hebdoma-
dis peracta oratione, ad summū templum est librorū
audīo. illuc cōueniunt quotquot empturiūt, aut vt sic
dicam, vendituriūt. Prodeūt autē fermè codices vetusti
pauci admodū, propterea q̄ ab hinc annos ducētos re-
35 fixerit scriptorū industria & in desidiā lapsi sint Fesen-
ses. Estq; hæc merx cara, statimq; ab omnibus magno pre-
cio rapitur. quod si quis sit auctor iustæ magnitudinis,
non

non eum reperies venalem, nisi per fragmenta: fortè
 tota vita non consequeris, aut Zemachserum, aut alium
 commentatorem Alcorani, sed nunc caput, nunc crus
 dimidiatum, nunc manus mutilas auctoris in foro con-
 spicias, adeò vt sæpius idem cogaris emere, si totum
 postules, idque vix post multos annos. Præla ignorant.
 In hunc auctoris locum Christianis aut Indæis licet
 intrare, vna tantum lege, nempe, vt obruti saxis pereant.
 tam religiosè suos codices inuident à religione Macho-
 meti alienis. Erant mihi cum Rege pacta quædam ini- 10
 ta de auhendis hinc libris, sed didici re ipsa quid sit fi-
 des Punica. Quanquam non tam Regem accusare pos-
 sem, quàm alium quendam bipedem, cuius perfidia
 multis molestiis hoc anno sum exagitatus. Verùm de
 hoc monstro Africano coràm, si me Deus reducem fe- 15
 cerit. Nam si remedia quæ aduersus hanc pestem me-
 ditor non profuerint, sciet orbis vniuersus huius mon-
 stri virtutes, & omnium studiosorum diris obijcietur.
 Nam quantum in ipso fuit, effecit vt tam grauem pro-
 fectionem quam pietatis causa suscepi, sine vlllo fructu 20
 suscepisse videri possim, & in capitis præterea pericu-
 lum, quærendis literis Arabicis peruenerim. Verùm
 Deus me seruat, & quotidie hoc monstrum magis ex-
 plicat, artesque subministrat, quibus, vt spero, voti
 compos euadã. Eò mea spectat oratio, charissime præ- 25
 ceptor, variis rationibus impediri mea consilia de con-
 stituenda pugna Machometica. Cæterum quando iam
 fiat sententia in hac Theologica palæstra vitam finire;
 Deo fauente, eluctabor. Nec vlla re destituar, quæ fa-
 ciat ad docendas feliciter has literas, vt multi & loqua- 30
 mur, & scribamus Arabicè; si non stylo poetico, saltem
 scholastico, quem postulat disputatio. Satis est proluxa
 epistola, tamen multò volebam fieri longior, & de va-
 riis rebus fabulari. Sed reseruemus omnia in aduen-
 tum, vt saltem Iucrifaciamus aliquot prandia, comme- 31
 morandis mendaciis. Vnum tacere non licet: scilicet vt
 rideas, si non mentitur Machometus, non frustra pro-
 fectus

- fectus sum in Africam. Ipsum ipsissimum vidi Machometum, anno superiore Idibus Decembris. Dabo testimonium locupletissimum: nactus sum libellum perquam exiguum, in quo depingitur sic exactè paracletus
- 5 Arabicus (nam hic est Machometus) & sic a capite ad calcem vsque diligenter describitur, vt etiam quot habuerit iste propheta canos, memoriæ cōsecrauerit scriptor sempiternæ, citato auctore qui in capite & pariter barba Machometi, nō numerauerit ad summū nisi quatuordecim pilos candidos. Quid quæso censes? Nōnne
- 10 qui istas psequitur minutias, meritò credendus est verū dicere? Eo igitur in libello nominatis iis, qui viuā vocē audierint, sic de sese testatur Machometus *هَذَا أَنَا مُحَمَّدٌ*
- 15 *مِنْ رَأْيِي فِي الْقِتَامِ قَقْعَ رَأْيِي الشَّكَاةِ* quorum verborum est hæc sententia: Quisquis me in somnio viderit, reuera me vidit: nam Sathanas non sese offert in mea specie: Idibus, inquam, Decēbris nocte in tempesta somniaui me videre Machometum, proflientem è ventre canis, & quidem probè alatum, adeò vt stridore pennarum, me continuò expergefaceret. Consequens est, vt ipsum viderim Machometum, per locum
- 20 ab auctoritate, vt loquuntur Dialectici: Talem autem ac tantum prophetam mentiri nefas est, quod etiam à venialibus peccatis fuerit alienus: nec est in Machometi verbo vox vlla, quæ ironiam indicet, vt possis colligere mendacium iocosum, quod an cadat in Machometum sic videto. Anicula quædam eius adnoluta pedibus orabat, vt precibus illius Deo commendaretur & donaretur municipio paradisi: ille blandè subridens, sic
- 25 respondit: *هَذَا أَنَا مُحَمَّدٌ* hoc est: Nōn intrat anus paradilum: cœpitque protinus plorare vetula, haud dubiè desperatione conficienda, nisi subuenisset color Rhetoricus, qui illis dicitur *أَتَوْا حَتَّى*
- 30 tam familiaris Machometo, vt nihil suprā. Quid mihi, inquis, cum tuis somniis, & quis vnquam audiuit volucrem progigni canibus? Memento prouerbij: Semper
- D aliquid

aliquid noui affert Africa. Verùm, mi Latome, vt nulla
terram est noxiis herbis, in qua non aliqua parte na-
turæ bonitas conspiciatur: sic gens ista Machometica
foedis & execrandis erroribus dementata, Deo maxi-
mas debet gratias, quòd libera sit à duplici tyrannide
Sanicidarum, & Causficorum. Vitales sunt vt nos, &
longius etiam vitam prorogant: cumque sint fermè L.
millia familiarum, tamen nulli sunt aduocati, procura-
tores, sollicitatores; & id genus homines. Si quæ sint
controuersæ, quæ fermè incidunt, ob matrimonia, & 10
diuortia: nam vxores licet ducere quatuor, & eas pro
arbitratu dimittere soluta dote. Viri enim velut emunt
vxores quibus vbi potiti fuerint, nulla de causa possunt
cas abigere; modò statutam summam persoluerint.
Præter vxores, ancillas seruas emunt, quotquot pos- 15
sunt alere: hæ sunt concubinæ licitæ, & vt vxores
permixtæ: Puto Regi esse supra ducentas, adeò vt vi-
deatur Pater in monasterio monialium. Sed vt cœpi
dicere, si quæ oriantur controuersæ, fermè huius rei
causa contingunt. Nec tamen pro Helena confligitur 20
bello decenali: nec pro Beginis litigat Clenardus octo
annos: verùm vtræq; pars iudicem adit, is momento tē-
poris rem transigit, nec sciunt quid sit sentētia interlo-
cutoria, quid appellatio, & huiusmodi lacrymosa mihi
quondam vocabula: vbiq; est sentētia definitiua, & fer- 25
mè lis sopita est, antequam contestata. De morbis verò
mihi videntur reperisse, quod Sophistæ Parisienses; nam
vt illi nobis quondam ediderunt argumenta quædam
communia, quibus instructus disputes in Theologia, in
Medicina, & breuiter omnino: sic isti quocunq; mor- 30
bo correpti fuerint, longū valere iussis omnibus Medi-
cis, flammis adurunt vmbilicum, & eas ventris partes:
nec opus habent alio pharmaco, nisi quod nuper verū
fuit illud: Honos alit artes. Siquidem nescio quis medi-
cus in morbo cuiusdam ē proceribus prædam abstulit, 35
cœperuntq; multi lectitare Auicēnam, qui hic fermè in
obliuionem abierat. Sed vt ad causificos redeam, si qui
Bacca-

- Baccalaurij litibus implicati sunt, quo minus frequent
 tent disputationes Theologicas, mittant ad me proceſ-
 ſum, vnica audientia ponam eos in poſſeſſionem. Muſtra
 & alia cōſpicio inter Machometiſtas, & in primis illud
 5 Euāgelicū, vt nō multū ſolliciti ſint de craſtino. Quin &
 illud non parui eſt momēti, quōd nullus tam durus ca-
 ſus eis cōtingit, vt fracti impatientia, redigātur in blaſ-
 phemias: id quod larè patet in quibuſdam regionibus.
 Verūm quicquid euenerit, non ſtomachantur vt aurige
 10 & nautæ, ſed illud habēt in ore *Αυτοις* hoc eſt, laus
 Deo. Quo magis dolenda eſt harum nationum iactu-
 ra, quōd homines alioqui ſatis pij, tam turpibus opinio-
 nibus à Chriſto ſint abſtracti, non alia cauſa, niſi quōd
 Machometū credunt fuiſſe verū prophetam, qui in Al-
 15 corano vt trinitatem negat, ſic penitus tollit noſtræ re-
 ligionis fundamentū. Negat Chriſtum à Iudæis cruci-
 fixum, negat eum Redemptorem humani generis. Atq;
 hæc cū aſſeuerent, aiunt ſeſe credere Euangelio & ve-
 teri Teſtamento: Verūm & nos, & Iudæos iam non ha-
 20 bere libros incorruptos. Hic eſt diſputationis cardo:
 vtinam, mi præceptor, inueniā qui partē laboris mecū
 velint pariter amplecti. Omnes aliæ diſciplinæ ſuos ha-
 bent cultores. qui hanc viam ſequeretur, quam ego cō-
 cepti, nemo, vt puto, hætenus extitit, & eſt tamē aliquid
 25 ſtylo cōtra Machometiſtas pugnare. Nec deterrere nos
 debet, quōd nouē ſæculis hæc ſecta durauit. Veritas nō
 eſt obnoxia temporū iniuriis, tam aliena ab iſto dam-
 no, vt etiam filia dicatur temporis. Gloriam Creatoris
 quondā tot annos oblitauerat antiquus hoſtis, & tamē
 30 Apoſtolicis auſpiciis cōditor orbis decus ſuum ſibi po-
 tener arrogauit, proſtigata tot idolorū ſpurcitia. Rur-
 ſum exorſus eſt hoſtis, & grauis orbis incubator Ma-
 chometus: reparatore humani generis obſcurauit. Nō
 eſt infirmior cōditore reparator: Proinde ſpes eſt, vt gēs
 35 iſta in viam aliquando redeat. quod & olim facile fue-
 rat, ſi recta via reſtituiſſent hætenus noſtri maiores, &

Dicitur tam

tam studuissent bellum gerere cum Numa, quàm ca-
 piunt libenter arma aduersus Tullum: dicam id clarius.
 Numa conficito congressu cum Dea Aegeria populum
 continuit. Tullus vim omnem posuit in armis: vtrumq;
 Machometus expressit. Nam primò nouas leges, quas
 stupidis ea tempestate Arabibus imposuit, ad Gabrie-
 lem Angelum referebat, quo monitore, sese omnia mē-
 tiebatur gerere: deinde postquam fraus in suspicionem
 venit, præsertim ob Iudæos circa Meccam incolentes,
 quibus odorandi nasus nō deerat: robur induit Tullia- 16
 num, & quos arte capere nō poterat, viribus in nouum
 dogma subiugauit, atque ita deinceps propagata est
 hæresis, iacto quidem dolis fundamento, gladiis tamen
 postea sic prolata imperio, vt victoriis fermè mundum
 occupauerit vniuersum: quid enim est hodie Christia- 15
 nismus, si spectes gentes Machometi? nimirum quòd
 olim Iudæa comparata mundo reliquo. Quare formi-
 dandus est Casari Turca par armis, aut etiam poten-
 tior: Nam Tullus crescere poterat, Numa verò cum
 isto suo personato Gabriele, tam est & hodie futilis, 20
 quàm cùm vno fugeret comite Abubecrin, eo qui po-
 stea bellum gessit cum Heracleo: nec enim secula mul-
 ta naturam mendacij mutare potuerunt: Non est hæ-
 resis eius generis, vt numero crescat hæreticorum: &
 quamuis vno vel fortissimo milite prostrato, non con- 25
 tinuò tota labescit acies, tamen si verè concidit vnus
 Arrianus, actum est de vniuersa caterua: itaque tam su-
 mus hodie potentes aduersus Machometicum Gabrie-
 lem, quàm eramus initio crescentis dogmatis? Quòd si
 maiores nostros turpiter cessasse credimus, idem cri- 38
 men in nobis quoq; hæreat necesse est. Et quia sine lin-
 guarum præsidio bellum istud geri non potest, forè in
 seculum hoc nostrum dilatum est; quod iam cæteris lin-
 guis floret, præter vnā Arabicā: nimirum vt nouæ
 professionis auctor Antimachometus mortem oppe- 35
 tat, inter Machometistas. De quo libet mihi referre fa-
 bulam, imò historiam, postea claudam epistolam. Initio
 aduen-

aduentus mei; varij sermones de me habiti fuerāt. No-
 uum enim visum est me discendæ linguæ gratia talem
 suscepisse profectiōem; quare Alphakij quidam ex istis
 sanctionibus, hoc est, quæ religionis ergo uiserint Mec-
 5 cam, misit inter se in conuentu secretiore colloquijs,
 aiebant in suis esse codicibus, venturum aliquando in
 hanc regionem hominem procera statura, è procul dis-
 sitis populis, eum aduersus Machometum venturum,
 & totam hanc barbariem peragraturum, omniaq; lu-
 10 straturum perquirendis codicibus, ac postremò eum
 periturum Marochij, quæ ciuitas hinc distat centum
 leucis. Seruus Christianus in ædibus heri hæc subau-
 scultauit: nam ibi erat sanctulorum senatus; remque
 ad cæteros seruos Regis detulit. quàm cum audissem,
 15 quid nisi riderem? Iussi tamen ut amicus quidam hunc
 seruum adiret & seridò rogaret: constanter affirmabat
 hæc sic gesta fuisse. Verùm, inquit, hic dominus (me vo-
 lebat) est sacerdos; est, inquit, meus amicus, nō, inquit,
 ipse fuerit. Nam dicebant esse prophetam: scilicet pro-
 20 pheta & sacerdos in eundem non cadunt. Et ego li-
 beratus sum à saxis Marochianis, non tamen moriar
 nisi Antimachometus. Bene vale, colende præceptor,
 cum omnibus magistris nostris: vestris omnium preci-
 bus me commendo, ut aliquando salutis dulcè videam
 25 Louanum. Putabam me triennio tantum absuturum,
 at nonus agitur annus exilij, & nescio quò me tactat li-
 terarum amor. Nunc tamen decreui, nullam occasio-
 nem admittere, quæ me diutius diuellat à patria. Satis
 peregrinatum est; & alioqui domum me reuocat can-
 30 ties. Utinam vos omnes saluos videam incolumis. Sa-
 luto omnes magistros nostros; vniuersam tuam fami-
 liam, cum sorore & Latomo iuniore, cumque amicis
 reliquis. Noua de bellis nihil ad Brabantinos: neque
 enim strepitum armorum audietis, alius est exercitus
 35 quem Deus his regionibus immisit: paucis ante diebus
 Fesæ vidisses cælum obductum locustarum agminibus,
 quæ hic non solum saluant, sed æuium ritu volitant. Iam

coram video minas priorum prophetarum. Multis in locis nocte una satā perdunt vniuersa, bellum strennuē cum iis gerunt rustici. Nam plaustra plena locustis aduehunt Fesam. Nam hos hostes vulgò hic comedunt. Ego tamen sum tam delicatus, ut malim perdicem vnā, quam locustas viginti. Iam anni sunt viginti, quod totam hanc regionem gens locustica deuorauit. Ministrum misi nuper in Lusitaniam, & paucos post dies eū expecto, tū, Deo propitio, hinc proficiscar Granatam, quæ non distat nisi ~~xxx~~ leucis. Inde totidem sunt in Lusitaniam. Hinc rectā ad vos. Tantū orate ut me Deus custodiat, & si malus sim eques, non tamen pluris facio duodecim dierum iter, quam vehi plastro Diestensi. Rursum vale, mi præceptor, & longam fabulam boni consule, pensandū erat longius silentiū epistola prolixiore. Fesæ, I X Aprilis, Anno M. D. XLII.

NICOLAUS CLENARDVS ERAN

CISCO HOVERLOESMO, S. D.

CASVM illorum dolui vehementer, tamē satis præmonui alterū qui totum perdidit præter penulam. Illi ad me ne liseram quidē vnā. Tu solus literas mittis, nam & Rodolificus meus & tuus tacere meditatur, sed negotiis condonandum est. Ago gratias, quod meo nomine partem prædictæ rursū iam exercueris, si opus erit, mittam hinc. Tamen spero aliquid istic mihi fiet, in tanta librorū copia. Et alioqui nouos hinc propediem libellos accipietis, inde aliquid contrahetur nummorum. Sumis impressuri meditationes Græcicas, libellū utilem is qui per se & suapte Marte Græcas literas discere coguntur. Continet codices sedecim, spero multi inde fructum percipient, non quidem prouectiores in his literis, sed rudimentarij, quibus iam cogor seruire propter noquam hanc curam professionum, & mihi molestum est semper elementari, ideoque visum fuit, libellum aliquem Græcum per singulas minutias

excutere, more docentis prima rudimenta. Quem morem quantum potui in hoc libello sum imitatus, nam planè pueros doceo, ideoque quemadmodum alij libros, sic forsitan posthac Professore[m] Græcum editurus sum: hoc enim in animo habeo, ut ipsum excudamus Professore[m], quò possint singuli paucis stuseris Magistrum habere in manica, ut tandem cogantur Græcari vel nostri hostes. Bene vale Huerij, & nos ama.

NICOLAVS CLENARDVS FRAN-
CISCO HVERIO SVO, S. D.

15 **A**CCEPI heri, hoc est, vigesima Octobris, epistolam tuam, quam scripsisti decimatertia Octobris, nec ullam vidi præterea. Mihi autem ad te literas, itemque ad multos in Brabantia, sed suspicor, imò scio, redditas non esse, nam idem conquestus est Latomus, à quo heri epistolam accepi, in qua suadet, ut hyemem agam Parisijs, id quòd omnino cuperem, si salua liceret conditione Louaniensi. Non quin meliorem hîc possim obtinere: quotidie enim mihi longè præstantiores offeruntur, sed quia libenter viuo Louanij. Cæterum quid futurum sit, nescio. Omnia enim hic per gratiam Dei mihi supra votum successerunt, & cælum, & hominum mores perplacent. Doctorum hic magna copia: & mihi utile fuerit, si detur diutiùs morari: Victum emi quinquaginta coronatis. Discipulum accepi mecum nepotem Latomi: is 30 numerat triginta coronatos: quo etiam tanquam vtor interprete in Gallicis. Sed vnde isti puero suppetent tot pecuniæ? Vin scire? Istic florenos expenditis, & item lucramini: hic coronamus, & vicissim coronamur. Commodùm aduecta erant exemplaria Græca & 35 Hebræa, ex nostris nugis: Me præsentē effectū est ut tot libri sint venditi, ne si cætera desint, hyeme fames nō sit nos cruciatura. Heri rursus absolute sunt institutiones

dicatæ Houerio, typis excusæ Colinaei, nam C C C C C.
 exemplaria his diebus omnia sunt diuendita: Hebraica
 autem suprà trecenta. Incipiunt enim hîc fortiter Græ-
 cari & Hebraicari. Si famulum hîc susceperis, periculû
 est, ne incidas in furacem: si isthinc quempiam adduxe-
 ris, plus habebis curarum: nec eum tam poteris liberè
 ablegare. Vide vtrum malis. Quòd res meastibi cordi
 futuras dicis, id vel sine literarum testimonio sciueram
 probè. Sed vides quàm adhuc fluctuem, & tamen ma-
 gis me suspicor hîc diutius moraturum, quàm reditu- 10
 rum. Sumus in manu Dei. Domini est terra & plenitu-
 do eius: & vbique viuere possunt Christiani, aut certò
 mori. Bene vale, charissime Houeri. Parisiis è domo
 Lodo. Cyanij.

15

NICOLAVS CLENARDVS FRAN-
 CISCO HOVERIO SVO, S. D.

ITANE, charissime Houeri, tibi visum est redire in 20
 patriam, priusquam diuitias degustasses Lusitanicas?
 Saltem partem lustrasses Hispaniæ, si nò ob aliud, certè
 vt re ipsa disceres, quanta còmoditas sit in diuersoriis.
 Accepi modò literas à Damiano, simulque à Ioachimo,
 aiunt ad te missam epistolam, in qua propheticum Da- 25
 miani oraculum satis apertè narrare mihi visus sum. Sa-
 pies spero, nec iocos nostros sic effutias, vt mihi fraudi
 sit. Non enim gentem traducimus, sed modis omnibus
 amicum vindicamus a mendacio. Lacrymas tenere nò
 potui, cùm certò Damianus Erasmi mortem obnuncia- 30
 ret. Vtinam licuisset tantisper viuere, donec operibus
 limam adhibuisset: nam ea gratia senem concessisse in-
 tellexeram Basileam. Sed maiorum virium est, mortem
 viri, iustis lamentis, & veris encomiis prosequi. Ego te-
 cum dicam, Deus illius cleméter misereatur. Dicit Po- 35
 lites te piscatum Romæ, & in nauicula Petri grandem
 cepisse piscem. Facias me certiore, num & meus ha-
 mus

mus illic valeat. Quid autem? vidistine Romę Campensem? quid accidit homini, quod tam superbę silentium agat? prouocatus à me ante biennium, necdum respondit. Conqueritur eadem de causa Polites noster. An iam est semicardinalis? nullisne Arabicatibus locus est? An solis mercatoribus? Scripsit ad me quidam è Roma, plurimos illic esse sanctissimos viros: & non admodum æquo animo tulit Mantuani distichon, quod in epistola sic obiter adieceram, id erat huiusmodi:

10 Viuere qui sanctę cupitis, discedite Roma.

Omnia cū liceant, non licet esse bonum.

Rogo te, quemadmodum ego commentarium scripsi in Elogium Damiani, sic tu, qui in rem præsentem adiisti, istos Mantuani versiculos bona fide mihi explanes.

15 Facile diuinarem, quid sis allaturus, possemq; opinionem tuam altero disticho comprehendere:

Quisquis opes sacras nummo reperire prophano.

Quærit, eat Romam, sacra sunt venalia Romę.

At malim tuam enarrationem audire: Facile fides abro-

20 gatur auribus, testes grauissimi sunt oculi. Tuum igitur erit interpretem agere Mantuani: fieri enim potest, ut illud distichon hodie Romani refellant. Nam & hic Archiepiscopus quidam, cū in huiusmodi confabulationem incidissemus, & ille mirifice Romanos laudibus

25 veheret, omnino mendax carmen asseuerabat, multumq; contendebat, meliores hodie mores esse, quàm antea: mirificeq; prædicabat virtutem Clementis VII. quo neminem Christianius mortuum esse volebat. Tu fortassè Paulum I II. in cælum vehes, cuius auspiciis

30 hamum moderatus es, propterea quòd optimè regat Ecclesiã Dei, qui antea domui suę bonam curam impenderit: Certè Pasquillus noster principio pronuntiabat: Laudate pueri Dominum: & nunc Ioachimus ad me misit Pauli I II. conuersionem, ab eodem Pasquillo

35 nuper editam. Quæ omnia timidum me reddunt, ut verear: certò de incompertis statuere. Nam & hic Archiepiscopus quę dixi, religiosioris vitæ, hoc argumē-

tum attulit, quod se auctore factum esset, vt iam Cardinales, candido illo amiculo, etiam in propatulo vterentur. Et profectò minister liquidò confirmabat: se enim operam dedisse cuidam illic ex primariis Galeratis, qui ob hoc solum seriùs Pontificis conclaue ingressus fuerit; quòd nemo omnium affeclarum rationem nonisset induendi superpellicij, sic enim vos vocatis, vt puto. Quid? nonne magnù religionis specimen? Quòd si è barba quoque philosophiam metiamur, puto Stoicos planè iurabis istos superpelliciatos. Serio ac vero vultu familiaris huius nostri Archiepiscopi nobis prandentibus narrabat, ipsi esse supra quinquaginta superpellicia. Pape, si vnus qui necdum Cardinalis erat, plus religionis in vna arca conclusum tenebat, quàm vniuersum tuum Capitulum: quid, Houeri, censendum est de toto Cardinalium cœtu? Nisi mihi fermè plaustrum integrum epistolarum scribendum esset, nonne multum in hac materia suppeteret quod tecum differerein? Nam & satis liberè cum Archiepiscopo fabulans sum, & ex eius colloquio paucisque conclusionibus, tot possim inferre corolaria, vt ne Sophistæ quidem Parisienses me in copia vincerent. Dabis igitur veniam necessitati, & vicissim isthinc aliquid rescribes, quod ad sensum Mantuani faciat. Vale, mi Houeri. Salutabis ex me D. Craneveldium. Eboræ, Anno M. D. XXXVI. XVIII. Calend. Ianuarias.

NICOLAVS CLENARDVS FRANCISCO HOVERIO, S. D.

NE putes te solum expeditum cursorem. audi quàm sim mutatus à sedentario Clenardo. Aestate proxima profectus sum ab Eborâ Braccaram. Iter est LX. leucaram. Leucas vocant, quales numeramus à Mechlinia Louanium quatuor: Deinde confectis leucis XXX. inuisi diuum Iacobum Compostellanum. Inde eadem via reuersus Braccaram, cum principe meo quædam

quædam habui consilia de noua hîc instituenda scholâ.
 Quid multis? proficiscor Salmanticam, iter L. leucarû,
 vbi re ex animi mei sententia transacta cum Vascô, du-
 co eum Conimbricam, leuicæ sunt. XL. vbi salutauit
 5 principem meum. Deinde proficiscimur Braccaram,
 iter est leucarû XXVI. Quid tibi videor Hueri? Quin
 & parum absuit, quin ante menses aliquot profectio-
 nem susceperim Hispalim & Granatam: Itaque Vascus
 quem comitem profectiois mex ceperam, post men-
 10 ses aliquot cum tota familia venturus est Braccaram,
 vt præsit scholæ nouæ: stipendium est in annos singu-
 los, centum millia nummûm, id est, CCC. ducati.
 Credo non infelicitur mecum iuit in Hispanias. Ego in-
 terim in gratiam mei principis hîc molior scholæ fun-
 15 damenta: post menses aliquot, vt spero, ad vos ventu-
 rus: nam nisi hæc res interuenisset, nunc venturus fue-
 ram. Oro te per omnem nostram amicitiam, vt diligen-
 tiam & curam impendas in fratrem Sebastianum Mace-
 donis. Is mihi apud principem amicus est summus,
 20 quouis in loco paratus. Bene vale, mi Hueri, & disci-
 pulum tuum ex me saluta, & simul ora Deum, vt saluû
 me ex præsentî reducat exilio. Braccaræ XXVII. Fe-
 bruarij, Anno M. D. XXXVII.

NICOLAUS CLENARDVS FRAN-
 -NOT ICISCO HOVERLO, S. D.

30 **A**N tam isthic Hueri charissime, fructû, vt ais, fa-
 cturus sim, quàm inter Lusitanos, id equidẽ igno-
 ro: Vnum scio me nulla deinceps ratione adigi posse, vt
 presens continuẽ exiliû, patriam dies ac noctes somnio,
 iam ium Louanij, iam Mechliniæ, iam tecû nugor, iam
 cum meo Latomo. Vtinam tam diu liceat viuere. Proxi-
 35 mo vere certum est redire, si Deus permiserit. ora-
 tionibus tuis me iuua, vt meis saluus restituar. Ais te
 intellexisse quandam desiderio teneri aduentus nostri.

Hueri

Houeri principem vñum nactus sum, quem solum & præfens colui, & absens colam dum viuam. A quo multa Salmanticensium literæ me hætenus auellere non potuerunt, non procères alij benè diuites. Si liberet diutius aulicari & carere patria, nullam aulam præferrem Lusitanicæ: Sed iam capite cani sparguntur, & inter meos sepelire gestio, nō omnino malam, vt credo, sortitus patriam. Quid enim dulcius Louanio? Tempus est vt mihi iam viuam siue diues, siue pauper, nihil interest. Valeant qui crastinā curant: Adhuc antiquum obtineo: Fiat voluntas Dei. De Emanuele vide nūm consultum esset eum quamprimum audire Louanij Dialecticam. Cū enim placeat Theologia, præstat opinor, vt vulgato more capiat insignias, ac possit post aliquot annos huc redire, aut Baccalaureus, aut Licētiatus, & suis, & principi, tum honori, tum esse vsui. Et meo iudicio, primum est non temerè facere temporis iacturam. Poterit ille nunc audire Dialecticam, vt ab hinc tres annos sit Magister in artibus. Latinas enim literas magis ac magis vsu quotidiano addiscet, nec grædem oratorem requirit hæc scholastica Theologia. Vt omittam quod hōris successiuis multum Latinis queat addere, vt est benè studiosus. Bene vale, mi Houeri, & Deum ora pro me. Braccaræ I X. Septembris, Anno M. D. XXXVIII.

REVERENDO DOMINO ABBATI TONGELARENSI D. ARNOLDO STREYTERIO, NICOLAVS CLENARDVS S. D.

SOLENT, optime domine, serui fugitiui, cū primum se ab herorum conspectu submouerint, cōtumaciter ferocire, & prioris necessitudinis vincula penitus obliuisci. Verū postquam tandem malis docti ad sese redierunt, placare student, quem offenderint. Nimirum hic ego sum Parmeno (non enim D. T. nostram

Alludit ad Ter. Andriā & Eunu. per ipsos olim actas in hac Abbat Phædræ, Clenar. Parmenonis in illa Clenar. Simonu. Abbat Paphili parate sustinebat.

stram ignorat adolescentiam) & multis iam annis contemnere sum visus meum Phædriam: cumque toto hoc exilio Hispanico crebro cæteros amicos tam variis salutarim epistolis; aded tamen in Pamphilum sequiuit Simo (nam & hoc inter nos intercessit) vt nullus hætenus Crito sit oblatus, qui me tecum reduceret in gratiam. Agnosco culpam, & tuis ad me quondam verbis vtor. Tibi pater here me dedo, quiduis oneris impone, impera, venit tempus vt fugæ poeniteat, & isthuc redire cupiam. Oro atque obsecro, vt præteriti temporis culpam aliquo me sinas supplicio delere: & quando ita res tulit, vt ius paternum contra te tueri nō potuerim, sed in seruum redactus fuerim, vsurpato potestatem domini in poenitentem Parmenonem. Atque hæc hætenus.

NON V iam agitur annus, quod decepsi è Brabantia, quo interuallo vt vixerim, & quibus studiis detentus fuerim, spero (Deo propitio) coram narrabo. Nuper verò cum relicta Braccara, me adornassem ad reditum, sumpsi mihi trimestre peragrandis aliquot vrbibus Hispaniæ, si fortè in quēpiam inciderem, cum quo miscerem colloquium de literis Arabicis, quas hætenus è libris tantum hauseram: eratque propositum rectà contendere Cæsarangistan, vbi in vinculis haberi hominem audiueram, istarum literarum peritum: sed Conimbricæ mutato consilio, deflexi Hispalim, & bonā quādam fortunā nactus sum seruum mediocriter doctum, è præda Tunensi: eo postquam octo diebus vsus fuisset, repente præceptore sum destitutus: nam allata redemptione, liber abiit in Africam. Ego inde veni Granatam, & statim de me factus est certior Marchio Mondeiranus, qui vrbi præest, & vniuerso regno Granatensi, vir & literis eruditus, & bellicis rebus clarus. Nā magister equitum fuit in expeditione Tunetis, glorio- sis acceptis vulneribus. Huius beneficio consecutus sum virum Arabicè doctissimum, quo illic sic vsus sum, vt partim me doceret, partim mihi seruiret describen-
dis

dis libris Arabicis : & ego interim bonam quoque diēi
 partē tribuebam Marchioni in literis Gracis, quas vnā
 cū filio annos nato **XXV III.** tam ardentem amplexus
 est, vt nunquam plebeiorum filios tam viderim studio-
 sos. Itaque partim præceptorem egi Granatæ, partim
 discipulū. Cumq; cœpissē legere Alcoranum Arabi-
 cum, & sensim ē præceptore discerem, quā foedis er-
 roribus inuolueretur gens Machometi, siue temerē in
 mentem venit, siue Deus hunc me voluit suscipere la-
 borem, statui relictis omnibus aliis curis, & posthabi-
 tis linguis cæteris, quicquid ætatis mihi Deus fecerit re-
 liquum, totū consecrare studiis Arabicis, nec conquie-
 scere, donec & lingua, & calamo tam sim promptus, vt
 cum Machometistis vtraque parte possim configere.
 Quod & ea quoque causa mihi magis probatur, quod
 nullum possim meliorem fructum ē linguarum studio
 reportare, quā si eas commodē pietati & religioni
 nostræ iuuandæ, seruire faciam. Neque verò nouam
 hanc professionem inuehere molior, vt prosim phi-
 losophis, aut repurgatior habeatur Auicenna : sed
 vt cognitis Machometicis superstitionibus, falsum
 dogma confutemus : & (si Christus adfuerit) aliquot
 ē gentibus perditis, in salutis tramitem reuocemus.
 Valde enim dolendum est, nouem iam seculis regnare
 Machometum, & tot nationes a Christo discerptas a
 nobis negligi, & nullum interim exortum, qui bellum
 aduersus impiam sectam constitueret. Sanè non defue-
 runt apud nos, qui Latino mucrone superstitionem
 istam confoderent : sed quid quæso ad remotos Arabes,
 quid ad Persas, & Orientem vniuersum, si ego contra
 eos disputem sermone Latino? Sic arma capienda sunt,
 vt hostis vulnera sentiat. Hominibus doctis Arabicè
 nobis opus est, alioqui aduersus hanc hæresim pugna-
 re non licet. Neque enim Arabismum intelligo, qui vul-
 gò est vernaculus, quemque ego discere non laboro :
 sed eam linguam quæro, qua cōscriptus est Alcoranus,
 & cæteri codices, in quibus continentur Machometica
 dogmata.

dogmata. Omitto quæ fortè D. T. cogitat de nouo hoc meo proposito. Nam, vt spero, doctis hominibus sententiam meam probabo: tantùm in præsentia volui significare, quid moliar, & in quo senectutem statuerim finire. Itaque cùm hæc concepissem consilia, & videbam rem vtilem esse, & fieri facile posse, vnũ incommodũ erat, quòd nõ haberem librorũ copiam: nam omnia huius sectæ mysteria sunt excutienda, & perscrutandæ rationes vniuersæ, quibus ista gens stet cõtra Euangelium. Siquidem cum spe victoriæ pugnandũ est aduersus hæreticos, aut à prælio supersedendũ. Et quemadmodũ malus aduocatus causam perdit, sic vulgares isti & triuales cõcionatores sæpenumerò concionẽ habent cõtra hæreticos, & eos imprudẽter adiuuāt. Quid facerẽ? gestiebam redire in patriam, gestiebam consilia mea prosequi: vicit ea pars, quæ mihi prorogaret exiliũ: & quamuis molestam adirem peregrinationem, tamen desiderium patriæ leuẽ duxi, modò instructior redderer ad pugnam Antimachometricam. Ne multa, profectus sum in Africam, traiectoq; freto Herculeo, quarta Maij anno superiore ingressus sum Fesam, in qua vrbe hodie præcipuè feruet Machometus, suntq; docti quãplurimi, & ingens librorum copia. At magni laboris est hinc autemere codices, quòd nullæ sint tabernæ librariæ, aut hinc istas merces auerere. Conueneram cum Rege de auerendis hinc libris: at monstrũ quoddam hinc reperi, quod quantũ in ipso fuit, me in periculum capitis adduxit, & omnibus modis anno me turbauit integro. Quòd si vulgus hominũ resciret, quo animo in hanc regionẽ peruenerim, nimirũ me lapidibus obrueret. Ego sic me gero, ne vllã vmbra consiliorũ meorũ præbea: omnes disputandi ansas præcido, quæ multæ offeruntur: seduloq; querũt & curiosè rogāt, cur linguã velim Arabicã: aio me cæteras linguas didicisse: desuisse hæc Arabicã. In quẽ, inquiũt, vsum? Est, inquit, apud Christianos solẽne, docere Græcas & Hebræas literas, volo adijcere Arabicas: nã est apud nos Auicẽna, est Auerrois, &

multi

multi item auctores, non satis fideliter versi in Latinū:
quòd si calleremus linguam Arabicam, rectius istos au-
ctores perciperemus. Hæc sic publicè, tantumque eos
codices nomino, in quibus res est Grammatica, & co-
gnitio vocabulorum. Priuatim verò, & clàm corruptis
aliquot pecunia, scriptores quæro, in quibus ista hære-
sis cōsistit: & magnum hoc anno laborem pertuli, adeò
difficile est hic parare supellectilem librariam: tamen
si me Deus viuum restituerit patriæ; nihil deerit quod
faciat ad prosequenda mea cōsilia, modò dominus Ab- 10
bas in piam hanc charitatem operam suam præbuerit.
Vides opinor eò paulatim labi orationem, vt nisi seruus
domino suo indigeret, non scripturus fuerit hanc epi-
stolam: sed ad rem. Audio in Brabantia, & ceteris illis
regionibus Cæsaris extra Hispaniam non posse haberi 15
seruos, sed statim eos fieri liberos, inuito domino: id
quod si verum est, nescio an ego vnquam sim rediturus
ad vos: quamuis enim iam ea mihi huius linguæ sunt
iacta fundamenta, vt possim prouinciam sustinere do- 20
centis, ægrè tamen procedēt mea consilia, nisi intra do-
mesticos parietes mecum habeam hominem Macho-
metistam, siue seruum, siue liberum, cum quo sermo-
nem misceam quotidie, & lectitem. Neque enim iam
deinceps pergo in studio Arabico, vt adolescentibus
nouam hanc linguam obiiciam: sed vt & ipse, & alij 25
mecum, si qui exemplum imitari velint, sic Arabicen-
tur, vt aliquando pugnent contra Machometū. Id quod
ita demum feliciter procedat, si mihi liceat studiorum
gratia domi habere seruos, vt in Hispania mos est. Qua-
re, reuerende domine, humanitatē tuam oro, vt in aula 30
apud sororē Cæsaris, hoc mihi diploma cōsequaris, quo
mihi liceat cuiusvis conditionis homines alere, seruos,
liberos, & Christianos, & alienos à nostra fide. Credo
te vnum tantum posse, vt non sit opus aliis: tamen me-
ritò me iuaret dominus Ioannes Renes, nomine Fre- 35
derici patris, piæ memoriæ: meritò etiam subueniret
Princeps nostrę ciuitatis Diestensis, à cuius patre nomē
obtinue-

obtinueram Beginarium : sed quia tam parum me iu-
 uerunt in obtinendo iure , vt fugerem litem sempiter-
 nam, veni in exilium istud ferme sempiternum. Omnia
 prudentiæ tuæ committo, si dabitur occasio , mea , &
 5 me viris illis commendabis , in quorum ferme conspe-
 ctu iam posthac vita mihi reliqua peragenda est . De
 moribus Machometistarum scribere longū est, & spero
 aliquando ex me coram audies . Itaque omisis malis
 commemoremus bona : Fesā bipartita est : vrbs vetus
 10 populosa est, ad L. millia familiarum, longoque tractu
 ferme semileuca : porrecta est à meditullio in vrbe
 nouam, quæ foris sita est, etiam suis cōclusa moenibus.
 Hic Rex viuit, & procures aliqui, & populus item reli-
 quus ad numerum iusti oppidi: huic adiacet Iudæa, suis
 15 etiam septa muris : suntque hic Iudæorum circiter IIII.
 millia . inter hos habito , propterea quod nec in vrbe
 vetere, nec noua familiam ausim alere . Et quamuis Iu-
 dæi non minus oderunt Christianos, quàm Machome-
 tistæ; minus tamen audent, quod & ipsi soluant hic di-
 20 rum tributum, idque singulis mensibus, adeo vt crebro
 vicem illorum doleam. Quantum Regi opus est , tan-
 tum pendunt: quare fracti aduersis rebus, sic reddunt
 ingeniosi, parandis quæ soluant Regi , vt nec Christia-
 nus, nec Maurus possit quippiam aduersus technas Iu-
 25 daicas, quas facile illis ignosco : quomodo enim tribu-
 tum graue soluant miseri, nisi strennuè furentur? Id ma-
 lunt facere, quàm mori in carcere. Ego per Dei gratiam
 sic me gero, vt nec Iudæos timeam, nec Mauros : vno
 tantum cum monstro mihi fuit res, cui acceptum fero;
 30 quicquid aduersi mihi accidit in Africa. Id quale sit, &
 quale sit illud capitis periculum, aliquando audies. Po-
 teram agere in vrbe vetere inter nostrates, hoc est, Chri-
 stianos mercatores, quibus locus est in ampla quadam
 domo , quæ vulgò dicitur Duana , sed non possum Sa-
 35 cerdos tam tutò per vicos ingredi, vt mercatores cæte-
 ri: multis crebro contumeliis per vias afficior, si quan-
 do hinc progredior in vrbe veterem , idque comite

quopiam cōducto è satellitibus regiis, qui me defendat
 ab iniuriis: hæc nimirum me dira manebant, quòd ni-
 mis multi sunt isthic causifici. Quanto feliciores sunt
 Fesenses? In tam vasta vrbe, nullus est aduocatus, nul-
 lus procurator. Ad templa sedent Alphakij, & domi
 præstò est iudex, qui dicitur Alcadi. Si qua lis oritur,
 quod fermè accidit propter matrimonia, vtraque pars
 vel Alphakium adit, vel iudicem: & momento tempo-
 ris finitur controuersia. Quare, reuerende domine, si
 quos aduocatos velis castigare, quòd malè defenderint
 tuas decimas, mittantur huc Fesam, morientur fame,
 controuersiarum inopia. Quin & doctor Zomerius
 hìc periclitaretur, etiam si nosset Auicennam Arabicū,
 adeo sunt hi homines alieni à medicis, aut si velis Sani-
 cidis: nam sic appellantur in Lusitania. Didici adagium,
 quod non nouerat adagiosus Erasmus: Opes perdunt
 Christiani litigando, Iudæi conuiuuiis festorum, Mauri
 celebrandis nuptiis: nam vt partem audias superstitio-
 nis, quisquis simul potest ducere quaternas vxores, &
 præter eas, tot ancillas seruas, & velut vxores secundæ
 notæ quot possit emptas alere: vxores illas primarias
 abiiciunt pro arbitrato, & sine vlla culpa fit diuortium,
 modò dotem certā initio pactam maritus dimissæ con-
 iugi persoluat. Ancillas verò vbi pro voto tractauerint,
 reuendūt, nisi ex eis liberos susceperint. Quare quan-
 do tam instabilia hìc sint matrimonia, non rarò existūt
 controuersia: verum lis extincta est, fermè priusquā sit
 cōstituta. Tépla multa sunt Fese, fermè CCC. LX. quàm
 plurima etiam balnea: crebrò enim gens ista lauat, &
 multis item aquæ lustrationibus vtitur, quæ res vel sola
 possit Septentrionem defendere, quo minus amplecta-
 tur sectam Machometicam, quanquam tamē ne id qui-
 dem obstitit, quo minus & in ea parte dogma sparsum
 sit. Alphakij non sunt multum fastuosi, etiam si sint
 diuites, nec peccatum ducunt, sine ministris per vias
 ingredi, fermè vt magistri nostri Parisienses, habentes
 in manica Breuiarium, lutum in calceis. Bella sunt hìc

vt inter Christianos. Seriphius Rex Marochij valde Fæ-
sensibus imminet. Nuper etiam nouus hostis exortus
est, is qui sororem huius Regis habet in matrimonio.
Tertius hostis molestus est parti vtrique. Nam hoc an-
no nobis cum locustis res est, quæ multis in locis om-
nia fata deuorant: vidisses nuper cælum totum obdu-
ctum agminibus locustarum, vlciscuntur rustici, vt pos-
sunt: nam saccos plenos locustis in foro venditāt. nam
hoc genus hostium hîc mos est comedere. De diplo-
mate parando, scripsi etiam ad præceptorem meum Ia-
cobum Latomum: quare si fortè Louanij tibi fuerit ne-
gotium, rem cum eo poteris communicare, aut episto-
lam aliquam ad eum mittere: ei viam ostendi, quā sit
mittendum ad me. Bene vale, reuerende domine, &
prolixioribus literis da veniam: Fesæ XII. Aprilis;
Anno M. D. XLI.

NICOLAÛS CLENÂRDÛS IOACHI-
MO POLITAE SVO, S. P. D.

SALVE Ioachime. Nihil peccatum est, nihil est quod
tibi ignoscam. Doleo rem non ita tulisse, vt tibi no-
stræ literæ prodesse possent. Si quid est vbi putas me va-
lere, vttere & abutere: nihil hîc cumulandum nobis est,
quā vt de proximis nostris benè mereamur. Prodi
in arenam; mihi crede, profectio faciliè patronum con-
ciliauerit. Instructus es iis dotibus, quæ non pascim
sunt Parisiis.

Ου τῶν τυχόντων λαπίσι φθέγεσθαι ὅπερ καὶ ἐν λυπηρίαις ἐν τοῖς
μάλιστα ἐνδοκιμοῖ, ὅμως τὸν ἐπιχώριον λόγον τρεῖς τὸν γαλλικισ-
μὸν, πάντῃ διὰ γλώσσης ἔχουσιν, καὶ τὸ πρῶτον τὸ πρῶτον τὸς ἡμετέ-
ρους ἀνθρώπους περιόλεπτες ἐκεῖ δειχθῆναι φιλεῖ.

Bene vale, mi Ioachime, & cogita te Biantem isthic
agere, vt omnia tua tecum te portare credas: perdidisti
fortunæ credita: quæ tibi labor peperit & virtus, per-
dere non potes. Louanij XXIII. Augusti.

E 2

LITE-

Nō vulgariū est
Latine sonare,
vbi etia qui Lu-
terie in primu
clari habentur,
linguam tomen
vernaculam, hec
est, Gallicismum
in ore habent. Fa-
res nostrates ho-
mines spectabiles
isthic efficere solet,

LITERATO VIRO IOACHIMO POLI-
TAE AMICO SINGVLARI.

SEMPER tu quidē, Ioachime doctissime, literis tuis
 insignem indolem testaris: nec vnquam desinis exi-
 mium quendam erga me amorem ostendere: quem etsi
 parum agnosco vbi sim meritus; magis tamē ob id pu-
 dore suffundor, quod tot amantissimis epistolis tam
 malignē antehac responderim. In causa fuerunt par-
 tim mores mei, qui in conquirendis tabellariis, nisi vl-
 trò sese offerant, operam fermē nullam ponere consue-
 uerim: partim etiam penes te culpæ portio sita est: qui
 cū crebrò me appellares, & postremò tanquam con-
 uiciis responsum flagitares; ita tamen rem attempera-
 sti, vt mihi scribendi locum nullum faceres, nisi literas
 in euentum incertum crederem. Vbi primum venisses
 Burdegaliā, & id Salmanticæ rescissem, istis videbaris
 auspiciis reliquisse Lutetiam, tali profectus duce, vt se-
 dem stabilem augurari non liceret. Cumque ego tanta
 semper libertate decurrā apud amicos, quā sum in
 scribendo facilis, tam sum etiam in committendo fasci-
 culo formidolosus. Hæsisisti tamen opinione diutius in
 Aquitanico gymnasio, nactus Gymnasiarcham alterū.
 Interim res meæ suspensæ esse cœperunt, & tandem in
 Lusitaniam redactus sum: quocunque tamen vel loco,
 vel statu constiterim, semper aduolabant literæ Ioachi-
 mi: nec putō vllas te dedisse, quæ mihi non sint reddi-
 tæ. Cæterū anno fermē priusquam concederes in Ita-
 liam, mirificè mihi imposuisti. significaueras nescio quē
 adusque diem permansurum in vetere domicilio: inte-
 rim si quid vellem aut ad te, aut ad nostrū Houerium,
 per eundem ipsum mitterē tabellariū. Feci quod iusse-
 ras, etsi hominē videre nō licuerit: vix tandem intellexi
 quando ad vos rediret. at serū mihi visum est, nec posse
 ad tuam illam *πρὸς τοὺς φίλους* adesse. Quid agerem? literas ne
 mitterem Burdegaliā, vt inde perferretur Patauium?
 consultum potius erat apud me seruare meas nānias.


Ecce

Ecce autem aliquot postea mensibus rursus meus Polites profectionem ornat in Italiam, cum ego quotidie literas expectarem è Patauio, quin & quasi istic ageres D. Episcopi D. Marci Vigerij consanguineos tibi com-
 5 mendauit: is dum hic legatum ageret, tuas literas ad me vidit, ac summopere expetiuit, vt tibi suscipiendæ conditionis auctor essem: at nihil, vt video, ad te perlatum est. Feci postea tui mentionem apud nostrum Damianum, & amicum Goea musis Goea musarum comitem, cui
 10 carmina semper & citharæ cordi, numerosque extendere neruis: licet enim mihi idem torquere in Goea, quod dixit Virgilius in Cretea. Si literæ meæ causam vllam dederunt, vt in humanissimi viri familiarem amicitiam venires, equidem gaudeo, non vestri modò causa,
 15 verum etiam mei: ita enim futurum confido, vt posthac crebrò de rebus tuis audiam: suspicor tamen hic mihi nihil deberi, quando ille me tam diuturni accuset silentij. Vtcunque sit, bene cecidit, quòd tam inter nos coniuncti viuitis, animæ quales neque candidiores ter-
 20 ra tulit, neque queis me sit deuincior alter. Cur enim non vtar Horatio, cui sic deditum esse Damianum scribit Hauerius? Atque hætenus quidem de excusando meo silentio satis multa: nam quòd mihi tãquam philosopho materiam styli exercendi videris proponere,
 25 satis (vt apertè dicam) addubito num me riseris: quæ enim vlla charta vel sani hominis speciem præbuit, nedum vi & copia dicendi præditi? futiles iocos, & inania verba vt in calamum veniunt, plusquam expedit effundere possumus: at serium argumentum tractare,
 30 quodque virum desideret in disciplinarum orbe perpolitum, non est meum Ioachime, nec vnquam tanto oneri pares humeros speraui: & vt fuisset ad eam literarum partem vel natura satis appositus, vel diligentia industriaque vtcunque adornatus; tamen posteaquam
 35 in hac linguarum farragine iactari cœpi: & Sisyphi exemplo longi damnatus laboris, non vnum, sed quinque saxa voluere, protinus & rerum cognitio euauit,

& dictionis decor, si quis erat, periit. Hinc si quid expectes, rogabis quo pacto legant Hebræi, aut Chaldei, quod si Deus & Arabicam dederit bibliothecam aliquanto plenior, & sacris quoque instructam codicibus, tentabimus (si Deus permiserit insigniter desipere) & huiusmodi viaticum senectuti parare. Quibus enim insanire propositum est, ij, censeo, aut ad plenum insaniant, aut insanire desinant: mediocribus esse stulis non dij, non homines, non concessere columnæ. & scitum est, quamcunque artem proficere, susceptis partibus cumulatè satisfacere: quod etiam in causa fuerat, cur te modis omnibus adhortandum putarem, ut in profitendi munere strennuè pergeres. Cum enim dotes ingenij istius sic satis novissem, grande te decus manere credidi, si in illud studium manibus pedibusque incumberes: nec decus solùm spectabam, sed & certissimum senectuti præsidium paratum cernebam. nō quod te scholis tanquam perpetuo pistrino alligarem: sed inde ut ad summū aliquando honoris apicem, certumq; emolumentum conscenderes, quod (nisi me fallit opinio) plus tibi in omnem deinceps ætatem conferent istæ literæ, quas tu iucundas credis non fructuosas, hoc est, quæstuosas: plus, inquam, inde tibi lucri puto accedet, quàm è causificorum technis, aut carnificum tyrannide, quas duas artes ambiguè nominaui, quod nefciam, vtram sequaris. Sunt illæ, fateor, his moribus, & hac vita, cumulandis opibus aptissimæ: at vereor ut ingenium tuum ferre queat, aut vafriciem, aut audacem temeritatem, quæ nisi adsint, frustra hodie vel Vlpianum agas vel ipsum Galenum: vtram vtram tibi delegeris, dediscenda tibi est omnis bonarum literarum polites, aut rem non facies. Obsunt isti quæstui non solùm meliores disciplinæ, verum etiam rectè instituti opinio. Noui hîc Iuriconsultum doctissimum, quem hoc tantum nomine minini faciunt, quod subinde loquatur Latinè: & scis in isto aucupio pendere omnia è fama. Erat mihi profectiois Hispaniensis comes Ioannes

Vasæus

Vassæus, iuuenis Græcè Latineque doctissimus, qui hic
 mecū dum esset dies plures, iam reuersus ex Hispali
 sententiam meam sciscitabatur de constituenda vita.
 Ego perspecto ingenio ac moribus, & quibusdam inter
 5 confabulandum animaduersis, suadere cœpi, ut sese ad
 obeundas legationes principum conformaret. Atque
 interim dum ageret Salmanticæ (nam ibi biennium com-
 moraturus putabatur) libros iuris civilis perlegeret, nō
 quidem quasi rabula forensis futurus, sed ut in magno-
 10 rum virorum consiliis, etiam earum rerum iustam te-
 nerationem putaretur: legeret, inquam, illos scripto-
 res, haud aliter atque orationes Ciceronis: nunquam
 enim futurum credebam, ut tam politis literis initia-
 tus, ad causificorum istorum barbariem descenderet,
 15 nec opus esse Secretariis Principum, aut Oratoribus:
 ita quidem Vassæus facturum erat, at nescio quorum sua-
 su aliorum more cœpit iuri studere. Id ubi cognou-
 issem, consilium dedi, ut se penitus ab elegantioribus
 literis exueret, alioqui inter duas sellas vtraque exclu-
 20 deretur. Ille verò pernegabat fortiter, & Alciati mihi
 exemplum offerebat, viri, ut puto, longè aliter instituti
 quàm aut tu, aut Vassæus, & nisi coniectura fallor, ille
 iam in palestra sua ad summum peruenerat, priusquam
 se politioribus daret literis. Cumque iam gloriam no-
 25 menque teneret, priusquam nomine Grammatici malè
 posset audire, quicquid postea disciplinarum adiecit,
 etiam priorem famam adauxit. Et licet ille vestra studia
 sit consecutus: tamen id ipsum quod habet longè pluris
 fuit, propterea quod artis suæ quam profitebatur, tan-
 30 quam *πάρεργον* esset. Ita enim natura comparatum est,
 ut si quis in aliena professione quid commodè dixerit,
 longè opinio hominum rem transeat, puteturque is &
 alia plura scire, sed dissimulare. Memini Louanij docto-
 rem quendam Theologum in scholis verbum vnum
 35 atque alterum pronunciasse, & postridie id semel at-
 que iterum inculcasse: quanta, bone Deus, Græcarum
 literarum illi erat apud stupidos cognitio! adeò ut non

dubitem fuisse tum inter nostros Baccalaureos, qui me
 præ illo nihili facerent, cum tamē non ignorarent mihi
 annos aliquot in eo studio consumptos. Quin & ego
 cum primū coepissem profiteri Hebraicē, quod plerū-
 que antē non audierant me illas tractasse literas, multo
 visus sum doctior quā eram. Nec dubito quin sic il-
 luserim hīc nuper cuidam medico Arabico docto. hūc
 cum vidissem atque salutassē Salmanticā, & humani-
 tatem essem expertus, absentis amicitiam fouere stu-
 dui, futurum sperans, vt aliquando mihi in eo studio 10
 esset vsui. Itaque cum nuper ē Conimbria per literas
 me salutasset, & ego in responsione nescio quid Arabi-
 cē mouissem scrupuli ē tertio libro Auicennæ, quem
 tum Arabicum habebam in manibus: paulō post rur-
 sum me literis inuisit, & tāquam magno, & perito me- 15
 dico ex eo loco Auicennæ quæstionem proponit: erat
 autem de  Subet capite primo sub finem, ita sa-
 tisfeci homini, vt me posthac non sit habiturus medi-
 cum. Redeo ad Vasaum & studium Iuris. Scribit pau-
 cis post diebus sibi rem non arridere: & posthac eos 20
 codices sibi legendos, quo inter nos modo conuene-
 rat: quem res habitura sit exitum nescio, præsentī ta-
 men statu bene habet, ac summa cum gloria publicē
 docet Rhetoricam, nec parem habere putatur Salmanti-
 tica. Docet etiam Græcē maxima frequentia. Quod 25
 nisi inter scholasticos consensescere cogatur, & quō il-
 lum fata sua vocant libenter accesserit, magnum ali-
 quando virum visurus es Ioannem Vasaum, nobilem
 principis magni aut Oratorem, aut Secretarium: quod
 hominum genus si quando locō vnā atque alterā 30
 legem citarint, doctiores habentur omnibus, quotquot
 sunt à consiliis. Audisti res Vasaanas: scribes inuicem
 ad me de tuis: & quanta voluptate verseris in isto stu-
 dio, quod amicorum impulsu magis statuisti conduci-
 bile senectuti. Præterea Medicinam ne sequaris, & in- 35
 ter Libitinarios celebrandus sis, an ad sanguisugas de-
 feceris; quid enim sunt aliud isti causifici? Vnum tamen,
 mi

- mi Ioachime, velim scias, te posthac tanto futurum mi-
 feriozem, quanto magis futura senectutis respectum
 egeris. Dices contrà cū Syro: Istud est sapere, non quod
 ante pedes modò est videre, sed etiam illa quæ futura
 5 sunt prospicere. Vixisti felicissimè, dum propter fortu-
 nam illam Zelandicam tibi res ad rastros professorios
 rediit: at in posterum parū vtilia studia, quasi verò cer-
 tiore manu teneas annos atque ætatem, quàm prædia
 Zelandiæ. Mihi si morem geras, quando vires tuas
 10 in illo studio fuisse expertus, illud ob oculos reuoca-
 res: *παράτην ἔλαχες, ταύτην κόμει*. nam si ista ætate (vt ais)
 iucundissimè vixisti, cur quæso non possis in eisdem li-
 teris viuere senex? Quid, inquires, tu me vis miserum
 cõtabescere professorem? *ευφύμει* ne istud dixeris. Quid
 15 ergo? hæ literæ munus suum diuisis habent temporib-
 us: & qui modò stipem rogabat Græculus, postea Cæ-
 saris factus est Orator, nunc (vt audio) Romæ triūphat
 Archiepiscopus. Et eandem fermè spem mihi ominatus
 est noster Houerius, & tamē perduro in vetere studio.
 20 Quid si conditionem suscipias apud D. Episcopum,
 qui (certò scio) te conueniet: an nullam emergendi
 viam cerneret? Sed nolim mihi multum fidei tribuas,
 præsertim vbi de causificis est quæstio, aut carnificibus.
 Nam si quantum cuperem, tantum valerem quoque:
 25 profectò vtrosque è medio tollerem, speraremq; fore,
 vt quemadmodum, auctore Catone, explosis medicis,
 Roma stabat sanissimè; ita meo impulsu, non vna mo-
 dò ciuitas, sed totus orbis pacem ageret, qui nunc per
 istos cacodæmones totus feruet litibus. De te hæcte-
 30 nus. Restat noster Campensis, qui cū Patauij mini-
 mum XI. commoratus sit dies (ita enim collatis tuis
 literis cum Damiani colligo) valde miror, cur vtrique
 negotium salutandi dederit, nec ipse tantillum ocij ha-
 buerit, vt me suo appellaret calamo. Sed ita est, post-
 35 quàm à Contarenis vocari cœpit, veteres amicos ne-
 gligit. Quare etsi vel optima sese occasio tulerit, nolim
 tamen hominem mea causa resalutes. Valeat cum suis

*Spartam quam
 nactus es, hanc
 orna.*

Bona verba.

Cardinalibus : nos interim cum Regulis agentes , vt-
cunque sortem nostram solabimur. Non habere quod
expostularem, nisi ille hinc meas ante annum accepisset
litteras. Vale , optime Ioachime , etsi quid aut liberius
aut imprudentius effutiui , da veniam homini non ali-
ter instituto. De stylo nihil opus est causari , quando
eas veneres magis ac magis dediscam . Eboræ XXII,
Aprilis.

NICOLAUS CLENARDVS IOA-
CHIMO POLITAE, S. D.

INTER Græcos auctores, doctissime Ioachime , è
quibus Latini disciplinas fermè omnes hauserunt, 15
nullum tam diligenter legi atque euolui vt Lucianum,
non aliam ob causam, nisi quod accepissem ab eruditis-
simis viris vnum eum scriptorem , ad cognoscendas
phrases abundè sufficere : Verùm quantum tuæ prædi-
cant literæ, multò melioribus auspiciis Græcanicæ lin- 20
guæ rudimenta & fundamenta didici. Tradit ille, vt
nostis, compendiariam quandam viam, qua planè citra
sudorem ac puluerem summus Orator breuissimo tem-
poris momento possis euadere . Nimirum dum alia
consector in Luciano, ἑλθὼν ἐμαυτὸν δεινὸν τινα λέγειν ποιη- 25
σάμενον. Quare tibi immensas meritò gratias ago , qui
mihi meipsum tam apertè nunc ostenderis: antehac si-
quidem putabam sic tumultuariè scriptitans ; epistolis
id me fortè consequuturum , vt si cursum studiorum
absoluisssem, & aliquantum cœpisssem parere, tolerabili 30
sermone linguarum studiosis dicerem: ita legunt Græ-
ci: hoc pacto sonant Hebræa : & Arabes quoque ad
eundem se habent modum. Verùm, vt audio , lautior
supellex est in instrumento meo , & imprudens Del-
phicum oraculum negligo γινώθι σεαυτόν. sum enim Ora- 35
tor , auctore Polite , οὐ τῶν τυχόντων μὰ δία ἀλλὰ τῶν πάντων
& τῶν ἀρχαίων , ἢ οὕτως ἐπτεῖν τοὺς ἀρχαίους. nam miseris illis
multum

Non sensi me ita
reddutum esse
egregium Ora-
torem.

Non ex numero
vulgarium per Io-
nem, sed magno-
rum & priscorum
vel (vt sic dicā)
supra priscos.

multum olei opus fuit: & se noctes atque dies excruciabant, ut eleganti oratione in aures multitudinis influerent; mihi ne per somnium quidem unquam in mentem venit, Rhetoricis præceptiunculis incubere, cum
 5 tamen ad eorum laudem fortunatus pervenerim, & quod est artis tanquam cardo (si Ioachimo credimus) exactè, & ad plenum consequor: dum enim me abijcio, dum stylum humilem & aridum prædico, ita stylo ducendo, valere traducor, ut proram & puppim re-
 10 neam facultatis oratoriæ, nimirum, τὴν ὑπόκρισιν. Ceterum, Ioachime, quando meæ farinæ Rhetoribus una modò musa colitur, quam vocant φιλοτιμίαν, volo cumulatissimè partibus meisungi: nam & hoc quoque oratorium puto stultè gloriari, non minus, quàm iactanter
 15 dicere: ne ignores, & minus amicū laudes, quàm pro meritis, repentè & iam Poëta prodij, eodem Luciani præcepto fretus, qui solam impudentiam omnium artium fontem affirmat. Audi (si lubet) specimen novi Vatis, & leonem ex vnguibus æstima: cur enim iam
 20 pudeat magnificè loqui? Qui inepti personam suscepit, nihil prius habere debet, quàm benè ineptire. Itaque cum his diebus febri poëtica correptus essem, & ad Hoerium scriberem epistolam, felici illius gratulando piscaturæ, hoc dictante Apolline, effudi distichon:

25 Poscis opes sacras nummo reperire prophano?

Curre citus Romam, sacra sunt venalia Romæ.

A T. præstat, opinor, totius fabulæ originem commemorare, ut scias, cur versus asperferim epistolæ Hoerianæ, imò ut plures discas Clenardi titulos, ἐκείνο γὰρ
 30 τὸ ἔργον, plausum auferre & laudari propter artem poëticam: sum enim Poëta, & novum genus carminis repperi. Dicenturque post hac Clenardica, haud aliter atque Sapphica, aut saltem Clenardia, ut Phaleucia: nam animus est, posthac eo genere tam crebrò
 35 uti in furia, quàm ut noscas in manu habeo, ut quemadmodum Themistocles, si memini demandatum officium omnibus redditum περὶ πόθην. ita vos parvi poetuli, Exoptatum.
 mani-

manibus pedibusque conemini, quo possitis conscribere Clenardica. O Erasme quanto meo bono mortuus es, cuius nisi sedulò funus curassem, necdù in albo poëtarum esset Clenardus, aut vt veriùs dicam, poëtarum Coryphæus: sic enim Lucianus præcipit, Quãto minores sumus, tanto cristas erigamus sublimiores. Ergo acceptis Damiani, tuisque literis, omnia quæ in manibus habebam abieci, & totus in lacrymas solutus sum, domi, foris vbicunq; agerem, ob oculos mihi versabatur Erasmus: nec me tenere potui, quin multos doloris mei testes adhiberem: principiò parvam Elegiolam effudi ad Resendum, cuius hæc fuit coronis:

Spirantem vulgus, quod non tolerauit Erasinum,

Defunctum serò quæret habere senem.

Mox ad eundem valde impatienter Erasmi obitum ferentem, hunc in modum Oden conscriptam misi: libet enim ea tibi quoque ostendere, quæ ad alios, vel Orator, vel Poëta, facillimè fundo, & ex tempore: & domi iam est Ode, vt ad ipsum perlata fuit: cure enim vereor vel cunctas syllabas meas in summo habere precio, quando tantus sum Orator?

SALVE Resendi, iterum furio, & rursus ineptio. Cùm redissem modò domum, audito sacro, ac semper ob oculos versaretur Erasmus; venit in mentem Horatij: qui, defuncto Quintilio, Oden scripsit ad Virgiliũ. credo te fuisse non minus amantem Erasmi, quàm erat ille Quintilij. quòd si & ego personam Horatij queam sustinere; carmen haberes elegantissimũ: imitatus sum tamen numeros, tu censor esto.

ERGO pallida mors eripuit senem

Indigner Erasmus? cape publicos

Luctus, qui Latio te recreas stylo:

Musarum decus occidit.

Blandæ Cecropidum conscia paginæ

Gens assueta sonos carpere duplices,

Vtrisque celebrẽm plangite literis:

Iam nullum dabitis parem.

Diui-

Diuiños docuit voluere codices,
Et sensus retulit fortior integros,
Splendorem tabulis restituit sacris:

Luge concio mystica,

5 Omni mors meritò flebilis ordini,
Sed plorata nimis fata Resendio,
Quid frustra superùm frangere gaudia

Lamentis properas tuis?

Nam Desiderium ferre diutius,

10 Mortales inter tædia noxia,

Ingratum fuerat cernere cælites,

Sydyd quòd cuperent nouum.

Quapropter positis desine naniis

Victori egregio condere funera:

15 Sed mecum modulis latus amantibus

Cura pangere cælitem.

AN hoc quoque licentia poëtica sibi vendicat, vt
cùm lugèdum dicam omnibus, tecum ficcis oculis ve-
lim triumphare? Quis tibi videor Ioachime? malusne

20 Orator, an pessimus Poëta? Audi porrò cætera. Eo ipso
die Oden quãdam tricolon tetraastrophon componere
coëpi benè longam: quam postridie absolutam exhibui
meo Principi. Stans enim pede in vno, versus possum
eructare plurimos, haud aliter atque Lucilius emuncte

25 naris duos cõponere versus, vt Flaccius ait, quem mul-
tò malim imitari, quàm istos operosos versificatores,
quibus sæpe syllaba vna, nocte solida facefsit negotiũ,
& tamen mordendis vnguibus, cadendo pluteo, nun-
quam sibi satisfaciunt. Quãto ego felicior, qui quic-

30 quid subitò crepem, omnino afflatum Apollinis cre-
dam? Istis aliquis tandem exorietur Zoilus, qui poëti-
cen adimat: Clenardus spero tam erit eximius, vt ne-
mo eum curet inter malos Poëtas censere, & interim
hoc quoque lucri auferet, quòd cum amicis suauiter

35 seipsum ridebit. Et quid quæso interest nobisne, an aliis
ridendis capiamus voluptatem? quocirca strennuè glo-
riandum est, si malignos habeam vicinos, ipse mihi non
dcero.

deero. Itaque deinde Sapphicum scripsi elegantissimum, quo nullum est apud Horatium longius: valde enim ubique foecundus sum: & ea mihi sunt optima, quæ numero ponderantur: quâ parte Ciceronem refero pulcherrimè, qui hoc melior, quò copiosior. Etiam hinc aliquid iactare libet, siquidem pleraque me mirificè capiunt, & Augustini verbum re ipsa cõfirmo, stulto homini placet, qui sibi placet. Sed mos gerendus est Luciano, qui diligenter monet, vt perpetuò nostra laudemus.

M V S A quid cessat? tua nescit auris

Orbe quod toto trepidante luctu,

Fama iam clamat, pereunte vena

Eloquiorum?

Et paulò post oborto mihi fletu, sic pergo:

Iunge Clenardo lacrymas Georgi;

Impios mecum reuocare manes,

Quæstibus curæ, mihi tot diebus

Fletur Erasmus.

Versibus mœstis nimium dolenter,

I A M illud quod sequitur, an Sappho ipsa diceret concinnius?

O senex annos recinende cunctos,

O sacris quotquot studeant Camœnis,

Mite solamen superans, recedens

Eunus amarum.

C A E T E R V M quâdo Lucianus monet, vt alios semper præ nobis nihili faciamus, etiam hac in parte docilem me præbere volo. Missurus est ad Damianum Resendius carmen, quale eudero potuit homo ætatem omnem in Parnassò versatus: sed nihil ad nostra hæc, quæ non humano studio, sed repentino instinctu eduntur, vt Musis visum fuerit. Agnouit in hoc Poëta furtū, quod prodendum est, vt aliis carpendis habear doctior: hic enim nobis qui sub Luciano meruimus, optimus est canon. Firmè quicquid versiculatus fui, amico Resendio legendum tradidi: non vt castigaret: nam & mendaciis

daciis quoque mea nititur Rhetorica, sed vt nouum
Poëtam laudibus veheret. Interea ille laboriosus Vates
animaduertit, quæ mihi Apollo subministrasset: &
quodd ego prior occupassem, postea medicatò vsus est:
5 erat autem de Venere Coa, de qua sic comparisonem
in Sapphico meo posueram:

MAXIMUM formas dare penicillo,

Vocibus Cois Veneris decoræ

Artibus summis opus inchoatum

10 Quærit Apellem.

Paginæ vastam fabricam disertæ,

Quam ferè limam vigilata scripta

Ceperant, votis Basilæa frustra

Poscit Erasinum.

15 ET quando nobis Rhetoribus, & Poëtis non pro-
letariis, sed classicis, hoc vnum propositum est, vndiq;
captare gloriam: etiam apud puellas me in hac furia
venditavi, vt vterque Clenardum sexus nihili putet esse
Poëtam: nam vides Ioachime, quo pacto subitò saluât

20 mihi carmina bella: nam quicquid conor scribere, ver-
sus abit. Est hîc inter aulicas asseclas virgo eleganter li-
teris culta, adeò mihi nota, vt vix nomen tenuerim, nisi
subuenisset Resendius: eam quoq; ad exequias Erasmi-
cas mirè venusto carmine cohortatus sum, quod ad

25 istum conclusi modum:

RUSTICOS aulæ rudis, & decori

Nescius, quauis gemitus reduco

Veste, Clenardus, venerans sepultum

Tristis Erasinum.

30 Purpura tu quæ nitida reluces,

Et Probam docto calamo reportas

Grandior fastu meliore adorna

Valea pompa.

EST enim virginî nomen Ioannæ Vasiæ, cuius ab
35 hinc bienniû epistolam vidi, cuius nec te puderet. Ve-
rùm ne aliis laudandis à me discedam, narrandus est fa-
bulæ actus extremus: in quo sic excello, vt cû in primis
lusi-

lusibus reliquos omnes superauerim, & vniuersa poë-
 mata vicerim, quæ sunt, quæ fuerunt, quæ mox futura
 sequentur: hic me ipsum etiam vincam, quod aiunt pul-
 cherrimum esse victoriæ genus. Quod si scias quàm
 mihi scitè in mentem venerit, sandalio profectò mihi
 caput demulceres: sic itaque res gesta est. Cùm toto
 animo domi sederè defixus in Erasmo, & me ipse sua-
 niter titillarem, quòd tam bonus subitò factus essem
 Poëta (vt fit) insolentiæ stimulis agitatus, gloriæ meæ
 pulchrè consultum credidi, si nouos aliquos miseris
 mortalibus proderem numeros: ita enim Poëtarum
 prouentum futurum vberiore, si laxiores calamis
 darentur habenæ. Sunt qui vix possint conficere Hexa-
 metra, cùm in Iambicis valeant. Itaque Comico videas
 sermoni propiores ad eò quandoque liberos, vt vno lo-
 co quinque pedum metra ponant. Nemo certè diffi-
 tebitur, quanto plures canendi & saltandi dentur nu-
 meri, tanto aditum ad poëticam patère latiore. Glo-
 riatur Horatius, quòd Princeps Aeolium carmen ad
 Italos deduxerit modos: mihi longè maior triumphan-
 di gloria est, qui nihil ab Arabibus aut Græcis mutuò
 sumpserim: sed meopte marte fretus, ad eò inauditum
 carmen repperi, vt decima forsitan nunc addenda sit
 Musa. Multa Ioachime veteri & prisco seculo latuerūt,
 quæ nunc passim in apertum sese proferunt: insulas, &
 habitabiles terras iam nouimus, quas Cosmographi
 hætenus præ Solis ardoribus humano generi præclu-
 serunt. Et quid reperiendis his bonis, & auro furando
 Perusino causam dedit? nimirum audax omnia perpe-
 ti gens humana ruens per vetitū nephas. Quod si prio-
 ri seculo tanta fuisset audacia, quanta nautis Lusitani-
 cis, non ad eò foedè scriptores in topographia lapsi fuif-
 sent. Itaque credo futurum, vt iam deinceps vos Poë-
 tas seruili quodam ingenio præditos planè conuincam,
 & mentitos esse ostendam, qui ob id dubitastis plures
 facere Musas quàm nouem, propterea quòd sic prisco
 seculo traditum fuerit. Ego contrà, verius inueni, de
 quibus

quibus neque fictum, neque pictum, neque scriptum usquam est in poematis, quos nec Clio, nec Euterpe, neque vlla istarum sororum usquam cecinit: ac spes est fore, ut propediem valde Parnasi moniales adaugeam. Ex animo loquor, mi Polites: vix à lacrymis tempero, cum vestram omnium miseram sortem tacitus contemplor. Auctoritatem apud vos habet puellula Sappho: & carminis noui inuentricem colitis, quasi præstantius esset alios venerari, quam seipsum venerandum offerre: & ut mihi quidem videtur, eandem vobis libertatem præciditis, quam hodie isti Doleti, & Ciceroniani: ij non ausint dicere versiculari, quia Cicero non usurpauit. Liuium, Plinium utrumque, & quicquid vñquam scriptorum extitit, inutile nobis faciunt, si aliter loquantur quam Cicero, sapiuntque multò plus, quam vniuersi post Tullium, non cogitantes, quod & alia scripserit Cicero, quæ interciderunt: quæ si comparerent, fortè Batauum non impeterent, quasi parum Latine loquentem. Vos Poëtæ in eandem fraudem inciditis, & in modulandis carminibus, veteres imitari; nec fas ducitis alios edere saltus, quam quales illi saltitarunt. At cogitandum erat, forsitan eos pedibus fuisse aliis, quam quibus nos hodie nascimur. Quid autem? Turnus tam grande saxum in hostem torquebat, ut nos minoribus lapillis uti vetaremur? Iam Poëtæ Græci quot iniuria temporum perierunt? & ut numerû Terentiani Grammatici non fuerint transgressi, ideòne mihi fraudi debet esse, quo minus liceat nouas inuenire Mûsas? Opifices omnes cum seculis mutantur: imò singulæ regiones peculiarem quandam rationem sequuntur. Cum ante annos aliquot excurrere libuisset Lutetiam, videbar illis in capite gestare nidum ciconiæ: tam vastus erat pileus, quem illic nostratium more seruabam: postea vsus minore, & Parisiensi: cum redissem Louaniû, Coclenius rogabat, nû peregrè caput perdidissem? Tu Ioa-chime, cãtilenas istas vulgares nosti, & te cum Damiano subinde oblectas. Eodem modo canitis hodie ut

F olim?

olim? eosdem pedes nauticum habet celeuma apud
 Zirecenses, & Italos? & iste Galatæ Patavinæ blan-
 dius ne garrunt, quàm Catharinæ Zelandicæ? Breui-
 ter, omnes calcearij, & coqui, nobis qui literas tracta- 5
 mus, multò sunt prudentiores: comminiscuntur sem-
 per aliquid noui, quod ad oculos faciat. Eos imitari
 volo, & tot scrutari carminis genera, quot sunt causifici
 Patauij, aut catenati in Lusitania. Sed iam tempus est,
 vt aliquid degustes noui carminis. Cùm vellem conso-
 lari nostrum Refendium, & iam viderer mihi nobilis 10
 Poëta, taxo Campinienti tempora redimitus, id persua-
 sissimum habui, quicquid primum in buccam veniret,
 afflatum esse Musarum: accepto calamo, hunc in modum
 incepti:

ERASMI cultor, ô Refendi 15
 Grauem qui concipis dolorem,
 Et opples lacrymis ocellos.

HOS numeros conseruaui toto carmine, quod ex-
 creuit multum: vbique enim sunt Maximini caliga, &
 Clematis Aegyptia, corporis statura, prosa, versu: atque 20
 vt scias me etiã grauitè & magnificè canere, Audi
 quæso Sophocleum Cothurnum:

VIRI non manibus caducam
 Dabis vitam. rapit potenter
 Simul florente cum iuuenta 25
 Senes mors omnibus timenda,
 Popello, & Regibus superbis,
 Honorem purpuræ nitenti
 Habens nullum. At decus Sophorum
 Parant quod impigro labore, 30
 Truci non indidit sepulchro.
 Superstes semper est piorum
 Fugax virtus luem videre.
 Cadunt turre, cadunt tyranni,
 Breuis vitæ bono fruente. 35

QVI D alia tibi commemorem? quando vel iis solis
 immortalitatem meritus sim. Quod si rursum Tragicos
 Bacchus

Bacchus quærat, nec Euripedem, nec Sophoclem, nec
 Aeschylum petet ab inferis: sed rectà se conferet ad op-
 pidum Diestense, salutaturus Clenardum. Cùm sic in-
 faniuissimè ad centum & sexaginta versus, eoque amplius,
 5 ac multis argumentis niterer dolorem Resendij miti-
 gare; ut perpetuò mei similis essem, ridiculo conclusi
 luctum, & seria in iocum conuerti.

QVID autem pluribus Resendi
 Morer te, multus increpando?
 10 Poëtam te putamus omnes,
 Nec in pectus cadit Sophorum
 Dolor latus pio triumpho.
 Sali, charum canens Erasmus,
 Voca vel te malum Poëtam.
 15 Furorem sed Resendianum
 Probe si intelligo, choraules
 Prius fiat, trahatque restim
 Fori spectaculum frequentis
 Magis centum lubens Erasmos,
 20 Velit quàm lacrymis perisse
 Grauem famam sibi Poëtæ.

HAEC sunt, Ioachime, Clenardica, me, me inquam
 auctore nata: quæ ubi Resendius vidisset, venit ad me
 postridiè bene iratus. Et quid hoc, inquit, est rei? probè
 25 me tuis versibus torques: legi ea gratia hesternà nocte
 totum Terentianum, nec usquam istius generis exèpla re-
 tulit: quasi verò, inquam, ille Maurus somniare potuerit,
 quid Clenardum docturus esset Apollo. Nouus sum Poë-
 ta Resendi, nouos fontes repperi. Vellem, inquit, vul-
 30 gato more mecum ageres, siquidem anno quoque supe-
 riore cùm paucis diebus laborarem morbo poëtico,
 Resendianas ædes, nouo carmine celebraui. Accipe
 initium, ut rideas:

Dic peto dulce Resendi
 35 Clenardo melos, estne poëticis
 Inuidiam superare
 Vis innata sororibus omnibus?

VERVM vt causas redderem commentimeï, ac vi-
 derem satis apertum campum fabricandis versibus, in-
 stitui quoddam Phaleucium ad eundem Resendum:
 id adhuc extremam manum desiderat. Siquidem cùm
 sic occasione mortis Erasmi, totus essem in canoris nu- 5
 gis; interuenit tabellarius Salmānticensis, & turbauit
 officinam poëticam. Ab eo die hastenus fui inscriben-
 dis ad amicos literis: accidit enim, vt eodem tempore
 mihi parandæ essent epistolæ ad vos, ad patriam, ad Sal-
 manticenses, ad urbem nostram Romanam, adeò vt his 10
 duodecim diebus ducendo calamo fermè enectus sim,
 & vt sum apud amicos planè *παρηγορούμενος*: & nihil puto
 æquè synceram amicitiam decere, quàm de quotidiana
 vita reliquos certiores facere, etiam furorem hunc
 meum significauì. Quid? nōne in omnes orbis an- 15
 gulos emittuntur veredarij, si quando noua reperta
 est insula? quid faciendum erat, vbi tam repenti nouus
 & Orator, & Poëta extitisset? Miseras tu Ioachime
 Pasquilli iocos, reposui puto ad nauseam vsque: quid
 enim facerem ad iocandum lacepsitus; qui tam libere 20
 consueui ludere in rebus seriis? Risisti meam Rhetori-
 cam, habes nunc, vt poëticen quoq; scommatis asper-
 gas: Laudarem ego vicissim epistolam tuam, tam di-
 sertè, tamq̃ue cordatè conscriptam, sed dogma Lu-
 cianicum violare nefas esto: vniuersi præ nobis sordere 25
 debent, alioqui nomen Oratoris tueri non liceret. Ve-
 nio ad reliqua. Miratus sum, quid tibi in mentem vene-
 rit, à medicis deficere ad caustifcos. Scripsi quid consi-
 lij dedissem Vaso. quod si tibi quoque congruere iu-
 dicasti, tamen me puto defectionis auctorem non ha- 30
 bes. Barbariem ais in causa fuisse, cur reieceris medici-
 nam, & recondita quoque illic opus esse rerum cogni-
 tione. Ioachime, si barbarorum opes quæris, & aurum
 istud senectuti viaticum paras, *δει μὴ γὰρ βαρβαρίσῃς*.
 probitas enim laudatur & alget. Deinde, Est aliquo pro 35
 dire tenus, si non datur ultra: liceretq; tibi medicinam
 sic didicisse, vt barbaris istis in reparanda nihil cederes:
 &

Oportet aliquā
 inlum barbari-
 zare.

& præterea Græcis instructus apud principes viros, no-
 men haberes aliquanto honestius, quàm cæteri. Iuris
 peritiam si nolis ea ratione tractare, qua vulgus homi-
 num, sed Budei placeat institutum: sanè literatum iuris
 5 antistitem præstiteris. *ἀλλ' οὐδ' ἐν τοῖς τὰ ἄλφιτα.* nam qui *sed nihil ad fa-*
 eam hodie professionem habent quæstui, non tam iu- *rinam.*
 stitiæ, vt ait Cicero, quàm litigandi tradunt vias. Va-
 fæi alia est causa, quàm tua: viuunt Salmanticæ in summa
 nominis celebritate: videturque iam de vita in poste-
 10 rum agenda statuuisse. Literas humaniores colit, & di-
 uitum liberos fidei suæ commissos gnauiter instituit:
 quântum eius spirabat proxima epistola, hoc anno præ-
 ter suum famulique victum, seponet Lxx. ducatos: &
 nisi me fallit coniectura, parum habebit negotij cum
 15 studio iuris. Tu Ioachime, quando non libuit in Latinis
 Græcisque literis cardinẽm ponere, quo deinceps tota
 verteretur vita; in hoc mihi peccasse videris, quòd me-
 dicinam reliqueris, cùm præsertim iam annos aliquot
 successiuis horis, & postea *ὡς τὸ ἐργῶν* amplectereris: ni- *ut principalis*
 20 hil in nobis deterius ad promouendum est, quàm in- *institutum,*
 stabilis animus. Si impulsu Zagari, aut aliorum ami-
 corum factum est, dabis operam, vt saltem nunc ne va-
 cilles. Adhuc vigent anni, & potes recta ratione sic præ-
 sens studium moderari, vt bene senectuti prospectum
 25 sit, siquidem hodie optima summi est ista via proces-
 sus, causarum noscere formas. Vnum te tantum admo-
 nebo, vt si stat sententiã ius discere, ne tuo iudicio mul-
 tum tribuas, neque ob id præceptores damnes, quòd
 spurci sint, & barbari: politiores literas iam missas fa-
 30 cito, nisi fortè *παιδείας* animus defatigatus sit recrean-
 dus. Vulgata via incedendum est, si vulgari more di-
 tescere cupias: scire quid æquum, quid iniquum, non
 magni est negotij: & Ofellus rusticus sæpe id melius
 definiat, quàm centum causfici: sed discendum est,
 35 quo pacto lis cõstituenda sit, quibus technis prorogan-
 da, quomodo eludendus aduersarius, id priuata in-
 dustria intra domesticos parietes nunquam assequeris:

nimis enim ista ingenij tui indoles ab ista vafricie semper abhorruit. Exuendus est Ioachimus Polites, & ita ad tempus sermonis delitiæ sunt dediscendæ, vt Bartholum iures melle Attico suauiolem. Ne me putes hic ludere, seria res est, mi Ioachime: si non potes confirmare animum, vt totum diem impendas audiendis illis rabulis; tamen consultum est vnā atque alteram lectionem audire quotidie. Et quamuis stultus sim, qui in alienam messem velim falcem immittere, non possum tamen celare, quid in plerisque studiosis iuris valde damnauerim. Videbam plurimos rudes totius rei, protinus sese dare omnibus audiendis lectionibus: ij vnum atque alterum annum sic perdunt, vt in scholis id modo percipiant, præceptorem multas crepare leges, citare capitula, & innumeros paragraphos: cum his mihi aliquando fuit colloquium; & sic agebam: si nostis vtcunque Latine, priuato studio intra annum licebit domi omnes iuris titulos, & omnia legis capita legere, nullis omnino adhibitis glossematibus, & quāuis non dabitur assequi singula, assidua tamen lectione, summam rei bene notam habebitis, & sic vtcunque vniuersas materias iuris degustaueritis. Hic sit primi anni labor, quo tractabitis iuris libros, vt Terentium, vel alium quemuis auctorem prophanum. Quid hinc emolumenti? vbi iam audiueritis in scholis doctorem effundentem nunc has, nunc illas leges, nihil turbabimini: sed lecta & melius iutelligetis, & iam deinceps, quotidie summa cum voluptate vnius annilaboris frugem reportabitis. Si Ioachime tot haberes libras grossorum, quot horis è iurium scholis inanis redisti, iam credo istis doctoribus laqueum mandares. Audio Toloſæ sic institui iuuentutem, vt sit qui paucissimis mensibus, totū corpus iuris absoluat, & literam modò breuib; explicet: at tu credo quem primū nactus es præceptorem, eum trimestri pertulisti in vno legis capite: siquidem hoc istis studio est, vt totum, in Orientem oborto collo trahant, quicquid in reliquis orbis partibus prone-

prouenit. Mentior, an scopum attingo? Sed iam sit modus: ne hæc dicta sunt, vt tibi præscriberē, sed vt ostenderem, quo pacto ego Iuristuderem, si in fatis fuisset capitalem causificorum hostem, ipsum fieri causificū.

5 Quamuis, Ioachime, iam æquales ætatē, in hoc studio te præcesserint; si tamen recta via incedas, caueasque ne multas horas perdas legendis nunquam finiendis citationibus, faciliē assequeris reliquos: quorum enim attinet in vnum dogma confirmandum, duas columnas

10 conspurcare citandis paragraphis? Lege Felinū, & mihi subscribes. Posteaquam iam corpus iuris perlustraueris in scholis, quotidie licebit aliquid certi colligere, & id omnium optimo capitulo, aut lege, vt dicunt, firmatū, illius diei lucrum ducere, exacto anno crescet summa,

15 & sensim parabis iudicium causificum. Ignosce, nam amore tui stultē prouectus sum, quod suspicarer, quid potissimum te torqueret: si falsus sum, proximo tabelario me refelles. Modò scripsi ad D. M. Vigerium, & necdum epistolam obsignauī, accipe ipsa verba. Oc-

20 currit & Ioachimus Polites, qui & ipse medius erit, per quem crebrò te salutemus: is est, cuius epistolam hīc legisti, iuuenis in vtraque lingua doctissimus. Habet Patauī conditionem honestam, ac iuri dat operam: si quando illuc proficiscaris, oro cognoscas indolem, &

25 videas num consanguineis queat esse vsui. Accepi modò epistolam, in qua & ipse testatur gratissimum sibi futurum, si eum vidisse detur, quem ego tantopere prædicem. Velim modis omnibus, vt sub te patrono aliquandiu permaneret in Italia: siquidem vt studio-

30 sis fermè contingit, abiectiore videtur animo, in quo tamen eas dotes possidet, vt si euectorem aliquem nactus fuerit, qui ocium studiis subministret, orbi vniuerso, doctrinæ nomine, faciliē futurus sit admirationi. Quid? si iam fratris filiis consultum est, possētne Vige-

35 rius Romæ quoque Politem nostrum illustrare? Hæc ego de te Ioachime, quæ ad quam commendationis nō tam pertinet, nescio, nisi quodd ex animo prorsus scribā.

Campensis si valet, bene est: nōs immemōrum sumus
 immemores. Gratularis mihi Canonicatum trecento-
 rum ducatorū: historiam omnem audies ex Damia-
 no; quamquam quōd ad tēnārium numerum attinet,
 rem acu tetigisti, simulque verum fecisti adagium: The-
 saurus carbones erant. Quāris quo pacto? Institui æsta-
 te superiore familiam duobus emptis mancipiis, qui-
 bus nuper adieci tertiū: natu maximus, Michael est Dē-
 to, annos natus x v. adeō pulchrē dentatus, vt me cum
 vniuersis ducatis, facillime dentibus in sublime tollat, 10
 nec minus gaudet rodendis ossibus, quā canes: Me-
 dius est Antonius Nigrinus, agens annū circiter duo-
 decimum: tertium Sebastianum puerum nouennem,
 proximis diebus noster Resendius iussit esse Carbonē.
 Horū trium Aethiopum Clenardus iam tanquam ludi- 15
 magister est factus. Hunc in modum, si trecentorū du-
 catorum canonicatus redactus est, an non thesaurus
 carbones? Putabamur, Ioachime, ituri Braccaram; ita-
 que periclitandū prius erat, quo pacto agerem patrem-
 familias. Satis fuerant in rem culinariam etiam paucio- 20
 res serui, sed literis eos destino, & habeo vt ingenuos
 decet: spero mihi aliquādo erunt, quod Diphilus Cras-
 so, & Tiro Ciceroni. Non ago cum eis nisi Latine, &
 nunc probē capiunt: pingunt quoque literas satis di-
 stinctē: medius ceteris magis ingeniosus, prādentī 25
 mihi lector est. Cœpi ab hinc duobus mensibus per
 iocum inter comedendum dicere: Musa, Musæ, &c. Ne
 multa, iam bellē declinant, etsi necdum Grammaticum
 legerint. Cū studere non libet, his me oblecto tan-
 quam simiis. Si quando libet deambulare, capio comi- 30
 tes, & in agris per viam declinant nomina: & nisi fallat
 coniectura, istis Nigrinis debeo, quōd Musas habeam
 tam propitias. Puto enim eo tempore dum initiaren-
 tur declinationibus, à nobis Musa & Musæ per omnes
 casus salutatæ sunt, adeō crebrō, vt Ennius eas in omni 35
 vita non appellarit sapiūs; itaque gratiam retulerunt,
 & me in signem fecēre Poetam.

Belli-

BELLICOS tumultus, nusquam hodie minus timeri credo, quàm in Lusitania, & vobis isthic nihilo sumus inferiores: faxit Deus, ne pestis, aut annonæ caritas nos premat.

- 5 CONVERSIONEM Pauli III. seruauit sibi meus Princeps, cui ob id solùm epistolam tuam nolui ostendere, ne illud legeret de trecentis ducatis, etsi principiò planè exhibere statuissem: sed pressius cogitans, putauì non expedire. Ad Houerium paruulam conscripsi epistolam testem furoris mei, vt suprà dixi, in qua hominè
10 oraui, vt, quia Romæ fuisset, hoc Mantuani distichon mihi interpretaretur:

Viure qui sanctè cupitis, discedite. Romæ

Omnia cùm liceant, non licet esse bonum.

- 15 CAETERVM vbi absoluissèm, & eam relegerem, visa mihi est liberior, quàm vt ausus fuerim nunciis cōmittere. Aliàs affābimus istum piscem, quem Romæ (vt dicis) modò cepit.

- VALE Ioachime, & si velis viuere bene & beatè,
20 non te affligas cogitatione senectutis: potens est Deus, quem si timuerimus, abundè sumus diuites. Quis scis an tibi expediat esse diuiti? ille summus paterfamilias nouit, quid domesticis conducatur: id modò sedulò curemus, vt numeremur inter filios. Cùm paruulus es
25 ses, terrenus pater prouidebat, ne deessent calcei, ne cætera: an pater cælestis nostri minorem curam habet? Isthæc, inquires, sunt speculationes, sed quid ad crumenam? Audi contrà distichon vnum:

Crumena quid facit, pius si sis minus?

- 30 Si sis pius, quid opus crumenæ sarcina?

RVR SVM vale, & tuum ex me Splinterum re-
saluta. Eboræ, die Ioannis in Decembri, Anno
M. D. XXXVI.

LITERATO VIRO IOACHIMO POLI-
TAE IURISCONSULTO.

LITERAS tuas, Ioachime doctissime, quas scripsi-
 sti sexto Calendas Maij, modò accepi, hoc ipso die 5
 octauo Iulij, sub horam quartam pomeridianam: &
 qui eas reddidit: si quid, inquit, rescribendum est, cura
 quàmprimum, siquidem Damiani frater missurus est
 cras Vlyssiponem. Boni itaque consule tumultuariam
 responsionem, & de statu rerum mearum breuiter in- 10
 tellige. Princeps noster iam triennio proximo Callipe-
 dis in morem, profectus est Braccaram: at nunc om-
 nia certa sunt. Cras ante lucem hinc migrat cum om-
 ni familia, rediturus sub proximum Ianuarium, ego
 propediem subsequar: neque enim veteres adhuc mo- 15
 res exui, vt possim tanto gaudere strepitu, scilicet ne
 Theologus inter militandum, aut equitandum sim ridi-
 culo. Interea dum in hanc adornaremur profectiōē,
 egi cum Principe de reditu in patriam. si Deus, & ca-
 sus varij non defuerint, aut (vt melius dicam) non ad- 20
 uersentur nostro proposito. Aestate proxima conce-
 dam in patriam, sic enim conuenit. Non rediturus in
 Lusitaniam? Non Ioachime. Optaret quidem ille me
 sibi perpetuum: sed præter alia causatus sum, quòd mi-
 hi posthac in auditoriis versandum est, & prælis: cupe- 25
 re enim me quædam absoluere, quæ ad linguarum stu-
 dia pertinent. Deinde in sacrarum literarum tractatio-
 ne senescendum esse, id quod mihi nusquam commo-
 dius facturus videar, quàm Louanij. Ante Pentecosten
 patruus Cæsaris Leopoldus ab Austria, qui nunc Recto 30
 rem agit Salmanticæ, missis literis honestissimis, ad ca-
 thedram linguarum me vocauit. Et item alij illic viri
 mihi coniunctissimi, modis omnibus conati sunt me in
 eam Academiam reuocare: nihil non pollicentes ho-
 mini, quem vnum in Europa scirent illi professioni 35
 parem. Id arbitrantur, quod hactenus nemo exti-
 terit, qui linguam Arabicam sic teneret, vt eam do-
 cere

cere posset. Siquidem non desunt medici, qui Aui-
cennam, & alios Arabes leſtitent: verùm de Gramma-
tica nihil norunt, non magis quàm nautæ Zelandici,
aut noſtri aurigæ Campinienſes. Ego quid præſtare
5 poſſim, hinc collige. Februario ſuperiore medicus
quidam Galeni ſectator, Græcè Latinequè doctus, cùm
putaretur iturus Conimbricam, & enarraturus Aui-
cennam, meo ſuaſu cœpit Arabicari, traditis rudi-
mentis linguæ, quæ iam ante biennium conſcripſeram,
10 enarraui caput primum I I I. libri Canonis: & iam
aliquo uſque progreſſi eramus in Anatomia cerebri: vix
dum triginta horis illi dederam, cùm ingenuè fateretur,
ſe plus tantillo tempore naſctum eſſe iudicij in Ara-
bicis, quàm olim in Græcis ſex ſolidis menſibus. De-
15 ſtitit ille, miſſus à Rege Vlyſſiponem. Ego tamen po-
ſtea naſctus Galenum in Aphoriſmos, ſtudioſè contuli
Græca cùm Arabicis, & fermè mihi viſus ſum, à Theo-
logo degenerare in medicum: adeò me linguarum il-
la collatio ceperat. Nam ne ignores, fermè nihil eſt
20 ſeriarum diſciplinarum, quod non traduxerint Ara-
bes, & ita traduxerint, vt putem eorum præſidio mul-
ta poſſe in mutilis Græcorum monumentis reſtitui, cer-
tè qui Galenum vertit, adeò mihi arrifit, &
ſatiſfecit, vt nihil magis cupiam, quàm omnibus omiſ-
25 ſis, illum conferre cum Galeno. Abſolueram libros
tres, cùm ecce alia cura, vt clauus clauum pepulit. Ne-
que enim ſemper Arabicandum eſt: ſed in tanta lingua-
rum farragine, nunc Iudæi, nunc Græci ſalutandi ſunt.
Redeo ad Salmanticenſes: omnibus gratias egi, detra-
30 ctata conditione, etſi gloriæ plena: cupere enim me
patriam, & ea illic typis mandare, quæ prouehendis
ſtudiis faciant. Rogas fortè an Arabica velim excudere:
Omnino, Ioachime, ſtat animus, ybi primùm rediero
Louaniû, parare characteres Arabicos, & tam iuſta eius
linguæ fundamenta ponere, vt queat orbis deinceps
tam facilè leſtitare medicos Arabes, quàm nunc legat
Græcos. Quanquam ego hîc medicinam non ſpectaui,
fed

sed sacrarum codicum gratia sic desipere primum coe-
 pi: quorum dum laboro inopia, & lingue dulcedine ti-
 tillatus fui, potius medicos legi quàm nullos. Egi non
 semel apud D. Damianum de bibliotheca Episcopi Ne-
 biensis, qui libris Arabicis pulchrè instructus erat. oro 5
 vt & tu quoque memineris, vt sciamus viuatur, an mor-
 tuus sit. Nescio an Damiano spatium dabitur scri-
 bendi. Nullam vnquam omisi occasionem, quin & te
 & illum loquacissimè salutarem. Proximè de Poëta
 Clenardo narraui fabulam. & item de opimo illo sa- 10
 cerdotio, quod mihi gratulatus eras. Præterea de Ni-
 grinis, Dentonibus, & Carbonibus mancipiis meis.
 Etiam mirabar, cur à mortificis defecisses ad causificos:
 sed tu vteris iudicio tuo, & amicorum, quibus fortasè
 quæstuosius videtur esse, seminare iurgia, quàm macta- 15
 re diuites. Ego id modò consulam, ne si rectè fuisti
 transfuga, victus in exhausti studij molestia, temerè
 fias transfuga. Forsitan tu non minus quàm Vascus po-
 litioribus natus eras? Ille sic se agit Salmaticæ, vt quot-
 quot illic aut Græcè doceant, aut Latinè contabescant 20
 inuidia. Scripserat ad me se hoc anno sepositurum LXX.
 ducatos. Si perdurauerit, & occasione non defuerit,
 spero illum obtenturum cathedram, quæ valeat x c.
 millia nummum: ea putatur propediem vacatura, in
 qua vbi viginti annis meruerit, natus annos xlv. re- 25
 deat in patriam, & domi tantos prouentus comedat:
 interim in literis ibi versabitur, & subinde poterit re-
 currere in patriam. Meritò altissimam nobis pacem
 gratularis, cum tot vbiq; bellorum exoriantur tumultus.
 Statui tamen potius Neptunum tentare, quàm diu- 30
 tius ferre desiderium patriæ. Valeat valeat Campen-
 sis cum suis purpuratis. nihil illi inuideo. mihi vnus est
 Archiepiscopus qui plus offerat, quàm cupiam: cui iam
 deinceps viuere statui: sic spero me dimittet, ne men-
 dicem in patria. Et quid, Ioachime, præter necessaria 35
 hîc expetimus? Vbi multi opes, inquit Salomon, multi
 qui eas comedant. Hoc mihi crede, non est felicitas in
 diuitiis.

diuitiis. ἀλλ' ἐν τῇ αὐταρχείᾳ. Suis contentum esse certissimæ sunt diuitiæ, vt ait Cicero. Sed facebant conciones. Houerio gratulatus sum reditum ad suos, non sine iocis. De Damiani nostri vertigine, quod scripsisti gratissimum est. Faxit Deus, ne quorundam exemplo, doleat se tantum tribuisse medicis: mihi magis placet δαίσα, quam sexcenti medici. Ad Resendum misi literas, sed domi non erat. Quod de ingenio eius scripsisti poetico, verè iudicasti. Necdum vidisti carmen
 10 de morte Erasmi, quod nuper misit ad Damianum. Damianum resaluto, & tamen ipse paucis, si potero, cum eo agam. Vale, mi Ioaçhime, & me, vt facis, ama. Eboræ VIII. die Iulij. Anno XXXVII. Ignosce nobis barbariem, vix mihi licet, esse Latino.

15
 NICOLAVS CLENARDVS D. MARTINO A. VORDA, D.

20 **Q**UID NAM agis; Martine charissime? Iam fermè in ipsam peruenimus Africam. Siquidem cum optimè atque felicissimè vinerem Salmantica; vocatus sum à Rege Lusitaniæ conditione honestissimâ. Doceo fratrem Regis, eo salario, quod pluris duco, quàm canonicatum Antuerpiensem: munus est parui admodum laboris. Adeò principem stata quadam hora docemus,
 25 aut suauiter confabulamur. Quanquam non quotidie: multas enim ferias habeo, primum diebus Dominicis & festis: deinde vix est hebdomada, quin vnus & alter
 30 sit dies immunis, partim venando, partim aliis de causis. Ego interim domi cano mihi & Musis. Quid enim facerem Theologus in venatione? nisi fortè putas me practicum factum Theologum, & omisis quæstionibus: An, Deus est, sit propositio per se nota, nunc cœperim
 35 venari sacerdotia: præsertim cum istud facere soleant Theologi aulici. Non venor quidem, & tamen mihi dormienti aliena cura plus hic propediem cōferetur sacer-

sacerdotiorum, quàm vnquam apud vos litibus perpetuis consequi potuerim. Ergo, inquis, fies pluralis: Capiam omnia circumlocutiue, & incomplexè, pro vno simplici, & opimo sacerdotio. Quem enim fructum haberem ex studio dialecticæ, nisi re ipsa tractarem Dialecticam? Ludis, inquires, imò serio tecum ago: nam cum sint duæ partes Dialecticæ, altera quam *μετιική* vocant, hoc est, iudiciariam, quam in libris Priorum tradit Aristoteles: altera *τοπική*, id est, localis, quam doctissimè persequitur octo libris Topicorum: visum est mihi consultum, vt omissa Stoicorum parte, nempe syllogismorum, hos enim illi exactè & spinosè tradebāt, eam potius portionem amplectar, quæ est de inuentione, hoc est, libros Topicorum, qui docent inuenire argumenta: & non ignoras sex vltimos libros nos Louanij vix legere. Sum igitur totus in ista Dialectica: faxit Deus, vt hîc feliciter inueniamus medium, nō in ponte asinorum, sed in thesauris Lusitanicis (sunt enim loci Dialectici, tanquam thesauri, in quibus latent argumenta) quo possimus isthic apud vos tandem bonos facere syllogismos. Putas me perpetuò ludere. & meritò: quid enim facerem aliud in tanta felicitate? orabis Deum vt hunc cursum mihi conseruet incolumem. Tu vicissim quomodo valeas, quid rerum geras, vbi viuas, fac me certiorem. Habes Louanij Rutgerum Professore[m] Græcum: per illum curabuntur tuæ literæ. Aulæ nostræ statiuæ sunt Eboræ: distat vltra Vlyssiponem itinere bidui. Ad finem mundi iam peruenimus, cum vos pigri vix patriam exire audeatis. Vale, mi Martine, & me, vt facis, ama. Eboræ VIII. Calend. Maij. An. M. D. XXXIIII. 30

NICOLAVS CLENARDVS D. MARTINO A VORDA, S. P. D.

SEMEl atq; iterum scripsi ad meos, vt certior fierem de valetudine tua. Rogo si adhuc superes, videam literas tuas, & statum rerum tuarum. Ego per gratiam Dei

Dei sic valeo , vt nunquam in vita vixerim suauius. Princeps meus iam opera mea vsus est triennium , vbi abierit quartus annus , spero adornabo reditum in patriam. Quæris quid agam ? Non satis fuerat mihi linguarū , nisi etiam me inficerem sermone Afrorum horridissimo . Itaque multis diebus versatus sum in lingua Arabica, non rarò interim titillatus desiderio petendæ Africæ : distat hinc L X X X. miliaribus totius Africæ emporium celeberrimum Fes : vbi multi sunt literati, tam in Hebræis, quàm in Arabicis. Si spe diutius cogar manere in hoc exilio , credo dabitur occasio partem Africæ lustrandæ . Posteaquam enim incepti peregrinari, bene peregrinandum est, vt vbi rediero, liceat vos grandibus mendaciis attonitos reddere. Nouarum rerum nihil habeo quod scribam , nisi si scire libeat, quid mihi hîc noui contigerit . Nunquam putabam me futurum dominum , iam tamen seruos possideo tres. Audi nomina, vt rideas magis, Michael Dento, Antonius Nigrinus, Sebastianus Carbo: hi sunt Aethiopes , quos sic instituo , vt mihi queant aliquando esse lectores, & scriptores : quod si Deus vitam prorogauerit , cur non possim ex eis facere Theologos , vt non minus Esaiam gestiant legere, quàm Aethiops baptizatus ab Apostolo Philippo ? vbi habuero quartum, quid restabit, nisi vt literas eos doceam Chaldaicas, vt quatuor illis contigit in Babylonia ? Alij purpurati simias in deliciis habent: ego dum studendo sum defatigatus, oblecto me istis simiis ratione præditis. Latine discunt velint nolint : aliud enim ex me non audiunt, iam vtcunque pingunt, sic vt legere queas. Natu minimus constitit aliquanto pluris , quàm triginta ducatis: si quis mihi reddat ducatos centum , nō eum addicerē. Poteram ingenuos ministros mihi parare, verum vbi docti à me fuissent, me reliquissent : istis quod impendo, mihi impendo. Si senectute desipere incepero , vicarios faciam seruos sapientes, vt aliquid saltem sapientia retineam. Habes res meas, inuicem scribes de tuis.

Ora

Ora Deum vt vobis amicis intra paucos dies aut menses restituar. Si literas tuas merebor, eas mittes ad M. Rutgerum Rescium professorem Græcum Louanij. Suspicio nos hoc vere profecturos Braccaram: nam Princeps meus, Régis frater, Archiepiscopus est Braccensis, nuper initiatus sacerdotio, & omnino inuisenda sunt oues. Arbitror eadem opera nos salutaturos diuum Iacobum Compostellæ: non enim inde longè distat. Si adesses, videres Theologum valde expeditum, scilicet vt pueri sunt, qui in supplicatione Louanien-
 10
 alligantur equis ne decident. Vale, charissime Martine, & exulem precibus tuis adiuna. Eboræ x. Ianuarij, Anno M. D. XXXVII.

NICOLAUS CLENARDVS RVT-
 15
 GERO SVO, S. P. D.

HODIE Pascha est, mi Resci, & rebus diuinis animus occupandus fuit: dulce mihi tamen est, vel sic leuiter tecum fabulari: quæroque quid dicam, quod li-
 20
 teris tuis mihi ad plenum respondisse videar. Quid ergo? in mentem venit, vt sus Mineruam doceam. Quæquæso in re? In filio tuo Ioanne. Est hic nobis in ædibus D. Archidiaconi hospitis mei, puer bene ingenia-
 25
 tus, natus patre Gallo, amicissimo Archidiaconi. Cum primùm indolem fuisset contemplatus: Cur, inquam, Dionysius non discit Latinè? Voluit pater (is mercator est Vlyssipone): vt vernaculam linguam probè queat scribere. Dissuasit facillè: sed quomodo formabitur in La-
 30
 tinis, quando hic ludimagister non admodum Latinè loquitur? Recipio, inquam, ad me: tantùm adsit perpe-
 tuò nobis comedentibus, & assuescat. Sic discet Latinè? quidni? vos nonne Lusitanicè iam nostis, nec præ-
 35
 terea præter consuetudinem, vllum habuistis præptorem? Etiam: verùm alia res est Latina. imò prorsus eadè: & sic olim Romana iuuentus instituebatur. Quid multa? iubeo vt quotidie ad meum veniat cubiculum,
 &

& tanquam periocum rem incœpto, potiùs animi cau-
 sa, quàm vt seriù laborē voluerim capescere. Nónne;
 inquis, docuisti declinationes & coniugationes? mi-
 nimè gentium! Dic quomodo puerum Lusitanum tra-
 5 ctasti, qui ipse ne sententiam quidém vnā efferre po-
 tes Lusitanicè? Libellum paruulum concinnabam, &
 scribebam vnum atque alterum versum: Salue domine;
 vt vales? benè? ex animi sententia. Id legebat & vel me-
 10 moriter dicebat, prudentibus nobis, aut etiam recita-
 bat. Singulas voces vt non assequeretur, consuebat
 tamen occurrenti statim dicere: Salue domine. Et ego
 omnia Latinè, & tu quoque. Vales rectè? hærebat quid
 responderet. & quamuis verbo vernaculo non pote-
 ram, gestu tamen docebam, vt diceret: Etiam domine.
 15 Iam sequenti die: Quomodo valet dominus Archidia-
 conus? fecit rem diuinam? vbinam est? domi an in tēp-
 plo? Et hæc quoque è libello recitabat: *quin & ridendi
 & iocandi gratia, Græcula etiam aspersi: πῶς ἔχεις ὦ φίλε;
 καλῶς; κατὰ γνώμην, ὡς δύναμαι, καὶ μὴ ὡς βέλονται*: quæ lege-
 20 bat me præeuntem imitatus, non quòd vllum caracte-
 rem dinosceret, nisi quòd versum primùm cū vide-
 ret, formabat vocem *πῶς ἔχεις ὦ φίλε*, & ita in cæteris. Ne
 longum faciam, sensim ita puer creuit, vsu & lectione
 eiulmodi quotidianarum oratiuncularū, vt omnia iam
 25 intelligat, quæ inter comedendum referimus, nec quic-
 quam nisi Latinè apud me vel audit, vel loquitur: quā-
 doque confabulor horam vnā, & omnia probè intel-
 ligit, & orationi aptè subseruit: & tamen reliquo fermè
 tempore, domi nihil audit præter vernaculum. Quid
 30 non efficiat tuus Ioannes, qui sæpius domi cogitur au-
 dire Latinè, quàm Teutonicè. Meus si esset, nihil attingeret
 Grammaticæ, priusquā vsu linguā didicisset. Agit
 annum septimū: scribātur ei quotidie versus aliquot de
 iis rebus, quæ domi geruntur: Ioannes vbi est mater? In
 35 culina. Quid agit ancilla? concinnat lectos. Abi, defer
 hunc libellum ad prælum: dies diem docebit, & sensim
 eò promouebit, vt istis Grammaticorū canonibus,

vel ipse per se legendis sufficiat, vel non admodum
 opus habeat. Nec ob id malè discet, quod quadriennio
 forsitan loquetur non satis congruè, vt ita dicam. Quid
 periculi, si decimo demū anno ea vitia corrigat? Quan-
 ta molestia liberaueris puerum, si hac via iustitias? Vi- 5
 tabis tamen orationes longas, & semper sexto & aut se-
 ptimo verbo sit absoluta periodus. Deinde omnia scri-
 bantur *διαλογικῶς*. Nec magni feceris, tametsi singulis
 paginis videbuntur fragmenta modò dialogorum. Sed
 ego stultus, mi Rutgere, qui hisce de rebus te moneam. 10
 Vt tamen stultescam bis eadem epistola, hoc etiam ad-
 dendum, Quinctilianum, si hodie adesset, nō daturum
 consilium, vt noster Ioannes à Græcis incipiat: alia cō-
 ditio illius temporis, alia præsentis, vbi non sunt, quo-
 rum quotidiana consuetudine linguam discat. Labet 15
 & aliud narrare, quo magis tibi persuadeam, non con-
 temnenda esse hæc mea consilia: Est hic puer quidam
 quadrimulus, patre sic satis Latino: is filium tenellum
 Latinè docuit, haud aliter atq; vulgus hominum facti-
 tat in idiomate vernaculo. Miraculo nobis fuit. Iam an- 20
 nus est, cū coram principe meo, memoriter carmina
 quædam recitaret è I I. libro Aeneidos, & orationem
 illam Laocoontis, tanta velut auctoritate pronuncia-
 bat, vt grauius auctor ipse non posset. Cumq; pergeret,
 & Poetam ageret. Sic fatus: Validis ingentē viribus ha- 25
 stam, &c. Videbar mihi videre trementē machinā, tam
 pulchrè gestum fingeat. Quodq; mireris etiam, discrimi-
 mina generum, & temporum egregiè nouit, & nihilo
 peior nostratibus, qui annum fortè agunt decimū, nisi
 quòd tanta linguæ peritia, in infirmam ætatem non vi- 30
 detur cadere. Paucis ab hinc diebus, vnà cum patre fuit
 apud nos in prandio, & iussus à me postridie datis lite-
 rulis salutauit. Mitto ipsam chartam, vt magis de Ioan-
 ne tuo spem bonam foueas, si modò vsu potius nitatur,
 quàm carnificibus Grammaticis. Vale, mi Rutgere, par- 35
 tum heri, partim hodie, hoc est, postridie Paschæ: siqui-
 dem heri scribentem interpellabat cœna. Et non est
 mihi

mihi mos, vt post vespertinū cibum, librum vel saltem inspiciam: etiam si ante octauam redeam ad cubiculum, protinus me ad nidum confero. Antelucana studia sic amo, vt malim hora prima lumen poscere, quā
 5 lucubrare vesperi. O charissime amice, rogo vt vicissim longam epistolam scribas, & suauiter mecum pristino more garrias. Eboræ postridie Paschæ, Anno M. D. XXXV.

10 NICOLAUS CLENARDVS RUT-
 GERO SVO, S. D. P.

REDEVNTI mihi nuper à Principe meo, Coelius Faustinus reddidit fasciculū, in quo literæ tuæ inerant binę, nec adscriptum erat de die; quę quā fuerint
 15 mihi grata, frustra fecero si tibi studeam declarare. Equidem non magis gauisurum puto, cui ex insperato sacerdotium aliquod opimum obueniat. Sint igitur hæ sanè literæ, charissime Resci, instar duarum præbendarum sub eodem tecto, vt illi vocant: quī enim minus
 20 nostris istis beneficiis dispensationē inuidebimus, quā illis indignissimo nomine beneficiis: quę tam malos faciant sæpe possessores? quiq; tam tetrico semper vultu nūmos suos somniant, vt ridere nō possint, nisi fortè ad lactucas asini, cū Crasso illo, quem vocauerūt ἀγέλασος.
 25 Nos rideamus, & securi spernamus istas nugas: dicamusque insultando vniuersis sacerdotiis: Vbi vos habere volui, non potui; vbi potero, non volam. Ne mireris, optime Rutgere, stultitiam meam, nihil facio noui, sed omnium tibi mortalium mores in me
 30 commonstro. Quis est, quem victoria non facit insolenscere? Quis fermè non foras lingua promit, quod gestat in pectore? & me putas apud te filere posse, & nō aperte clamare, quòd hic viuam suauiter? Valeantiam curę, valeāt sollicitudines, & mordaces cogitationes de parā
 35 dis opibus in posterū. Quid, inquires, adèd nobis repēte Cræsus factus es, vt sic tibi placeas? Imò Cræso beatiorē me puto. Deliras Clenarde, et fallaci somnio te ipse

decipis. Vtinam hoc somnio diu frui liceat: vtinam hæc mihi Deus mentem sempiternet. Dic ergo apertè, quid est, quòd sic gaudio gestis & exultas? Omnis disputatio, auctore Cicerone, debet à definitione proficisci. Age igitur, certissimæ sunt diuitiæ, suis esse contentû, 5
 Has ego, mi Rutgere, iam teneo: nò quòd educatis melior felicitatem, aut tam iis abundem, quàm pleriq; forsitan suspicantur. Nam vt id obiter aspergam, ducatum ego Lusitanicû non pluris facio, quàm isthic faciebam philippeum. Si capio multum, expendo multû, nec ani- 10
 mum adiicio ditandis hæredibus. Suppeditat Rex quæ vñbus quotidianis cõueniunt. Stultescere nolo, vt plus requiram, quàm ipse in præsens indigeam. Si dederit Deus senectutem, adiiciet, spero, viaticum: sin minus, quorsum opus est in crucibus viuere, vt diues moriaris? 15
 Lamentatus es nonnihil in epistolis tuis, & dum aliorû mihi fortunam commemoras, tanquam sortè tuam deploras. Ego te contrà ditiores illis omnibus, & feliciorrem dico. Rectè Salomò: Melior, inquit, est pauper, qui ambulat in simplicitate sua, quàm diues torquens labia 20
 sua, & insipiens. Habebimus multa bona, si timuerimus Deum. Perge vt facis, labore quotidiano Deum tibi demereri: Pluris mihi est, quòd inuentutè doceas, et quòd angustia rei familiaris intra seruitutem Dei contineris, quàm nescio quæ præbendæ & causificorum capturæ. 25
 Qui repentè ditescunt, etiam si ad extremam redigantur inopiam, animû tamen semper à pietate ferunt alienû. At quibus Dominus τῆς πενείας τὸ φάρμακον principio clemens admonet, apud eos ita religio radices agere consuevit, vt etiam si postea diuitiarum spinæ succrescant, 30
 frumentû tamen bonum, cõsuetudine dulci, conseruetur. Habent se res tuæ iam melius, spes est fore, vt aliquando sese habeant optimè. Dum ago in hoc exilio, Deum precibus nostris fatigemus, vt aliquando cõmunem nobis senectutis sedem capiamus. Vale optimè 35
 Rutgere, & nugas meas boni consule. Cras pergemus in fabula. Eboræ XXIII. Martij.

NICOLAVS CLENARDVS AMICO
INTEGERRIMO RUTGERO
RESCIO, S. D. P.

- 5 **G**RATV LOR auctam tibi familiam, alteram pro-
lem masculam cælo redditam, vt patrem Deo com-
mendet, alteram in terris superstitem: vt quemadmodũ
Ioannem filium viris aliquando imitandum formabis,
ita Corneliam fortè Gracchorũ olim per te videamus.
- 10 Nihil fuit tota lætius epistola, quoddũque me magis apud
Rutgerum sisteret, quàm tua illa verba: Hæ sunt præci-
puæ opes meæ. Venit enim in mentem prouerbij tui:
Non simus miseri ante tempus: quod ego, mi Rutgere,
in hac peregrinatione sic memoria sæpius tractaui, vt
- 15 sensim dicere sim ausus, ne in ipso quidem tempore si-
mus miseri: quãdo nullum profectò est tempus, in quo
miseri esse cogamur, nisi ipsi velimus. Iam me ad illud
Horatianum composui. Lætus in præsens animus, quod
vltra est, oderit curare: & quantum licet, Euangelium
- 20 audio, ne quid curem de crastino. Ago gratias Deo,
quod peccatorem tandem ad hanc mentem venire cõ-
cesserit. Iam agitur quadragesimus ætatis annus, &
quot, bone Iesu, minores extincti sunt? quis scit an die
crastino spirabo? Proinde, mi Rutgere, ne te crucient
- 25 multorum diuitiæ. Si tibi salutares essent, iamdudum
præbuisset, cui filiorum suorum salus est charissima. Lon-
gè potiora dedit, vt laboribus sufficias, quos instituen-
da iuuentus requirit. Hæreditas, ad quam festinatur in
principio, inquit sapiens, in nouissimo, benedictione
- 30 carebit. Iacta, vt facis, cogitatum tuum in Dominum,
& ipse te enutriet. Tandem (mihi crede) futurus est
Rutgerus Louanij, quod Badius Lutetiæ, quem virum
velim, vt, si eò te conseras, meo salutes nomine. Tu hoc
fortè loco cogitas, beatum me iam, & bene nummatũ,
- 35 facile posse de tenuiori disputare fortuna: & illud oc-
cinis. Tu si hic sis, aliter sentias. Imò verò felicissimus
ocio, nihilo re nummaria te sum præstantior. Vbi multæ

opes, multi & qui comedunt eas: & istic centū philip-
 priorū prouētū magis mihi placere poteram, quā hīc
 quingentis ducatis, si modò data fuisset studiorū tran-
 quillitas, vt omittā optatissimas mihi semper diuitias,
 de iuuetute studiosa semper bene mereri, & laboribus 5
 ignauiam excutere, omniū malarum artium matrem.
 Atque, vt ne me mutatum putes, nihil magis in votis ha-
 beo, quā quicquid restabit vitæ in posterum, totum
 aliorum institutioni consecrare, & cum Cleante labo-
 ribus immori. Id si non præstabit patria, nec reducem 10
 alere poterit, moriar in exilio, & perpetua peregrina-
 tione, discam humanam sortem: vt cogitem me alienā
 patriam inquirere, & peregrinari à Domino, quamdiu
 versor in hoc corpusculo. Nam quòd vos istic somnia-
 tis fore, vt bene saginatus domum reuertar, & auro Lu- 15
 sitanico inertem pascam senectutem: id verò somnium
 est. Sat est, si redeam melior & animi bonis instructior.
 An ego sedem studiis delectam, mordacibus istis, & pe-
 cuniariis curis inquietabo? Non possum, mi Rutgere,
 nec volo: magis mihi libet in diem viuere, & harum re- 20
 rum nullam rationem ducere. Quando ita fermè com-
 paratum video, vt simulatq; parandis opibus animum
 intenderis, frigeant studia. Hoc propositum si aliis stul-
 tum videtur, orabo Deum, vt Apostolum suum fortiter
 instillare faciat: Habentes victum & amictum, his con- 25
 tenti simus. Nimum nimium, mi Rutgere, vitiis nostris
 indulgemus, & nihil tam facilè comminiscimur, quā
 quòd cōtra Euangelicam illam *αὐταρχεῖαν* bellum gerat.
 O si queam hanc mentem retinere, nihil certè velim
 magis. Ora, quæso, communem Dominum, vt etsi di- 30
 uites, etsi pauperes, etsi foris, etsi domi viuentes, sibi ta-
 men viuere faciat, non mundo. Gaudeo verò, & ex ani-
 mo tibi gratulor amicitiam Petri Nannij: Non potest
 esse vir improbus, quisquis colat meum Rescium. De
 illius literis, quid me attinet dicere *αὐτὸν τὰ συσπράμματα* 35
δίδει. Hominem ex me salutabis quā diligentissimè:
 non potest non esse meus, qui sit Rescianus: Bene vale,
 optime

optime Rutgere, & si nimium tibi videatur epistola
theologica, nec satis Latina, vèniam dabis Arabicanti-
bus: fermè calamum Latinum proximo mense perdidì.
Cras fortè rursus fabulabimur. Nūc conuolo ad Eu-
5 angeliā Arabica: de quibus aliquid tibi narrare libet.
Nactus sum codicem descriptum, & versum ab hinc
annis sexcentis. Habeo & aliud exemplar ex eadem
translatione descriptum. Reperio pleraque omnia sic
se habere, vt hodie legimus in Græcorum codicibus,
10 quos sequutus est Erasmus. Illud Ioan. vlt. Si eum volo
manere. Et illud in Luca: In terra pax, hominibus bona
voluntas: & reliqua quæ Erasmus restituit, omnia sic
habent Arabes: ne putemus olim aliter legisse Græcos,
quàm hodie sonant vulgata exemplaria. Nullum non
15 moueo lapidem, vt epistolas Pauli consequar, & reli-
quos sacros codices: omnia enim sunt apud illos iam
olim versa. Quin & scripta Thomæ quædam verterunt,
& alia quàmplurima. De sacris mihi præcipuè cura est,
quæ ad vtrumque attinent Testamentum: & iam Pen-
20 tateuchum quidam habet, missurus vbi voluero. Hæ
meæ sunt opes Rutgere, quas multi non pluris facerēt,
quàm ego eorum aureos. Si his moribus, & ingeniis
nati, & facti sumus, feramus alter alterius vitium: non
possumus omnes esse Cræsi, nec omnes possumus vi-
25 deri Grammatici & γλωττόλογοι. Rursus vale. Eboræ
II. Octob. Anno M. D. XXXVI.

FINIS LIBRI I.

THE HISTORY OF THE
CITY OF BOSTON
FROM THE FIRST SETTLEMENT
TO THE PRESENT TIME
IN TWO VOLUMES
BY NATHANIEL BENTLEY
OF THE BARR, AT LAW
IN THE CITY OF BOSTON
PUBLISHED BY J. B. BENTLEY
AT THE SIGN OF THE SHIELD
IN THE CITY OF BOSTON
1822

PRINTED BY J. B. BENTLEY
AT THE SIGN OF THE SHIELD
IN THE CITY OF BOSTON
1822

NIC. CLENARDI
EPISTOLARVM
LIBER II.



ANTVERPIÆ,
Ex officina Christophori Plantini.
M. D. LXVI.
CVM PRIVILEGIO.

NICHOLAS LEWIS
ESTABLISHMENT
1850



AMERICAN
EXHIBITION
1850
NEW YORK

VIRTVTE, NOBILITATE,
ATQVE ERVDITIONE PRAESTAN-
TI VIRO D. THOMAE REDIGERO
CAROLVS CLVSIVS, S. P. D.

5 **Q**UAM familiaris & amicus fuerit Clenar-
do Ioānes Vasaſus, vir Gracē & Latine do-
ctissimus, generose Redigere, testari possunt,
cū simul suscepta profectio Hispanica, tū
10 pleraq; ipsius ad Vasaſum literae. Clenardus postquam
ex Mauritania rediit, Granata obiit. Vasaſus professione
Graecae & Latinae linguae Salmanticae adeptus, in eodem
munere perstitit usque ad extremum diem, qui incidit
15 circiter viginti annis à Clenardi morte. Hec ideo com-
memoravi, quòd mihi per Hispaniam peregrinanti, fa-
miliaritatem contrahere contigerit Salmanticae, cum
ornatissimo viro Augustino Vasaſeo Ioannis filio, qui cū
20 multa de singulari inter patrem & Clenardum amici-
tia narraret, ostendit mihi plurimas Clenardi schedas
αὐτογραφὰς, quas apud Vasaſum reliquisset, atq; etiam
aliquot eius ad patrem epistolas & alios eruditos vi-
ros. Statim placuerūt illae mirū in modum, mihi persua-
25 dens iisdem dotibus praeditas esse, quibus erant illae quas
Louani excusas aliquādo legerā. Sed cū earum exem-
plar minimè permissurū Vasaſum scire, arte tractandus
mihi fuit, ut eas consequeretur: siquidē omnino apud me
30 constituerā eas aliquādo in lucem proferre, rem gratam
omnibus studiosis proculdubio factururus. Non possunt
enim nō lectorem oblectare rerū varietate, & eū allicit
eius florida oratio, nō illa quidē elaborata, sed tamē pu-
ra. Nam cū ab ineunte aetate linguarū fuerit studiosis-
35 simus, ad quarū cognitionem indefesso studio totius fe-
rebatur, ut stylum formaret, non admodū fuit sollicitus.

Argumento tamen est eius pura dictio, licet extemporanea, quam disertè scribere potuerit, si peregrinarum linguarum (in quibus fuit αὐτοδίδακτος) praesertim verò Arabica *μαρία* non adeò laborasset. In quadam certè ad Vasaum epistola seriò dolet, plus temporis stylo formando non se dedisse, eúmque monet ut suo exemplo doctus, totum se eloquentiae studio tradat. Licet (inquit) mihi nunquam eloquentiae studiū displicuerit: nūquam tamen imperare mihi potui, ut vel iustum tempus operamq; in stylo formando ponerem: aut quicquid id esset quod scriberem, ad limam reuocarem. Qua de re seriò doleo. Cū enim rem propius aspicio, longè satius fuerat cum amicis pressius agere, & breuius aliqua adhibita vel arte, vel diligentia, quàm multarum horarum dispendio prolixiores quidem effundere literas, sed quibus describendis id modò consecutus sis, ut malè & tumultuariè garrire possis, prudenter atque disertè dicere non possis. Oro te, mi Vasaee, ut exemplo meo doctus, iuuenis discas euitare, quod seni mihi iam non licet.

HAS epistolas cū ex Hispanijs reuersus, Plantino diligentissimo Typographo excudendas tradere vellem, dispiciendūq; esset cuius potissimum patrocinio fulta in publicum prodire possent, tu vnus occurristi, qui hanc provinciam suscipere idoneus es visus: memineram enim quàm earum quae excusae sunt lectione aliquando Louanij delectatus sis. Eas igitur superioribus coniunctas, tibiq; dicatas in publicum proferre placuit. Tuum erit hoc tenue munusculum ex Hispanijs erutū, pro tua singulari humanitate boni cōsulere. Bene vale.

Brugis Flandrorum, Cal. Ianuarij, M. D. LXVI.

NICOLAI CLENARDI

EPISTOLARVM

LIBER II.

5

NICOLAVS CLENARDVS LITERATO
VIRO IOANNI VASAE.

- 10 **S**ALVE, mi Vafæ. Multa complectitur
epiftola tua, quibus me hominem iam pla-
nè aridum inter ardentes Arabes difficile
est respondere: tamè tanquam aphorismi-
cam refponfionem habeto. D. Fernandus
15 hos ſex menſes præſcripſit aſſequendæ Cathedræ; id li-
cet nec ego prædixeram, tamen conabor quid poſſim
efficere: certè de ipſa Cathedra nihil deſpero, etiam ſi
omnes amici deſtituerent. Largitus eſt mihi Deus quo
aliquid valebam Louanij; puto vbi in publicū prodie-
20 ro, non defuturos amicos plurimos, etiam eos quibus
nondum de facie ſum cognitus. Itaq; quod identidem
tibi murmuranti reſpondere ſolebam, id multò certio-
re iam ſpe replico, nos feliciffimè in Hiſpaniam veniſſe,
tantum Deus incolumitatem ſeruet. Abſtine verò iſtis
25 tuis nugis & adulationibus, vt te clientem iam voces,
habebimus omnia communia. Iam enim præſagio ani-
mo ædes communes menſamque communem, & Sal-
manticenſem conuictum. tu tantum interim quāto me
iunior es, tanto ad omnem molem moleſtiarum animo
30 ſis infractiore. D. Prætori ſcripſi, & gratias, vt de-
bui, egi; de filio omnia, ſpero, euenient vt volumus. ſer-
uabitur ad tempus apud me, vt, vbi tu veneris, in do-
cendi munere ſuccedas. Ignofces quòd tam facilè tua
fide in meis rebus vti voluerim. ne dubites, antè ſex
35 præſcriptos mēſes aut numerabo pecuniam, aut habe-
bo Cathedram. Quod ſcribis id diſtuliffe ſolutionem,
neſcio quid velis, ſed id credo eſt epiftola D. Marci.

H 3

Ad

Ad Hammoniū scripsi de rebus meis, sed de libris quod
 ais in calce literarum nihil planè memini, negligentia
 aut obliuione potius factum est. Aliud erat, quod ipse
 quoque maximè voluissem, vt tua Hebræa Biblia ad me
 deferrentur, id curato proximo tabellario. De La-
 tinis literis te hortabor, quòd te videam futurum ali-
 quando Cathedraticū Salmanticensem. Sed in ista æta-
 te dū licet, valeat iam neotericus iste tuus Deus, & Ci-
 ceronem aut Liuium legito, satis nactus es istius popu-
 laris loquentiæ. Hosti fidem seruandam etiam nunc di- 10
 co. Ego certè si vocatus fuisset, non denegassem. Ob-
 dura, tentabimus aliquid, vt tandem gaudeas. Saltem
 istam maculam effugas, ne fugisse videaris. Habes cre-
 do ad omnia. Cū videam iam statum rerum mearū,
 etsi tenuium, tamen facile intelligo minus mihi futurū 15
 fuisse boni, si, dum ego volebam, hanc rupissem com-
 pedem. Itidem tu facito, fata viam inuenerunt, bona
 sunt ad quæ tua quoque te fata ducunt. Bene vale, mi
 Vasæe. Salmanticæ xvi. Februarij.

20

NICOLAVS CLENARDVS LITERATO
 VIRO D. IOANNI VASÆO AMI-
 CO SINGVLARI.

SALVE charis. Vasæe. Scripsi ad te nudiustertius 25
 nondum acceptis literis D. Fernandi. Heri præter
 spem allatæ sunt ad me. Certis legibus permittit me Do-
 minus permanere Salmanticæ. Conabor vt hanc Ca-
 thedrā assequar; id enim & D. Fernando, & mihi ho-
 norificū maximè fuerit. Egi apud eum de libris ad me 30
 mittēdis: quos si nuper habuissem, iam bonam accepis-
 sem præsentem pecuniam, iamq; illi (quando ita statuit)
 numerarem quinquaginta ducatos. Sine arca & rebus
 meis, nec illi soluere possum, nec me vt volo ad istam
 offerre Cathedrā. Rogo vt meo nomine huius summæ 35
 sis fideiussor, statim post acceptam capsam, missis pecu-
 niis dissoluam fidem tuam. Valde mihi placuit domini
 senten-

sententia: spero enim fore & tibi Salmantica hospitem
amicissimum, & laudem quoque apud nostrates, quod
egregium patronum ducem professionis habuerimus.
Da tu interim diligenter operam literis Latinis: con-
5 cepimus de te quoq, hinc meliorem spem, quam sit hæc
mea, certè nō inferiorem. Tantū cura vt quia dicis te
omnia frustra tentasse, ne fidem rupisse videaris. Fata
viam inuenient. Si forsitan casu tabellarius quispiam
Hispalim isthinc abiret, monebis Hammonium vt rerū
10 mearum curam gerat; vt si quid reliquum à blattis sit et
sordibus, id iam seruetur. Animo fac præsentī perdu-
res, acerba fuit ἐπίστασις mihi fabulæ, nō minus quàm
tibi: χαλεπὸν ἔστιν animo cerno longè optimam, etiā quæ
vota nostra superet. Bene vale; mi Vascæ, x x i i i i. Fe-
15 bruarij, Salmanticæ.

NICOLAUS CLENARDVS LITERATO
VIRO D. IOANNI VASAE O AMI-
CO PRIMARIO.

20 **S**ALVE chariss. Vascæ. Accepis iam tandem libris;
shodie Græcam professionē sum auspicatus, audito-
rio tam frequenti, vt locus deesset: cū tamē ē regionē
hora eadē quidam oppositionis, vt vocant, lectionē lē-
geret. Cras iudicare licebit de eūctū. Nam aderāt mul-
25 ti laudes Græcæ linguæ audituri, vt putabant: ad quos
eandē habui orationē; quam ab hinc bienniū Louanij,
nostī morem meū. Cur tu ex Arabico studio in Græcam
professionem? Tutius mihi visum est frequentiam antē
emereri, quàm pauculus iudicibus & testibus Arabica-
30 ri: & tamen eodē quo cœpi spectant consilia mea. Per-
tentabo his diebus hominū sententiam, deinde vbi vi-
sum fuerit, virtute propria potius nitar; quàm ambi-
onibus & fauoribus. Teneo domi iam rationem, qua
possimus etiam hinc longè à patria beati viuere. Obdu-
35 ra, iam eandem spem de te concepi. Perge modò studia
tua moderari, vt nuper te hortabar. Spero aliquādo res
ipsa clamabit, nec te nec me frustra venisse in Hispaniā.
Valde

venit tabellarius, quàm modò. Tertio die Nouembris
 ubi puerum misissem sciscitatum de literis tuis & ad-
 uentu agasonis, priusquam rediret, veniunt ad me duo
 Doctores Theologi ambo Cathedratici : nunciant no-
 mine totius senatus, mihi còstitutum salarium quadra-
 ginta milium, id est, centum ducatorum, & aliquanto
 amplius in singulos annos, hac lege, ut iuuentutem Sal-
 manticensem formarem, tam in Græcis quàm Latinis
 pro meo arbitratu, duas mihi sumerem horas, legerem.
 quicquid liberet, tantum ut id illis condonarem ne dis-
 cederem, id enim iam sparsum erat inter discipulos.
 Audi iam quantum ambierim. Priusquam res ageretur
 in senatu, multis conuiciis vix tandem id obtinere po-
 tuerunt à me quidam amici, ut non reiicerem quod vl-
 trò me dormiente molirentur, timentes ne scilicet tur-
 piter oblatum honorem defugerem. Itaque id modo
 vni respondi, facerem quicquid vellent, tantum mei ra-
 tionem haberet. Breuiter suscepi prouinciam, hodieq;
 in possessionem, ut vocant, positus sum, auspicaturus
 hoc munus perendie, si Deus permiserit. Constanter in
 senatu clamabatur, ut linguarum cathedram vacantem
 pronunciarent, capereturque de literis Clenardi expe-
 rientia. nec quicquam obstitit quominus fieret, quàm
 mea vnus voluntas : quod dicerem cuidam inter illos
 primario, deesse libros tam Hebræos quàm Arabicos, qui-
 bus omnino opus esset in hanc moderandam cathedrā:
 sed interim inquam per ocium, si videbitur, dabimus
 operam ut aduehantur exemplaria. Multæ sunt causæ,
 mi Vassæ, cur ita rem istam temperauerim : potissima
 tamen omnium, quòd mea hæc est cathedra ubi velim:
 & priusquam tam penitus insideam inter Hispanos, alia
 quoque prius exploranda sunt, de quibus longius esset
 narrare. Vnum hoc scito me id captasse, ex quo docere
 cœpi, ut honesto prætextu prius Græcas literas propa-
 gare quàm Arabicas. Habito in honestissima familia
 gratus omnibus. Orarunt me, ut filium ducis Albani
 suscipere honesto salario, nec tamen aliquo cum puero

prodirem, tantum domi titulo præceptoris gauderem,
 strennuè hætenus renui: quid futurum denique sit,
 ignoro. Venit ad me quidam nomine Episcopi Gorien-
 sis, qui agit in Aula, sed stultescere desij, post illam pri-
 mam compedè. Quo magis te sedulo adhortor, ne quis 5
 te mortalium pelliciat, seruesq; te liberum, donec vitam
 meam hic degustaueris, nihil tibi deerit, aut mihi de-
 erit. Spero nunquam poenitebit professionis Hispanicæ.
 Mordicus teneo, quod ex me sapius audire soles: Ve-
 nissem nunquam, si hæc præscissem, at venisse gaudeo. 10
 Antequam vertetur hic annus, expecto & alios nostrat-
 es. Nam Ioachimus Polites Zelandus ille qui in
 domo Rutgeri agebat, nuper datis ad me literis, scri-
 bit Ioannem Tartesium, illum quem tantopere lau-
 daui in Meditationibus meis, apud quem Sturmius 15
 docebat Parisiis, vnà cum plerisque aliis Professori-
 bus. scribit, inquam, hic Ioachimus è Burdegallia, eò
 venisse Tartesium comitatum viginti Professoribus,
 Græcis, Latinis, Hebræis: è quorum numero est hic
 Ioachimus. vocatus est enim illuc Tartesius, vt Aca- 20
 demiam instauret iam olim collapsam. Scripsit & è Lo-
 uanio quidam discipulus ad me, quem expecto venturum,
 vbi me rescuerint firmiorem & stabiliorem Salmanti-
 censibus factum. Nam Rutgerus noster putabat me
 abiisse in Italiam, alij ad superos. Vis tibi dicam bre- 25
 uiter quod sentio? res hic spero tota innouabitur, nec
 defunt permulti, qui mea consilia probant. Vtinam te
 cum Hammonio iam socios habeam; instat enim graue
 bellum aduersus Barbaros, quos aut si penitus inui-
 sos reddamus, aut saltem leuioris auctoritatis, velim 30
 vos quoque huius victoriæ participes, & socios potius
 quam comites. Intelligo ex literis Hammonij te nihil
 aliud quàm de patria cogitare. Oro te Vasæ per amicitiam
 nostram, ne saltem prouinciis disjungamur; si nolis ad
 nos venire Salmanticam, saltem Hispaniam ne deseras. 35
 Nimisquam cupio vnà vobiscum aut inuisere patriam,
 aut splendè & cū honorè *πὸ καὶ χαίρειν φράσαι τοὺς ἰσά-*

- 10 *vous.* Quod ad illum attinet, in cuius gratiam noluerim
 esse candidatus, non rectè sentis: neque enim est τῶν πε-
 ριτελληκότων, sed optimo natus genere: Et vt minimè
 esset, tamen literarum gloria quouis illum honore di-
 15 gnum facit. Verùm quòd minimè putaram, ὁ τυφλὸς ἐ-
 κείνῳ ὥπρ' ὅσῃτι πυρρακολουθεῖσι, ταύτης τῆς κατέδρααι ἔτυχε.
 Dominus autem Commendatarius lite rem persequetur,
 & mira quædam imminet tragœdia: futuram vi-
 deo magnam studiorum commutationem, in quam
 20 me Deus ὥσπερ τίνα χειρὶ φαῖον οἶμαι ἵταξεν. Oro vt res ver-
 tat feliciter. Hactenus grati fuimus; gratiores spero
 propediem futuri, vbi aliquot ex istis monstis cõfeci-
 rimus. De Magistro Adriano statuetur vbi coram ad-
 fueris, nam feriæ meæ Demostheni sacratæ fuerunt.
 25 Iam verò quam provinciam sustineam, non ignoras,
 ἀπονοδῶ καὶ ἀκύρακῶ ὁ πρὸς ταῦτα τὰ θηρία πόλεμῳ.
 Proinde necesse erit me præsentī seruire fabulæ, donec
 lætam viderimus comoediam, nam nunc quauis tra-
 gœdia crudeliora sunt omnia & turbulentiora. De
 30 nuptiis sororis, & tanta apud nos rerum cõpia, est sanè
 quòd gaudeam. tu crebrò literas accipis à tuis: ego
 iam toto biennio vix binas à parentibus aut Rutgero;
 expecto tamè quotidie respõsum à Rutgero. Resendius
 hactenus nihil ad me. Quod de rebus Cæsaris nos cer-
 35 tiōres facis, omnino te decet, cùm iam & aulicus & ho-
 mo sis. nos posthac ex hac umbratili & otiosa vitâ bella
 gesta tibi significabimus, & victorias credo. nā ex mul-
 tis annis carmen illud in Cicerone legi: Αἰεὶ ἀεὶ στένει καὶ
 ὑπὲρ ὄχρον ἔμμεναι ἄλλαν. Hactenus certè cõtigat Louanij, &
 40 quâdiu essem Parisiis. Hic quoq; bene spero Deum mihi
 propiciū futurū, & dextrè nos acturos q̃ incepimus; tantū
 ora ne quid nos trāsuersos agat, quod non sit in rē stu-
 diosorū, οὐκ ἀπορήσομεν τῶν φρονούντων, bonus est enim hic
 45 puentus istiusmodi miserorū; ἀλλὰ τί ἂν πάθοις. Δεὶ ἐμεί-
 νειν τῆς ὠραιομένης, καὶ ἀποθανεῖν μάλλον ἢ ῥιψασσίδα φαίνεσθαι.
 Bene vale, & marmora ista quæ aduecta sunt diligenter
 curato. Salmanticæ, partim v. partim v l. Nouembris.

MARCVS noster nondum rediit, nec scio quid suspicari debeam. Iam duas hebdomadas cessat *καὶ τῆς ἀποβιμπλῆς*. Vereor ne aula nos tali amico priuare conetur. Oremus Deum ut saltem valetudinem donet prosperam viro mea quidem sententia digno, qui regnis multis præsideat.

NICOLAUS CLENARDVS IOANNI
VASAEO. S. P. D.

SCIS, mihi charissime Vasaë, multas eodem tempore scribendas esse literas, scis hominē tot linguarum farragini deditum, non multum valere ab eloquentia: & tamen iniquis rerum æstimator, non videris excusationem meam accepturus, nisi tam prolixis nugis te obruam, ut cum cæteris istic verbosæ loquacitatis notam meritò mihi tribuas. Ignoscendum est tamen peruerso isti iudicio, quando te ais ab hesternâ computatione prætextum petere, quo breuitatis tuæ culpam attenues dicam an exaggeres? Itane tandem homo tot commoditatibus diues ac beatus, quas tanta insolentia mihi modò narraſti, temporis angustiam causaberis? cum præfertim ad eum scribendum erat, quem omnium mortalium soles appellare charissimum: Ego qui conuiuiis non distineor, nec purpuratis aulæis, nec lectis eburneis insideo, sed intra angustos parietes sedentariam vitam exigo, adeò ut quandoque cum Masinissa contendam, ego, inquam, quem tu tam petulanter nunc accepisti, innumeris pressus, ut putas, incommodis, tamen plaustra literarum Salmanticam ducenda cōficio, cum interim suavis noster Vasaëus altissimo pastus ocio, & opiparis occupatus conuiuiis, ocium sibi negat fuisse prolixioris epistolæ. Vtere fortuna tua, & quando iam regnare cœpisti, & excellentiæ titulo salutari, excellence omnium regum instituta, ut quicquid tibi visum fuerit, protinus iustum esse decernas. Scilicet hebdomada solida, qua istic hæsit tabellarius, nullus Clenardo tuo

tuo dies assignandus erat, nisi qui pridianam adhuc redoleret crapulam. Exulta miser, & gestit tam graui onustus felicitate, buccina, si lubet, cortinas tuas, ὧψατε οἶον ἰδῶσι διοτρεφέεις βασιλῆες. sic tamen, vt magnas inter opes
 5 inops, temporis adhuc penuria laborare videaris. sed caue ne solus beatus esse perseueres. ἀλλ' ἐτι τις, καὶ ἰμοῖο θῆων ὑπερέχῃτε χεῖρα. Sed stultus ego, qui animum philosophicum opponere velim aulicaturienti iam iuueni, quiq̃ue aut legatos spirat, aut scribas dulciter somniat.
 10 condonandum est ætati, quæ adhuc infirma, leuiculis spectris pellicitur, & quicquid impotēter concupiscit, plus æquo miratur aclaudent, præsertim quando si Venus esset propitia. Catharinariam familiam instituere cogitet, & bene vxorios viros has quoq; nugas magnifice prædicare conuenit. Boni igitur consulemus glorias istas, & immodicam φιλαυτίαν tantum Flacci versum tibi accommodabo:

Vt tu fortunam, nos te Valsæ feremus.

Huiusmodi auspiciis exordiri debebam responsionem,
 20 qui tanta libertate obiectas mihi sordes prior audiuissem. Sin ludere voluisse te dices, cogites velim me quoque τὸ ἴσον τῷ ἴσῳ ἐπιφέρειν, & rusticū obtulisse ἀντίσκαμμα. Verum iam ad epistolam ordinē, idq̃ue vt meritis es quàm breuissimè. Victoriā me salutauit doctissimè
 25 atq̃ue amantissimè. audi breuiter meam de viro sententiam. Nullius ab hinc triennium epistolam legi, quæ tantum mihi probaretur. Dictu mirum quàm scribat neruose, quàm aptè partiatur, quàm colligat acutè, & tamen omnia iucunditatis plena: si hac in parte viribus
 30 suis vti voluerit, egregium aliquando præstabit scriptorem. Vide vt eum modis omnibus colas; nam & ille mirè candidus, omnes studiosos amat vnicè, de te certè testimonium in literis edidit non vulgare: non continuo poteris opes illius introspicere, quando vt eruditionis plurimum, ita ostentationis habet prorsus nihil, quod & ipsum magnum veræ doctrinæ fuerit argumētum, cum alioqui sciolos istos videas ubiq; Thralonicas

voces libenter iactare. Castellus noster suauitatis est
 refertissimus, & mira facultate delabitur, & facilitate
 gratissima. sed hominis amicissimi sortem doleo, qui
 tot negotiorum vndis immergitur, vt neque sibi, ne-
 que literarum studio satisfacere queat, & quasi hæc
 quotidianæ molestiæ non satis excruciantur animum
 libris deuotissimum, etiam subinde cum podagra con-
 flicatur. De nostra necessitudine quid prædicare at-
 tinet, quando testis est tota Salmantica? Platonis le-
 ctio vberimum fructum tibi sit præbitura, si modò
 permittent negotia, vt communicato labore pariter
 totum euoluatis: at vereor ne multa sese offerant auo-
 camenta, vt nec tibi ille morem gerere, nec tu illi
 vicissim obsequi sustineas. Habet quidem Lucianus
 plus iocorum, & phrasas Græcicas exactè com-
 monstrat. In Demosthenis nomine ipsa videtur ha-
 bitare eloquentia. Hic tamen durior atque diffi-
 ciliior, ille futilis nimium & leuissimi risus magister.
 In Platone semel omnia quæ vel ad elegantiam styli
 pertinent, vel ad præcipuam doctrinæ partem. adde
 quòd plus tibi comparaueris auctoritatis citando Pla-
 tone, quàm si legatum agens risum persona tua
 indignum commoueas, & omnino te video illuc spe-
 ctare, ne diu vitam sequaris umbratilem, sed in lucem
 atque oculis hominum gloriosus feraris. Itaque ipse
 etiam suaserim, vt Platonis lectioni te tribuas, quem
 Cicero quanti fecerit, nusquam dissimulat. Est &
 aliud quod huc te meritò compellat, siquidem eò ce-
 lebritatis subito istic euasisti, vt pudori ducturus sis
 Luciani dialogos prælegere, serium auctorem tua do-
 minatio postulat, imò flagitat. Et isti tui amasij om-
 nia parua fastidiunt: magna de se prædicant semper,
 & magnificis promissis non tam capiunt quàm capiun-
 tur. Itaque iam huiusmodi quampiam chartam vi-
 dere mihi videor, valuis affixam:

Ioannes Vasaus Brugensis crastino die prafabitur in libros Platonis de legibus, quos in gratiam studioforum diligenter deinde statuit interpretari.

- 5 Accurrit, ut scio, magna protinus turba, quisnam iste? quid, tu ignoras Vasaum? Iuuenis est utraque lingua doctissimus. Fuerat hic nuper Clenardus, & suspicabamur principio mira, sed nihil contulit præter Grammaticos canones, & nescio quid ex Chrysostomo, quem sic interpretabatur, ut concionem potius habere videretur, quàm professorum munus agere; quasi
10 verò nobis defuissent concionatores. οὗτ' ἐκείν' ὁ βασις, qui nunc enarraturus est PLATONEM PLATONEM; quid nobis opus erat Chrysostomo de modo orandi? si velit orare Clenardus, legat suum Breuiarium: nos decet Vasaus & Plato. Deinde quàm erat Clenardus rusticis moribus, vix quenquam aut salutabat, aut ad salutandum admittebat. Iste totus homo civilis & lepidus, omnes salutatur officiosissimè, no-
15 uit nostra solennia: *Besolos manos*. ille Clenardus, nescio cur sic linguarum peritus diceretur, adeò fuit ineptus, ut nunquam bellè salutis quotidianæ verba sonaret, nunc bala, nunc bofo, nunc bese los manes: quid non barbarissat? Vasaus expeditus est, & sic vernaculo sermone præditus, ut Hispania natum credas. An non ista
25 istic dicturos autumas? Arripe igitur occasionem, & quia tam latè nominis tui gloria patère cœpit, τὸν Πλάτωνα tanquam pignus habeto εἰσπεῖσθαι τῆς πλατυνομένης. Et quid quæso conducibilius fuerit instituto tuo? iam
30 enim utcunque olfacio fata tua, præsertim testimonio literarum tuarum, vnde suspicor te Galliam inuisurum atque Italiam, priusquam aut scribam aut legatum te facias. nec erras planè à scopo, olim olim cùm rude seculum Bartholum aut Baldum ignoraret, nec tot iurgius
35 ferueret forum, Iuuenalis canere poterat:

Optima certè

Nunc via processus vetulæ vesica beata:

At hoc nostro seculo, etiam si is indotatam Catharinam duceret, si modò processus tractare voluerit, procedet pulcherrimè: vt enim vestram iurisprudentiam paulisper alloquar, audi mea præconia:

Tu potes vnanimis armare in prælia fratres,

Atque odiis versare domos, tu verbera tectis,

Funereasque inferre faces. tibi nomina mille,

Mille nocendi artes.

HANC vbi artem è tribus sanctissimis regionibus, Hispania, Gallia, atque Italia, diligenter collegeris, tum te quoque eodem præeunte Virgilio, his verbis adhortabor:

Fœcundum concute pectus,

Disijce compositam pacem, sere crimina belli.

Arma velit, poscatque simul, rapiatque iuuentus.

QVORSVM enim aliò spectant, quotquot hodie sacras leges amplectuntur?

O ciues ciues, quærenda pecunia primùm

Virtus post nummos.

ALIOQVI si Digestum vetus & nouum vel ipso Vlpiano noueris melius, nisi aliquid de receptis technis degustaueris, inutilem deslebis scientiam, nec legatum te videbimus, nec scribam:

Aude aliquid breuibus gyaris & carcere dignum,

Si vis esse aliquid, probitas laudatur & alget.

VERVM iam tempus est, vt redeamus ad Castellū, qui suo Platone tantum verborum mihi inuito ademit, sed venerant in calamum, & currentem cohibere non poteram: ferenda tibi sunt, aliàs tardior erit, & etiam silentium forsitan æget, si modò tu pergas, vel minimā temporis causari inopiam. Ais quosdam audisse ex illo, pari oblato stipendio, me castra Sertoriana posse deferere. Quid alij auditum prædicent, & quam in partem noster amici literas fuerit interpretatus, vos istic melius pernouistis: me scias eiusdem esse animi, qualem nuper satis hîc perspexisti. Dū Marcus venerit da nobis omnibus opëram, vt vtramque epistolam legat, quam eodem

eodem illo tempore Castello miseram : neque enim
vnam tantum scripseram , sed & alteram , in qua tam a-
pertè sensum animi mei sum testatus , vt portenti simile
mihi fuerit hæc tua oratio . Ideoq; nunc breuiter cum
5 ipso Castello sum acturus , tantumq;ue admonebo , vt
illam posteriorem relegat. Credo cæcus videret , quàm
sim addictus Sertorio : nec mirum . quis enim non gau-
deat tam celebri viro censerī , potius quàm eam ciuita-
tem incolere , cuius tu scribis non esse auctorem ? Per-
10 inde siquidem apud me fuerit , quod ad nobilitatem at-
tinet , non esse auctorem , & quòd tu dixisti non cōstare
de auctore : nisi fortè te apud Athenienses habitare cre-
dis , & quando conditorē vr̄bis non celebrant , *αὐτόχθονας*
mihi iactare volueris . Nec mirum profectò , propte-
15 rea quòd tanquam terræ filius caducis istis commodi-
tatibus nimium afficiaris . Sed tandem om̄ssis iocis , se-
riò tibi gratulor , amantissime Valsæ , conditionem Sal-
manticensē , nec vnquam dubitauī futurum , quin D.
Prætor nostras nostrati amicū egregiū præstaret :
20 reliqua iam sunt in te sita , vt sorte tua contentus viuas ,
tantam præsertim ocij copiam assecutus . Postridie D.
Thomæ fuit apud nos in prandio Franciscus Lupus . ro-
gabam nunquid istuc mittere liberet ; iam enim abitu-
rum tabellariū : aiebat ante dies aliquot scripsisse se ad
25 D. Prætorem , & eas literas , quarum meministi , remi-
sisse , sic enim commemini . De nostro Marco quod scri-
bis vtinam vanum esset : valde siquidem vereor ne gra-
uior sit morbus , quàm putemus . vtinam iam redisset ad
vos incolumis . Nam de studiis illius si spe fallaci non
30 duceris , quis te felicior ? Ego certè biennij consuetudi-
nem cum illo transigendam tanti fecerim , vt vel sola
migrandi posset esse causa . Sunt odiosæ comparatio-
nes , vt vulgò prædicant : tamen chariorem amicū ha-
ctenus nec sortitus sum , nec tam reliqui inuitus . Hoc
35 mihi velim credas , postquam abij in Lusitaniam , sæpe-
numerò lacrymas mihi excussas , necessitudinis nostræ
recordatione . & sentio , si hoc loco diutius insistam ,

manabunt oculi. Oro te, vbi ille redierit, vt hominem colas atque obserues. Valet consiliis, candore atque amore mirabilis, sic omnibus se nouit exhibere fructuosum, vt omnibus semper sit gratus atque iucundus. Apud Tagum exhibuisti specimen insigne, quam esses appositus ad obeundas periculosas legationes, & facile superare posse qualuis itineris molestias. Verum vbinam didicisti istam artem equitandi? Priusquam hominem induisses, planè videbaris ineptus, & in morem globi in equo ligatus, huc atque illuc alieno trahi arbitrio; animam videlicet desijisti iam in dentibus habere, & animum habes bene animatum. Maeste isto animo, audacia pro muro habetur: itaque facile casum illum & fortiter ferebas, cum in perurgilio D. Martini non suppeteret tolerabilis Bacchus. Nihil est ab omni parte beatum: pauci Deos omnes habent propicios. Neptunus non demerferat vos in Tago, Liberi patris numen alienius fuit. Hic fuit Comicotragoedia, nam benigniorem Neptunum iniquior excepit Bacchus. at vbi iam aliquanto propius accederes ad Salmanticam: interuenit coenantibus vobis monachus nouarum semper rerum domicilium, occepatque Tragicocomoediam, ruinator tristior erat: at in rem praesentem cum venisses, omnia laetiora. Haec sunt rerum vices optime Vassae *δοιοι γὰρ τι πῖθοι καὶ κείαται ἐν διὸς οὐδὲι*: paucosque reperias, quin vita sua verissimum arguant illud Menandri, *ἄρ' ἐστὶ συγγενὲς τὴ λύπη καὶ βίῳ*. Proinde si sapis, quando iam istuc tibi tanquam ad perpetuas epulas venisse videris, cogites sic festum celebrandum, vt semper alicuius amarioris poculi confinio sit condiendum. nam rursus mihi Attica versatur ob oculos, vbi in ἀγοφορία, qui sacris intererant, has voces ingeminabant, *εἰα αἰ*, vt laetitiae comitem significarent tristitiam. Proinde quavis humiliorem proximo tabellario miseris epistolam, qui modò tam magnifica de felicitate tua praedicasti, nihil noui tibi accidisse putabo: imò tanto de Vassae spem

spem fouebo, magis auspicatam, memor illius Homerici:

Τὸν περὶ μῦθς ἐφίλησε, δίδ' αὖτ' ἀγαθὸν τε καὶ κόνετι.

Et sanè hæc tua profectio, quid habet nisi imaginem
 5 vitæ futuræ? vt credas perpetuò tibi inter bona ma-
 laque luctandum. Si mihi quid grati facere cupis,
 domino Archidiacono, & consanguineis non minus
 occurre per literas quàm mihi, idem censeo de Gui-
 lielmo, faciliè mihi vel maximè breuis satisfacies, mo-
 10 dò istos non omiseris. Ales interim styli facilitatem,
 & plus accrescet nomini tuo quàm arbitraris. Nam
 de Dionysio Correo monere superuacaneum est, quā-
 do ipse te prior nunc laceffere voluit, meritò salutan-
 dus abs te prior, tum vt patris memor esse videreris,
 15 tum etiam pueri nomine, quo dares occasiunculam
 aliquam tractandi rem literariam. Salutat te pluri-
 mum M. Nicolaus, Latinum illud maris refrixit, de-
 sideratur enim commarinus, vox est noua, sed nouo
 idiomati non illibenter admittenda. Scripsisti ad
 20 D. Archidiaconum de Principe patriæ meæ, non
 admodum plausibilia. velim vt proximis literis o-
 mnia sciam exploratius: se res se habet vt modò nar-
 rasti, video tumultum istum qui hodie orbem con-
 cussit, aliquanto propediem futurum atrociorẽ,
 25 Rutgerus literas ad me dedit Anno XXXIII. die Mi-
 chaelis, eas modò xvii. Decembris mihi reddidit
 Lusitanus quidam, qui Louanij insignibus Theolo-
 gicis decoratus est, frater Iacobus à Murtia, mona-
 chus Hieronymitanus, vide quàm sumus infelices
 30 hac in parte. Accepi eodem tempore literas è Burde-
 gallia, nostri Ioachimꝝ Politæ. omnino veniet in Hi-
 spanias, si detur tolerabilis conditio, Vide quid
 agat Straselius. Suffectus est in locũ Petri Danesij, qui
 relictã Parisiis professione Græcanica, se contulit in
 35 Italiam. Audiui hîc miranda quædam de ipsis Pari-
 siensibus. aiunt comprehesos supra centum sexaginta,
 qui his natalibus Christianis, statuerant nocte in tem-
 pla

pla hostiliter impetum facere, & Christianos trucidare: ante tempus rescivit Rex coniurationem, eoque nomine venit Lutetiam: animaduertit in plurimos qui viui traditi sunt Vulcani ludibrio. Rem non anxie perscrutor. M. Nicolaus iam semel atque iterum nobis narrauit, Veredarium hæc attulisse noua. Nolim ea spargas in vulgus meo nomine, tamen ne solus mala nobis obnunciares, libuit huius quoque rumoris te facere participem, simul ut tu iis de rebus certius aliquid ad nos scriberes: quando tam penitus in aulicam migrasti familiam. Ego quam sim ab aula sacris remotus, hinc licet coniecturam facias. Decessit nuper Regulus Ferdinandus, deinde paucis interiectis diebus maritum secuta est vxor, & gemino luctu proceres hic pullati obambulant aut militant, ut verius dicam. Ego tamē dulci meo saginatus ocio, nec lugubri veste fabulæ seruiο, nec prorsus dolore communi respergor. quid enim mihi faciā? οὐ γὰρ τις πρῆξις πέλει καὶ κρυπτῶς γόοιο. Domino Commendatario respondi, cuius tu salutatoris eum accepisti fructum, ut excellentiæ titulo fueris cohonestatus: equidem gaudeo illum tam propenso in nos esse fauore: verū bone Deus, quantis partibus vinco: Dominatio, præstantia, excellentia, & huiusmodi solēnia iam possessorum multitudine pro nihilo fermē ducuntur, οὐ γὰρ καλὰ τὰ τυχόντα, ne igitur cristas hic erigas. sine me mihi placere, cuius epistolam sic laudibus effert, ut Musas credat non alio sermone vsuras, quā Clenardico. Quis tibi videor? cui tantū vnquam tribuit Commendatarius ut mihi? Abi igitur posthac, nec mihi obganias Cerdonum titulos, Clenardianam eloquentiam solus ego obtineo, Musis tamen non inuisurus, si quando sic loqui velint. In summa si ex aliorum pendendum est iudicio, palmam mihi des oportet: sin frueris tua conscientia, non tibi concedam, ut plus capiaris ignoti parentis vrbe, quā ego Eboræ Sertoriana. Salutabis D. Prætorem: partim, quia illius salutē mihi Franciscus Lupus dixerat: partim, quia non potest mihi non esse charus

charus, cui tua salus tantæ sit curæ. Dominum Priorem cum matre, & breuiter tam propitiam in te familiam, etsi de facie non nouerim, propter te tamen ex animo saluto. Bene vale, pridie natalis Christiani. Eboræ.

NICOLAUS CLENARDVS LITERATO
VIRO D. IOANNI VASAE O AMI-
CO NON VVLGARI.

10. **A**VDI fabulam; nō fabulam, sed historiam. Factus sum Aulicus, doctissime Vasæe, sed quā potero aulicari, ipse iam pridē nosti: tamen iacta est alea: quod mihi diuino quodam consilio factum esse videtur, stultum putabam ei reclamare. Louanij cū essem, quis fore credidisset, vt me Rex Lusitaniæ vocaret ad instituendum fratrem? Et tamen euenit, nec me mei poenitet. Igitur reuersus abs te noster Marcus, me Salmanticæ stipendiis illis donatū repperit, vt tibi scripsi è Salmantica. Vixdū duodecim dies præterierant, ecce adest
- 20 nobis Resendius vnā cum literis Regis & fratris, vterq; aduentū meum optabant; obtulerunt centū millia: statim ego illud cogitabam, Principibus placuisse viris nō infima laus est. Moliebantur me retinere Salmanticenses, & iam agebatur vt mihi vltro Cathedram defer-
- 25 rent linguarū; verū ego illis pleno senatu gratias egi & valedixi. Vbi venissem Eboram, nam hīc est aula Regis, biduo post Regem cum Regina salutaui, fuitque tam gratus aduētus, vt mihi gratulatorium munus dari iusserit quinquaginta ducatos. Salutaui & discipulum
- 30 meum Principem Henricum Archiepiscopum Braccarensem, & reliquum fratrem Eduardum, qui plurimū gauisi sunt. Cardinalem hætenus nō adij ob certa eius impedimenta, hodie, vt puto, aditurus. Mirè mihi placet hæc aula: habet enim doctos & Græcè & Latine nō
- 35 paucos: ne Salmanticæ quidem reperias, qui aut Græcè aut Latine tam loquantur expedite. Viuit apud me Resendius, & diu, credo, viuet; ita enim placuit Regi.
- Quid

Quid vis? longè hîc mihi puto fore maiorem studiorû tranquillitatem, quàm Salmanticæ, quæ res potissimû à me quæsitæ est. Deinde longè mihi honestius esse arbitror, quotidie horam vnâ colloqui cum fratre Regis, quàm inter tam varios cõflictari discipulos. Et Louanienſes quoq; mei tandem credêt me non desipuisse cùm patriam dimitterem. Quòd ad me scripseris Salmanticam, necdum misit Marcus, imò misit, ita enim conuenerat. Verùm nondum ad nos venit agaſo, tamen putatur adfuturus intra biduum: literas posthac propior iam factus, mittam, & accipiam, vt spero, crebriores: Itaque casu contigit quod volebas, vt plures epistolas hoc anno scriberem, quàm decem. Curabis itaque apud istos tuos Bibliopolas, vt te certiores faciant, si quando erit huc iturus quispiam, itidem & ego facturû sum, quanquam pigrior te, tamen operam dabo, vt semper epistolam paratam habeam. Bene vale, mi Vazæ. Hammonio dices plurimam salutem, imò hanc legendam dabis epistolam, quando nihil propriè habeam quod ad illum scribam. D. Fernandus sit in aula Cæsaris, an Madril valde scire cupio, nam facerem eum de rebus meis certiores. item num si istuc epistolam mitterem, vos facilè curare possitis. Eboræ vltima Decembris. M. D. XXXIIII.

Ο γραμματοφόρος Φίλ. ἐστὶ τῷ Γρηγορίῳ, καὶ ταῖς φιλοη-
σiais, διὰ τῶ καλεῖ αὐτὸν ἐπὶ τὸ δεῖπνον.

NICOLAUS CLENARDVS LITERATO
VIRO D. IOANNI VASAE O
AMICO SINGVLARI.

I AM scripsi ad te de consiliò meo, sed frustra, quando te video fermè irretitum. Tamen quemadmodum testatus sum literis, ita re ipsa tibi hominem præbebo amicissimum, cum quo posses & rei, & studiorum habere liberam communionem. Tu modò dispice an præsentis

præsentis tandem commodi contemplationem spem
 magni fructus velis amittere. Nulli nocuit vnquam se-
 rius ditari : sed hæc hîc melius videbimus, si tamen ad
 nos veneris. Heri ab amico nostro literas accepi, iam
 5 è Salmantica abierat agaso, priusquàm veniret ipse è Me-
 dina . Itaque literas meas ad te & Hammonium nõ ac-
 cipietis, nisi vbi rursus ad vos redierit . Curauit vt istic
 tibi darentur quindecim, per mercatorem notum bi-
 bliopolæ Iaspari : id ad necessitates tuas. De illis quin-
 10 quaginta quos soluere oportet, in fine Septembris hîc
 curabo, vt hinc mittantur Vlyssiponem, & inde ad te.
 Velim vt sollicitudinem omnem deponas . Quod tam
 rarò scripsi, inopia tabellariorum in causa fuit, & licet
 multum mireris, tamen reuera nihil promoui, nisi vbi
 15 data fuit occasio, vt per Vlyssiponem ad te scriberem:
 idem tu facito . Expecto vehementissimè tuam episto-
 lam. Scripsi etiam ad illum patricium Rhodericum, &
 ad Hammonium: sed video iam tempus esse, vt ipse vi-
 cissim conqueri incipiam, quod nihil rescribatis. Valeo,
 20 laus Deo, optimè atque felicissimè; idem tibi in manu
 est, si modò velis . Scriptum hinc die Sabbati post festû
 Ioannis Baptistæ. Habes obscuram epistolam, sed nosti
 argumentum & auctorem, ita te quoq; velim posthac
 facere, vt suppressis nominibus rem agamus . Valde
 25 metuo ne intercipientur literæ. Sub omni lapide scor-
 pius.

N O S T E R amicus Salmanticensis nondum abiit,
 quantum licet sperare ex literis, non abibit antequam
 hinc meas acceperit literas : eas mittam Salmanticam
 30 ad librarium Petrum in insigni crucis firmæ, è regione
 Scholarum: si dabitur tabellarius, poteris & tu scribe-
 re & mittere epistolam ad Petrum : iturus est Cartha-
 ginem nouam & Murtiam, antequam abeat in patriam.
 In Germania viginti millia hominum dicuntur esse in
 35 armis contra regem Romanorum; spectant multa ad
 magnum tumultum.

N I C O -

NICOLAVS CLENARDVS LITERATO
VIRO D. IOANNI VASAE O.

SALVE chariss. Vasæ. Ad nullam epistolarum accepi respõsum, quas ad te per Vlyssiponem misi: literas postremas tuas accepi sub finem Iulij, quas scripseras postridie Ioannis Baptistæ: nihil præterea accepi de rebus tuis, cùm tamen essem sollicitus de valetudine tua, quam significaueras tentatam: ideoq; semel atque iterum ad te scripsi, nunc tertium ad te mitto, & te per omnem amicitiam oro, vt hoc tabellario me certiore facias omnibus de rebus. Haftenus non sine causâ distuli mittere illos quinquaginta: nunc vbi abs te literas accepero, & videro quomodo mitti velis, cogitabis nullam præterea futuram moram. faciam, si huc veneris, vt antea tibi præscripsi, de itinere discas ex præsentitabellario; ego enim aliam rationem non videram, nisi quemadmodû nuper aiebam, vt nullû emeris equum, sed nauigio descêderes Vlyssiponem ad Carolum Corree. per eum vbi iam accepero de omnibus tuis rem certam, velim, vt apertè quicquid est ad me perscribas, & quid ex aula Cæsaris ille ad te scripserit de filio. Vale mi Vasæ. Salutabis dominum cum Hammonio & Vincentio. Eboræ in octaua assumptionis Mariæ.

DABIS huic tabellario vnum regale, & mihi imputabis, persoluam suo tempore. Deinde vt tua quoq; epistola bona fide perferatur, superscribes tantundem vt hîc soluam.

NICOLAVS CLENARDVS LITERATO
VIRO D. IOANNI VASAE O
AMICO SINGVLARI.

MIRIFICE me recreauit epistola tua, mi Vasæ; vtinam faciat Deus, vt nostrates aliquando cernât, quod de te iam dudum præsagio: quare perge quæso in isto cursu, & quemadmodum apertè satis scripsisti, istos

istos *χρονολίπους παρ' οὐδ' ἐντίθεσσι, μᾶλλον ὃ ὄφτως δίκην μί-
 σῃν διατίλει.* Quamuis monendus non sis, tamen amor
 meo condonabis, si te iam Ciceroni deditum, paucis
 adhorter, ne stultorum more, in illius epistolis multum
 5 colloques temporis. Cùm agerem Lutetiæ, bone Deus,
 quàm sibi quidam suauiter placebant, quòd eas ad At-
 ticū bellè sese putarent intelligere! Tua res omnis est in
 orationibus sita, tu non in vmbra nobiscum delitescere
 debes, sed in lucem, & omnium oculos pertrahendus
 10 es: quare & illud summopere curabis, vt potiùs, aucto-
 re Cicerone, ex arte dicas, quàm multum de arte dispu-
 tes. Est istic quidam iuuenis, cuius mentionem fecisti
 in epistola, qui omnes angulos scriptorum huius gene-
 ris penetrare voluit, & fortè parem non habet Hispa-
 15 nia: eum caue ne æmulatione mala superare studeas:
 nisi fortè istic melius vulgus discipulorum Latinè lo-
 qui putas, quàm apud nostrates: qui credo non tam
 multos menses dant carnificinæ Gramaticæ, quàm isti
 annos. E Grammaticorum ludo, similitudinē Orato-
 20 ris proposui, vt potiùs velis insignis esse Orator, quàm
 curiosus Rhetor. De Dialecticis & Physicis ne multum
 angare, res est faciliior quàm credas: suo tempore bre-
 uiter consilium expediemus, interim persiste in institu-
 to tuo. Amicos omnes officiosè salutabis, nulli respon-
 25 deo, quia non possum omnibus, & alioqui nihil erat
 rei seriæ. Tuis discipulis proximo tabellariò responde-
 bo. Gaius sum de apophthegmate Prioris, conseruet
 Dominus tam bonam indolem, & tu quoque charis.
 Vassæ, cum literis simul, vt facis, instilla pietatem: pro-
 30 derit in omne æuum, quod tener animus iam imbibet-
 rit. Apud Sertorianos nullum licet inuenire, qui ratio-
 nem doceat conficiendi minij è ligno bresilio: roga meo
 nomine D. Iacobum, vt exactè rationem præscribat, est
 enim mihi opus.

35 A P V D bibliopolam Ioannem Augustinum erant
 Biblia Hebræa, vt tuâ, & vendere volebat duobus du-
 catis: vide si quod bonum habeat exemplar, eme &

eodem tenore absolvere, quod volebā in Arabicis: excusationis plus satis. tu verò defines amicitiam nostram ex istis censere officiunculis, quasi amare definam, quoties non scribam plurima. Deus misereatur D. Prætoris: 5 feci Franciscum Lupum de eius valetudine certiolem, nactus occasionem abitu Ioannis Parui: is heri profectus est cum Dionysio, vt ex Vlyssipone nauigarēt Lutetiam studiorum causa. Placuit epistola ad Plinium, vt tunc scripseram. at multò magis placuit quam misisti 10 Loifidi, quam tibi ais parum satisfacere. Quòd autem non perinde gratum fuit, innotuisse adolescentulo, nò rectè iudicas, mi Vassæ, & parum aberat, quin Cælio quoq; nostro literas tuas ostenderim, ea nimirum spe, vt occasionem haberes placendi quàm plurimis. Sanè 15 amicum deligas oportet, quem velis diligere: at leuis ista amicitiumcula. quid te lædit quæso, nisi vt pulchrè te in stylo exerceas? Confido futurum vt è Vlyssipone & alterum tibi parem ἀνταγωνιστήν quoque ex tempore ad te Græcè scribat. Ages D. Prætori gratias meo no- 20 mine, qui tam feliciter literas nostras curauerit. Respondit modò Rutgerus, sed pro acceptis literis quàm breuissimè effudit quicquid est præproperè, & promittit longissimas, &c. quare defines irasci, si te in præsentia præterierit. Scribit mortuos plerosq; Louanien- 25 ses, Nicolaum Bedellum, Ioannem Makot, D. Licentiatum Meerbeeck, & postremò D. Decanum S. Petri Cancellarium, in cuius locum successus est M. N. Ruardus. requiescāt in pace. Remitto chartulam illam de libris Arabicis, desidero postremum. adibis D. Com- 30 mendatarium, & posces. Mitto ad illum duos Cocco Indicos, vt promiseram. De libris reliquis, statuam postea: nunc præsentibus me enecabo. Salutabis D. Victoriam quàm diligentissime, vnà cum amicis reliquis, quos nunc omnes longè magis amo tacentes, quàm si 35 multa scriberent; nescio enim quì fiat, vt ferimè nunc literas Latinas oderim: imputabis Machometo, qui me iam vinculis illigatum possidet.

DE VICTORIA poteris omnia tibi tutò promittere, vtere viri consilio, credo expertus es Silenum, & longè alium esse, quàm Theologorum vulgus. Excusabis me apud tuos discipulos, sum in eorum ære, sed studia mea præpediunt, quo minus vobis satisfaciam. 5

QVI D nostro Vega in mentem venit, vt inscriptionem faciat Lusitanicam? Salutabis hominem cum cæteris.

MITTO quorundam librorum precium, qui istic venditi fuerant, è quibus statues de reliquis. 10

DE prælectionibus statues cum M. nostro Victoria, suspicor aliquid immutatū apud Salmanticenses opera Ioannis Fernandi, & illius etiam discessu te posse contra meam sententiam pugnare. Alia tua in literis Latinis est ratio, alia nostra Theologorum. Vbi expertus fueris, seridò dices meum fuisse malum consilium. Bene vale, charissime Vasæ, & Arabicis ignosce. Eboræ die Hieronymi. Salutat te D. Archidiaconus, & Reginaldus. D. Iacobum & Ioannem de Flandris specialiter salutabis. 15 20

NICOLAUS CLENARDUS IOANNI
VASAEO, S. P. D.

SALVE mi Vasæe. Pro tam eleganti ac tersa epistola, barbaram, si libet, accipe & incultam: quàm simulatq; legere cœperis, fortiter exclames χρύσα χαλκίων, explerem carmè Homericum, & adderem ἱερὰ τὸ μὲν ἐστὶ ἐννεαβόϊων, sed vereor partim ne senem illum amicum nostrum facerem periurum, si quatuor nossem verbula Græca, aut si hic totum Græcismum meum vno spiritu, eoq; perangusto euomerem, non haberem hîc postea quo me Græcè nosse iactarem. Vides credo in ipso statim limine, quàm dedidicerim Latinè, dum iactor in Arabicis & scribendi negligentia: sed ad rem. Causam cur huc aduolares, etiam si tibi conchas & vmbilicòs legere licuisset, nullam ex epistola tua perpendi: iam enim, 25 30 35

enim, cōtrā quam nuper scripseras, rem distulisti in annum vnum aut alterum; cū ego me putarem iam literas accepturum de pactis nuptiis. Equidem immensas gratias ago Deo, si re adhuc, vt ais, integra, tanto tempore liber sis victurus. Id vnum non possum non summo opere damnare, quod nisi hac contingeret compes, ipse te iuramento quoque addito castrares. Quid quæso necesse erat in eos laqueos vltro descendere, quod nec amor nec vlla præterea te causa impelleret? Si fidem illi dedisses, humano more fecisses, nec tātum reprehenderem. Nunc nisi stultitiā tuam video, & mihi adolescentes ob oculos ponis, qui sponsa priuati in monasterium se concludunt, nō voto religioso, sed quod ipsi sibi per stultitiā iniurijsse volunt. Ipse hic me reprehenderem qui obiurgē te, cū nihil possim promouere: iam enim iusiurandum, vt asseris, lingua nuncupauit. Verum, mi charissime Vascæ, quando te sic affectū video, oro vt quod fecisti, boni cōsulas: forsitan enim te Deus aliò vocauit, & illa mortua intra annum, aut alteri tradita, Vascus in sacerdotum gregem cooptabitur, proq; filiis carnalibus, aut concionando, aut scribendo multos gignet Christo filios. Homo, inquit Sapiens, proponit, Deus disponit. Tu nimis arctis legibus naturam cōscripsisti in Deum iniurius, quasi vbi ab ista Beatrice discefferis, nec potiozem nec parem vllam fueris reperiurus: quasi verò non idem possit creator cæli & terræ, quod ille apud Crotoniatas Zeuxis. credo è quinque virginibus optimas quasque dotes in vnum simulachrum compinget pictor, & qui propheta Iob dederat filias, Diem, Casiam, & Cornustibij, non poterit è Catharina atq; Beatrice vnam facere Helenam formosiorē ac magis dextram. At caue, te quæso, ne stultescas latius. Nullam iurasti te habiturum vxorem, si hac frustratus fueris: iam præter omnem causam ipse imprudens magnam partē libertatis tibi ademisti. Oro atque obtestor, ne magis etiam tibi iniquus fias. Si placebit vita monastica, vbi tempus erit, non deerunt loca

plurima, vbi viuas fermè dixerā *μολαχῶς*, sed ita adiuratus sum in vestro senatu, vt religio mihi sit posthac tecū grācarī: non, inquam, decrit monasteriū, etiam si nunc non prorumpas in vota, quò te nemo adigit, nisi stultā temeritas. Serua te quantum potes in tuo iure: satis magnū adisti damnum, quòd vnā tantūm potes ducere vxorem. Satis de hoc multa, caue si sapias. Non te monerem, nisi vnā admissa temeritate totus in metu essem, ne & alteram arriperes.

VELIM orationis tuæ mihi transmittas exemplū, nō recognitū, sed vt in scholis eam habueris. Semper suspicatus sum id tibi oneris à Nauarro imponendū, & nescio quī factū sit, quòd te nō statim monuerim. Venerat mihi in mentē Dorpij, qui quōdam orationē eiusmodi ediderat, q̄ ipsum ad te tēpestiuè scribere volebā, si forte eā antè perlegere datū fuisset. Non sanè quòd viribus tuis diffidam, sed quamuis splendore verborū & amenitate dictionis fructū huius anni exacti, & laboris tui Rhetorici queas capere, alienus tamen sudor forsitan aliquid rerū suppeditasset, quò necdum ætas tua possit aspirare. Et nō ignoras tibi in ea hora supra quā possis etiam aliquid faciendū esse, propterea q̄ iam celebraris hominū sermonibus. Verè enim Brutus fatetur duriorē esse conditionē spectatæ virtutis, quā incognitæ. Quare etsi rem factam te habere credas, nihil tamen remittas de labore, quin summis conatibus in hanc rem totus incumbas, ne vt Pisoni Cicero tuus contigisse scribit, quantum detraxeris ex studio, tantum amittas ex gloria.

MITTO viginti ducatos, si scires è quātulo aceruulo, diceres me verè credere, Amicorum esse omnia communia, quòd tibi plus mittam quā ipse retineam. Nec me credas, Vassæ, id adiecisse aut exaggerandi beneficij causa, aut quòd exprobrare velim, à quo vitio nemo me est alienior, adè vt reprehensus fuerim quandoq; sic amicis opem tulisse, vt tamen ne illi ipsi benefactorem suum scirent. Quid ergo? vt eadem opera & tibi
prosim

- prosim monendo, & mihi non obsum. Scripseram ad te in grandi illa epistola, quam modò remisisti, id quod re ipsa expertus es, te non accepturum à discipulis quantū putares, falsa spe irretitus obarasti te, & quantū timeo, 5 rursus decipiendus es. Aistibi nescio quam rationem vitæ satis liberā offerri apud quosdam Nauarros, quam videris reiecturus adductus literis parentum Gasparis: non alio omine, nisi ut paulò pòst rursus te deceptum conqueraris. Piscator ictus sapiet, ait prouerbiū.
- 10 Cumque sis tam alienus à moribus eorum qui Euas colunt, etiam pari conditione altera præferenda sit familia. Verum de hoc non contendam, modò plus aut equè multum solvatur. Vbi quæso sunt minæ tuæ, cum dices te illos nolle, nisi numerarent quinquaginta ducatos? an idèò apud me spirabas animosè, ut ne tantillum quidem exoluerent, quāti esset victus quotidianus? Velim, mi Vasæ, si fieri queat, ne te inani spe lactari sinas, & ita rationes tuas componere studeas, ne cum plusculum captas ocij literarij, imprudens alienas occupes tabulas. Qui sic inquires? Forsitan illos Nauarros reiecis, quod tibi credas multas confabulationes fraudi futuras, & te illis obnoxium, non habiturum tantam vacandi libris facultatem. Sanè tamen si plurimum habeo iam otij, tamen si possem meo succo viuere, nemo persuaserit ut vlli deuinctus viuam. Si liceret famelico & nudo semper studiis sufficere, iam nunc è seruitute me vindicare. Quare si & tua quoque sic se habent, quorsum attinet te amore otij conflare æs alienum? Neque verò, ut modò dixi, eò rapias velim orationem meam, quasi aut 20 inuitus, aut commemorabundus, quicquam in te conferre velim, à quo tam sum remotus, ut etiam hinc potius mutuū cepissem, quàm te destitutum negligerem: id quod paulum abfuit, quin factum fuerit, adeò in præsentia exhaustus sum. Causam 30 accipe, ut mearum quoque rerum statum scias. Pigeat diutius alienam adire mensam, quod re ipsa liquidò perspexissem plurimum mihi perire à studiis,

dum sublata mensa prolixius confabularemur, non de
iis semper rebus, quæ ad meum stomachum facerent,
nec tantum me delectarent, ut priuata intra parietes le-
ctio. Magis certe è re loculorum meorum erat quot-
annis pendere in gulam meam quinquaginta ducatos, 5
quàm iustam instituere familiam. Sed qui pecuniæ cau-
sa non venissem Eboram, licet pauci hoc credant Sal-
manticæ, malui libcriore viuere ocio, etsi tenuior. Itaq;
Calendis Iunij patrem familias agere cœpi emptis an-
tea seruis duobus carè admodum; magno enim hodie 10
veneunt mancipia: tum & in alia multa sumptus faciē-
dus erat, homini antea semper hospiti. Seruulus minor
cum nuper decumberem, fugam fecit, at postridie red-
ditus est. Laborabat periculosa scabie, curauimus egrū,
deinde fermè hydropicum habuimus, dedimus ope- 15
ram ut restitueretur sanitati. Ille autem bonus Dauu-
lus bene validus nuper fugit denuò, ac vix tãdem mul-
ta molestia dispendioque pecuniario post duas hebdo-
madas captiuus ad me delatus est, tam oportunè, ut
eo ipso redditus die, statuerim emere alium: quod si fa- 20
ctum esset, nihil restabat, nisi ut ipse me obærare, ne
te alienorum fidem istic periclitari sinerem: Qui mihi
crede, sic tibi sunt amici, ut te malim hinc petere, quàm
aliquando ex te cognoscere, Vasçum ab his destitutum,
quos habebat summos. Non designo vnum atque al- 25
terum ex istis tuis patronis, sed de grege amicorum lo-
quor, quos semper multos & amicissimos iactas. Faxit
Deus, ne vnquam eorū opera indigeas pecuniaria: huc-
usque enim diligunt, non longius. Sed ad me reuertor,
cui cum sic res habeat, oro te ne compendij viam amo- 30
re studiorum tuorum negligas. Fortè permanebis in
eadem ista familia, spem enim aliquam concepisti: sed
vide ne liberius pecuniã profundas, quod duplici sub-
sidio nitaris. Creuit istud æs, ut scis, nec æquum esset,
ut vbi aliter tibi prospici queat, ego amoris pœnas 35
luam, vbi te in monasticam aliquam cellam cōiecisses.
Nam contrà quàm putabam, etiam prioribus illis fortè
num-

nummis opuserit, quos tamen, vt scripseram, istic me sperabam in libros aliquos impensurum. In causa est; quòd vere primo suspicor nos ituros Braccaram: opus erit mula & aliis plerisq; ad profectiorem accommodis: tu collige onera reliqua, migrante tota familia. Nihil tamen te crucies ob meam epistolam, tantum da operam, vt necessitatibus tuis subuenisse iudicer, non aluisse negligentiam. Ego tam sum deditus Pluto, vt nesciam quid aut hinc miserim, aut quantum Hispali meo nomine acceperis. Scio te, cum hic esses, inscripsisse in chartulam, at eam postea non vidi, nec locum, vbi sit, noui: quare vide & redige in chirographum quicquid id est. Deduces Cornelium Celsum, qui constiterat, credo, octo regalibus.

MITTO quicquid adnotauerim in Demosthenem; non quòd sit vllò docto homine dignum, sed quòd subinde molestiam adimit, vbi forte consulendum esset Lexicon. Videbis quàm habeam intemperantem calammum, qui quæ nihil opus sunt, vbi incaluit, vno tenore percurrit, tum in interpretandis vocibus etiam facillimis, tum in adnotandis rebus, quæ potiùs diuinationes & ineptiæ verborum sunt quàm scholia. At nescio qui factum sit, vt nihil in τὸν περὶ τερφάνους reperiā (ignoscat senex periurus græcissanti, nam superioris promissi calamus non meminerat) Nescio, inquam, Marcus ne sibi seruauerit post abitum istinc meum, quod huius orationis valde esset studiosus, an quòd eam lectitauerimus post alias, vbi iam vtcunque Demosthenis gustum cepissemus. Id Vassæ scias, nisi Budæi libros præcipuè commentarios euolueris, te frustra sæpe sudaturum; nec verborum proprietatem assequeris. Qui eam vertit, toto cælo plerumque deerrat. D. Commendatarius eam aliquando istic enarrauit: iuuat hac in partē etiam inferiorum labor, nō solū Professoris Græci Salmanticæ. Oratio longa est, & aliās fortè minore discipulorum tædio queas enarrare, amant enim opuscula parua. Sed hic mirari subit, cum habeas Platonis in legibus

bus quinquaginta exemplaria, cur non eum potius interpretaris, qui & faciliore est, & iucundior, & auditorium redderet frequentius: neque enim puto illic quinquaginta esse Demosthenes. Nec tamen libri magnitudine absterri debet, cum satis fuerit vnum atque alterum librum exponere. Nam & Commendatarius solet auditorum patientiam mirari, quibus Rutgerus, ut ex me audiebat totam vno tenore absolueret Iliada: non etiam Aristophanem simul interpretantur vniuersum. Præterea quod etiam aliquid tibi prodesse queat, nostris visibus cederet pecunia, & beneficio Rutgeri uteremur ad tempus. quam rationem si tu abiicis, ne quaestui seruire videaris, quod me tamen nunquam deteruit, modò discipulorum rationem haberem. Misera enim esset professorum conditio, si pari proposito fructu te negligere debeas, aut libros docere prohibeantur non aliam ob causam, nisi quod sui sint. Alioqui non dubito, quin nisi id metueres, quamprimum Platonem arriperes, fretus exemplarium numero. Sed ut coepi, si istud metuis, habeo aliam viam quæ auditorium alat. Est Conimbria apud Lusitanos iam prælum non solum Latinarum, sed etiam Græcarum literarum: vide num consilium aliquod reperire possis, ut inde semper Græcorum librorum numerum iustum consequaris: id quod facile fiat, si cum Vincentio Fabricio per epistolas aliquando confabuleris, qui illic Græcè docet. Nam si & tu & ille semper aliquid discipulis prælegeretis, facilius illi monachi (ij enim & scholas & prælum instituerunt) ad excudendum pellicerentur. Hunc Vincentium ut noris, mitto ad te epistolam, quam ad me principio aduentus dederat: ei cum respondissem, de homine postea nihil accepi, fortè quod inurbanius rescripsissem & rusticius, ut non magnopere amicum Clenardum experat, eam remittes. Quod autem suavis Victoris poeticum aliquid tradere statuisti, non hic tecum disceptabo. credo illum id dedisse consilij, ne senis scientiam ignorare videaris, qui libenter Poëtas tractat. Mihi si obsequeris, illos

in

*Illud, sui, aut
Ciceroni aut
mihi condones.*

in auditorium tuum non introduceres, & cum Antonio quasi aliena lingua locutos non conareris attingere. Longè maior fructus est in Oratoribus & Historiographis cæterisque qui prosam scribunt, in quibus vbi
 5 iuuentutem exercueris, & ad scribendas epistolas perduxeris (id quod ille senex nec fecit vnquam, nec faciat) tum mihi crede, minimo negotio suo quisq; Marte domi Homerum legerit versione adhibita. Nam si
 10 poëtandum est, ab hoc faciendum est principium, vt etiam vult Basilii Magni, in cuius ætate si viueremus, nemo ante Homerum legeretur omnino, credo, quòd tum qui literarum sacris initiarentur, prosam quotidiana vitæ consuetudine vtcunque norant: id quod plerosque fallit, qui huius auctoritate freti statim à Poë
 15 tis exordiuntur. Verum, vt dixi, non reclamo, quin Victoriam audias, ego certè non fuerim factururus, nisi fortè Aristophanis vnā atq; alterā comœdiam putas, qui nō minus ad prosam accedit, quā ipse Lucianus: comicus est enim, nec eum Poëtam ex eorum genere
 20 duco, qui aliena lingua, vt ait Antonius, locuti sunt. Si Liuium leges, omnino trades librum primum, etiam si alius quispiam eum docuerit, tum quòd apud Iuntam bibliopolam exemplaria sint plurima tempore meo, vt scis, excusa, tum verò quòd nullus liber est elegantior.
 25 Scripsit in Liuium Laurentius Valla, verum nunquam reperire potui. Quòd ais vt tibi annotationes communice in Grammaticam poëticam: notauī plurima. sed inter schedas indigesta sunt, quemadmodum & reliqua Sibyllæ folia: tum demū aut in suum vnumquod-
 30 que redigam ordinem, aut comburam, vbi Deus me in Academiam aliquam hinc reduxerit, aut in patriam, quam tu iam parui admodū videris facere, credo quòd Aristophani subscribas, *πατρὶς γὰρ ἐστὶ πᾶσι τῇ ἀνθρώπῳ τῆς*
 35 *εἰς.* Ecce autem rursum periurum facimus ἄφρον φῖλον: ego verò, charissime Valsæ, etsi ocij cupidissimus sum, idque hīc consecutus sim eiusmodi quale nunquam habui, nec sperem inter meos, tamen nescio quo modo
 semper

semper patriam somniem: cuius quanta vis est, facile declarat Vlysses, cum Ithacam ne cum immortalitate quidem mutarit. Verè tu quidem è Cicerone didicisti, magnum habere dolorem ignominiosè reuerti, vnde honorificè discesseris. At contrà tuus idem Cicero non negaret, longè præclarum magis domi cum honore viuere, quàm foris. Equidem postquam visum est mihi abire in hoc exilium, non præcidi spem reditus, sed conandum esse credidi vt & redirem, & peregrinationis meæ fructum etiam inter meos haberem, quod omnino, spero, Deus aliquando conficiet. Quis quæso tam miseram sortitus est patriam, in qua sepeliri non postulet? Verùm de hoc aliquando tecum agam, vbi quod præ manibus habes, successerit. Puto enim tibi apertam rationem, si me audieris, vt & ad satietatem vsque peregrineris, & tamen aliquando gloriæ plenus, ad tuos recurras, aut Louanium saltem, &c. Monebis me proximis literis, vt de hoc tecum agam prolixius.

SUNT alia in epistola tua, ad quæ nihil respondendum duxi, tum quòd nihil me commouerunt, nec agitur in eis salus tuæ, & mihi garriendi tempus non est, vt etiam nec facultas: mirorq; plurimū, qui potuerim tam prolixas ad te de Beatrice contexere literas, quas heri dum relegere cepissem, nauseabam præ tædio: miror si tantas nēnias ad finem decurrere tibi licuerit: Et quamuis ibi nihil oratorium sit, tamen seriò me commouit, quòd tam potuerim esse loquax. Tradetur hodie flammis hæc fabula cum omnibus tuis literis, quæ huius rei mentionem faciunt, ne vestigiū vllum apud me tristicie resideat. Et te vicissim per omnia sacra necessitudinis nostræ, quantum licet & fas est, adiuro, vt hanc quoque epistolam Vulcano dedices, & hac de causa, & etiam ne quis tam inopem ac tenuem Clenardum putet, cum multi me hîc aureum arbitrentur: planeq; sum, mi Vassæ, aureus, aurea illa mediocritate contentus. Nam inter multos nummos auaritiæ scopulus est, à quo vitio me hætenus Deus seruauit incolumem: beneque licet omnia-

ominari in posterum. Nam tametsi increscant cani, nihil tamen adhuc sollicitor de senectutis viatico; semper credo tam potentem Deum ad alendum senem, quam fuit in educando iuvene.

- 5 ERRATVM est in Aëtio quem misisti: altera modò pais tibi data est, cùm cuperemus integrum, non fragmentum. Itaque alterum tibi onus sumas oportet. Huius Aetij sermones sex vertit Ianus Cornarius, népe 8. 9. 10. 11. 12. & 13. Hæc pars impressa est à Frobenio, & modò ad me transmisti. Post Cornarium Italus quidam reliquos sermones transtulit præteritos à Cornario, ita vt totus versus sit Aëtius ab his duobus interpretibus, quod opus totû postea simul impressum est Venetiis. Hunc Aëtium petierã aut alibi impressum 10 aut Venetiis. Sic igitur faciendum. Adhibe medicum quempiam; aut adibis Ioannem Augustinum, & hunc totum nobis mittes Aëtium lotum compactumque, vt nuper. Verùm nõ dubito quin postea Frobenius etiam eos sermones imprefferit, quos verterat Italus: quod si 20 sic est, eos separatim ad nos compactos mittes, vt sic totum teneamus Aëtium, etiamsi in duabus partibus. Nam & Medicus malit Frobenianam literam, alioqui totum nobis emas Aëtium, siue Venetiis, siue alibi bonis impressum typis. Vide quàm redundem verbis, nam 25 quod volo, vos Oratores tribus conficeretis syllabis.

- PETRV M bibliopolam salutabis. Literæ meæ Hebraicæ iam ferias habent, in causa fuit diuus Thomas, & nonnunquam Arabica: præterea vbi Sanctes nouus esse desierit, minoris erit precij. Salutabis & D. Iacobum & Ioannem pictorem. Vale, doctissime Vassæ, & ineptias meas non explores ad amussim Rhetorum, sed metiaris ex amore quo te prosequor: & caue ne posthac me suspiciosum fingas: præstat me sine periculo timere, quàm malis tuis ingemiscere. Eboræ die Sabbathi post festum Michaelis, non enim libet inspicere Calendarium. 35

M O D O & tuas & meas literas excussi, bene mirante.

rante Gulielmo quid rei esset. Omnino proximo recur-
su agasonis mittendus est liber, vnà cū epistola Vincen-
tij Fabricij.

HANC nuper epistolam obsignaturus, quàm fue-
rim ab agasone frustratus, indicabit tibi hæc inclusa
chartula. Laboraui sedulò, ne meam fidem requireres.
Cæterum cū nulla ratione conatus procederet, nec
mercatores vlli proficiscerentur (quod tamen certum
putabamus) etiam me consolari ipse coepi, existimans
& feliciter mihi celsisse, siue Gulielmi nostri negligen- 10
tiam, siue præproperū agasonis discessum: vterq; enim
in culpa est, sed multum orauit meus, ne se Vascō su-
spectum redderem. Non omnino, inquam, incommo-
dè casum hunc interpretari, mihi visus sum. Sic cogita-
bā. Homo proponit, Deus disponit: ac sæpe magis è re 15
nostra est nō assequi quàm assequi quod petimus. Fortè
Vascus aliis se rationibus explicabit ex istis angustiis, q̃
nescio quid de parētibus discipulorum scripseris, & tu
Clenarde interim forsitan mutuum capere deberes.
Quàm rectè coniectura me hæc consolata sit, exitus rei 20
declarauit. Nam paucis postea diebus ad me venit Ga-
spar ille Lusitanus Theologus, atq̃ue te Medinam pro-
fectum ad matrem Prioris. Ego confestim rem tibi sal-
uam esse censebam. De me quid interea factum sit, ac-
cipe. Calendis Octobris accepturus eram salarij partē, 25
siquidem tertio quoq; mense nobis soluitur. At noster
Thesaurarius vnà cū Principe tū hinc peregrinatū abiit,
reuerfus ab hinc triduum aut circiter. interea duos tibi
Portugalēses destinatos deuorauimus, eos enim Guliel-
mus nactus erat, vt istuc portarentur. Hodie appella- 30
tum abiit Thesaurarium, & spero nummos auferet.

NIHIL nunc scripsisti, vel iracundia iubēte talionē
meditās, aut aliqua iam ditatus Cathedra nostri nō satis
memor: cū tamen, mihi crede Vascæ, si iterum petis-
ses, etiam è mutuo tibi missurus fuerim: tanti apud me 35
nostra semper erit amicitia. Si me amas, audiam proximo
nuntio: de omnibus istis rebus: nec taciturnitate
velis

Velis utcumq; indicare, me tibi aliquam in suspicionem venisse.

MITTO doblonem vnum in vsum libri, cuius in epistola mentionem feci: tuum erit in rationes referre
5 quid acceperis, quid contrà expenderis. At modis omnibus quæso enitere, ut proximo recurſu mittatur.

NVLLA ME viam noſti, ut aliquem fasciculum tutò mittam in patriam? nam propter hæc bella nihil hic ſpei video.

10 EPISTOLAM mitto ad Salidum, & ad D. Ludouicum, in qua ſi quid te offenderit, monebis audacter: Plus videtis vos Oratores, quàm nos Theologi. Et licèt mihi nunquam eloquentiæ ſtudium diſplicuerit; nunquam tamen imperare mihi potui, ut vel iuſtum tem-
15 pus operamq; in ſtylo formando ponerem: aut quicquid id eſſet quod ſcriberem ad limam reuocarẽ. Quade reſerò doleo: cùm enim rem propius aſpicio, longè ſatius fuerat, cum amicis preſſius agere & breuius, aliqua adhibita vel arte vel diligentia, quàm multarũ ho-
20 rarum diſpendio prolixiores quidem effundere literas, ſed quibus conſcribendis id modò conſecutus ſis, ut malè & tumultuariè garrire poſſis, prudenter atq; diſertè dicere non poſſis. Oro te, mi Vaſæ, ut exemplo meo doctus, iuuenis diſcas euitare, quod ſeni mihi iam
25 euitare non licet. Non quin diſtionem tuam, & ſententiarum elegantiam ſemper plurimũ commendem, ſed, mihi crede, ſi animũ inducere queas, ne minimam quidem chartam exarare, quam non ſerò recognoſcas, futurum eſt ut mihi aliquando de conſilio dato magnas
30 ſis habiturus gratias. Ego ſi hoc in ſtadio verſarer, in quo multa cũ laude iamdiu verſaris, nihil omnino conſcriberem, ne de leuiſſima quidem re, cuius non reliquum apud me remaneret exemplar: id quod tibi, cùm miniſtrum habeas, non admodum fuerit diſſicilè. Puto
35 me noſſe, qui, ſi ſubitò res flagitet epistolam; aut morbum ſingant, aut prius agant ſermone vernaculo, quàm aliquid emittant ex tempore natum nec accuratum.

Alterum

Alterum etiam aiunt Politianū fecitasse. At hodie cū tantus sit doctorū prouentus, pauci tamen sic scribunt, quin iisdem finibus quibus suam vitam librorum quoque sint terminaturi: quorum libidini nisi præla deseruirent, non multos admiratores haberent, qui iam orbem ferè vniuersum ad legendū rapiunt. Veterū scripta quæ vera laude dignamur, ita legimus, vt nisi aliunde subuentum esset, etiam ipsi non grauaremur describere. Hodie putas aliquid edi, quod tu citra tædiū manibus queas exarare? Excipio tuum Deum et alterū etiam meum. Sed hæc ita velim accipias, vt mihi tamē fraudi non sit, quominus ad me scribas vel longissimè. Non mitto ineptias meas in Demosthenem, quod serum sit, nec opus esse credo. Die Veneris IIII. Nouembris accepi fasciculum literarum è patria. Mei, per gratiam Dei, salui sunt. Iam scis mortuum Merbecanum, Nicolaum Bedellum, D. Decanum S. Petri. Modò scripsit Rutgerus obiisse M. nostrū Turnout, & regentē in Porco; requiescāt in pace. Præceptor meus Latomus vocatus est Louaniū, vbi iam residet auctus canonicatu, quē post mortem Decani possederat Turnout. Literæ Rutgeri scriptæ sunt Non. Maij, in quibus ait se ante bimestre tibi scripsisse de institutionibus Græcis Iuris ciuilibus quas impressit. Rogo excusa me Victoriæ nostro. Incepi ad eum, meo more, prolixissimè scribere: sed ante abitum Agasonis non possum quod volo perficere. Minatur sæpe Poëta Refendius, & quoties eum à Victoria saluto, semper nescio quid excusat, quominus carmen ad eū mittat &c. aliquando tamē pariet. Vale, mi Vascè, Nouembris die Lunæ post festum omnium sanctorum. Sic nos Theologi solemus facere datas. Si quotidie prouentus sacerdotiorum reciperem, certiorē dicerem diem.

FERE exciderat. venit quidam ad nos Baccalaureus Parisiensis: is depulsus tempestate in Angliam, ait se illic audisse mortuum esse amicum monachorum, eoq; allatas è Germania literas. Nolo virum nominare, ne me

me dicas ista libenter obnunciare. Hic Baccalaureus è
Luteria discessit ab hinc trimestre. Tu inquire an ali-
quid norit D. Iacobus Vicarius, & in omnem casum
dicat missam de Requiem. Puto vanum, atque vtinam
5 esset vanissimum: iam enim audieram illum redisse Ba-
sileam, vt castigaret opera sua vniuersa.

DE Marco nostro quid suspicemur? certò nouit me
esse in aula Regis. Aut literæ interceptæ sunt, aut mor-
tuus est: oblitum enim mei non credam. Si me amas,
10 habeam orationem tuam.

NICOLAVS CLÉNARDVS OPTIMO
VIRO IOANNI VASÆO AMI-
CO CHARISSIMO.

15 SALVE mi Vasæ. Antequam literas legat noster
Victoria, velim ores vt mihi prolixitatem ignoscat,
& vbi fessus fuerit, illic cogitet finire epistolam.

GRATVLOR tibi istum istic successum, precorq;
20 Deum, vt quemadmodum speras, bonæ feliciter fortu-
nentur literæ.

QVOD aded te diligit Victoria, nihil nouum nun-
cias. Verus iam est illum bonis omnibus impensè stu-
dere.

25 MIRATVS sum cur tu potius quosdam inuiferes
quàm illi te. superfedeo nominibus, quòd intelligas
quem velim.

MITTO ducatos XII. id est, dublones sex. vtere,
30 si opus habeas. gratum tamè esset si sex ducatos nume-
rares D. Commendatario, & reliquos eius libros Ara-
bicos quàmprimum ad me mitteres. Quòd si commo-
dum tibi non erit: ego patientiam habebo. Epistolam
ne ipsi reddas, nisi soluas pecuniam, eius enim mentio-
nem facio.

35 DE libris meis, rogo ne quid petas: sunt admodum
pauci, & quos charos habeam: cumque nunc hunc,
nunc illum consulam, & omnibus meis instrumentis

L quan-

quandoque vtar, ægrè alicuius ferrem desiderium, ne vnus quidem est, quin occasio ferat ut adeatur, vtcunq; vel Hebræa tractem vel Arabicam. Præterea vehendis ac reuehendis codicibus, tantum facies sumptus, quàm pars bona queatemi. Vteris istic amicorum libris, Victorix, Vega, ac cæterorum? Accipe quæso hanc causam, nullis enim queam carere. De ratione debitorum postea videbimus: nunc tam multis perscriptis epistolis, vix tempus datur tecum colloqui. Nocte hac rursus dentium cruciatus me inuasit, adeo ut infomnis ferme iacuerim ab hora vsque prima ad septimam.

COCCEI iam hic nulli sunt, & repus præterit, aliqui misissem & nuper, cum te velle scirem.

IN Rodolphum vilissimum feceram compendiolū, quatenus iuuentus aliquem locorum haberet gustum: nulla apud me schēda superest.

DE Græcorum præpositionibus optimè scripsit in commentariis Budæus; mea sic inter chartulas dispersa sunt, ut mense vno colligendis nugis opus esset. proficerentur suo, credo, tempore.

RATIONEM instituendæ exercitationis melius iam me tenes, & quicquid istic lusi, tantum inter discipulorum erat manus, ego reliquum habeo nihil, & planè puerile iudicares, licèt reperissem mirè fructuosum. Marcus noster in patriam abiit, Barcinone quendam Lusitanum conuenit: sed quòd multa scribere cuperet, exclusus tempore scripsit nihil. Vale mi Valsæ, & amicos omnes saluta. Eboræ 11. Ianuarij, Anno M. D. XXXVI.

NICOLAUS CLENARDVS IOANNI VALSÆ O. S. P. D.

SALVE mi Valsæ. Hodiernus dies, Iulij est decimus octauus. Hæc literas tuas accepi sub vespërâ: ad quas nunc his horis pomeridianis, si queam, ad plenū respondebo, nisi negotia profectionis me inturbent. Ince-

pi con-

pi concinnare sarcinas : equus Gulielmi emptus est :
 meus, ut credo, comparabitur intra biduum. Hebdo-
 mada superiore profectus est meus Princeps. Ante abi-
 tum semel atque iterum longè lateque confabulati su-
 5 mus: quod dubium esset subsisterémne Eboræ, donec
 ille rediret Braccara, an vnà proficiscerer. Causabar
 itineris molestiam, homo harum rerum insolens: præ-
 terea hoc æstu mihi omnino in via pereundum esse:
 tandem conuenit ut simulatque calor deferbuisset, len-
 10 tè commodo meo subsequeretur.

• DVM hæc aguntur, quodam die, Rex inquit, roga-
 uit ex me: velleſne agere Conimbricæ? Oro, inquam,
 mi Princeps, ut quemadmodū antea conuenit, ne mihi
 vllas redeundi moras interponas, sed proximo vere re-
 15 uertar ad meos. Multa ille interim, quā cuperet me
 seruare &c. nec minus placituram mihi Braccaram
 quā meam patriam. Hic commodū visum est ve-
 strarum epistolarum mentionem facere, & me omnia
 spreuisse, quod ipsum iam studiorum Mœcenatem in
 20 omnem porro ætatem delegissem, me hoc esse animo,
 ut nulla tam ampla proponatur conditio, quæ me ab
 ipso debeat distrahere, debereq; me sub illius auspiciis
 aut diuitem viuere aut pauperem.

PAVCIS deinde interiectis diebus, quod æstu
 25 impedirer, nec ad aulam venirem, per quendam mecū
 egit, ut sciret animum meum: velle enim se habere mei
 rationem, sed quando a sacerdotiis Curatis sic abhor-
 rerem, explicarem quibus prouentibus contentus es-
 sem, sese tum curaturum reliqua. Huic internuncio li-
 30 bere cūcta exposui, & biduo post Principē ipsum adeo,
 fufius de omnibus fabulaturus. Aiebam alia esse sacer-
 dotia Archidiaconatus, Canonicatus, & eiusmodi Sar-
 danapalorum delicias, quibus multis capacem gererem
 conscientiam. Risit ille, & se daturum operam. Verūm
 35 inquam, mi Princeps, iam sat sollicitaris in hac profe-
 ctione: quod ad me attinet, ne sis multum anxius, facile
 mihi satisfeceris. Et quod ad abitum meum pertinet,

et si mirifice cupio parentum voluntatem explere, &
 ineunte vere discedere, tamen quando ardent hæc bel-
 la, licebit per epistolas aliquid causari, & aliquantisper
 procrastinare: ita, inquit, ut hinc discedas ab hinc anno.
 Sic ultro ipse prorogavi aliquantulum exilium, simul ut
 interea plus Arabicarer, & quæ ad eam rem attinent
 commodius expedirem: simul ut magis Principis ani-
 mo satisfacerem, qui me cuperet seruare diutissime.
 Deinde Vassæ, quanto iam illi magis obsequor, tanto
 deuinctiorem reddo: re ipsa enim ostendere volo, me 10
 omnes in illius gratiam occasiones lucri possiduisse.
 Potest me ditare, sine loculorum suorum iactura: nec
 dubito quin effecturus sit, ut hæc centum millia mihi
 reddantur in patria. Louaniensi Theologo, credo, sat
 erit tantum quotannis accipere, & quid ultra moliri 15
 necesse est? Fortè dices te nihil adhuc videre præter
 spem. Ea ego in præsentia contentus sum: nunquam
 deerit quod edam. Sed quando omnium debes esse par-
 ticeps, audi aliam fabulam. Heri venit ad me sacerdos
 quidam missus huc à duce Beyerano, una cum illius li- 20
 teris, in quibus orat, ut fidem habeam quicquid hic mi-
 hi eius nomine narraret sacerdos. Summa legationis
 hæc erat, optare se summopere, ut si displiceret Lusita-
 nia, aut hinc alioqui migraturus essem, conditionem
 apud ipsum susciperem, expetere se mecum tractare li- 25
 teras Latinas, & simul ut in eisdem filiorum curam
 susciperem, in ipsius ædibus me pro merito tractandū,
 salarium quod vellem, conferendum &c. Quod si hic
 legatus propensum reperiret, hic subsisteret, & quam-
 primum misso tabellario Ducem certiore redderet, 30
 quo videlicet res quamprimum transigeretur. Saltem
 utcunque forem animatus, cupere se ut eum viserem.
 Hic sacerdos me repperit tempore matutinarum in tem-
 plo, ubi statim respondi me & hic viuere suauiter, nec
 integrum esse Ducis voluntati morem gerere; & præ- 35
 terea intra annum me abiturum in patriam. Insi ut sub
 prandium veniret, daturum me literas ad Ducem: eas
 tulit

- tulit à prandio, & multa deinde verba fecit, quàm ea domus mihi amica esset, quàm gauderet Dux nomine meo. Suspitor Colonom aliquid molitum esse: eius honorificam feci in epistola mentionem, nulla tamen vel minima suspicionis ymbrâ posita. Breuiter, videtur hic sacerdos eam spem concepisse, vt aliquando me Dux sit habiturus, & multa hoc anno posse contingere. Abeunti dixi Salmantica esse Ioannem quendam Vasæum, vtraque lingua & pulchrè doctum, & Salmantica celebrem: tulit secum nomen Vasæi &c. Hæc fabula heri peracta est, quam rogo ne quis mortalium ex te cognoscat. Eam ob id tibi narraui, quo scires mihi fortè eam aliquando apud Principem vsui futuram, quo intelligat me non ob id tantopere moliri abitum, quòd alium pluris faciam, sed quòd tantopere tenear desiderio academix meæ, cuius desiderium etiam si euanesceret, iam in illius vnus gratiam multos summos viros me neglexisse. Nec tamen temerè statui effutire quicquam, & fortè aliunde resciscet. Pergamus iam ad tua.
- CASTRO Homeliarius fortè quòd cum Viue vixerat, sperat aliquid ab nostro Rege. At cum Viues ducatos, vt credo, ducatos abstulisset, Erasmus tamè & Turnout nullas egerunt gratias.

- BENE facis quod definitionem Monachi studes confirmare, quam pridem lusi cum ad Iacobum scriberem, Monachum esse hypocriseos domicilium. Si tu nomine Iacobi versus aliquot operi præfiges, ille hypocrita ne erit, an cornicula Aesopica? nisi fortè hypocrisis nomē locum modò habet, vbi de vitæ sanctimonia agitur, & ille falsus est, qui primum, secundū, & tertium in Rhetorica dixit esse τὸ ὑποκρίνεται.

- PASCASIOS cura quàm potes diligentissimè, etiam si pileos sexcentos perderes. Et quando nomine salarij, vnā tantū horā debes, id quod antè ignorabam, occupa, si potes, horas omnes, in scholis, in collegiis, & domi quoque. Istæ lectiunculæ parui sunt laboris, reposita semel eam gloriam, quòd te auctore pas-

sim Latinè garriant, iam tua erit Cathedra futura etiam rupta Aquila, cui quodd ceteri inuideat, in rem tuam est. Te velim inuisum esse omnibus, factione opus est ad obtinendum brauæum.

CAECVS Magister factus est post adeptam Cathedram. Quare miror te tantopere festinare ad gradum.

PVTAREM consultum si nuptias differres, donec istud saxum peruoluisses. Et crede mihi Vasæ, facilius cælebs obtinebis quàm coniunx. Si semel te viderimus victorem, gratius erit connubium. Si cõpeditus iam & illigatus fortè frustratus fueris, multò molestior erit repulsa.

MIHI res videtur longè facillima, pueros analphabeticos in tua familia intra annum eò perducere, ut quotidiana sonent Latinè, & audiendis lectionibus Latinis sint idonei: de iis loquor quæ alioqui caprū pueri non excedat. Quāquā quis est adeò obscurus auctor, vnde puer nihil excerptat, nec necesse est vel me totam Ciceronis assequi paginam. Principiò primo ipso die discat a b c d e f g h i k, & eas literas pingat: alio die, l m n o p q r s t u x z, & eas pingat: tertio die vocales quinque a e i o u, vocalis Græca y. Diphthongi quatuor æ œ au eu, ph id est f. deinde syllaba vo ca les: Dictio, *Vocales quinque, Diphthongi quatuor*. Hæc dum inculantur, puer suapte natura concipit quid sit litera, quid vocalis, quid syllaba. Numero prolatis digitis, Vocales quot sunt syllabæ? Tres. Deinde, Vocales quot sunt literæ? Septem. Nec necesse est ut scias, Syllaba est minima pars vocis compositæ, & cæteras ineptias & dispēdia. Atque hæc omnia perpetuò Latinè sunt agenda, etiam si non intelligant: nutibus & gestibus aliquid diuinando consequentur, reliqua ignorent, nec tamen vapulent. Primo statim die Carboni chartam obieci sic scriptam:

Vocales quinque, a e i o u:
 Alio die alteram chartulam:
 Literæ cõsonantes, b c d f g h k l m n p q r s t v x z.

Deinde

Deinde cū irem cubitum, dicebam Latine: Vocalis
cū consonante facit syllabam, ba be bi bo bu, ca
ce ci co cu: nec vnquam quicquam declaravi vernacu-
lā linguā.

- 5 SIT hic labor hebdomadæ ad summum. Interim
tamē admota manu capiti, dicebam caput, nasus, ocu-
lus, & ita singulis diebus vocabula aliqua in libellum
referēbam. Et inter vestiendum: Heus Sebastianē, cedo
10 mihi aquam, monstrato cantharo. Effunde & fer recen-
tem. Ipse effundebam potius, quā vt dicerem quod
ignorabam, hoc est vernaculum. Cedo mihi pectinem,
digitis comendi capitis ostendebam signa. Iam dudum
assequeris quæ velim.

Sequitur secunda hebdomada.

- 15 PRIMA DECLINATIO.

a æ æ am a a a } Musa.
æ arum is as as æ is }

Interiore manu dicebam a æ æ am a a

Exteriore æ arum is as æ is

- 20 Deinde aptabam sa sæ sæ &c. ita vt biduum occupa-
retur in vnā voce Musa.

CASVS SEX.

Nominatiuus

Genitiuus

- 25 Datiuus

Accusatiuus

Vocatiuus

Ablatiuus.

- Sit hoc ante prandium sonandum prolatis digitis, &
30 manu tam interiore quā exteriore.

Sequenti die.

NUMERI DVO.

Singularis

Pluralis

} id versā manu significabam.

- 35 Cœnanti, prandenti, cūti ad lectum, surgenti, sem-
per occinebat Musa, Musæ &c. Necdū scit quid sibi casus
velint, quid numerus. Post aliquot dies vbi audierit:

Cedo mihi *mappam*: & hæc est sordida *mappa*, tum dices: isti sunt casus *Mappa*, *Mappam*, aliquando dicimus *mappam*, aliquando *mappa*, sed postea id intelliges.

Deinde,

Prima Declinatio habet vnam terminationē, nempe *a*. 5
id legat nec intelligat.

FORTE miraris qui possit legere. Multa colligit puer vno terendo vocabulo, *Musa*, *Muse*, *Musam*. Deinde dum hætenus tam paucæ voces occurrerint, *Vocales quinque*, *Consonantes*, *Diphthongi quatuor*, *Syllaba*, *Dictio*, & cet. 10
dum octo aut nouem diebus sic inculcantur & per domum resonant, sonus ipse adiuvat, & præterea quod nulla dies omittenda sit, quæ non scribentem & pingentem occupet, omnino condiscit legendi vias. Et vt non sit expeditus lector, tamen dum memoriter declinat 15
Musa, mihi satisfactum est. Scis quomodo docere solebam Hebraica, post tertiam statim lectionem discebatur Pakad: quod si legere queat discipulus, & præsentem semper lectionem, quorsum attinet multas horas perdere in legendo? 20

CASVS & numeros cur post declinationem posuerim, iam vides: facilius enim consequuntur quid sit Casus, vbi nomen vnum in digitis declinando posuerint. Semper ita docendum est, vt nihil pendeat ex sequentibus, sed quæ iam tenuerint, lucem adferant 25
præsenti lectioni. Quare id ipsum, vnam esse terminationem primæ declinationis, volo vt legant modò, etsi non intelligant. Cæterum vbi absoluerint secundam declinationem, & tum adscripseris quinque esse terminationes, *us*, *um*, *er*, *ir*, *ur*: tum demum olfacient, & 30
tum in ingressu statim tertiæ declinationis licebit scribere: *Tertia declinatio* habet multas terminationes.

ROGAS fortè quid faciemus de *Pentecoste*, *Adam*, *Abraham*, *Anchises*, *Andreas*, ablatiuus in *abus*, quemadmodum in institutionibus Græcis, multa ad secundam libri partem rescavi: ita nunc solum sunt tradenda catholica. 35

SECUNDA DECLINATIO.

us i o um e o } Dominus.
i orum is os i is

5 um i o um um o } Templum.
a orum is a a is

Nomina in um sunt generis neutri.

Neutra habent tres casus similes in utroque numero, nominatiuum, accusatiuum, & vocatiuum.

10 HI casus in plurali numero semper desinunt in a.

H AE C legant & digito monstrentur in figura tres casus similes, *um um um*, *a a a*, templum, templum, templum: id fieri non potest, quin obiter discant quid significet vox, *similes*.

15 Sebastiane, quando dico est nomen neutrum, semper tres casus sunt similes. Vide quaeso, *Dominus* est nomen neutrum? Non domine. Quare? *us, um, e*. Iam puer saepius audiuit has voces, *Nomen, Declinatio, Declina, &c.* ubi inceperit coniugare verba, somniabit nomina declinari, verba coniugari.

20 Sed pergamus.

GENERA SUNT TRIA.

Masculinum.

25 Foemininum.

Neutrum.

HI C obiter discit legere diphthongum *oe* tanquam *e*, & non per duas syllabas *oe*.

Nomina in *us* secundae declinationis sunt masculina,

30 vt *Dominus*.

Nomina primae in *a* sunt foeminina, vt *Musa*.

Nomina secundae in *um* sunt neutra, vt *Templum*.

I A M hoc utcumq; capere potest; si minus, aliquot post diebus intelliget.

35 SED heus Valae, caue ne puerum oneres articulis *hic, haec, hoc*. Mei ne somniarunt quidem haecenus quicquam articulorum: tantum prolatis digitis

dicunt *Musa, Musa*, nec nominant aut casus aut numeros, manus ipsa loquitur.

ER.

er i o um er o } Faber.
i orum is os i is }

ER crescens.

er eri ero erum er ero } Puer.
eri erorum eris eros eri eris }

Carbo? Quid placet domine? Pu er quot sunt syllabæ? Duo. duæ, duæ. Pu e ri quot sunt? Tris. tres, tres. sic obiter corrigo, nec causas addo, ut condiscant aliquando sic, aliàs sic loquendum esse, id est crescere. Nonne iam es magnus? & cum esses in terra tua eras paruius? Etiam domine. Iam creuisti. sic puer habet duas syllabas, pueri tres: ergo crescit. intelligis? Etiam domine. Magister quot syllabæ? Tres. Magistri quot? Tres. Crescit? Non domine. Collatione contrariorum optimè res discitur. Hactenus non curavi multitudinem exemplorum. Ceterum, er crescens vel non crescens, quod non tam latè patet, fermè omnia adieci exempla, aut præcepto catholico comprehendere: quod idem faciendum est in tertia declinatione, ut lingua & aures his vocibus assuescant: quæ si multæ sunt, multitudine ipsa præceptum discipulo insinuant: sin pauca, ipso in loco declinatio earum discitur.

ir iri iro irum ir iro } Vir, leuir, treuir.
iri irorum iris iros iri iris }

ur uri uro urum ur uro } Satur.
uri urorum uris uros uri uris }

SECUNDA declinatio habet quinque terminationes, us um er ir ur. Hic fortè obiter accipit q; valere que. Antè fortè non occurrit, & abbreviationes principio fugienda sunt.

RELICVA secunda declinationis omnia omitantur.

QVO.

QVOMODO gustum dabimus adiectiui & substantiui?

Nomen duplex,

Adiectiuum.

Substantiuum.

ADIECTIVA.

Bonus bona bonum.

Malus mala malum.

Magnus magna magnum.

Paruus parua paruum.

PONO hîc grandem syluam nominum adiectiuorum, semper addêdo contrarium, quod obiter facit ad discendum vocis significationem. Quamuis enim dum traditur Grammatica, nihil omnino curandum est de vocis significatione; tamen si citra dispendium institutionis propositæ iuuetur discipulus, arripienda est occasio. Ponenda, inquam, sunt adiectiua plurima, ea præsertim quæ suspicaris puerum iam aliquoties audisse intra tantillum tempus. Hæc sic doceo, cum licet dicere bonus equus, malus equus, magnus equus, paruus equus, id quod manet iunctum variis nominibus, est adiectiuum, vt bonus equus, bonus dominus, bonus caseus, &c. reliqua quibus hæc adduntur sunt substantiua, equus, dominus, caseus. Hæc dum multis exemplis tractantur, etsi perpetuò loquare Latinè, puer tamen per se vernaculam linguam imaginatur, & colligit quid *adiectiuum*, quid *substantiuum*.

Adiectiua in *us*, declinantur vt *dominus*.

Adiectiua in *a*, vt *Musa*.

Adiectiua in *um*, vt *templum*.

Deinde pono & adiectiua in *er*.

Asper aspera asperum.

Prosper prospera prosperum &c.

NEC laboro vt adiectiuum cum substantiuo declinent, præsertim si habeant diuersos exitus, quale foret bonus puer, nam turbantur in re non necessaria. Sed parce

parce Vafæe, quoddamdiu fim inter Pafcafios, & anal-
 phabeticos,quafi tu hæc ignores. Sed quia fic voluifti,
 ineptiui potiùs quàm nihil fcriberẽ. Mitto ad te Gram-
 maticam vnam Aethiopicam, iam olim à coquo meo
 inceptam & defcriptam ex libello meo quem eis trade- 5
 bam. Non eft integra, fed inde licebit coniecturam fa-
 cere. Aufim polliceri fi tu eam fic rudi figura perfece-
 ris, & bono ordine rem oculis etiam obieceris, fore vt
 intra trimeftre hic difcipulus optimè declinet & con-
 iuget. Interea dum hæc difcit, fingulis diebus, vt dixi, 10
 exerceat fe pingendo. Et nullus dies prætermittatur,
 quin vocabula aliqua condifcat, partes hominis, res cu-
 linarias, & quæ in domo, foro, templo, agroque funt
 obuia, hoc eft, quotidiana ifta. Ea credo nouerit ante
 mensem vnum. Nam fingulis diebus diftinctis horis 15
 nunc legat, nunc pingat, nunc lectionem & vocabula
 cantillet, & iocus fit non labor.

VBI hæc quotidiana vocabula confcripta fuerint,
 & iuftus iam videatur numerus, in eodem libello per-
 gamus ad oratiunculas quotidianas. 20

Heus Sebafiane?

Quid placet domine?

Vbi eft Michael?

Iuit aquatum.

Quid agit Nigrinus? 25

Studet, fcribit, parat focum.

Eftne Gulielmus domi?

Non domine.

Quonam abiit?

Iuit ad forum. 30

Quideò?

Emptum pifces.

HAEC paucis primùm content verbis, & legant
 modo, vfu difcent & dicent memoriter. Quanquam
 omnino confultum eft, vt fimulatque fic fatiſ legere 35
 norint, fingulis diebus exerceant memoriam in huiuf-
 modi dialogulis, qui contineant quamuis materiam
 domesti-

domesticam & puerilem . Cùm tibi tam multi sint vt-
cumque prouecti discipuli, curabis, vt tu his rudimen-
tariis modò studiorum rationem præscribas, & vnā
tantum horā, quæ alioqui tibi periret, eis impendas.
5 prouectiores autem tres aut quatuor quotidie in or-
bem cum illis puerulis ludant, & audiant eos declinā-
tes, sic vt quod alij facere queāt, tu ne subeas. Id maio-
ribus quoq; lucro erit, vt rationem docendi condiscant.
Ceterum cura vt vsu potiùs discant, quàm ratione. ver-
10 bi gratia, in tertia declinatione; sic dico *a atis neutrum*.
Declina Carbo *Dogma: Dogma, dogmatis, dogmati &c.* semper
ipse eis dico genitiuum, nec tento an iam sciant: verum
adeò crebrò declinabunt, vt tandem imprudentes in
genitiuum incidant: itaque de acensatiuo in *im*, ablati-
15 uo in *e* vel *i*, genitiuo plurali in *um* vel *iam*, non eos volo
torqueri, sed ipse inter declinandū succurro. Vbi bien-
nium fuerint versati in literis Latinis, tum demum
suapte studio legent grandes istos Grammaticos, aut
certè eis opus non habebunt, ipsi enim canones sibi
20 ex vsu auctorum formabunt. In dialogis multa obiter
discuntur, vt verbi gratia, numeri.

Quota est hora?

Prima,

Secunda,

25 Tertia &c.

Quot ibi sunt homines?

Decem,

Viginti,

Triginta,

30 IN verbis primæ coniugationis, præter ea quæ regu-
la vniuersali comprehenduntur, semper addo omnia
composita, hoc pacto:

Sto steti statum.

Adsto adsteti adstitum.

35 Consto, resto, præsto, prosto, disto, insto &c.

SI C in tertia & quarta coniugatione, & secunda,
vbi certus est numerus, nec præceptum est generale.

Nullum

Nullum enim præceptum pono in tertia coniugatione, sed hoc pacto pono terminationes:

CIO.

Facio feci factum.

Conficio confeci confectum.

Afficio, Perficio.

Quare præpositiones pono statim post nomina.

xxx. accusatiuum regunt.

xv. ablatiuium.

iiii. vtrumque casum.

I AM sciunt dicendum: Gulielmus iuit ad forum, quia ad regit accusatiuum &c. Necdum sciunt quid sit comparatiuus, tamen in nominibus in or posui comparatiua or oru, Doctior, Melior, vt declinent. Sic & verba in io, vt Auctio, Natio, Factio &c. postea eos titulos intelligent. Mei iam multis mensibus a me negliguntur, eo perducti sunt, vt intelligant Dominum: nec multum iam curo, fui aliis occupator, quam vt eos multum respicerem. Peruenerant vsq; ad tertiam coniugationem, fortè aliquid fiet Braccaræ.

T V nihil de Passiuis verbis tradas, nisi omnibus absolutis coniugationibus, tum de Passiuis agendum simul & Deponentibus in or.

P O S T verba, tradenda Pronomina. nec sciunt quid Primitiuum, quid Derinatiuum, Demonstratiuum &c. tantum declinent.

Aduerbia, Coniunctionesq; vsu discant.

S E Q V I T V R Syntaxis. cuius caput primum de adiectiuo & substantiuo trado statim post secundam declinationem. De verbo actiuo cum accusatiuo intelligent, vbiscient imperfectum esse Comedo, nisi addas panem, carnes &c.

Comparatiuus ablatiuum regit, Superlatiuus genitiuum.

Duorum substantiuorum alterum semper sit genitiuus.

Duorum verborum alterum Infinitiuus.

HÆC pauca sufficiant. Nam quæ adiectiua genitiuo gaudeant, quæ ablatiuo, in Dialogis obiter discēt, ubi eo perducti fuerint, ut ipsi obseruare incipiant verba & nomina quæ catholicis præceptis non continentur, alia alios postulare casus, ut vescor, fruor, vtor ablatiuo, &c.

SI hoc pacto puerum instituas, ante sex menses communia nouerit capita totius Grammaticæ. Et interim in dialogis eum profectum habuerit, ut multa norit
 10 garrere Latine.

SEQUITUR anni pars posterior, quod putarem illi nihil perire, si publicæ lectioni Terentianæ interesset, non quod totam assequeretur, sed dum te audiret copiose differentem. Vos isthæc intrò auferte, multa, credo, intelligeret, Simo paterfamilias, seruos astantes
 15 alloquitur, iacebant pro foribus aut ligna, aut nescio quæ sarcinæ aut onera, iratus dominus & stomachosior in pigros desides & negligentes somnolentosque seruos; vos, inquit, serui, quid ista sic relinquitis pro foribus & ante ostium? auferte, hoc est, asportate intrò,
 20 hoc est, in domum isthæc, hoc est, ista onera. Puer sex mensibus in familia tua versatus, nihil huius enarrationis assequeretur? Perge. Auferte, imperatiuus ab Auffero regit accusatiuum; isthæc dicunt Poetæ pro ista:
 25 Intrò Aduerbiū locale &c. alia quæ adferes auditoribus non assequetur, quid tum? adhuc tenellus est, & dies diē docebit. Quam mirabātur quod D. Ludouico enarrarem Liuium! Et tamen res processit pulcherri-
 30 mē. Tibi quoque dextra erunt omnia, si modo Salmanticensium mores caueris, qui si difficilis locus occurrat, ibi neruos explicare student, & sui miraculū apud plebeculam facere. Tu pueri modo dicito, non potes iam assequi.

INTEREA tamen hic puer domi habebit sua studia in dialogis legendis & pingendis. quos si adhibita
 35 etiam cura conscripseris, fieri queat ut nulla sit vox Latina, quin ante finem primi anni ab hoc puero sit sepius lecta,

lecta, scripta, audita, & bene detrita. Quomodo qua-
 so? Principiò nomina poëtica fluminū, herbarū, mon-
 tium &c. omitto, & antiqua præterea vocabula. Dein-
 de in his dialogis, etsi argumenta erunt aliarum rerū,
 potes tamen subinde Grammaticum simul agere, &
 dialogi rem agere. Verbi gratia, fortè concluditur dia-
 logus, hoc est, pagina vna (nam nolo te splendide hīc
 laborare) Dialogos voco confabulationes quauis de
 re. & sunt singulae paginae quandoque dialogi, vt res
 sese tulerit, semper positae in frontispicio personis disci-
 pulorum tuorum, non eorum modo qui hāc discunt,
 sed quorumlibet, quicquid noui vel tibi vel Cæsari ipsi
 contigerit, inde fiat colloquium paruulum. (si modò
 captum discipulorum non excedat) Esto ergo, sit finis
 dialogi iste: Faciam quicquid iusseris. Ingredere hīc
 occasionem, vt discant composita verbi Facio, & sic di-
 gere, vt alter nominet ipsum compositum, alter oratio-
 nem ex eo descriptam reddat.

CARBO. NIGRINVS.

PLACETNE excutere composita verbi facio?

Perplacet, tu præito, subseruiam ego pro virili.

AFFICIO.

REX me affecit summo honore.

SI id commiseris, afficeris maximo dedecore. Cō-
 gere hīc si placet, eos ablatiuos, quibus iungi solet id
 verbum

CONFICIO.

CONFECTVS fame, inedia, moerore.

EXPENDE sic omnia composita, & dialogos sic
 conscriptos saltem creberrimè legant, haud aliter atq;
 nos horas canonicas.

IAM verò volo, vt etiam data opera certa quædam
 verba cum suis compositis deligas, & sic cum vno atq;
 altero exemplo scribas. tandem minuetur Lexicon, &
 pauca relinquentur, quæ tuus non ceperit discipulus.
 Deinde hoc pacto quandoque, vt facit Cornucopiæ,
 nominando omnia quæ à themate deducuntur.

MICHAEL.

MICHAEL. SEBASTIANVS.

QVID gignit amor?

Amo, amans, amaturus, amabilis, amandus, amor, amicitia, amicus, amica.

- 5 RVDE est exemplum. Sed vides ita sensim fieri, vt recto adhibito iudicio, totam linguam Latinam, & bonam eius vtendæ partem, in hunc Dialogorum librum possis conferre, ne discipulo annum vnum sic exercitato multa possint obiici noua.
- 10 PRAETEREA ratio illa copiae, trahendo oratione ex oratione, etiam hic locum habeat, praesertim si videantur aliqua esse vocabula, quæ alia ratione infulciri nequeant. Id fit, vt scis, vel vt ipse orationemingas hoc modo. Conferas te domum. Contulit in me plurima
- 15 beneficia. Plurimum de me meritus est, &c. aut nectendo sententias auctorum & adagia. Omnia vincit amor, & nos cedamus amori. Non omnia possumus omnes. Vt possumus quando vt volumus non licet, &c. hæc varietas etiam grata est. Postremò ubi iam omnes ratio-
- 20 nes pertractaueris, capiam Lexicon Nebrissensis, & decursis ordine vocibus, si quam fortè puer necdum audierit, aut etiam si audierit, modò eius occasione oratio elegans emergat, eam ordine Alphabeti describam, & item reliquas omnes, & ne fastidium fiat, lite-
- 25 ram A ponam: deinde aliquos nouos adiiciam dialogos, postea B &c. Non enim necesse est te graue & ferium argumentum ad finem vsque perducere Erasmi more, sed tantum vsum doces linguæ Latinæ.
- 30 PROXIMUM annum si sic animi causa impenderis istis analphabeticis, totam linguam Latinam paruo libello & vtili concluderis. Et quia fortè vereris ne in longum excrescat: principio quis longus debet cense-ri liber, si vnus modò à discipulo tractandus est? Deinde quando pingendo, legendo, & audiendo hic liber
- 35 sic decantabitur inter eorum manus, licebit subinde expungere, si quæ sæpius eadem occurrant, & in eorum locum alia substituere. Quanquam quid periculi, si
- M eadem

eadem crebrò in libro eodem compareant, licebit adiecto aduerbio, aut actiuo verso in passiuum, saltem faciem orationis mutare.

ALIVD restat. Vnus hic libellus omniũ instar erit, quod quidem ad linguam Latinam attinet. Itaque non solum legendus est, sed tanquam iustus auctor habendus. Et quemadmodum scriptores ceteros legimus, & arrepta vocula quapiam, inde comminiscimur aliquot orationes; ita cum lubebit tibi remittere animum, legatur ex hoc libello pagina vna, etsi qua vox rarior occurrat, tractetur bene, & viua voce ibi pensetur, quod fortè non sapius insit in libello.

EGREGIUM cerno fructũ, mi Vasse, & fortè multis vtilem laborem, si velis aliquid hic adhibere diligentia, vt eadem fidelia non duos de albes parietes, sed multos, & vnus tibi libellus suppeditet linguam Latinam vniuersam, insignes auctorum sententias, adagia innumera, copiam orationis, insignium virtutũ & vitiatorum definitiones, & postremò quod tibi & multis aliis queat esse vsui, vt in promptu à primis statim annis discamus, ne prouecti hæreamus in quantitate syllabarum. Mihi vsu venit siquando nugor, vt afflatum Apollinis perdam, dum non occurrit carmen Poëtæ, & video Grammaticos, a ante u corripitur, &c. Itaq; nuper dum insanirem defuncto Erasmo, animus erat semelensem vnum elaborare, & hæsitanti perpetuum parare remedium, sed alia cura interpellauit: etsi à me alienum est ista iam ætate, tamen animus est nisi tu peruerteris, auxilio meorum Aethiopum illud laboris capeffere. Sed ordine ad singula.

MVLTI S viris displicet ex auctoribus insignes locos, qui sententias graues continent, seligere, & in eis legendis operam ponere, propterea, quòd apud eos ipsos auctores huiusmodi rectius intelliguntur, melius discuntur, quàm si quis ex multis auctoribus grandem sibi paret farraginem. Eiusdem sum & ipse propemodum sententiæ. Ceterum & apud Græcos

non

- non defuerunt qui scriberent *γράμματα*; & longè optimū arbitrarer, si quis ita disceret linguā Latinam, vt quem vsum vocis accipit puer oratione alioqui inani, eum ipsum ferret ex huiusmodi oratione, quæ præter significationem vocabuli, etiam moneret aliquid: vt sunt adagia, apophthegmata, & similia, vbi vel est historia, vel fabula, vel tale quidpiam. Occurrit illud mihi Ciceronis: *Nullum est officium tam sanctum atque solenne, quod non auaritia comminuere atque violare soleat.* Infulciatur alicubi in
- 10 Dialogis occasione vocis *Violo*, aut cuiusuis alterius. Ita quicquid insigne est & illustre, per occasionem interseratur. Cū enim pueri sint tenacissima memoria, à primis annis ea imbibant, quæ nos postea senes vix magno labore discimus. Legimus totū Terentium, nec
- 15 quicquam postea meminimus, quàm eiusmodi locos insignes, qui si non minus eleganter scripti sunt, aut etiam elegantius, præstare opinor, vt tuus iste libellus horum sit plenissimus, etiam si excrescat plurimū. Itaq; clausulas Valerij Maximi, & quicquid in tragico Seneca, in Cicerone, Plinio, & cæteris classicis auctoribus memorabile sit, quando suspitor te subducta linea in
- 20 codicibus tuis illustrasse, ordine minister tuus exscribat, tu deinde pro tuo iudicio ex eo collectario in locū aliquem dialogici libelli referas, aut libellorum; quid
- 25 enim periculi, si in multos tomulos annus vnus excrescat?
- I A M etsi primo anno non facies versificatorem, tamen velim te ex omnibus Poëtis eos versiculos eligere, qui præterquam quòd sententiam continent, aut historiam, aut aliquid dignum memoria, eam etiam contineant vocem, cuius quantitas canonibus generalibus non continetur. *Cadimus*, inque vicem præbemus *crura sagittis*, fermè sex locis aptari potest. Multa Horatius. plurima præbebit Ouidius. Quòd si ordine alphabetico feceris,
- 30 tibi etiam nunc grandæuo poterit esse vsui, si sparsim immittas, velit nolit puer infiget memoria.

E T quia tam varias rationes colligo, vt spatio annuo

Latinum vtcunque reddamus discipulum, & vnum in librum totam volumus congerere linguam: cur etiam non hoc postremò addimus, vt congestis hinc inde auctororum dictis, titulos aliquot vberes de virtutibus & vitiis more Valerij, & de rebus aliis confingamus? De Patria, de Præceptoribus, de Medicis, de Philosophis, de Pauperibus, Diuitibus, Regibus, Plebeis &c. Exempli causa.

DIVITIÆ.

Re sine nullus eris.

10

In precio precium nunc est, dat census honores,

Census amicitias, pauper vbique iacet.

Donec eris felix, multos numerabis amicos,

Tempora si fuerint nubila, solus eris.

ET item alia quæ eodem pertinent.

15

PATRIA.

Nescio qua natale solum dulcedine cunctos

Detinet; &c.

VIDE O R tibi fortè nimius, sed tu seligendi debes esse arbiter Vasæ, simulq; cogitare, tum quòd nihil offecerit, si quædam sub anni exitum iam dialogicus codex contineat, quæ non planè intelligantur; tum verò sensim eò puerum deducendum, vt exercitio discipulorum grandium assuefiat, quos grandes & ipse quotidie præter pensum studiorum sic exercere potes, vt & ipsi collectarium habeant sententiarum, quæ pluribus constent verbis, qualia fuerint carmina aliquot ex Iuuenale, aut comparatio quæpiam speciosior, vt illa.

Ac veluti in populo, in 1. Aeneid. de ventis. Item reddenda quotidie sex aut septem adagia, & sensus eorum verbis paucis memoriter reddendus, de qua re nuper tibi scripseram.

OMNINO supra opinionem res tibi succedet, si modò piaculum sit domi tuæ audire voces vernaculas, & quemadmodum antè monui, aliquot è grandioribus tibi velut hypodidascalos feceris, vt vicibus in orbem euntibus nemo docendo aut audiendo grauetur, &

& analphabetici tamē isti nullas habeant horas vacuas, quin ea vel legant præsente quopiam, aut scribant aut commendent memoriæ, aut cum Latinis colludent.

VELLEM vt hanc rationem publicè susci-
peres, nō inuitatus auditoribus, sed vt collectis aliquot etiam rudibus & grandioribus natu, qui se obsequentes præberent, eos vnā cum domesticis institueres, fortè perspecto tam eximio fructu, plures vtrò confluerent. Id modò te oro, ne pudeat ad hæc in speciem minima descendere, & potius omnia Græca posthabeto, etiam domi vt ais, fortè tradenda. Sis Pascasiorū totus, donec finem videamus futuræ Cathedræ &c.

P V T O iam satis ineptiui, ignosce Vassæ, cupiueram heri absoluerē epistolam, sed Pascasij me prolixum fecerunt. Vnum addam præcipuè curandum, vt situ & ordine scriptarum rerum oculis quoque gratus sis, hoc est, in Dialogis omnem responsionem semper in nouo versu colloces, hoc pacto:

Quid agis?

Studeo.

Vbi est Gulielmus?

Nescio domine.

M I T T O ad te principium Dialogorum Aethiopicorum, vnde simul & rem & ordinem agnosces.

E A res tantum habet momenti, vt bonus alioquin liber planè damnari debeat. Scripseram quondam tabulam Hebraicam, tabulam, inquam, non iustam Grammaticam, quòd & typi minores deessent, & Campensem nollem videri emendare; eam sic disposueram, vt mirificè iuuaret memoriam. Modò vidi eam sic impressam Parisiis, dum Typographi chartæ compendium sequuntur, vt meritò doctis omnibus meus labor displiceat. Sit iam tandem finis fabulæ. Imò adhuc vnum restat: magnopere conducere ad faciendam fidem huius institutionis tuæ, si quem nancisci queas puerum, non qui adhuc Grammaticam ignoret, sed qui ne literam quidem viderit, quales ego accepi Aethiopes: & eum

sic instituas, vt anno primo iam legat & pingat expedite, loquatur & intelligat sic Latine, vt illos longè superet, qui triennium istic artem audiuerint Nebrissenfis.

NON debes Gracè docere in gratiam mearum Institutionum, quando eam lectionem non debes, velim totus, vt dixi, sis Pascasiorū, etiam priuatim, & omnem lapidem contra Aquilam moueas.

RHETORICA siquando exire debebit, summo pere adlabora vt noua præcepta, & in vniuersum, quicquid ad præceptum aliud, aut aliam conditionem pertinet, occupet principium versus, nam id valde facit ad perspicuitatem docendi. 10

SATIS apertè & simpliciter imò rusticè tibi depingo, quæ mihi ad iuuentutis rectam institutionem conducere videntur. At velim te nostra non sic aliis tradere, fortè enim riderent, &c. quando istis istic diis nihil placet, nisi quod specie commendetur. 15

ANTE abitum meum spero videbo Salmanticam. Sed quid mi Vassæ, possēsne chartis ista mandare? Dicerem si res vrgeret, vt te proximo bimestri conferres Braccaram, illic enim ad Decembrem vsque puto subsistemus. Verùm quando molestum esset, & fortè dubium, quando & Diuum Iacobum adituri simus, nec possim diem certum præstituere, quo debeas me reperire Braccare, & omnino animus est, vos ante discessum inuisere, ne hic sis anxius. 25

IAM equum alterum emimus, profecturi per gratiam Dei proxima hebdomada, Ora Deum vt illic res nobis bene procedat.

LIBELLORVM precia, quando non adscripsisti, tu in rationes referas. 30

DE Galeno meminero, & si in patriam iturus sim, hic tamen eum emerem, quòd multò minoris vendantur libri Aldini Salmanticæ, quàm Louanij, & fortè ibi non est: post videro. 35

O charissime Marce, vbi agis, viuum an mortuum dicam? rogo Vassæ rem aliquam habeamus certam.

COMMODIOR mihi erit patria Vafæ, propagandæ linguæ Arabicæ, quàm Salmantica. Deinde si vnquã Salmanticæ sum publicè docturus, potiùs id gratis facturus sum, quàm alligatus Cathedræ.

5 DE Ciruelo hominum more suspicatus sum, & vt homo, falsus.

ROGAVI hîc nuper, quid Consiliariis in mentem venisset, quòd Cathedram pronunciandam curarint vacuam; credo, inquit quidam, vt ex prouisione ali-

10 quot haberent ducatos.

DE Gulielmo meritò times, Venus & vinum vereor ne adolescentem perdant; timeo ne aut suam alat more Salmanticensium, aut si vagetur, morbum contrahat in Hispania Gallicum, aut imprudens implicetur pauper-

15 culæ alicuius nuptiis. Hęc non in eum magis quadrant, quàm in quosuis nostrates. Tu qui præsens es eum moneo: nihil habeo quod ad eum scribam, salutabis cùm è Medina venerit, & meo nomine roges, vt prudenter aliorum exemplis moneatur, ne qui bene artem suam
20 didicerit, alicuius malî confinio tentetur &c.

Itinerarium, vt video, cupis profectionis Braccarenfis, confingam præclara nomina, vt delicatissima est illa *τρυφίπολις*, quo res videatur augustior, & Sertorio digna.

25

CLENARDVS SVO VASAE O,

S. P. D.

30 SI sum rediturus in Lusitaniam, coràm narrabo quæ mihi in hac contigerunt profectione Africana. si minus, & tu & orbis vniuersus disce rem omnē ex epistola quam statui iampridem scribere ad Christianos. Nescio an sufficiet pecunia quam modò attulit Gulielmus: licebit quidem exire Africa, modò Deus permiserit: at priusquã veniam Granatam, & inde ad vos, grauis restat sumptus. Scripsi ad Principē, quæ mihi Gulielmus narrauit se audisse ex Fogacio: quæ si suis literis

M 4

con-

confirmet, dispiciam de alio vitæ genere. Putassem non decere conditionem alibi amplecti, propterea quòd causam non haberem cur alienarem me à tali Principe, & statuerá ea pensione contentus viuere. quòd si Deus causam offert vt fiam ditior, amplectar. De rebus meis, quid fieri velim, scribam epistola proxima. Bene vale, mi Vafæ, cum vniuersa familia. Fefæ v. Augusti, Anno XLI.

GVLIELMVS his diebus grauiter laborauit, alio-
 qui fueram eum istuc missurus cum literis. Nunc vbi 10
 Deus permiserit, hinc rectà pergemus Garnatam. illic
 me seruabo integrum, vsque ad responsum Principis.
 Conualuit per Dei gratiam Gulielmus, ipseque, vt pu-
 to, ad vos veniet. Multò, mi Vafæ, tolerabilius esset te
 istic inter amicos habere aliquot creditores, quàm me 15
 apud Barbaros rem habere cum fœneratoribus; non
 quòd istius culpam sustineas: sed vellem iam cù Guliel-
 mo pecuniam totam mitteres; quâ si caream, forsitan
 aliud mihi imminet incommodi, si velis omniû soluere
 postremus, quòd sis amicorum primus, & alij interim 20
 Gulielmum istic diu detinēt, fortè mihi euenerit quod
 nuper; qui si tantum hyeme præsentis habuisssem pecu-
 niæ, quantum abs te deberem accipere, ante æstatem
 fuisssem Garnatæ. tum centum aurei poterant efficere,
 quod iam vix præstabunt centum millia. Qui pereгри 25
 nantur, sæpe in desiderium parux summæ, magnarum
 rerum momenta coguntur experiri. Quare etiam me-
 ritò istic mutuò sumere deberes, ne ego periclitarer
 quòd caream meis: quod vbi feceris, tum demum de-
 plorabis tuam miseriã, & me accusabis, qui auctor fue- 30
 rim migrandi è Salmantica. Felicitate abundas Vafæ.
 hinc istæ querimonix. quod reliquisti Salmantica, quo-
 uis recuperes tempore, vel te ipso iudice. quod nactus
 eras Braccaræ, & quod nunc tibi datur Eboræ, non pas-
 sim omnes assequuntur, etsi bene calleant linguam v- 35
 tramque. Si sapis, iam res tuas firmis radicibus stabi-
 lias, sic etiam vt quouis Archiepiscopo Eborensi, tibi
 ista

ista sit salua cōditio. Nō enim magis est vitalis Princeps
 Henricus, quàm fratres cæteri. id si efficere non potes,
 si illud magis placet, recurre Salmanticam. sin manes,
 conqueri posthac desinas. Ego, vt nosti, dum essem Sal-
 5 manticæ, vtrò nihil de transactis detraxeram, tantum
 Victoria mentionem iniecit, pro sua prudentia, tam re-
 bus tuis prospiciens, quàm semper Vasæi fuerat studio-
 sus. Bene vale, mi Vasæe, cum vniuersa familia. Fesæ
 xx I. Augusti. Iterum Azilæ è fasciis Chirurgi, xviii.
 10 Septembris.

CLENARDVS SVO COELIO,

S. D. P.

15 **P**RIDIE Regalium factus in coena sic satis hilaris, &
 ferias præcidaneas more Belgico celebrās, protinus
 vbi mensa sublata fuisset, Clenardus tuus insanire cœ-
 pit, effusosque subito versiculos, heri ad nostrum misit
 20 Refendum. Nam & ipsi quoque partem furoris acce-
 ptam fero non minus quàm tibi. Cæterum cū mihi
 in mentem venisset, quàm facerem indecorè, qui studiis
 seuerioribus occupatus, vel meminissem quidem nug-
 garum, qui fermè à poculis aut per viam poëtari con-
 25 sueueram semper, hesternum diem peracto prandio
 totum dedi vatibus, & quantum irasci potui, Iambis in
 vos inuectus sum, & tanquam extremum vale Poëtis
 dixi: sed ita vt illis cruces & exitium imprecarer, qui me
 sic desipere cogerent. At hodie quodd me morficans fri-
 30 gus lecto diutius solito detineret, memor carminis q̃
 inchoatum tibi recitaueram nudiustertius, rursus ad
 ingenium nugax redactus sum, & priusquam lumen
 poscerem, conabar inceptis Lyricis versiculis impone-
 re coronidem. Accipe igitur, mi Cœli, inelabora-
 35 tum lusum, non ad lucernam, sed ad tenebrosam incu-
 dem redditū. Scis enim iam, per iocum me ista vestra-
 tia, & non seriò tractare.

M 5

ODE

ODE MONOCOLOS.

COELI multigenis prædite dotibus,
 Qui sacra redimis tempora laurea,
 Vates egregio carmine nobilis:
 Orator strepitu splendidus aulico, 5
 Laudati meritis æmule Tullij;
 Dum fessos animos sede domestica,
 Externis reparas gnauiter actibus,
 Sermonis Latij diues & arbiter,
 Censor Cecropidum doctus & artium; 10
 Nuper qui facilis linquere cætera
 Quæ charæ dederant munia literæ
 Cœpisti Solymos voluere codices,
 Impigro studio, nec patiens moræ.
 Cæli tergeminis inclyte gloriis, 15
 Quæ te Musa precor blandior, otio
 Admouit veteri? discere feruidos
 Sic conata tuos frangere spiritus?
 Horis insolitis ducere ferias?
 Quo vox ista minax, ausa potentia? 20
 Certamen celeri dicere Principi?
 Iam non ille modo viribus ingeni
 A tergo positi fata Georgij
 Collegæ poterit vincere suauiter.
 Sed durante sui comparis otio, 25
 Diana subito posthabita, focum
 Et libros repetit. nec Ioue frigido
 Excurrunt alacres dira fugacibus
 Spirantes catuli bella Lepusculis:
 Nugæ nec reboant aucupis; & domus 30
 Horarum toties peruia furibus,
 Rumorisque noui plena frequentius.
 Nunc tandem fruitur pace; sororibus
 Parnasi que tui credita ciuibus.
 Nec rumpunt famuli, garrula concio, 35
 Lectantis Domini grata silentia.
 Arbitris procul ecce ocyor alite,

Ardens

- Ardens Mosaicos persibilat sacros,
 Grandæumque studet vincere Cœlium,
 Affixus schedulis dulciter horridis.
 Eheu quantus adest sudor! inertia
 5 Ventis pande citus vela; per æquoris
 Campos Iudaici passibus ampliter
 Te Cœli superat, temnere quem prius
 Iactabas socium. non sine puluere
 Insignem dabitur carpere gloriam,
 10 Tanto præualidi pondere militis.
 Laudes eximij pectoris ultimo
 Discendi poteras cernere tempore,
 Ieiuno stomacho nescius assequi
 Præceptoris opus fortiter improbi,
 15 Pranso quod licuit non malè Principi,
 Indictata rapit, præuolat acrius
 Præceptoris opus vincier inscius.
 Ergo tam volucris deditus æmulo,
 Commissus dubiam victus in aleam,
 20 Vanum si sapias lætus Apollinem,
 Musarumque leues desere nœnias.
 Et nervos animi sumere pertinax,
 Quod dudum vacuo tempore luseras
 Decretis sapiens pelle laboribus.
 25 Ne turpis maculæ crimina pristinis
 Cessantis pariant funus honoribus:
 Neu vulgus resono murmure fabulas
 Decantet lepidas esse meis opus,
 Iudæos apices dum peterent simul,
 30 Freno Principibus, stipite Cœlius.

DOMINO ARCHIDIACONO NICO-
LAUS CLENARDVS, S. P. D.

- 35 SALVE M. N. Literas quas scripsisti x x x. Augu-
 sti, accepi postridie quam redissem è Compostella,
 hoc est v l. Septembris. Sæpius apud me traducta fue-
 rat

rat Galecia, ob illuuiem & nescio quas diuersiorum
 sordes. Verùm ita mihi ea regio placuit, & tanta com-
 moditas fuit in locis omnibus, vt eam præferam multis
 Lusitaniis, & maiore cum voluptate apud Galecos vixi,
 quàm inter Durium & Minium. Negari non potest, 7
 quin hinc ad Minium vsque, mira sit montium & agro-
 rum amœnitas, & fontes eiusmodi scatùriant, qui vel
 soli me capere possint. Cæterùm, vinum, panis, carnes,
 & quæcunque laisis viatoribus conueniunt, longè me-
 liora sunt in Galecia quàm in Lusitania. Bacchus can- 10
 didus nobis illic quotidie fuit eiusmodi, vt nihil inui-
 derem ne Eborensibus quidem. Carnes arietinæ ven-
 debantur Compostellæ quatuor realibus, quales fortè
 Eboræ non inuenias: bouinæ tribus. In summa, cesse-
 runt nobis omnia feliciter, laus superis. Cùm redisse- 15
 mus ad pontem Limæ, & quinque leucis abessemus à
 Braccara, vix quinto demum die huc venimus. In cau-
 sa fuit equulus Gulielmi. Cùm discedere vellemus, tre-
 mebat manibus & pedibus: casu Veterinarius quidam
 astat, & aiebat esse *aguado*, siquidē pridie satis festina- 20
 ueramus, & feruente die largiter potauerat, idq; vnico
 haustu, vt aiebat Medicus, inde scilicet malum ortum
 erat. Minuitur itaque misero sanguis quatuor in parti-
 bus, & sanè effluebat aqueus: deinde obuinciuntur pe-
 des, linitur eo ipso sanguine, adhibito sale, cinere, & 25
 innumeris nugis & cêremoniis: iubeturq; ieiunare in
 noctem. Nos interim ociàmur & ringimur. Altero die
 rursum perfunditur aceto, & nescio quibus medica-
 mentis. Veterator à nobis abstulit duos centusses. tan-
 tundem credo iuuenis debebat medico, quantū meus 30
 ille senex, quo hac in profectione sic vsus sum, etsi bene
 exulcerato, & apostema gerenti perpetuum, vt nullam
 profectioni moram iniecerit. Docuit me hic senex re-
 concinnare ephippia, subuenire phaleris, & freno ru-
 pto, adeò vt parum iam metuam, si quid accadat infor- 35
 tunij. In manticis circumfero lanam, & fermè quotidie
 exerceo artē ephippiariam. Præterea artem iam teneo,
 quo

quo pacto caueam ne clitellis dorsum lædatur. Postquam enim Minium traiecimus, relicto ephippio clitellas cepit Gulielmus, nam equulus nō erat iustæ magnitudinis. Quid multis? ad quāuis longam profectio-

5 nem iam instructus videor: atq; haud scio, an eam propediem sim suscepturus. Aiunt Principem ad Nouembrem vsq; hic hæsurum, & circum circa inuisurū vrbes. Mihi interim sunt feriæ, quibus abuti cogito in profectio-

10 nem Garnatensem, & eadem opera valedicere Salmanticensibus. Hactenus nihil egi cum Principe, vbi peracta fuerit Synodus, & equi utcunq; refocillati fuerint, conabor & hanc profectio-

15 nem suscipere. Sed redeo ad pontem Limæ: Molliter tractandus erat equus tanto exhausto sanguine, & alioqui libebat obiter alias quoq; vrbes visere. Itaq; contendimus Viennam, tribus

20 confectis leucis: ibi eo die hæsimus. Ego à prandio accinctus gladio, perambulabam, imò perequitabam urbem, & portum contemplantur, ridentibus nonnullis, vt mihi postea narrabatur, quòd subinde cum gladio &

25 calcaribus, in eundem vicum inciderem: etsi vt Michael meus dixit, minimè opus haberem calcaribus, quòd aërem ferirem non equū. Deinde profecti sumus Bercellas, quæ distat leucis quatuor: contemplantur locum

30 humilem, & cogitabam quantū interesset inter Ducem Brabantiae & Ducem de Bercellis, quo titulo gaudebat hic Dux Bragancie viuentis patre. Subsequenti die pransi sumus Taboia: distat locus à Braccara leuca vna. Cosnam habuimus apud Vimarinos, beneficio patris Iacobi à Murcia Prioris monasterij de Costa, quem vt inuiserem in hac profectio-

35 ne Iacobæ, quinq; diebus circa Braccaram oberrauimus. At malui illud dispendium, quàm hinc ad illum adire, cū à nobis non absit nisi tribus leucis. Habet ille lectores tres, eosq; Lusitanos. Bordalem nosti, qui à prandio docet ethica, ante meridiem physica; alius Dialecticam; tertius Rhetoricam, sub quo militat filius Régis: natus annos xlii. Omnium lectionibus interfui, & visi mihi sunt in sua palæstra

palæstra satis expediti. Priusquam discederem inde, apertè exposulaui cū homine, quòd tam iniquè pronunciaisset de nostro Alvaro: dixique & te & me vehementer fuisse miratos &c. Nosti M. N. mores meos, quàm sim apertus, nec vllis vtar ambagibus. Ille contrà sese dixit supra modum admiratum, quòd Alvarus nullas egisset gratias. Nam se sic apud Regem fuisse locutum, vt plus fratri tribuere nō posset. Rogatum se ab Rege an cōfessio Aluari eadem esset cum responso Salmanticensium; respondisse se, per omnia conuenire, & nihil magis esse catholicum. Præterea inquit, reprehendi ipsos inquisitores, & condemnationem, quam ipse Alphonsus scripserat, sic confutaui, vt ostenderem initium contradicere fini. Multa alia inter nos vtrò citroq; habita sunt, sed hæc fermè est summa. Quare promisi me quamprimùm & apud te & apud Alvarum misissis literis, innocentem à suspicione liberaturum. Noneram hunc D. Iacobum Louanij, & semper virum bonū habui. Cū hæc tam constanter apud me testatus sit, omnino puto falsum virum delatū apud Alvarum. Oro M. N. vt hanc epistolam, & ad M. N. Alvarum mittas, & etiam ad D. Resendium, ne immerenti falsum crimen diutius imponamus. Quinto tandem die reuersus sum Braccaram, sanus atque incolumis. Per omnia benedictus Deus.

SE D iam veniendum est ad epistolam tuam, de qua principio id queror, quòd tam illegibiles pingas characteres. Idem apud me testatus est Marcus Vigerius. Gratiam habeo, quòd adeò celeriter responderis. Nihil posthac ad me dabis literarū, priusquam te de perfectione mea certiolem reddidero.

DE Polyphemo apud Taucos, si presens fuisses, longè magis tu bilem mouisses. Mea bilis, vt ait Resendus, tanquam rusticus est in aula. Quare potius ridendum fuit, quàm destomachandum. Depinxi fabulam in epistola ad meum Latomum, aliquanto lepidius, vt sciret quàm haberet nunc expeditum discipulum ad omnia pro-

profectionum incommoda. Gulielmus meus etiam in hac profectione corruit, sed hactenus nihil sensit: Ego per Dei gratiam freni sum bene tenax, & multò celerius equum conscendo, quàm ille: Contrà vincor in
 5 parte alia, quòd ille facilius inuenit vinum bonum quàm ego.

DE Conimbrica & Fabricio res habet ut scripsi. Nec te solum, sed & alios plerosque certiores reddidi. Serò bonas literas adierunt Hispani, verum auguror, si semel
 10 his in regionibus politiores disciplinæ radices egerint, futurum ut quemadmodum sunt causificissimi, ita euadant omnium Latinissimi. Vtrique nomine tuo salutem scribam, & fortè ipsam tuam mittam epistolam. Sed caue M. N. ne te priuent canonicatu & archidiaconatu,
 15 quandoquidem ais te cupere relictis istis sacerdotiis adherere tali Blasio. Facile te liberabimus si velis. Sed quid diceret Reginaldus & Ioannes petit? Verum omnis iocis, pergamus ad reliqua.

CARNIFICES nusquam honorandos, dixit Sapiens, sed Medicos.
 20

NIHIL iam me mouet dorsum equi læsum. Videatur vel ipsa intestina, tamen noui quomodo tractandus sit: plus me terret senectus, morbus incurabilis; nec desunt qui aiunt natum annos triginta.

CONGRATULARIS mihi, quòd hic tam habitem libenter, excepta ceruisia: at illud non placet, Principem meis non uti consiliis. Idò verò M. N. hic serio triumpho, quòd immunitatem quam nunquam speraueram
 25 cōsecutus sim. Placeant sibi alij quòd adhibeantur negotiis, ego in hoc lōgè maximas ago Deo gratias, quòd tantum largiatur otij. Credo rem esse molestissimam videri bene consulere, & tamen sperni consilium. Et quid quæso vnus ego externus inter tot Lusitanos? At
 30 detrahatur aliquid existimationi, & inutilis habeor. Iam M. N. dedidici pendere ex hominū iudiciis: alioqui nunquam reliquissē patriam.

EOSDEM quos nuper quique iam resalutauerunt,
 rursum

rursum saluto, præcipue: sed cohibeo me, ne si quem-
piam nominauerim, cuiuspiam videar facere iniuriam.
Sint equi sani, sint insani, (quod hic constanter aiunt
de Rege Franciæ) tamen iam moderandi rationem
teneo.

QVOD me Correo commendaueris, gratiam ha-
beo. Salutabis eum quàm diligētissimè, & simul filium
Ignatium. Vlyssiponem puto videbo, priusquam Ebo-
ram. Cæterum res meas curandas, intellexeram libros
asseruandos, & reliqua, ne cibus essent muribus.

DE Brundusio obseffo nihil audiui. Sed allatæ
sunt literæ quæ Romæ scriptæ sunt vltima Iulij, vnde
didicimus Andream Doriam læsum, victoriam quidem
obtinuisse, sed valde cruentam. Ne de nauibus quidem
sic nunciant vt tua epistola, sed huiusmodi obliuiscor.

COELIVM salutaui, & ostendi epistolam, cum he-
rime inuiseret. resalutat, alios conueniam cum tem-
pus erit.

VIGERIO respondebo: totum imputat illi qui hic
cum eo fuit, & nunc est cum altero.

AD quædam respondere non licet, ad eò malè pin-
gis. Bene vale colende M. N. cum vniuersa familia
tua, Caspare Gonsaluo, Don Georgio, Ioanna, Lucre-
tia cum filia. Braccaræ die Natiuitatis Mariæ.

SALVTABIS compatrem meum Ioannem Phi-
lippum cum vxore. item M. Nicolaum Cantaranum,
hoc est, Montani illi fratres Antonius & Gaspar sint in-
ternuncij, nam & eos ipsos saluto.

SALVTABIS, hoc est, me commendabis Reue-
rendo domino Archiepiscopo Don Martino.

SALVTAT te Gulielmus cum Gaspare & reliquis.

REVE-

REVERENDISS. DOMINO D. IOANNI
PARVO EPISCOPO DIVI IACOBI
IN PROMONTORIO VIRIDI,
NICOLAVS CLENAR-
DVS, S. P. D.

- SALVE Reuerendiss. domine. Epistolam tuam scri-
ptam die VI. Maij, Vlyssipone. accepi heri sub no-
ctem die IIII. Iulij. Quod omnem diligentiam adhi-
bueris de curanda pecunia, non dubito, & ago immen-
sas gratias. verum haectenus nihil accepi nisi centū au-
reos, quos ad me misit meus Princeps, missos à Foga-
cio: in quibus tamen Carolus Correuus bene fuit dili-
gens. Sis iam de me securus, spero non moriar fame.
ALIVD est, de quò suprà quàm dici potest letatus
sum. Dominationem tuam rectè valere, & à morbo li-
beratum esse Corream. De hoc me literæ tuæ despera-
re fecerant. Te semper senectus mihi obnunciat labo-
rare. Vtinam intra paucos menses vtrumque videam.
Orabitis Deum, vt me peccatorè restituat patriæ. Post
hunc mensem hinc me credo abiturum, causas scripsi
ad meum Principem: Si rex Fesensis mecum ager bona
fide, feliciter sum profectus in Africam: sin faller, mul-
tis ducatis onustus redibo, qui paruo illuc veni viatico.
Etiam hoc felicitatis genus dicerem, si me ad profectio-
nem incitasset amor pecuniæ. Quæris an spoliem Mau-
ros. Etiam. Quomodo? Emi præceptorem CLXX.
ducatis, & eum Regi trado, precio quingentorum du-
catorū. Quod si fuisset astutior, vendidissem aliquan-
to pluris. Quid restat, nisi vt emam alterum paucis au-
reis, & eum reuendā mille ducatis.
DE Ioanne Paruo gaudeo. Si diligentia par fuerit
dotibus ingenij, multū poterit proficere triennio: quo
tempore, vt intellexi è patrē Blasio, tota absolvitur
summa Thomæ: post quam, quid est quod desideres in
Theologia Scholastica?

E G O hinc rectā proficiscar Granatam, nisi quantum

temporis abibit quærêdo altero præceptore. Est quidã Malacę, est et alter Cordubę, tertius Hispali, omnes sunt Tunetenſes, cupio omnes conuenire, & vnũ emere. E Garnata nescio an profecturus ſim ad aulam Cæſaris, an potius per Conimbricam vêturus ſim Eboram. Cupio tuum Ioannem coràm conuenire, & adhortari ad literas. fortè aliquid proficiam. Si aliquando agrè tulerunt mea cõſilia, non tamẽ deſinam agere amicũ.

AI S Reſendiũ conſternatum, nec mirum. Non enim tam propiciũ habiturus eſt patronũ, quàm erat Cardinalis. Sciõ eũ tempore Cardinalis aliquid accumulaſſe, orabo vt mihi partem donet in profectionẽ Flandrenſem. Scribis nescio quid de meo Principe. vos illũ expectare pro Prælato. niſi inquis feceris illũ minus ſuperſtitioſum, dicunt illum nolle acceptare duas prælaturas. hæc verba tua, nescio an ſcripſeris *minus*, an *mi-*
ni. Ego epistolam ad illum his verbis concluſi. De caſu fraterno hoc tantũ ſcribam, grauibũ exemplis Celſitudinem tuam pulſari, ne quid de religioſo animo deperdas. audio te nolle duas prælaturas, gaudeo. quòd diſpliceat Galerũ, doleo. O ſtulte Clenarde, inquis, cur non potius optas illi Epiſcopatũ Eborenſem, vt tu ſiſ. Canonicus? Reuerendiſ. domine, Canonicatus meus eſt in ſchola Arabica, cuius principia futura ſunt in Flandria, ſi Deus permiferit.

VI S V I S ſum vobis reĩ magnam aggredi: maior tamen eſt, quàm noſtes dieſque cogito. Quòd niſi Principes Chriſtiani propoſito meo fauerint, puto me rationem inueniſſe, vt etiam inuitas cogam Chriſtianorum Academiã diſputare contra Machometum. Rem hanc incepti nulla ad ductus gloria, nulla cupiditate pecunię, ſpero Deus propoſito meo felicem imponet coronidem.

AI S Doctorem Ruy Lopez fauere meo propoſito; quando aliquot millia dederit parãdis meis diſcipulis, tum re vera credam. Id ei ſignificabis episto-la proxima, & me homini amico plurimum commendabis.

DE Episcopatu tuo hoc dico, te nūquam exiturum Lusitaniam.

QUANTVM potes, cura ne absens oues negligas. Nam vt præsens pascas, somnium est; hodie Theodosij regunt Ambrosios.

CATONEM Reginaldum plurimum saluto, curet vt inueniamus bonum vinum, dignum palato Archidiaconico.

GRATV LOR patri Gaspari, oro vt tam probus viuat sacerdos, quàm mihi visus est acóluthus.

QVICQVID missurus es literarum, mittes Garnatam ad D. Marchionem, vt seruet in meum reditum.

VENIO ad salutationes. Inprimis saluto vniuersam tuam familiam, deinde vicinos omnes, & reliquos amicos canonicos. Maximè verò gratias ages Carolo Correo, et meo nomine sanitatè recuperatam gratulaberis. Vale Reuerende D. vrget nuncius, qui heri aduenit. vbi me Deus restituerit Europæ, scribam de profecctionis exitu. Iterum vale, & ora Deum pro me. Fesæ v. Iulij.

REVERENDISS. DOMINO D. IOANNI
PARVO EPISCOPO DIVI IACOBI
IN PROMONTORIO VIRIDI,
NICOLAUS CLENAR-
DVS, S. P. D.

SALVE Reuerendiss. domine. Nuper paucis tecum egi, & ostendi quo in loco res meæ essent. Amore literarū eò deueni, vt iam hîc debeam ducētos ducatos, cosq; forsità faginabūt vsure, nisi Braccarēses mihi opē tulerint. Miser, inquis, es Clénarde. Imò verò felix, & iam omnia bona de meo successu auguror. Cæsar quoties in Turcam arma capit, an illum putas non consulere vsurarios? Ego qui totus feror in Machometum, cur tantis conatibus indignum putem appellare foeneratores? Si nihil contra mihi debitum esset, tamē non desperarem, quin Episcopus Paruus & alij amici operam

darent, ne me captiuum & obæratum sinerent perire inter Mauros. Nunc quando mihi Braccara proximo Ianuario debuerit C C C C. aureos; oro D. T. vt si quid potes, me vel ipse partim adiuues: vel, si dabitur occasio, mentionem rei apud Principem facias. Scripsi ad Fogacium, itemque ad Vaszum. Adeò me tentauit hoc tempus, quo vixi Fesæ, vt ad lógè grauiores casus factus sim patiens. Verùm de omnibus coràm. Tantùm Deum ora, vt me saluum vobis restituat. Atq; hætenus mea.

VENIO ad alia, quæ velim D. T. propius aspiciat. Et si Rex nihil indignû faceret animo & proposito suo, si magna etiam pecunia constitueret Conimbricæ professionem Arabicam: tamen de hoc nihil agam in præsentia. Spero enim per gratiam Dei, me sic omnia moderaturum, vt in eo proposito Principes viri sint auxiliium laturi: et quemadmodum nuper scripsi, Academię Christianorum contra Machometum pugnent vel inuitæ. De Hebraicis literis consilium ineundum est, nõ quidem vt rectius intelligamus vetus Testamētum, sed vt sint inter Christianos, qui sic calleant Hebraicè, vt & voce & calamo valeant pugnam capeßere. Viuo hic inter Iudæos, qui lógè magis mirātur esse Christianos, quàm nos miramur esse aliquos adhuc Iudæos. Quid mirû? nihil enim sciunt de nobis, nisi quòd strenuè Iudæos comburimus. Quod si tãti sumptus fierent in Hispania seruandis Christianis nouis, quot fiunt perendis: credo non sic quotidie huc fugerēt. Ita Franciam, Flandriam ac cæteras nationes ornari literis Hebraicis pulchrum est, scilicet vt rectiùs intelligant vetus Testamentum. In Hispania verò vbilinguârũ studia frigēt, propter ingentem turbam causificorũ, præter alia commoda, hoc quoq; nomine vigere deberent hæ literæ, vt fides Christiana purior esset. Si mali sunt Hebræorum libri, ab ipsis cremabuntur Iudæis, vbi eos reddideris Christianos. Apostolorũ prædicatione perierunt idola, nec tamen ipsi simulachra tradiderunt ignibus, sed fidem Christi animis hominũ studuerunt indere. Nullos

Apostoli sedibus suis expulerunt. Nos Iudæos exegimus ex Hispania, quo fructu? ut falsos Christianos traderemus ignibus, & reliquos sineremus viuere in Africa. Quanto melius fuerat eos seruire seruos, quàm tam multos comburere liberos? Quare quando meo consilio res moderabuntur, id est, ad Calendas Græcas, repente nouus erit orbis, & reuocabuntur Rabini aliquot Iudæorum, ut inter Christianos serueat lingua Hebraica. Quo sumptu alemus Professores? Multa millia profundit Rex in istas sanguisugas, quarum studio mundus feruet litibus, & ea pecunia seruiet Professoribus linguarum. Ipsos autem causificos mittemus Fesam, ut discant vna diecula finire maximam controuersiam. Id enim hæcenus ignorauerunt. Quod si sciant & nolint, vniuersos adigemus in crucem, ut quiescamus à litibus. Extra iocum, facile Rex adduci possit, ut insignem aliquem habeat Iudæum, qui doceat Conimbricæ. Iudæum? Quid ni? Sunt hic Fesæ doctissimi, qui sic callent Hispanicè, ut ego Flandricè. Deinde & aliud est quod fortè moueat inquisitorem maiorem. Iudæi plus tribuunt fermè suo Talmud, quàm his XXIII. libris, quos vocamus vetus Testamentum, estq; totum eorum studium in rebus Talmudicis. Si non ob aliud, certè hac gratia tamdiu Iudæus quispiam alatur apud Inquisitorem, donec totum Talmud habeat conuersum in linguam vernaculam, ut suis oculis videre possit, quoties Inquisitoris fungetur officio. Insunt in iis libris multa alioqui digna lectu nec iniucunda. Quod si Bibliotheca nostra ornatur gentiliū libris, Platone, Aristotele, atque etiam Homero & Luciano, cur non aderunt ij libri, in quibus pugna est de religione? Nihil tam confutat vel Mauros vel Iudæos, quàm istiusmodi eorum codices. Alioqui quæ vulgò à Concionatoribus contra eos iactantur, sæpe valde sunt inania, & præstaret tacere, quàm ridiculum agere patronum sacrosanctæ nostræ fidei. Currente calamo tibi proposui quæ melius ipse digeres. Si hanc causam susceperis, adiuto-

rem puto habebis fratrem Michaëlem, qui solet agere apud dominam Spinariam. D. Martinus fauebit hoc nomine, quod res est inuisa Monachis, à quibus dirascio mihi expectanda, propter studiū Arabicum. Scripsit modò ad me D. Marchio Granatensis, Colloquia Erasmi ignibus destinata esse, cum aliis libris compluribus, vbi malè audiunt Monachi: periclitari etiā Viuem. Quid me futurum censes, vbi nomen Alcorani audiuerint? Eia insurgant & nobis faceessant negotium. Quomodo vales D. Episcopo? Quid rerum gerit Paruus minor? Si me amas, scribe per otium epistolam longissimam. Saluto inprimis tuam familiam, deinde vicinos omnes, ac dominos Canonicos, præcipuè D. Episcopum Salensem, ac meum Confessarium: item M. Antonium Medicum. Resendum ne salutes, nunquam enim resalutat. Bene vale optime domine. Meo nomine scribes salutem Carolo Correo & Nicolao Cantareno. Felsæ IIII. Decembris, Anno XL.

REVERENDISS. DOMINO D. IOANNI
PARVO, EPISCOPO DIVI IACOBI
IN PROMONTORIO VIRIDI,
NICOLAUS CLENARDUS,
DVS, S. D. P.

SALVE Reuerendiss. domine. Nō sum par referenda gratiæ, quam meritis es in meo negotio. Deus bonitati tuæ rependat. Noli ex paucis verbis aestimare meum animum,

GV L I E L M V S, vt scis, curiosus est; oblata fuit ei causa vt multa disceret. De Iudæo & aliis agemus coram, si Deus voluerit me reuerti in Lusitaniam. Principem meum esse prudentem, vt scribis, liberalemq;, vbi opus est, semper iudicaui. Verum sunt tam multi qui quotidie petant, vt difficile sit omnibus satisfacere: & præstat, vt aliqui eum dicant parcum, quam prodigum, &

& obaratum multū. Ais omnes teneri mei desiderio;
 de dominatione tua nihil dubito, nam & ego mirificè
 cupio amicos inuifere, tam Lusitanos quàm Flandren-
 ses. Vtrisque propediem finem imponam. Nam si eò
 5 animo est Princeps, quem narrauit Gulielmus, nec pa-
 triam posthac visurus sum, nec Lusitaniam: sin pacta
 mihi seruantur, statim isthuc venire est animus, & inde
 rectà pergere in Flandriā. Valde doleo, optime domi-
 ne, quòd tamdiu abfuerim à parētibus: timeo enim, ne
 10 non possim mores patriæ ferre, & cogar etiam inuitus
 redire in Lusitaniam. Cùm enim illic habeam tot con-
 sanguineos, nunc ad nuptias, nunc ad Baptismum, nūc
 ad conuiuia vocabitur Clenardus, qui longè malit fru-
 ctum panis edere apud librum Arabicum, quàm versari
 15 in hominum strepitu.

SCIO te cupere vt redeam, sed contrà puto te faue-
 re meis commodis. Si me amas, noli verbum vnum di-
 cere Fogacio, aut alicui mortalium in mei gratiam.
 Putassem me peccasse, si cùm talem haberem Principē,
 20 & constitutum senectutis viaticum, vltro aliam quasi-
 uissem conditionem: nam iam statueram illis centum
 millibus contentus viuere. Quòd si Princeps donā sua
 vult irritare, nō interpretabor infortunium, sed magnū
 beneficium. Cur enim debeo resistere, si Deus me vo-
 25 cat ad potiora? Semper dicere solebam parentibus, nō
 esse periculū de paupertate, sed ne ditior fierem quàm
 expediret. Quare ego in hac re in vtrumque paratus
 sum, nec volo sollicitare vt Princeps pacta seruet, nec
 occasionem offerre ne seruet. Fiat voluntas Dei, nescio
 30 enim vtrum mihi magis conducatur.

GULIELMVS postquam aduenit, incidit in
 grauem tertianam, & valde debilitatus est, alio-
 qui eum fueram istuc missurus, & hic expectatu-
 rus responsum Principis. Nunc est animus, simul-
 35 atque conualuerit, & per æstum licebit, hinc rectà
 contendere Garnatam. Illic me integrum seruabo,
 donec Principis habeam sententiam. Nihil enim de

vita genere volo mutare, nisi Princeps suis literis ca-
 tetur quæ narravit Gulielmus.

SVCCESSEM rerum mearum in Africa narrabo
 coram, si rediero, alioqui disces ex epistola quam statui
 scribere ad Christianos. Bene vale mi domine, & ora
 Deum ut me peccatorem dirigat.

SALVTO vniuersam familiam, vicinos & dominos
 Canonicos, & compatrem meum Ioannem Philippi. id
 pertinet ad patrem Gasparem. Fesæ v. Augusti, Anno
 XLI.

SALVE rursum reuerendissime domine, Guliel-
 mus gratia Dei conualuit: iterumque eum mitto ad
 Principem, hic permanens donec redeat. Volo enim
 scire certò statum rerum mearum, priusquam abeam
 ex Africa, saltem prius quam veniam Garnatam. Intra-
 ui Fesam diues quotannis centum millibus, si ista hic
 Arabicando, perdidici, iam habet tua dominatio maio-
 rem aliquanto causam inuidiæ. Siquidem nuper scripse-
 ras, dum me obæratum intellexisses, te mihi inuidere;
 iam seriò licet inuidere. Nisi illam pensionem credidis-
 sem certam, quod præmium esset meorum laborum,
 nunquam venissem in Africam: nunquam etiam reie-
 cissem quod obtulit vltro D. Siliceus. Nam cum è Gar-
 nata de consiliis meis eum fecissem certiore, promisit
 se curaturum, ut nihil mihi deesset, si rem instituere vel-
 lem Garnatæ. habiturum me libros quotquot expete-
 rem ab inquisitoribus, omnesque Hispaniæ procures me
 habiturum fautores. Nolui; & fundamenta dicebam
 esse iacienda in Flandria; statuebam enim apud paren-
 tes viuere, dum ferre possem, & partim docendis ho-
 minibus, partim edendis libellis meo principi esse ho-
 nori. Quid respondissem Siliceo, scripsi ad Principem:
 qui etiam postea literas ad me misit Fesam, se gaudere
 quòd decreuissem vertere Alcoranum: & si quibus in-
 digere pecuniis in libros, se acturum dicebat apud
 Regem fratrem. Ianuario etiam sua manu exarauit epi-
 stolam Principe dignam. Ego hic interim Fesæ cum
 monstro

- monstro quodam luctatus sum homine Lusitano, qui modis omnibus studia mea debebat iuare: at contrà, me sic perdidit, vt & nullo profectu hic vixerim, & nouem mensibus me detinuerit captiuum, ac fermè in capitis deduxerit periculum, aded vt eum dignū credam, qui ab omnium studiosorū vnguibus discerpatur. Pro his tantis meis malis, id adfertur mihi mercedis, vt non solūm caream Principis solatio, non enim ignorat mea hic mala, sed etiam eo stipendio spolier, quod mihi vi-
 10 uente Principe quotannis debetur, vel inuito: Aut fateatur necesse est, se turpiter me inanibus pactis voluisse decipere. Narrabit D. T. Gulielmus, quale sit istud monstrum Africanum. Decantabitur toto orbe, si istum ad modum pergat me tractare Princeps.
- 15 M I R O R ipse de me, cur ista me non magis conturbauerint. Nisi pristinam meam pusillanimitatem Deus iam profligasset, poteram tali nūcio in lethalem incidere ægrimoniam. Verūm D. Episcopo, simus forti animo: non moriemur fame, quamuis non alamur à Lusitania. Vocat me Deus ad altiora: & iam fermè sum hic factus summus Pontifex à quodam Iudæo mihi amicissimo, & discipulo in Grammatica Arabica. quid visa amplius? Fesæ in meditullio sophorum docet Clenardus Arabicè, nam discere non permittitur.
- 25 A V D I & aliud. Medicus quo vsus est Gulielmus febricitans, talis est Astrologus, præceptore vsus Zacuto, vt hodie parem non habeant Iudæi. Is facta mentione huius sciētiae, quam ego planè futilem prædicabam. Et quotum, inquit, annum agis? vt scilicet de fatiis meis
 30 aliquid pronunciaretur. Ibi etsi malè haberet, statim cœpit mecum suo more rixari Gulielmus, & grandiorē natu me faciebat quàm vellem, statuitq; mihi annos XLVII. quos annos an iam natus sim, an iam annum agam XLVII. ipse nescio: pronunciabit tamen
 35 de Clenardo iste Astrologus. Rogabat quo die fuisset natus. Respondi, pridie Nicolai, noctis hora XI. aut XII. aut interiecto inter easte tempore: nam sic memineram

neram audisse à matre. Et tamèn fieri possit, vt pro meridie posuerim noctem: certè circa festum Nicolai sum natus. Etiam de natali solo percunctabatur, & quot essent gradus latitudinis, & consimilia, de quibus etiam verisimile est me aliquid respòdisse indubitatum, quòd tam sim peritus, vt nosti, Mathematicus. Conscripsit tamen omnia noster vates, annos supputante Gulielmo, & tam certa sunt ei quæ ego dixi cætera, quasi manu gestasset astrolabium, & astitisset me in lucem edente matre.

NE dubitet tua Dominatio, quin latum sit in mei gratiam prolaturus oraculũ, & vel Cardinalem facturus sit scholæ Braccarenfis, vel etiam pauperculum aliquem Papam. Quare inquis in tui gratiam? Est homo natus annos ferme x c. mihi quæ factus est discipulus Græcanicus. Noli ridere D. Episcopo, Est puer bonæ spei, iuxta prouerbiũ *dis paídēs oi yéγοντες*: iamq; ferme nouit alphabetum, nisi quòd interdum nobis est in lectione mora, quòd domi oblitus sit sua conspicienda, & vitreos oculos, quibus omnino opus est ad discernendum inter literas & v. Si iste me senex fecerit alicubi diuitem, boni consulam, si mihi mea laborum præmia denegēt infantes. Quin & in Latinis, mihi Iudæus quidam fuit discipulus. Aliquid est anni spacio Fesæ tres docuisse linguas. Ne igitur angamus animum, quamuis nos contemnant Lusitani. Vastus est orbis, & iam factus sum patiens malorum diuersiorum, actis aliquot noctibus sub tentorio in Africa.

SI me posthac Princeps non agnoscit, non statui continuò quamuis amplecti conditionem. At Gulielmus mihi apud Principem reliqua esse centum millia: præterea c c c. ducati ad me venire debent, è redemptione mei Charusij. Ea credo pecunia sufficiet nobis in biennium, vt liberrimè nulli subiectus illic viuam inter Mauriscos, & cum solis Arabicis literis rationem habeam, colendo tamen Marchione, & tanti viri tutanda beneuolentia. Stat enim sententia D. Episcopo, quòd insti-

institui de bello Antimachometico prosequi, etiam si
 deberem viuere mendicato. Quid facies, inquis, post
 illud biennium? Deus prouidebit: mihi libet posthac
 sine omni cura viuere. An putas me quasi desperatum
 5 protinus venturum in Lusitaniam, & ambiendis multis
 rogaturum Principem, ut mihi mea salua sint præmia?
 Non possum posthac esse tam humilis. Fortè non pro-
 cul abest dies ille extremus, & quid attinet sollicitum
 esse, non de crastino, sed de anno tertio? Interea appe-
 10 tent Astrologorum bona: quæ si me frustrabuntur, cõ-
 futabimus istam vanam scientiam. Sin erit Clenardus
 Papa, primùm omnium inuadam Lusitaniam in hunc
 modum.

P R A E C I P I M V S & mandamus, ut dilectus frater
 15 noster Episcopus de Sale, & item Episcopus de Targa,
 non attingant fructus & prouentus Africanos, nisi no-
 uerint bene Arabicè.

P R A E C I P I M V S item & mādamus, ut si qui post-
 hac oberrent in Lusitania nepotes Clenardi, ne quis
 20 argenteam vel auream porrigat eleemosynam, sed in
 morem dilecti fratris nostri Episcopi diui Iacobi, in
 promontorio viridi, primùm nebulones isti ad rubo-
 rem usque spiritalem accipiant eleemosynam: deinde,
 sic acriter obiurgati, non breuem auferant cum synco-
 25 pe stipem, sed citra omnem figuram, longissimo vapu-
 lent stipite. Quod si quis Margallus, aut alius Eboren-
 sis Canonicus dederit Testonem, hac poena plectatur,
 ut non possit Missam legere, sed cogatur eam cantare.
 Resendius autem & Valsæus, si ducatos aliquos istis er-
 30 ronibus largiantur, Resendio interdicator anno toto
 arte poetica, & agricultura, nec liceat ei scrutari ve-
 tera marmora. Valsæus autem vino careat tribus mensi-
 bus, nisi fortè gratis ad eum miserit Resendius, aut Pe-
 trus Gometius. Quid? inquis, cum periclitaris de tuis
 35 stipendiis, potes istos iocos scribere? audi contrà. Cùm
 videam me abiectum à Lusitanis longè sperare melio-
 ra, an possim tristari? Veniet spero tempus, cùm me ali-
 quid

quid posse dicturus es. Atque utinam sic esset in foribus
ver, ut appropinquat hyems, inuitare dominationem
tuam, ut me pauperem iam, & nulli astrictum inuiseres.
Non ego te ad Marchionem deducerem, quem tantum
tibi placere dicit Gulielmus; sed efficerem ut ipse Mar- 5
chio Magistro Parui prodiret obuiam cum centum aut
ducentis equitibus. Fac periculū, & coram disce huius
Marchionis mores. Virum talem non habet orbis uni-
uersus, nedum Hispania. Scio multa narrauit meus
Gulielmus, nisi virum videris & audieris, nihil virtu- 10
tum eius nosti. Si illic æstate proxima mansero, omni-
no vidēda est tibi Garnata, vrbs insignis, & omniū rerū
copia diues. Nunquam Marcus Vigerius ibi homines
vidit rixantes de caulibus aut brassicis. Annona quidē
illic etiam increuerat, sed tamen hæc est vrbs fortuna, 15
ut moriente Hispania reliqua viuere queat Garnata.
Atque hæc scribo, non quod iam sim Garnatensis, aut
vllam ibi mihi D. Marchio spem conditionis proposue-
rit, sed quod suspicer me illic aliquandiu victurū meo
succo, si mihi adimuntur stipendia Lusitanica: quæ nō 20
alia de causa cuperem salua, nisi ut inuiserem patriam;
quam tametsi vehementer desidero, cogor tamen eam
omittere, sublatiis meis præmiis. Atque haud scio, an
etiam manente mihi stipendio, statim venturus sim in
Lusitaniam: tota iam vita mea pendet è studio Arabico, 25
quod prosequi malim perditis stipendiis, quàm iis sal-
uis omittere. Insanis, inquires. Ista mihi insania iam cœ-
pit placere, nec velim videri sanior. Præceptorem aliū
nunc quærimus, nec deerit viuente Marchione. statim
vbi eum nactus fuero, & satis habuero viatici, istuc ve- 30
niam, & salutato Principe vellem adire Flandriam, fa-
cturus periculum an ibi inter niues & frigora possim
viuere. Si non potero, Eboram redeo aut aliò quopiam
concedam, vbi permittente Principe cōmodè tractem
Arabica studia. Nihil mihi dicas de Conimbrica: Re- 35
gnent illic causifici & mendicent Theologi. Si publicè
docebo, volo ingens auditoriū; si domi me oblectabo
tantum

tantum cum præceptore, quivis locus fuerit idoneus, modò ne rixentur de brassicis.

PECUNIA quam modò Gulielmus attulit, nõ sufficit vt istuc redeam. Præterea conabor modis omnibus emere alterum præceptorem.

QUARE Dominationem tuam oro, vt quando in mei gratiam misisti centũ millia, si ea recepisti, ne iam graueris mittere quinquaginta. Adfert Gulielmus char tam subscriptam meo nomine, inscribi curabis quæ velis, ne aliquid pericliteris. De omnibus narrabit ipse Gulielmus, quem his literis procuratorem instituo rerum mearum. Nihil mihi de formulari instrumentorũ, quòd odio habeam totum agmen causificorum; testor, protestor, volo, iubeo, oro atque obsecro, vt ista verba tam sint valida, ac si veniret cum instrumentis vniuersæ Hispaniæ. Ista, reuerende domine, apud te sint satis. Hic nullos habeo Alfakios, qui nossent conscribere Lusitanicũ procuratorium: quare etiam liberi sunt à semipiternis istis litibus.

RELATABAMVR à serijs ad iocos. Non solũ amicus ille Iudæus me pronunciauit futurum Papam, sed iam hîc fui annum totum seruus seruorum Dei, hoc est vt puto, in Italia esse summum Pontificem. Fuit enim mihi Fesæ cum monstro isto Africano colluctandum, quòd eas in angustias fraudibus suis me adduxit, vt antequam consulerem vsurarium, è peculio vixerim duorum seruorũ, quibus debitor esse coactus fui ad reditũ vsque Gulielmi. Ij duo poterant à me redimi, nisi contra nos pugnatũ fuisset mendacijs. Regi offerebam in eos CCC. ducatos: aiuntq; eum fuisse contentum. At subito quidam rumorem sparserunt, eos mihi esse sanguine iunctos. Affirmant etiam istius rumoris auctorem esse istum omnium mortalium pessimum, qui me hîc tanto tempore diuexauit. Post aliquanto, cum eam pecuniam in eos impendissem, quos iste perfidus cupiebat è seruitute liberare, facilè rumor est mortuus. Nam Telonem adij, per quem ista Regis negotia transiguntur,

guntur, qui & ipse confessus est mihi, falsa ista esse men-
 dacia. Et simul cœpi aliam proponere viam, si fortè
 hos duos Christianos potuissem redimere; cùm nec
 ipse præsentem haberem pecuniam, nec illi ullam iam
 spem haberent in mercatoribus. Verùm non processit
 redemptio. Alter eorum est nostras, non è Brabantia,
 sed Flandria: alter, reuerende domine, vestras est,
 habetque Rhotomagi uxorem. Solent isti serui hîc vi-
 uere liberiùs & libidinosè, contracta cum serua qua-
 piam consuetudine. Istorum neuter hætenus hoc no- 10
 mine malè audiuit. Nostras in mercatorum manibus
 habebat C. XXV. ducatos, quam pecuniam apud mer-
 catorem deponendam curauerat eius frater in ipsius
 vsum: poteratque insigniter eius confici redemptio, si
 esset in hominibus fides. Aderant hîc duo Eleëmofy- 15
 narij, & simul ego præsens fauebam. Ipse eam paratam
 habebat summam, quæ si satis non fuisset, orassem Ele-
 mosynarios, vt subuenirent. At mercator penes quem
 erat pecunia, semper detrectabat, obfuturum dictitâs,
 si hominis mentionem faceremus. Et quandonam tan- 20
 dem, inquam, tanta erit redimendi occasio? Inter mer-
 catores istos, vt rem intelligas, non desunt qui multos
 annos huiusmodi tractant pecuniam, & interim mise-
 ros relinquunt in seruitute. Cùm abiissent Eleëmofy-
 narij, & tandem ipse animû adiciere cœpi ad redimen- 25
 dos captiuos mea commodanda pecunia, & hunc cum
 vestrate nominassem; repertum est consanguinitatis
 mendacium, an à meo monstro, vt quidam suspicatur,
 an ab ipso mercatore, incertum est. Paucis pòst diebus,
 mercator hinc abiit, dixitq; se iam nullam posthac ha- 30
 bere in huius vsum pecuniam, q̃ nescio quis alius mer-
 cator esset in Flandria mortuus, à quo velut fonte pro-
 fecti fuissent nummi. Itaque miser & frustratus, qui &
 eximi poterat è seruitute, & statim mihi fermè totam
 redemptionem soluere, qui iam obxatus hîc mansi,
 quòd in eius locum, alterum quendam redemi mona-
 chum, fide iubente meo monstro. Vestras autè statim
 mihi

mihi redditurus fuerat quicquid impendissem : nam
 aderat vnus atq; alter mercator Gallus , qui hominem
 volebant iuuare, & ipse præterea habebat nescio quid
 peculij, quod tamen iciri nolo apud Oratorem Hono-
 5 raturum, ne minus emungatà Rege . Nisi turbata fuisset
 res nouismendacius , illi iam essent liberi in patria , &
 ego sine omni iactura Octobri superioris anni hinc
 abiissem, qui ab eo die rem habere cœpi cū fœnerato-
 re, & ita sum ab isto portento exagitatus, vt mirer cur
 10 non sim morbo aliquo corseptus, & è vita sublatus. Ve-
 rum oportebat me occasionem nancisci, & materiam,
 vt aliquando omisissis rebus Grammaticis res gestas de-
 scriberem, & orbi monstrarem meliôrne essem Gram-
 maticus, an descriptor monstrorum. Valde vt intelligo
 15 vapulat ea Grammatica, quam edidi Braccare, nec pla-
 cet Lusitanix. Quæ si me posthac nolit alumnus, cre-
 de Reuerendissime domine, tam graphicè depingam
 istud monstrū Africanum, vt grâtiâ sim initurus apud
 multos Lusitanos. Fortè Gulielmus adferet epistolam,
 20 quam modò ex tempore scripsi ad Siliceum, inde con-
 iecturam facies, an aliquid in eo genere queam præsta-
 re. Quòd si eam nò attulerit, coram narrabit historiam
 huius monstri. Ad capriuos redeo.

E G Q , Reuerendissime domine, tam parum diues,
 25 quinque Christianos hinc exemi, partim donata pecu-
 nia, partim periculosa fidèi credita . Tu vnum tantum
 redemisti multò me ditior. Quis iste? inquires. Arabica-
 tor Clenardus. Ita enim interpretor, me diutius hic de-
 buisse persistere , nisi humanitas tua interuenisset meæ
 30 seruituti. Vestratē tibi commendo, tu eum Honorato
 Oratori, ille hominem commendabit Regi . Scripsi ad
 meum Principem, liquisse suo Clenardo inter hos bar-
 baros mori fame, nisi hi duo interuenissent serui, suo
 me iuantēs peculio, cū tamen hic ageret factor Lu-
 35 sitanix. Vtrumq; ei commendaui, & æquū esse dixi, vt à
 Lusitanico Eleemosynario respiceretur, quòd pecuniâ
 in hos duos destinatam, illi abstulerunt, quos redimere
 studui.

studuit Eleemosynarius, at non potuit. Nunc omnibus omisſis, vtrumque dominationi tuæ commendo. Ego ſi nummos haberem, vtriq; crederem. Aiunt huc venturū Oratorem Luſitanum, qui iam agit apud Regem Feſenſem in caſtris. Si æſtus me hīc ad illius vſq; aduentum detinuerit, videbō an aliquid poſſimus efficere in iſtorum vtilitatem. Dominatio tua interim moneat Honoratum. Scripſit ad me Carolus Correus de quodam ſeruo. Is iam liber abiit hinc ante biennium, niſi fallat memoria in tempore. Nam ſedulō inquiſiuiſimus. Quòd ergo in illum beneuolentiæ volebat conferre, in hunc transferat Rhotomagenſem. Id illi meo ſignificetur nomine, & ſalutetur, ne neceſſe habeam ad illum ſcribere Latinè.

SI Honoratus agrè ſuſcipit prouinciam impetrandæ pecuniæ, & nolint Luſitani vel Gallos vel Flandrenſes redimere, cū iam debita etiam adimant præmia, ſaltem tantū efficiat, vt hic Orator ab iſto Rege charitām impetret, hos duos futuros liberos, vbi talem ſummam ac tantū pecuniæ dederint. Id ſi obtinemus, incipiam & veſtratis & noſtratis nomine mendicare.

BENE vale, Reuerendiſſime domine. Feſæ XXI. Auguſti, Anno XLI.

SALVE iterum, Reuerendiſſime domine. Viſum fuit mihi nimis longum expectare Feſæ, donec è Luſitania rediret Gulielmus, quòd poſſent multa interuenire, & ego nimisquam cupiebā redire ad Chriſtianos. Itaq; diē octaua Septembris veni Azilam, malè tractatus duabus leucis ab vrbe. Equus clitellarius me ſaltando præcipitauit, adeò vt brachium dextrū fuerit in periculo. Haſtenus manus ad ſcribendum non fuit libera, nunc vt poſſum ducō calamū. Sedeo hīc obuinctus faſciis chirurgicis. Inter collum & humerum os fractū fuit, vt aiunt, alij tantū dicunt refuſiſſe carnem. Chirurgus me faſciis deſtinauit XL. diebus, donec omnia conſolidentur. Ego ſtatim vbi fuero ſatis audax, Deo permittente traiciam Gades, nec magis credam Chirurgō,

rurgo, quàm medicis reliquis: inde concedam Malac-
cam, inde Garnatam. Si mihi manent salua mea præ-
mia, empto aliquo tolerabili Magistro veniam ad Prin-
cipem, & inde in patriam. Sin abiicior, dispiciam quod
5 vitæ institutum sequi debeam.

EX captiuo quodam quem redemi debentur mihi
C. ducati, estque ea pecunia apud Comitem de Lina-
res. Mitto chartam subscriptam meo nomine, si fortè
me absente possit ea recuperari pecunia. Facietis qui-
10 tanciam, vt videbitur.

SI Princeps Henricus fuerit in mora, oro D. T. vt
ad me mittenda cures Garnatam LX. millia: non enim
licet redire, nisi plus habeam nummorum. Mitto etiam
in hunc vsu papyrum mea manu notatam, inscribes,
15 vt placet, *Ego Nicolaus &c.* Bene vale, Reuerendissime
domine, cum tota familia, & amicis omnibus. Orate
Deum pro me. Azilæ XVIII. Septembris.

DOMINE Episcopo, facilè credo moram futuram
in aula, quare D. T. oro, vt quamprimùm ad me mit-
20 tendam cures pecuniam. A Principe accepturus sum
centum millia, etiam si abiicior, & præterea adhuc vl-
tra trecentos ducatos oportet me recipere nomine re-
demptionis captiuorum. Garnatæ expectabo respon-
sum. Puto proximò biennio non moriemur fame. In-
25 terim fortè aderit finis laborum, aut aliqua conditio
melior.

REVERENDISS. DOMINO D. IOANNI

PARVO EPISCOPO DIVI IACOBI

30 IN PROMONTORIO VIRIDI,

NICOLAUS CLENAR-

DVS, S. P. D.

35 SALVE Reuerendissime domine. Epistolam misisti
gratam, quòd legibilem præter solitum: molestam,
quòd breuem etiam contra tuum morem. Si me amas
scribe prolixè, siue permansurus sis in Lusitania, siue
O iturus

iturus ad oues. Quanquam nescio quī debeā intelligere verba quæ adiecisti ad calcem epistolæ. sic scribis: *Cum hîc adfueris, proficiscar ad Episcopatum meum.* Non est dam-
 nandum si ego in epistolis meis ludam, aliquo enim re-
 medio opus est ad abstergendum molestias huius fer-
 mē triennij. Dominatio tua nec ea est ætate, vt velit io-
 cari, nec Sophistam possis agere, qui ante multos an-
 nos fueris Antisophista. Quid est ergo, *cum hîc adfueris?*
 Si valet adhuc quod didici ex Hangest, sensus est me
 venturum in Lusitaniam, & D. T. ituram ad suum gre-
 gem, quæ est copulatiua, ex duabus Categoricalis falsis,
 vt arbitror. Sin cōditionalem intelligi velis, & me putēs
 isthuc non venturum, non continuò dominatio tua de-
 bet omittere nauigationem. Tamen tantum te amo,
 charissime domine, vt si mea præsentia te queat extru-
 dere ad oues, libenter istuc excurrerem, & ea gratia
 ducentas leucas proficiscerer. Sine me dicere quod
 fortè sæpius dixi. Vtinam nunquam factus esses Episco-
 pus, aut pergeres ad Episcopatum. Infecta fieri non
 possunt, quæ facta sunt. Nemo tibi istuc auctor erit vt
 nauiges. Quid restat? nisi vt renuncies Episcopatu; &
 finas alios mori cum ea sarcina. Reuerendissime domi-
 ne, vtere sapientia tua ista ætate: & ignosce quòd ista
 nimio scribam amore.

○ DE sexaginta millibus habeo tibi gratiam; in præ-
 sentia nummis careo, nec possum satisfacere. Aliquid
 mihi debet Vassæus, oro vt sis contentus, donec ei com-
 modum sit soluere. Reliquum curabo reddi quando
 fuero ditior. Est apud Vassæum mea parua supellex, si
 inde quippiam vel è libris vel vestibulis fuerit, quòd
 emptorem inueniat, facio Dominationi tuæ potesta-
 tem vendendi vt velis, in præsentia nō possum amplius:
 nisi lacrymari quòd sic me tractauit Lusitania.

EGO post paucos diēs, Deo propitio, reuertar in
 Africam, paucō munitus viatico, nisi benignitas D.
 Marchionis adfuerit. Familiam omnem ablego. Guliel-
 mum iam dimisi, qui istuc cum meis venit literis, vt
 alius

alius quouis conductitius, non vt Clenardi minister. Gonsaluum vel remittam in Lusitaniam, si velit, aut dispiciam ei Garnatæ locum vbi viuat, & alium habeat dominum. Nigrinum vendam, vt aliquanto plus habeam viatici. In profectiōe me geram aliorum hominum more, qui ipsi sibi sunt ministri, aut frusto panis, vt commodum fuerit, occurrentium vtar opera.

10 PRAECEPTOR sum filij Imperatoris, sic vt meus Nigrinus multis diebus à me salutatus est Archiepiscopus Toletanus. Itaq; vt ipse non interrumpit somnum ob reditus Toletanos, sic nec ego impediō illo titulo, quin abeam in Africam. Iam video Reuerendissime domine, me nō omnino sine fructu fuisse Ludimagistrum Braccaræ. Tot illic creauī Episcopos & Cardinales,

15 æquum erat, vt ego quoq; iocularius fierem Cardinalis, & Magister Principis Hispaniæ.

VALEDICO omnibus amicis Lusitanis. Statim vt fuero Fesæ, reddam te de rebus meis certiozem. Ora pro me. Bene vale Reuerendissime domine, cum vniuersa familia. Garnatæ Calendis Septembris.

20

EPISTOLAM curabis reddendam Principi.

IAM semel atque iterum me dehortaris à bello Antimachometico, scilicet quodd nec rationibus nec miraculis moueantur. Quodd si bonum in Lusitania creditur argumentum, cessare debebant omnes Apostoli in Iudæa, cur enim conuertere conabantur, quos Christus ipse nec ratione nec miraculo commouit? Reuerende domine, sæpe peccamus, sæpe monemur, & aliquando vix tandem plerumque resipiscimus. Et tamen

25 ego illuc disputaturus non iueram, sed clam rimaturus eorum mysteria, vt re communicata cum doctis Theologis, illuc redirem de Religione cum eis communicaturus. Nunc an tertio recurram nescio. Stat enim sententia, omnia pati, vt sciam quibus stet illa superstirio.

30

35 Scripseram nuper me bonos viros pulsaturum, vt me iuuarent, ac te futurum inter primos. Iam venio atque oro, vt me precibus tuis Deo cōmendes: idemq; apud

amicos efficias, qui nos amant. Nunquam minus de pecunia fui sollicitus, quàm in præsentia; forsitan in causa est quòd paucas habeam. Nec me casus iste Lusitanicus sic mordet, nisi quòd exclusit à patria, quòd licuisset ante hoc exortum bellù proficisci, nisi vana spe fuisset deceptus. Saluto D. Doctorem Ruy Lopez. Quando scripseris ad Don Martinum, salutabis eum meo nomine. Iterum vale.

CAROLO CAESARI SEMPER AVGVSTO, IO
NICOLAVS CLENARDVS GLORIO-
SOS DE POPVLO MACHOME-
TICO PRECATVR
TRIVMPHOS.

SOLENNE est omnibus, felicissime Cæsar, quot-
quot literis Maiestatem tuam appellant, multis ver-
bis decurrere in laudum tuarum præconia, adeoque
impudenter interdum atroces quasdam virtutes tibi
affingere, ut ipse nò dubitem, quin scriptoris stultitiam
condemnes & rideas. Quod quidem institutum quan-
do veterè gentilitatem sapit, & neutiquam apud Chri-
stianum Principem locum habere debet, qui nò in ho-
minum opinionibus & perituris chartis immortalita-
tem repositam arbitratur, sed eam spectat immortalita-
tem, cuius fundamenta sunt penes bene actæ vitæ con-
scientiam, penitus ab isto vulgato officio calamum co-
hibebo, & quæ postulata me edere coëgit necessitas,
omnibus ambitionum remotis ambagibus, simplici
oratione proferam, ante omnia suppliciter te rogans,
ut me patienter pro tua natiua bonitate audias, & au-
daciam clementer ignoscas.

CVM ante decem annos Louanij tractarem studia
Theologica, & nactus otij copiam, Græcas Hebræasq;
degustassem literas, sic ut eas publicè profiterer, inces-
sit cupido discendæ etiam linguæ Arabicæ, quod in Iu-
dæorum commentariis animaduertissem ipsam affinem
esse

esse Hebraicæ, & alteram alterius iuuari præsidio. Ve-
 rum in vniuersa Flandria ne literam quidem vllus no-
 uerat Arabicam, nedum Arabicaturientem possit do-
 cere: tantum circumferebatur Psalterium illud Nebien-
 5 se, quinq; descriptum idiomatibus, Latino, Græco, He-
 braico, Chaldaico, & Arabico. Quod simulatque pri-
 mum conspexi, impotenti correptus rei desiderio, ta-
 met si nihil adesset, quod saltem alphabetum common-
 straret, euoluere tamen coepi, & curiositate stimulan-
 10 te, rationem mihi reperisse credebar, qua peregrinæ
 linguæ characteres assequerer. Quando enim non igno-
 rarem propria ista vocabula, hominū, regionum, mon-
 tium, fluuiorum, & consimilium, eisdem ferme syllabis
 & sono efferri apud Hebræos & Chaldaeos, idem obtri-
 15 nere suspicabar in Arabicis. Nec me fefellit ista suspi-
 cio, inprimis eo perpendendo Psalmo, cuius est initiū:
 Deus quis similis erit tibi? Ibi enim plurimæ comparēt
 velut fodinæ auri Arabici, hoc est dictiones, è quibus li-
 ceret rimari Alphabetum, verbi gratia: Israël, Idumæi,
 20 Ismaelitæ, Moab, Agareni, Gebal, Ammon, Amalec, Af-
 sur, Lot, Madian, Sisare, Iabin, Cisson, Cudor, Oreb,
 Zeb, Zebæe, Salmana: è quibus vniuersis de literarum
 figuris leue iudicium feci, & tam difficili vsus magistro,
 volui pergere ad capeffendam adeò horridam & aspe-
 25 ram linguam. Non quòd mihi inter Flandros datum
 fuit istis adminiculis fretum sonare Arabica, sed quòd
 vel tantillo fretus auxilio, codicem illum oculis legere
 conarer, haud aliter quàm si mutus animum adiciat
 percipiendis scripturis. Neq; enim in eo Psalterio sunt
 30 addita signa vocalium, vt scirem quid quo pacto pro-
 nūciaretur: tamen bona quadā fortuna sic mihi cogni-
 tis characteribus, nauare operam non pigebat in euol-
 uendo codice toto, ratus scilicet futurum, vt aliquando
 etiam Deus occasionem præberet Arabicandi commo-
 35 dius. Dum sic perduro, & Lexicon rude contraho, hinc
 inde arreptis oculis, quæ sæpius obuix mihi iam essent
 familiares, Louanium venit Fernandus Colon quæsi-

turus hominem, cuius cōsilio moderaretur Bibliothecam illam quam adornabat Hispali. Enarrabam tum publicè Chrysostomum, de dignitate sacerdotali, in gratiam Græcissantium, eratque mihi auditorium frequentissimum. De quo certior factus Colon, & simul ab Hispanis aliquot res meas ac studia propius edoctus, conditionem proposuit profectiois Hispanicæ. Quam non illibenter accepi, tum quòd ob molestias quasdam, quas mihi faceiebant isti Causifici, iam adfugam essem propensior, vitam cuperem tranquillam, vbi nihil mihi esset commercij cum illis controuersiarum fabris, & litium magistris; tum etiam quòd inter Hispanos augurarèr posse me feliciter Arabicari. Ne multa, Statim ingressus Salmanticam, libros aliquot reperi, apicibus omnibus eleganter conscriptos, quibus diligenter pertractandis, iam etiam vocales Arabicas adeptus fui, ac sensim canones olfacere cœpi Grammaticos: vidique maximam esse Arabicis cognationem cum Hebraicis. quæ quòd satis exactè tenerem, si minutias requiras Grammaticæ, & quòd omnem laborem deuorare statuissem, sine vllius Præceptoris opera, me tradidi rimandæ Grammaticæ. Et quia certis de causis permittente Colone, substiti in ea Academia, detrusus in pistrinum Arabicū, spacio sex mensium sic promoui, vt non formidasssem profiteri linguam Arabicam. Ac parum abfuit quin docturus proditem in publicum, quòd me munus illud sustinere posse crederem. Interim adlaborante Episcopo Cordubensi, liberatus fui à pactis Coloniciis: & iam firmior & diuturnior videbatur ibi mihi futura sedes. Cumque essem nimium defatigatus Arabicando, amœniore auocamento vires reficere cūm decreuissem, in iuuentutis gratiam literas docui Græcas, tanto auditorio quantum hæctenus non est visum in Hispania. Nec multo post honestum illic mihi Senatus in annos singulos constituit stipendium, partim vt Latinas, partim vt Græcas docerem literas. Ecce autē cūm vix duodecim mihi ageretur in noua professione

fessione dies, adferuntur epistolę regis Lusitanie, illiusq;
 fratris infantis Henrici, ad quem instituendum inuita-
 bar. Cum quo versatus annos quinq;, & dormientibus
 altum Arabicis, quod alias disciplinas tractarem, cum
 5 nuper facta mihi ab eo potestate rediturus essem in pa-
 triam, & ibidem sedem senectutis positurus, consiliũ
 coepi, vt mensibns aliquot peragratis vrbibus Hispani-
 cis, diligenter dispicerẽ, sicubi reperire possem homi-
 nem, qui cum fabularer de literis Arabicis. Nam hacten-
 10 nus viam vocẽ non audiueram, & dubiola quædam
 mē torquebant de illorũ accentibus, & omnino stabat
 sententia cum studio Theologico, Louanij professionẽ
 auspiciari Arabicam; quod eam mirificẽ conferre cen-
 ferem rectius intelligendis Hebraicis. Itaque profectus
 15 Braccara, veni Conimbricam, inde Hispalim, inde Gra-
 natam. Vbi cum essem nulli prorsus cognitus, Deo ta-
 men propicio res meas moderante, in Alhambra de-
 ueni, iussus à quodam salutare Marchionem, qui statim
 causa professionis audita, vt est vir humanissimus, &
 20 studiosorũ hominũ fautor, me etsi antea ne nomine
 quidem notum sic adiunxit, vt doctissimũ multis aureis
 emptum Alakium donaret. Cuius consuetudine dum
 vtor, & lectitando simul cum ipso Alcorano, paulatim
 animaduerto, quàm fœdis erroribus gens ista periret
 25 Machometica, tetigit animũ meum clades nostrę Reli-
 gionis, multũq; dolui, quod tot seculis nemo inter Chri-
 stianos sit exortus, qui tanto malo conaretur adhibere
 remediũ. Sane non defuerunt, qui dogma pestiferum
 editis libris confutarent. Sed quid quæso ad Persas, &
 30 tam lógè à nobis dissitas regiones, si Christianus Theo-
 logus Latino sermone disputet contra Machometum?
 Sic in hostes fidei stringendus est gladius, vt mucronẽ
 sentiant. Itaq; siue Deus mihi in mentem misit, siue te-
 merè hoc propositũ concepi, omnibus aliis curis omis-
 35 sis, statui quicquid vitę mihi reliquum fuerit, huic vni
 consecrare negotio, nec conuiescere, donec tantũ
 promouero in lingua illa doctorũ hominũ, vt & cala-

mo & lingua possim cum Machometistis in arenam dogmatū descendere, & si liceat, multos tam piæ causæ locios conciliem, qui istum mecum laborem velint capeßere, hac mente, vt etiam in Africam ipsam disputaturi & morituri non reformident proficisci.

CAETERVM quia ad hanc rem nobis opus esset libris, in quibus mysteria sectæ continetur, & passim ab Inquisitoribus multi cremantur, qui nobis plurimum conducerent, omnem lapidem moui, vt huiusmodi codices mihi seruirent, quia illis in fidei augmentum vt vellem, potius, quàm vt sinerentur perire flammis. Verùm nihil obtinere potui: nec hætenus habui, qui meos conatus foueret, præter vnū Marchionem, adeo rei studiosum, vt etiam omnes trirèmes Hispanicæ meis consiliis libros conquirant.

DE hoc meo proposito certiorē feceram Ioannem Siliceum filij tui præceptorē, qui cū me optimè nosset, & multa posset apud tuam Maiestatem, visus est mihi plurimū habiturus momentū. Sed quāuis me sedulo sit adhörtatus, ne tam pium animum deponerem, nihil tamen spei ostendit, nisi vellem relicta patria, rem istam instituere Garnatæ. Id quod si facerē, omnia mihi ad futura dixit, & cū proceribus Hispaniæ Cæsare ipsum fautorem egregiū futurū. Ego verò tenebar desiderio patriæ, & nusquam videbam me cōmodiūs hanc professionem inuecturum, quàm Louanij, vbi animus erat cum præceptore illo Alphakio istas literas docere & discere. Id quod sine librorum copia fieri non poterat.

ITAQVE hac gratia profectus sum in Mauritaniā, vt partim comparandis libris, partim inspiciendis populi moribus & institutis, idoneus magis redder ad hoc bellū Antimachometricum: desedi quæ Fesæ menses quindecim, nullo fermè fructu, adeo nobis illi suos inuident codices. Pacta quædam iniueram cum ipso Rege, futuram mihi potestatem auerendorū librorum, & me in literis instituendū, modò sinerem aduenire illuc è Garnata præceptorem, easq; conditiones adieceram,

vt feliciter cessura mihi fuerit ea peregrinatio, nisi in monstrum quoddam incidissem, & apud Barbaros perfidiam debuisssem experiri hominis Christiani, qui illic tanquam malus Genius studiorum mihi exortus fuit.

5 HIC apud Regem effecit, ne me docerent, ne libros consequerem, vt præceptorem amitterem, & tot mensibus inter Machometistas in summis molestiis contabescerem. De qua fraude inaudita domi testimonium habeo Sacerdotis cuiusdam Arragonensis, qui seruit illic
10 apud Regem.

ITA QVE hac professione, quam pietatis causa susceperam, præter sesquiannum sine fructu studiorum exactum, id modò sum consecutus, vt & Præceptorem doctû amiserim, & speratis codicibus caream, & quod
15 grauissimû est cum tali monstro sim luctatus in Africa, vt miraculi instar sit, me excruciatû doloribus non perisise inter Machometistas. Magnus etiam dolori cumulus accessit, quoddidicerim à Christianis, Tunetenfes libros veditos esse in Mauritania, quin & ex Arragonia
20 illuc aduehi, & me interim sic angî conquirendis codicibus. Vix tandem paucos ante dies post tantas miseriaſ reuersus Garnatam, sedeo quotidie expectans, si quid fortè nos Episcopus iuuare velit Carthaginienſis, hoc animo, vt potius patriam posthac negligam,
25 quàm susceptam prouinciam deferam.

SI Maiestas tua propositû meû dignû fauore ducat, oro vt libri qui per Hispaniâ comburûtur, meis studiis posthac seruiât. Quâuis enim hæc mea de iuuanda Religionē sentetia plerisq; videatur noua, nō est tamē eius
30 generis, à quo Cæsar qui cōtinenter bellû gerat cū Machometo, vlla ratione debeat abhorrere. Hæc sunt quæ Maiestati tuæ scribēda duxi, partim q̄ in aula Regis Fessensis, intrepidè promisi me apud Cæsarem de iniuriis conquesturû, partim q̄ tam piam causam Cæsar sine vllō
35 incōmodo possit adiuuare. Bene vale felicissime Cæsar, et vide num iniusta petâ, tanto amore studiorû è Louanio delatus in Mauritaniâ. Garnatæ xvii. Ian. An. XLII.

EPISTOLA NIC. CLENARDI AD
CHRISTIANOS, DE PROFESSIO-
NE ARABICA, MILITIAQUE CONSTI-
TUTENDA ADVERSUS MACHOMETVM. 5

NICOLAUS CLENARDUS CHRISTIA-
NIS OMNIBUS, S. P. D.

QUANDO sum in praesentia de iis rebus verba fa- 10
cturus, quæ ad publicum nostræ religionis bonū
mihi pertinere videntur, nemo (vix spero) visio vertet,
si priuatus & parvæ sortis ego, nactus occasionem com-
munis iuvandæ salutis, communi omnium iudicio, sen-
tentiam propositumq; meum censendum efferam. Ut 15
enim in suis quisq; domesticisq; negociis cessator accu-
satus est, ita nō potest carere culpa, quisquis laboranti
patriæ pro sua parte subuenire negligit: propterea
quod Respublicæ, quibus omnia ciues debent, sola hac
via labefactari consueverūt, & tandem pessum ire pe- 20
nitus, quod omnes libenter priuatis indulgemus com-
moditatibus, communibus & publicis desumus. Quod
si vt nostris, ita & alienis commoueremur (quanquam
quæso quid homini debet esse alienum, qui sine mutuis
beneficiis in hoc orbe nequit consistere?) si inquam sic 25
& alteri studeremus, quemadmodum blanditur cæcus
ille amor sui, qui Græcis dicitur φιλαυτία, profectò nec
intestinis discordiis turbaremur domi, nec hostium in-
sultus pateremur foris. Sed vt contra seditiones dome-
sticas, sic & aduersum tumultus externos, beata pace, 30
& læta tranquillitate tuti staremus. Ne verò statim in
limine imprudens ruam, videarq; ineptus graui quo-
piam & turgido incedere proëmio, cū tamen hæte-
nus Rhetoricis lenociniis non fuerim deditus, scaphas
rusticus nominabo scaphas, & citra omnem insinua- 35
tionem, vobis vniuersis commendare conabor literas
Arabicas, vt earum præsidio Legiones adiuuemus Cæ-
saris,

- 5 saris, & coniunctis copiis tandem profligemus dirum
 istum orbis incubatorem Machometum. Huc omnis
 spectat oratio, hæc Sparta mihi modis omnibus exor-
 nanda est, & ut spero etiam exoranda. Atq; ut ab ini-
 10 tio repetam, quibus prouectus auspiciis, iam totus sum
 in hac meditanda militia, planè superuacaneum duce-
 rem, nisi inter narrandum considerem, plerisq; augen-
 dos animos, & addendos ad virtutè stimulos: audituri
 enim estis quæ fidem vincere videntur, deinde nō alie-
 15 rum ab humanitate putavi, longum etiam in amicorū
 gratiam sermonem terere, quos nouem iam fermè an-
 nos, non omnes quotidianis epistolis inuisere potui.
 Cum præsertim nihil susceptæ prouinciæ sit obfutura
 hæc narratio prolixior. Cum studio Theologico, præter
 20 Græcas Hebræasque literas, leuiter etiam degustavi
 Chaldaica, sic ut si eam curam capeffere libuisset, facile
 iustam nactus fuisset peritiam, propter linguarū inter
 se affinitatem: qui enim vtramuis rectè norit, minimo
 momento iam ambas nouerit. At non me insigniter ti-
 25 tillabant Chaldaica: credo quòd in alio quopiam pistrino
 vires suas debebat explorare curiositas, quam nisi
 mortalibus natura dedisset, bona parte mutilas habere-
 mus præclaras artes, & mancas etiam liberales discipli-
 nas. Mihi certè feliciter cefsit, quòd in rimandis ignotis
 30 literis fuerim curiosus.

- AC videte quæso, cur captus sim amore barbaræ
 linguæ. Lectitandis Iudæorū cōmentariis, subinde me
 cruciabat, quòd hanc vel illam vocolam id sonare dice-
 rent Arabicè. Præcipuè verò me stimulabat Aben Ezra,
 35 quoties occineret illud P H E · R A P H A in lingua Ismaë-
 litica, quod illi scriptori tam est peculiare, ut nodos in-
 numeros sibi videatur hoc confugio dissoluere. Quid,
 inquam apud me, Nunquàmne sciam, quidnam sit P H E
 R A P H A? Rogatus à me Ioannes Campensis, piæ me-
 40 moriæ (nam iam obiisse mortè intellexi) dum per Ger-
 maniam pararet reditum in patriam: cuiusmodi casus si
 me quoq; manet in Africa, qui impotenti teneor desi-
 derio

derio redeundi ad meos, defunctū precibus Deo commendabitis: Sed vt ad institutū redeat oratio, Campensis Professior tum Louanij Hebraicus, idem, inquit, est PHERAPHA, quod aduerbium TYN C. Non id meo satisfaciebat stomacho, semperque imminebam cuius occasione, vt aliquid consequerer scriptum characteribus Arabicis, quos hactenus non videram. Fortè per id temporis Venetias profecturus erat amicissimus mihi Daniel Bombergus, vir sic de literis Hebraicis meritis, vt nomen suum omnium seculorū memoriæ consecrauerit sempiternæ. Cūq; pro sua humanitate qua prædictus est insigniter, ad me venisset Louanium, vt ante abitum valediceret, memor vlceris mei, vnde fermè manū non tollerem, rogabam numquis esset Venetiis peritus Arabicè: respondit ille, Medicos quosdam inter Iudeos versari, qui lætarentur Auicennā natiua lingua: ibi protinus subsiliebam gaudio, serioq; triumphabam, quasi iam linguæ partem tenerem, quòd in orbe nostro non deessent illius periti. nam illam velut apud Antipodas sedem habere putabam, tam mihi alienum videbatur hoc barbaricū idioma. Ne multa verba, promisit Bombergus se paginas aliquot è Venetiis misurum Arabicas: quòd meo iudicio perinde censebatur, ac si continuò futurus essem Grammaticus, conspectis modò literis. Agebam Louanij in collegio Scholastici, in quo præter nos prouentibus annuis alitos, cōuictores etiam quatuor licebat admittere. Hos inter adolescens candidatus & ipse linguarum, nactus Psalterium illud Nebiense, grātulabundus ad me venit, neq; enim morbum meum ignorabat, qui pluris ducerem eas nosse literas, quàm opimo donari sacerdotio: Iam beatus eram, iam præter Arabismū frigeant omnia. Quomodo, inquit aliquis? Nam in eo codice, quemadmodū pleriq; nostis, Psalmi quidem sunt excusi typis Arabicis: verū quid inde cōmodi percipiat is, qui ne vnum quidē cognoscat apicem? neq; enim vel Alphabetū adest, vel quippiam præterea, quod omnino rudem admoneat, & eram in
vniuer-

- vniuersum ἀναλφάβητος. Nec curiositas vocari debebat,
 sed planè dementia, velle in eo libro tēpus terere, cuius
 nullam nosses literam, haud secùs ac si legendū offeras
 Demosthenem aurigæ Diesteni, cui nomen est Arnol-
 5 do filio. Quòd si vel eum saltem librū in præsentia con-
 suluisses, qui ante annos aliquòt excusus est Garnatæ,
 vbi & nomina & figuræ characterū declarātur, aliquid
 mutus magister opis attulisset, commonstrandis litera-
 rum notis. Nunc verò nec quispiam Louanij viuā me
 10 voce poterat elementa docere, nec vllus extabat libel-
 lus rudimentarius. Sed antequam pergā, obiter hic
 admonitos velim quotquot Arabicari decreuerint, ne,
 quem dico librū, eo numero ponant, quasi faciat ad tra-
 dendam linguā Arabicam: iis modò conducit, qui ver-
 15 naculū gentis sermonē expetūt, à quo tam dissidet Ara-
 bismus, quo sapientū & eruditorum monūmenta sunt
 prodita, quantū interest discriminis inter dictionē Ho-
 meri, & istorū Mercatorū, qui hodie negociātur in Græ-
 cia. Cæterum ego ἀρχινομογής, si vel istum ad manum
 20 habuisses codicē, prima laboris parte leuatus fuisset.
 quem vt exantlauerim, & quo ingenio sim vsus, sic ac-
 cipitote, & exemplū in me statuite, quid sit reuera Græ-
 cis ἀντιδιδάκχης, hoc est pessimo vti præceptore, nempe
 seipso.
 25 VBI intenderis ingeniū, valet, si bene memini Salu-
 stij. En tibi Clenarde vniuersum Dauidicū Psalterium,
 ne necesse sit expectare pagellas è Venetiis, & promissa
 Bombergi. Eia lege. Non possum. Lege inquam. Qui
 istuc quæso? nullam literam ante hunc diem conspexi,
 30 similisq; videri poterā Machometo, de quo hæc narra-
 tur verissima fabula, hoc est, euidentissimū mendaciū:
 venisse ad eum Gabrielem Angelum, & aperto Alcora-
 no, quem secum è cælo detulerat, iussisse vt legeret. Ne-
 scio, inquit Machometus, literas: moxq; correpto An-
 35 gelus hominis gutture, lege, inquit: aded vt fermè vr-
 gente Gabriele, bonus Machometus perierit præfoca-
 tus: atque huiusmodi multa comminiscuntur illi, quo
 doceant

doceant Machometū idiotam quempiam fuisse, omnis expertem humanæ literaturæ, ut scilicet putetur nō ipse conscripsisse Alcoranum, sed accepisse cælitus. adeo ut si quis legendi peritiam illi tribuat, capitali plectendus sit supplicio.

SED venia danda est Machometo, quod eo sim ingeniosior comminiscendo rationes legendi Arabica. necdum enim viderat Psalterium Nebiense, cuius præsidio mihi ad huius linguæ studiū patefacta est fenestra. idq; ad hūc modū. Nō me latebat propria nomina virorū ac foeminarū, itemq; montium, fluuiorū, regionū, urbium & consimiliū, iisdem apud Hebræos Chaldaeosq; scribi literis, & totidem utrosq; consentire syllabis. quamvis enim septuaginta Interpretes, ut ait rectè Iosephus, horridum sonum linguæ Hebraicæ cōmutauerunt, trāsferendis vocibus, spectātes quid pateretur blandior Græcia; in translatione tamen Chaldaica, & Onkelos & Ionathā id secuti sunt, quod cōparet in versione Pagnini: & quemadmodū Hebræus ait Selemo, Mose; sic & Chaldaicè scribant Selome, Mose, nō ut Græci Solomō, Moses: nec etiam figuras istas agnoscunt, quas gentes variæ solent vario quoq; pacto usurpare. Et ut de Flandria loquar, aut Brabātia, in huiusmodi peculiariter affectant Apharesin, ἀρεσιν reddentes Ioannem, Iacobū, Bartholomæū, cum plerisq; aliis, qui decollati non fuerunt dicentes **Hennen/ Coppē/ Meccus**. Zelandi verò, nisi fallor, pro Catharina largiti sunt nobis **Talleker**. Quæ nominū metamorphosis, nec est in translatione Chaldaica, & in mentē veniebat, ne in Arabicis quidē atrocem esse, quod suspicarer etiam huius gētis scripturam non admodū abhorreere ab Hebraicis, & a dextra tendere in sinistram, id quod ne ipsum quidem noueram, tam eram rudis, etsi mirè curiosus. Itaque cū soleat discipulus à confessis ordiri, quæ extra omnem aleam essent posita, non ego initium feci à verè solidis pronūciatis, sed suspicione Duce, rimari cœpi characteres Arabicos.

A C protinus Psalmus iste sese offerēbat, qui sic incipit: Deus quis similis erit tibi? nē taceas neq; comescaris Deus, propterea quōd in eo ingens est aceruus meorum præsidiōrum; Israhēl, Idumæi, Ismaēlitæ,
 5 Moab, Agareni, & cæteri item populi, nunc obnoxij Machometo, credo ut mihi opem ferrent, ad comparandam linguam Arabicam, qua aduersus ipsos aliquando vsurus essem, & suo ipsos sibi iugularem gladio. Hic iam repertis fodinis strenuē fobiebam,
 10 eriuendo metallo felicitis Arabiæ: nec profectō Deus tacuit, sed commissis inter sese nominibus & perpenso verborum numero, quæ in columnis ex aduerso ponebantur, colligere nitebar, quid Arabicè cui responderet Latino: Inter hæc sudanti, Ismaēlitæ contra
 15 quos iam bellum spiro sempiternum, præsentaneum mihi tulerunt remedium, bona quadam fortuna conspecti in calce quinti versus, qui sic habet: Quoniam cogitauerunt vnanimiter, simul aduersus Testamentum disposuerunt tabernacula Idumæorum & Ismaēlitæ.
 20 litæ.

S I C fossor ligone disputabam. Ismaēlitæ in hac columna Latina versum claudunt, nimirum & in sua columna locum sortientur vltimum: iam thesaurum versabam, conspecta vocula multis copiosa syllabis: ac
 25 nescio an audito ligonis strepitu, dum in Ismaēlitas impingerem, continuò vicinus accurrit Lot, credo ut vel gratularetur, vel partem thesauri auferret: nam huiusmodi fortuna communis esse solet, quotquot nō procul sunt ab inuentore. & quamuis Moab, Gebal,
 30 Ammon, Amalec, Tyrus, & Assur propius astarent, tamen sic facti sunt in adiutorium filiis Lot, ut hic liquidiūs clamorem thesauri perciperet, ob id suspicor quōd auriculam haberet rotundiorē, & magis patientem audiendis stridoribus, nisi illud in causa fuit,
 35 quod recens profectus ē Sodomis, & velut nudus ereptus ex incendio, cupidior esset bonæ fortunæ, cæteris sic occupatis, suo quoque bono, ut tardiūs aduenirent.
 vtcum-

utcumque sit, simulatque mihi ad Ismaëlitas accessit, duas commonstrauit literas, L & T. nam & Lot, & litæ in calce Ismaëlita eas literas eisdem figuris gerebant. Tyrus etiam modeste capite innuens, nescio an partim gratularetur, an potius partem prædæ sibi vendicaret. certè thesaurum repertum esse, iam passim fermè omnes vicini vna voce prædicabant, ac periculum erat, ne concurrentibus vndique raptoribus, Ismaëlita discerperentur. Ante omnes Moab inuasit pectus Ismaëliticum, Gebal corripuit tibias. Ammon vtraque manu rem gerebat contra Moab, se potius esse dictitans. Amalec verò cum ex animo cuperet opem ferre Moabitis contra impetum Ammonis & communem portionem communiter partiri, spectans, ut sit, priuatum commodum, decertabat etiam cum Gebal, deos hominesque testatus, se præferendum esse utrique, quod & pectus agnosceret & tibias. Tyrus, ut dixi, leuiter studebat filiis Lot, in ancipiti sitis, inuideret an gratularetur. At verò Assur, Sissare & Cisson atrocissimè pariter imminebant Ismaëli-
 tarum collo. Postremo cum iam increbuisse-
 mor inuenti thesauri, famam quaqua nersum sparsurus, & auctoritate nominis confirmaturus, vir summæ fidei & maximæ dignitatis aduenit Salmana: qui cum non interfuisset tumultui, quod procul habitaret, meritisimo tamen & iure vniuersos antecellebat, pectus, tibias, & collum solus arripiens: nec enim erat, cui tribus nominibus deberent Ismaëlita. Celebremus licet Epinicia, nam Baetra deuicimus, & tres inuenimus characteres Arabicos, S. M. L. in magnifico Salmana, duos in Lot, L. T. in reliquis singulas, in ipso thesauro quatuor, S. M. L. T.

PRAECIPUA ergo mihi cura fuit obseruare, qui versus aut in capite aut in calce meas offerrent fodinas. & ut quæque darentur, ligonem exercebam. Principiò Latinis opponebam Arabica, quemadmodum commonstrauit in Ismaëlitis. Mox Arabica ipsa inter se

sefe committebam, vt salutatione mutua Lot cum Ismaëlitis vnā atque alteram literam conspirantes asseuerarent: ad eundem modum copulabam & cæteras fodinas: Israel, Agareni, Tyrus, Assur, Sisare, & Oreb, quid nisi mihi ingerent literam R? Moab & Gebal reddebant B. quibus opitulabantur Iabin, Oreb, Zeb, & Zebee. Et quamuis titulus in multis Psalmis testaretur D. quoties occurreret Psalmus Dauid, tamen & hoc loco Idumæi, Madian, & Cudor facile doceant.

Hic ego sitientissimus linguæ Arabicæ laboribus, & hac rimandi diligentia, totum consecutus sum Alphabetum, primò pensiculandis nominibus propriis, mox etiam adiutus & altero subsidio, quod præter characterum notitiam, aditum patefecit concipiendis animo, & velut somniandis canonibus Grammaticis. Siquidem postquam aliquot iam literas certò cognoscerem, non rarò mihi inter fodiendum dictiuncula quædam occurrebant, & aliæ quæ idem significarent Hebraicè. manus, pes, caput, lingua, venter, anima, seruus, & huiusmodi quamplurima reperiēbam totidem & iisdem constare literis in vtraque lingua. Et continuo apud me, est igitur inquam Arabicum idioma tam affine Hebraico, vt & Chaldæum. quare & hoc mihi plurimum contulit, vel ad ipsas assequendas literarum figuras. Proferam exemplum quod quiuis intelligat, tametsi non nouerit Hebraicè. Anima tribus literis consonantibus indicatur, N F S, esto iam adiuuantibus primis illis curiositatis meæ documentis, probè teneam duas primores literas, N & F, necdum tamen figuram nactus fuerim literæ S. suspensus manebo, donec ignotum S. compareat voce quāpiam alia. Linguam Hebræi notant literis L S N. ne id quidem sat fuerit. Pax sermone Iudaico est S L M. Quid hinc colligere datur? Iam è rebus compertissimis didici linguarum istarum affinitatem. Quid tum postea? in tribus his vocibus anima N F S, lingua, L S N, &

pax S L M , literæ reliquæ cognitæ sunt præter ultimam in N F S , mediam in L S N , primam in S L M , ea in hebraico sermone est s : deinde multas & alias voces , planè easdem reperio in vtraque lingua , quocunque loco hæc figura comparèt , si modò eam statuas esse literam s . Eia sit bonis auibus s . fortè alias proprium aliquod nomē diluet dubium , interim fretus coniectura probabili , perge velut in re cognita .

Q V O D si sic vocibus inter sese conspirant hæc linguæ , in mentem venit fortè etiam præceptiunculis Grammaticis eas non dissidere : nam ligo meus obiter non nihil olfecerat . Possessiua pronomina , meus , tuus , suus , noster , vester certis literis & syllabis exprimunt . quare vbi his vteretur Latinus , aut Hebræus , sedulus indagator literarum , offendebam & ista priusquam quærerem . Eia contemplemur porrò , quid faciant in variandis verborum personis , quid in commutandis coniugationibus ? Ne in multis morer , nihil aliud iam censebam esse Arabisimum , quàm alterum quendam Hebraisimum . & non solùm eas linguas in numeris vocabulis , sed arte etiam consentire Grammatica . Et quamuis Psalterium illud excusum erat sine vllis vocalium notulis , parum tamen tenorem meï studij poterat interpellare , vt qui iam pridem versatus fuisssem in Hebraicis . Neque enim lingua legebam , sed oculis & mente . Exemplum accipite , lingua dicitur Arabicè L I S E N , mihi verò non offerebatur nisi trias consonantium L S N , quomodo igitur sonabas ? L A S O N . ob id quod sic scribitur Hebraicè , reliqua verò vocabula , quæ mihi non subministrabat peritia Hebraica , legebam , vt modò dixi , oculis tantùm & animo , vt quoties triadem nullis affectam vocalibus cernerem , quid significaret curæ esset , non quomodo sonaret .

C O N S E C V T V S sum Alphæbetum , partim adiutus Latinis , partim Hebraicis , in his præsertim characteribus quos Latini non agnoscunt . quamuis ne
sic

- sic quidem exactissimè poteram omnia penitus distin-
 guere , propter exiles quasdam vocis minutias. nam
 vt Arabes literas etiam habent Hebræis tam forma
 quàm sono penitus ignotas , sic & eiusdem literæ so-
 num multis modis partiuntur , aded vt quod nobis est
 5 d , quatuor sectum sit discriminibus . Sed me id mi-
 nimè turbauit , qui artem haberem legendi tantum
 oculis . Cur enim percipiendis disciplinis , quarum
 sedes est ratio , magis proderit lingua & aures , quàm
 10 oculi ? nonne taciti inter studendum , conspecto co-
 dice , reponimus quamplurima , & mandamus me-
 moriæ , tamen si non utamur officio linguæ ? neque
 enim mutis abroganda est hæc discendi via , quemad-
 modum neque cæcis natura potuit inuidere res Ma-
 15 thematicas . Specimen dedit quidam Salmanticæ , qui
 cùm esset Psalter insignis , & articulis doctissimè de-
 curreret in monochordio , præter Græcas literas , quas
 feliciter didicit , triangulos etiam in manibus depin-
 gebat , & radiū quem cæteri ducendis lineis immit-
 20 tunt pulueri , sic animo contemplabatur , vt acumine
 vinceret bene oculatos . Ille ergo figuras literarū Græ-
 carum cæcus non nouerat , ego conspectis characteri-
 bus , vocis eram securus , & fortiter iudabam in pistri-
 no Arabico .
- 25 TENE O inquam vitunque characteres , comperi
 etiam rem Grammaticam fermè eandem esse , quæ tra-
 ditur in Hebræis . Quid iam restat ? Lege à capite
 ad calcem vsque Psalterium , & para tibi inde aliquod
 Lexicon . Sic facio prorsus , nisi quod consultum vi-
 30 debatur , ab eo auspicari Psalmo , cuius est initium :
 Beati immaculati in via . complures enim illic sunt
 voces crebrò repetitæ disparibus casibus , & numero
 utroque . quod & ipsum partim me iuuat , dum itera-
 ta subinde vocabula iam redderentur indies magis mi-
 35 hi peculiaria , partim vehementer turbauit . Siqui-
 dem in formando nominum plurali numero , longè
 aliam deflexionem conspexi , quàm quæ obtinet apud

Hebræos, nec exitum sperabam, quòd hæcenus eam commutandi nominis normam nulla in lingua notafsem. Ragul hominem significat. Rigel homines. haud secùs ac si malus efferatur singulari numero, miles plurali: tamen quia iam effractis foribus in ædes ir-
ruperam, credebam minus esse laboris; arculas re-
serare, & si maximè clausas, quàm dudum domum ipsam intrare: quare pergebam in meo Dictionario, lectitandis Psalmis Dauidicis, ratus futurum aliquan-
do vt offerretur occasio, quæ scrupulos meos de plu- 10
rali numero posset eximere, & simul respectans, si quid fortè nobis tandem allaturus esset Bombergus.

INTERIM ita res tulit, vt abirem inuisurus re-
uerendum D. Abbatem Lætiensem Ludouicum Blo-
sium, qui cum mihi in nostro Collegio conflata erat 15
necessitudo, homine Græcis Hebræisque literis sic instituto, vt quandoque ad me scripserit epistolas tri-
lingues: Quæ peregrinatio, etsi non flagitaret nisi
iter bidui, Theologotamen Louanienti satis erat ar-
dua, mihi præsertim, quem omnes tam nouerant 20
esse sedentarium, vt si semel modò foris pernoctarem,
velut calum rueret. Sed quia in fatis meis erat, vt
olim longius à patria dulciqûe Louanio diuellerer, &
sitientes veniremus Afros, sic meas componebam sar-
cinas, vt salutato Blofio, simul etiam inde eadem ope- 25
ra contenderem Cameracum ad charissimû mihi præ-
ceptorem Iacobum Latomum, qui tum illic agebat
Canonicus. quin & audacius quoque facinus animo
voluebam, si ille non dissuaderet (omnia enim eius
auctoritati meritò semper tribui) nempe, vt proficisce- 30
rer Lutetiam vsque, quod perinde fuit, quasi petitu-
rus essem Indiam. Euenit, & sensim incepit Clenar-
dus assuescere faciundis itineribus, contractumqûe
domi veternum exsudare: tamqûe lætis auspiciis susce-
peram profectionem Lætiensem, vt è Lutetia reuersus 35
Louanium, diuitis etiam nomen reportarem, quasi
Græcum Hebræumqûe spoliasset auditorium, præfer-
tim.

rim opinione nostri Campensis. Bonis, inquit, aui-
bus venisti Parrisium, nam te aiunt asportasse corona-
tos inde supra quingentos. non, inquam, me poenitet
professionis, & simul ridendo sinebam me celebrari
hac fama. quid enim lēdit, si foris habearis vel Croe-
sus, modò domi non impediatis molestis diuitiis?

PRÆTER ceteros Lutetia mihi cognitos, mona-
chus etiam quidam Lusitanus, ex instituto Franciscano-
rum, Rochus Alméida, mirè mihi deditus erat, adeoq;
me docete captus erat amore literarum Hebraicarum,
ut hac sola gratia paucis postea diebus se contulerit
Louanium. & cùm ferme quotidie Hebraicaster com-
mearet ad nostrum Collegium, crebrò etiam aliis de
rebus mecum familiariter agebat, nunc commemo-
ratis moribus Cantabriae, nunc attollendis in cælum
Cathedris Academiae Salmanticensis, siquidem & ipse
multum etiam viæ permensus fuerat studiorum causa,
quæ omnia non sic apud me licebat narrare per ocium
in Gallia, quodd occupatior essem colligendis illis coro-
natis, & magis fabricandis rebus nouis implicarer,
quàm audiendis. Postquam autem de Salmanticen-
sium Professoribus fabulari cœpisset, & tam optimos
prouentus doctis viris constitutos affirmaret, nul-
lamque partem disciplinarum, quæ non honorem suum
sortita esset Salmanticae, quid inquam, coluntur illi
etiam linguarum studia? Linguarum, inquit. Est Pro-
fessor Græcus, est Hebræus, est Chaldaeus, atque etiam
Arabicus. quod postremum verbum altius in pectus
meum descendit, quàm quisquam tum credere po-
tuisset, & tacitis apud me gaudiis, nunc inquam pe-
dum visa est via. Ocyus properemus in Hispaniam. nec
aliud iam deinceps somniabam, quàm professionem
Hispaniensem. siquidem utcumque redditus eram ido-
neus obeundis itineribus, & præter aurum Gallicum,
versatus illic inter homines tā dispares natione, tamq;
agentes suauiter procul à paternis laribus, apimum
etiam indueram patientem exilij. quin & grauis quoq;

mihi ipse auctor videbar, quique possem de peregrinationibus disputando meo iure ferre sententiam, quod scilicet vidissem Lutetiam, hoc est, lustrassem vniuersum regnum Persarum: memini quoque sic inter congeriones peregrinandi metum deponere. Nemo est tam formidolosus, quin ausit à civibus suis abesse leucas quatuor. Ergo relicto Louanio simulatque venerim Bruxellas, quid vetat quominus velut Bruxellanus conficiam alias quatuor? neque enim animosiores conuenit esse, qui sedem habent inter disciplinarum domicilia, quam qui quotidie spectant hinc illinc clientes ad Patronos, Principes viros properantes ad aulam. E Bruxella igitur totidè numerabo millia in pagum aliquem, cuius incolas magna profectò afficeremus iniuria, si plus nobis censerentur ad iter expediti ciues, quam pagani. Hinc verò pergam in locum proximum, & semper crescat usu fiducia peregrinandi, propterea quod hæc me ratio non vrbs, sed orbis ciuem reddiderit, sic huc illuc properantem, & variis iactatum itineribus, ut perpetuo pernoctem in patria.

VERVM non satis erat ademptum esse metum, non satis me sic ebrium ferri cupiditate huius linguæ, nisi & alius me pupugisset stimulus, quo videlicet non tam inhiarem Salmantiæ, quam fugerem vel ipsam patriam, ut dum hanc odissem, illam amassem, celerius me apponeret Helena. Designatus eram Curatus templi Beginarum Diestensium, nec aliud votis omnibus expetebant parentes, nisi ut præsentem illic haberent filium, quod & ipse planè gerebam in animo, nec hætenus ea potuit placere sententia, ut lac lanamque ouium Christi possiderem, quas præfens voce vitæque non conarer pascere, quid alij prætexant, & quid commincentur, dum nimis ingeniosi fabricandis causis tam vastam aperiunt fenestram perdendis gregibus, nõ ad meum tribunal pertinet: id modò credo, si omnes in hac mecum essent persuasione, & ad iustas etiam causas absentia nõ conuenerent, multò melius actum iri cum

cum Republica Christiana, quàm his moribus, eò iam prolapsa disciplina, vt ferè probro ducatur, si vir insigni quapiam eruditione vitam agat inter oues creditas. Sanè non desunt quos præstat in Academiis docendi munus obire, & multos formare pastores, quàm (vt ipsi dicerent) contemptos viuere, perferendis rusticorum vitiis. At contrà non desunt, qui prouentus istos Ecclesiarum ipsi pascendis gregibus queant percipere, ne necesse sit præclara in Academiis ingenia, præter onus docendi, hoc præterea subire molestiæ, vt controuersias agant cum iis qui mala fide persoluunt decimas. Nunquam rebus necessariis destitueremur, si suam quisque administraret prouinciã. Libenter, inquit aliquis, in ista inueheris, quòd lana tuarum Beginarum fueris frustratus: alioqui stetisses ab eorum partibus, quos nunc leuiter corripis. Quid futurum de me fuisset, diuinare non possum; magnum enim momentum obtinet pecunia coniuncta cum otio, & non reperissent inter Beginas Professore Arabicum. quare vt crebrò nutant voluntates humanæ, fortè partitus lac cum Collectoribus desertor stationis, & oblitus ouium, auolassem Arabicatum in Hispania, culpam contracturus quam nullus deleuisset Syllogismus. At me seruauit sacerdotiorum genius, qui nostro seculo tam bene mereri videtur de Causificis, vt instar miraculi sit, sine litibus obtinere semunciam vnã patrimonij Christi. Quare vbi in me conspirassent Beginæ, & ouium suffragiis declaratus fuisset, & suffectus in locum demortui, protinus exortus est aduersarius, cepimusque strennuè litigare, & implicabili bello configere. ac primò quòd tyro essem rudis earum artium, valde stupidus admirabar, quòd riuallis velitando in Processu, me negauerit Clericum, natum legitimo matrimonio, esse omnino in rerum natura, & huiusmodi istis solennia, nata contrahendis controuersis: & stultus expostulare volebam de mendacio, nisi me procurator docuisset istum esse videlicet

stylum, & contra illum nos quoque obiecturos esse
 consimilia. nolo inquam mentiri, quid attinet in iis
 conterere tempus? rem ipsam putemus, meæ sint Be-
 ginæ an illius? quid nisi riderer hæc illius igna-
 rus palæstræ? ut paucis absoluam, iam bello Troiano
 appetebat decennium, & multis iactatus inuisissimis
 laboribus obsidendis foribus Procuratoris, Aduoca-
 ti, Iudicis, & aliorum etiam, quos similis exercebat
 cura: deinde in multas vrbes hac de causa subinde pro-
 fectus, aptissimus eram faciundis itineribus. & quod 10
 nullum remedium daretur agendæ pacis, obnitentibus
 parentibus; nam ipse viam videbam perquam facilem,
 si traditis Beginis aduersario desisterem à litibus, quia
 inquam bellum erat inextricabile, omnino decreue-
 ram primam quaque occasionem fugæ capere, nō tam 15
 amore Arabicandi, quàm odii litigandi.

S V B id tempus versabatur in Brabantia D. Fernan-
 dus Colon, cuius parenti Christophoro debemus re-
 pertas Indias. sit pax & requies vtriusque manibus,
 nam annō superiore defunctus est Hispali Fernandus: 20
 qui, ut plerique nostis, Europam vniuersam hac gra-
 tia peragrauit, ut quas haberet opes memorabili cui-
 piam consecraret parandæ bibliothecæ, Eam contem-
 platus sum nuper Hispali, omne genus libris refertis-
 simam. Sed ut cœperam, cū venisset Colon Loua- 25
 nium, comparaturus & illic ornamenta suæ bibliothe-
 cæ, communicatis consiliis cum Poëta Resendio, ho-
 mine multis nominibus mihi colendo, animum sibi
 esse dixit, ut quempiam honesto salario secum abdu-
 ceret in Bæticam, cuius & iudicio in libris, & socio 30
 queat uti in studiis. Resendius, qui sæpe mihi prædi-
 casset Lusitaniam, & per iocum aliquando vaticinatus
 esset me illuc concessurum, ansam præhendit à patria
 diuellendi Clenardi, opinatus non desideraturum se
 artes mei pelliciendi in Lusitaniam, si semel intrassem 35
 Hispaniam. quare hominem secum adducit in audi-
 torium, vbi enarrabam Chrysostomum de sacerdotali
 digni-

dignitate, peractaque lectione, statim mihi proposita est conditio; & paucis interiectis diebus accingimur profectioni Hispaniensi. facile namque res transacta est, cum & sitiret Arabica, nec alia ratione liberari possem à litibus. Cunctis admirantibus, quòd fermè iisdem prouentibus perceptis Louanij, tam longinquam suscipierem peregrinationem. neque enim sciebant qui me agitarent stimuli.

T V A S Beginas quis interim tuebitur? quem relinquis pugnaturum in bello Troiano? Quasi desint Procuratores, qui absente cliente non possint extendere litem. Iam & ipsæ Beginæ diligentiam omnem præstaturæ fuerant, ut simulatque cecidissent Pergama, mox ex Hispaniis aduolaré curru inuectus triumphali. Fabulæ catastrophem narrabimus, postquam calamus peruenerit Braccaram. Relicta ergo Brabantia, identidem respectans Louanium; & memor iucundissimi cōgerronis Rutgeri Rescij, salutato etiam Cameraci meo præceptore, probè defatigatus tandem ueni Lutetiam, non sine risu D. Fernandi: qui dum per viam contemplaretur me Vasaumq; sic equis illigatos vix ferre diutinam sessionem, imprudentiam suam damnabat, qui non solum nostri causa, sed etiam iumentorum non sumpsisset chirurgum quempiam itineris comitem, adeò nos infernè, contra equi supernè lædebantur. quid enim? Hactenus in plaustris vecti fuimus, & equinis dorsis magnam molem ingerebat imperitia, quòd stapedæ nobis standi locum non darent, magis sollicitis manibus in arripiendis ephippiis, quàm compositis pedibus in premendis stapedis. Ego præcipuè longus, & graui corpore, quoddam eximium præbebam spectaculum, quoties urbem aut pagum ingrederemur, omnium fermè oculis in me vnum coniectis, quo nomine debitor mihi est Vasaus, nihilo me concinnior equitando, quod dum solus hominum scommata cogeret excipere, ipse ad mea monstra immunis transmitteretur. quanquam

quodam die, securus dicteriorum quæ in me iacula-
 bantur, socium pœnarum habere mihi sum visus, dum
 globum equo circumferri clamarent, siquidem Va-
 sæus, veritus ne decideret, prono capite fermè den-
 tibus equinam iubam occupauit, & figura corporis
 flexi velut in gibbum redigebatur. Multa deinde post-
 quam egressi fuimus Galliam, adeò sumus admirati,
 vt merito liceret in ius vocare Dialogum Erasini, qui
 Germanorum diuersoria, velut aliquid haberent in-
 commodi, tam contra omnem æquitatem studuit tra- 19
 ducere: reuiuiscat, & pergat Salmanticam. docebit
 eum Vasæus velut alterum Diogenem caua manu bi-
 bere. nam apud Cantabros, si rectè commemini, po-
 culum nobis frangebatur vitreum, cum alterum non
 esset in tota vicinia. nec etiam hypocaustra fastidiret, 15
 quod aduenis mercatoribus opplerentur, conspurca-
 tis ocreis. siquidem haud procul à Pincia, gelu con-
 strictis omnibus aquis, & frigidissimo flante Borea,
 cum vniuersum pagum lustrassent, vix tandem vnus
 repertus est sarmentorum fasciculus, nec alia illic sunt 20
 ignis fomenta. huic tam maligno foculo, fermè de-
 cem astantes monstrauius rigidas manus, & flam-
 mam oculis contigit cernere, nam extrema linea cale-
 fieri haud nihil est. Hic te oro mi Vasæ, si hæc fortè
 in manus venerint, ne Hispanorum nomine mecum 25
 litiges: quando enim iam cooptatus es in Lusitaniam,
 & sedem sempiternam fata tibi dederunt in Augustæ
 Braccaræ gymnasio, alia suo loco narrabo de Lusita-
 nis, quæ reliquis Hispanis meritò sint solatio, tibi quæ
 iustiores vindicandi causas præbeant, quòd omnia 30
 bona debeas Lusitanix. Iter nobis institutum erat rectà
 in Baticam, Hispalique versaturi eramus triennio. nam
 longius exilium parentes mei concedere volebant, &
 omnino tanto spacio lis nostra cõponenda videbatur.
 Verùm Colon & ipse fraterno nomine rē habebat con- 35
 trouersam, & Iurisconsultos adire volebat, quos tenet
 Salmantica doctissimos. Quare dum ibi dies aliquot
 inter-

interquiesceremus, & mulis darentur induciæ (nam
 & harum dorſa fregimus) aliis insignem luſtrantibus
 Academiam, & ut ſit, huc atque illuc viſendi gratiã
 deductis, Clenardus breui procerus tunica, inter Scho
 5 laſticos obambulabat, & Profefſorem quærebat Ara
 bicum. Cumque in tanta ſtudioſorum frequentia,
 qui illic pro Scholis mutuis ſermonibus inhærebant,
 peregrinus veſte Brabantina fuiſſem, ut æquum erat,
 admirationi; tamen hoc verè poſſum de Hiſpana gra
 10 uitate dicere, me neminem ſenſiſſe, qui petulantiùs
 externum rideret, quo vitio non carere multas natio
 nes, nemo neſcit profeſſiones obire ſolitus. Quin
 & primo ſtatim die ignotum adoleſcens familiariter
 appellauit, frater Doctõris Poblj, & colloquio per
 15 ceptis meis ſtudiis (neque enim carent Hiſpani inge
 nio) ſtatim prædicare cœpit literatiſſimum virum Fer
 nandum Nunium, Profefſorem Græcum, nihilque
 me gratiùs facere poſſe, quàm ſi eum inuiſerem. In
 uiſo, & cauſam, ut ſit, peregrinationis ſenſim aperio,
 20 longo prius ſermone producto, cum me ille ego ipſum
 viciffim de variis rebus percunſtarer. Et quia iam
 adoleſcens ille, Chaldæos Arabicoſque Profefſores de
 ſiderari narraſſet: verùm hunc Nunium, & has olim
 coluiſſe literas, rogo nunquid haberet Arabiſmi? Quid,
 25 inquit, tibi cum hac barbara lingua? abundè multum
 eſt cum Latinis etiam didiciſſe Græca. Laborauī, in
 quit, & ipſe iunior hac inſania, nec contentus He
 bræis, adieci etiam Arabica. Verùm nunc omiſſis o
 mnibus, tantùm verſor in Græcanicis. ſeduloq; cœpit
 30 me ab iſto propoſito dehortari, ſpecimenq; amici veri
 primo ſtatim congreſſu non obſcurũ exhibuit. Quan
 do enim ſemel facta mētione clariſ indiciiſ vehementē
 amorem teſtatus fuiſſem, quòd mihi difficile ſit vulnus
 nō detegere Medico, poterat anſam pactus, care vè de
 35 re codices, quos velut inuiles reiecerat, ſed nō pmitte
 bat humaniſas ut homo omnibus humanitatis artibus
 excultus, ſui ſpectator commodi, priuatũ emolumentũ
 ante-

anteferret officio fidei . At surdo canebat fabulam,
& gestiebam quamprimùm oculis inuolare in librum
aliquem , qui vocales doceret Arabicas, necdum enim
videram . Instanti & sedulò roganti, iam perspecta fir-
mitate propositi, cras, inquit, redibis , & ex aceruo
meorum codicum eruemus Arabica, siquidem in præ-
sentia vbi lateant ignoro, tam in obliuionem abierunt
mihi chartæ Machometicæ.

O te felicem Clenarde, qui conspecturus sis vocales
Arabicæ . non potes duci poenitentia professionis. 10
omnis iam res est in vado , aliisque multis apud me di-
ues gratulationibus , ab amico discedebam , mirè ex-
hilaratus . tam enim in istum laborem animatus eram,
vt etiam vocalibus inueniendis mihi non crederem de-
futurum ingenium, modò tantùm adesset codex. Quid 15
putatis, nisi me noctem insequentem insomnem pari-
ter & somniantem totam triuisse in fodinis Arabica-
rum vocalium? Reuersus postridie , bonis resalutor o-
minibus, & , En tibi, inquit , quatuor Euangelia pul-
cherrimis characteribus : alia reperire non potui, etsi 20
diu quæsitæ . Ego bonam fortunam exosculor, & quasi
mihi in omnibus queam esse præceptor, parum vrge-
bam, vt me doceret, cupiens scilicet periculum face-
re, quantum valeret hic quoque curiosus ille ligo, qui
consonantes inuestigauerat . Miscendis tamen collo- 25
quiis, optimus vir Alphabetum postremò depinxit . &
protinus conspecta litera , quæ me Louanij cruciaue-
rat, quæ est ista, inquam? est, inquit, litera 7. ita, in-
quam, suspicatus eram, sed pronüciare non audebam.
Discrimina præterea docuit inter nonnullas, quas con- 30
fusas gerèbam , vt suprâ scripsi . Atque hæc mihi fue-
runt viuæ vocis prima præsidia . hic mihi in Arabicis
primus inuentus est præceptor, quem tanti feci & sem-
per facturum sum , vt quicquid per me studiosis huius
linguæ sit euenturum , totum humanissimi viri bene- 35
ficio acceptum ferri velim. qui nisi contigisset Salma-
nicæ & libros , vt est ad bene merendum expositus, li-
benter

benter suppeditasset, nunquam curiositatis meæ fructum reportassem. Ego tibi chare præceptor, & meo nomine, & aliorum omnium quibus tua profutura est bonitas, hic inter Afros hoc calamo gratias ago sempiternas, & quamuis præsens epistola non est iis respersa dotibus, ut te dignam sortiatur immortalitatem, tamen quia tuis auspiciis eò peruenimus, ut Machometicas literas coneamur in omnes Christianorum angulos inuehere, dabimus operam, ut quemadmodum literas Græcas tibi debet vniuersa Hispania, sic & omnes quotquot Arabicantur, nomen celebrent Fernandi Nunij.

EST Salmanticæ diuersorium haud procul à foro, cui est insigne Crucis, in eo tum aduenæ morabamur, in eo didici vocales Arabicas, parum vocalem consulens magistrum, nempe codicem mutum. sed non debebant Euangelia cedere Psalmis, parquæ fortuna, quæ pridem vsus fueram, hîc quoque mihi obiecta est, in ipso statim initio. siquidem Liber generationis Iesu Christi, filij David, filij Abraham minio depictis vocalium notis, facillè commonstrabat quid quærerem, tantus est & illic catalogus, ut scitis, nominum priorum. Cæterum quando Latinis sint quinque, non reperiēbam nisi figuras tres, & nunc mihi Arabes pauperes videbantur characteribus vocalium, qui tot differentiis secarent consonantem D. Duas a & e sonò distinguebam, miniatus index vnus & idem vtrique seruiebat. sic & altera figura indiscriminatim reddebat o & u. hîc meritò perplexus angebar, nec meo opte ingenio poteram, quantumcunque foderem, thesaurum istum inuenire, nisi quòd in mentem veniebat, fortè sic Arabicas vocales dissidere aliis atque aliis adiectas consonantibus, perinde atque disparem edunt apud nos sonum quædam consonantes interuentu disparium vocalium *ca, co, cu* non idem efferunt, quod *ce, ci*, sic & *ga, go, gu*, non consentiunt cum *ge, gi*, quare dubio isto sic me liberaui. Certum est hanc apicem esse

esse symbolum duarum vocalium, & istum quoque totidem. non licet in præsentia rem diluere. referamus proximo congressu ad oraculum viæ vocis, & pergamus ad alia.

IAM ergo noueram sic literas, vt lingua quoque legerem, non solum oculis, collatoque codice Græco cū Arabico, sensim sese mihi cœpit aperiri notitia Grammaticæ, nam protinus offendi, quod suspicabar esse Hebraicum Dages, aded vt iam de coniugationibus distinguendis laborandum videretur. Sed quia spes omnis mihi collocata fuit in libris, & audiueram profuturum nescio quem Grammaticum, continuò emi codicem. erat autem is cuius suprà mentionem feci. Vnde illud hausi quod me remorabatur in vocabulis, & nihil præterea. Deinde & schedam protulit frater Iacobus Hallensis, repertam in angulis vbi depictæ fuerant literæ, quæ & ipsa non nihil habuit momenti, magis ad confirmandas conceptas suspiciones, quàm vt aliquid doceret incogniti. Pàucis pòst diebus adeo præceptorem, qui simulatque me vidisset, fauet, inquit, Machometus tuis studiis. non sine risu, repperi libellum rudimentorum, sine quo nihil queas efficere. simulque lectitare cœpit, me admirante, quòd post tantum temporis non penitus omnia homini venissent in obliuionem. quanquam magis sermonem inclinaui ad mea dubia, non ignarus viæ, qua sperabam aliquid me laboribus affecuturum. Quare apertis Euangeliiis, nōne inquam, sic id legis? maximè. & illud quoque nōne hoc pacto? admodum. & ita porò protectus colloquiis, de summa rei Arabicæ pronuntiabam, quid adiutus Hebraicis me comperisse crederem, ille contrà & annuebat, & vtrò etiam quædam protulit, quæ suggerebat memoria. Ostendit præterea codicem alterum, in quo dicebat contineri quicquid esset Grammaticæ, verum in primis legendum esse illum exiguum Gurremiam, id libro nomen est. Quare quando me sic animatum conspiceret, iussit vt quotidie stans horis ad

ad ipsum commearum, se in mei gratiam reuocaturum
 priora studia in memoriam, & Gurremiam interpre-
 taturum. Statim prima lectione res displicuit, nec inde
 auspicandum putabam, ne tamen præceptoris iudicio
 5 refragarer, obsequentem me præbui quatuor aut quin-
 que diebus, non quod fructum magnum è lectione re-
 portarem, sed ut redditus in dies familiarior, alterum
 illum nanciscerer codicem, quem verebar flagitare, ne
 censeret mōnentis auctoritatem nihili facere. Quare
 10 discipulum præscriptis horis agebam Gurremianus,
 domi verò tractandis Euāgeliis, verè discendi ratio-
 nem meditabar. ac primū illud obseruaui, hoc Ara-
 bes adiecisse legibus Hebræorum & Chaldæorum, ut
 etiam nomina certis variarent casibus, commutandis
 15 vocalibus postremæ consonantis. Collegi coniecturis
 fretus, quid nostro responderet nominatiuo, quomodo
 efferrent accusatiuum, & breuiter tribus eos casibus
 assequi sex Latinorum, nec dubitabam, quin si alterum
 illum euoluerem Grammaticum, omnia me optemarte
 20 possem peruincere. siquidem videram passim eum ad-
 notatū interpretamento Latino, adiectis etiam in mar-
 gine nonnullis adnotationibus, è quibus fieri non po-
 terat, quin aliquid rudi lectori monstraretur. Vicit pu-
 dorem cupiditas, & oraui ut me sineret diebus aliquot
 25 mea frui sententia, me sperare, si eum lectionem, non
 perdendam operam. Erat ipse Nunius non immerito
 prædicator Gurremiæ, tum quod ei primus obiectus
 fuit dum Arabicaretur, tum etiam quod & Garnatæ, &
 in Africa quoq; fermè hunc libellum initio tradendum
 30 arbitrarentur discipulis. At mihi longè alia probatur
 instituendi ratio, præsertim apud Latinos, qui ne vo-
 cem quidem audiuerint Arabicam. & nisi penitus
 ignoro, quomodo formandus sit Grammaticus, ne ip-
 sis quidem Africæ literatoribus hac parte subscribō.
 35 E R G O solus in mea tenui bibliotheca, hoc est in-
 structus Euāgeliis & grandiore Grammatico, qui ap-
 pellatur Albucasim, me composui ad rimandos cano-

nes Grammaticæ Arabicæ, quod perinde fuit, quasi Latinus cognitis modò characteribus Græcanicis proposito Demosthene, & quarto libro Theodori Gazæ, conetur addiscere Grammaticam. siquidem, Albucaſim, neque Nominum declinationes, neque Verborum tradit coniugationes, sed omnis res est in eo de Syntaxi, hoc est, quæ quibus gaudeant casibus. Hic mihi spectate & aliam molestiam: Primis pagellis, non sanè multis interpretamentum Grammatici Latinum erat, & iuuare poterat, in progressu autem nihil reperi nisi linguam Hispanicam, quam æquè ignorabam atque Arabicam. Verùm quia me fata voluerunt Arabicari, ne sic quidem animum despondi. Erat vnus & alter nostratibus Salmanticæ, quos consulebam in Hispanicis, mox inde colligebam Arabica. Ad hæc quia iam voces plurimas discebam ex Euangeliiis, non rarò fiebat, vt discerem etiam obiter Hispanicè, dum in ea versarer Grammatica. Siquidem iam tandem post illud Lexicon conflatum Louanij, quod oculis modò seruebat, ex Euangeliiis concinnaui Dictionariũ, quod lingua posset sonare, in quo tam fui diligens, vt nullum esset in quatuor Euangeliiis vocabulũ, quod nõ suo loco compareret in hoc Dictionario, idq; suis affectũ numeris, vt consulto Lexico, conspiceres illico, quota pagina, quoto versu cõtineretur in Euangeliiis. id quod omnino faciendũ erat, vt collatis in vnum multis locis, coniectura me doceret rationem formandi numeri pluralis, quem redigere in certòs canones, legendis tantũ auctoribus, haud aliud est, quàm sine vllis Grammaticis, è Cicerone aut alio Scriptore contrahere vniuersas terminationes tertiæ Latinòrum declinationis, & statuere quæ terminatio quem faciat Genitiuum. Adeundem modum, quid creditis mihi contigisse laboris, inuestigandis Coniugationibus? viderunt plerique Tabulas Hebraicas, quas edidi dum agerem in patria, nec ignorant quanta sit varietas punctorum, quibus discernuntur Coniugationes verborum. ista sunt omnia perpendenda

pendenda in Arabicis, vbi & perfectæ sunt voces perpetuò gerentes triadem illam Consonantiû, & imperfectæ, modò hac, modò illa fraudatę Consonante, haud secùs atq; in Hebraicis: nisi quòd multò sunt copiosiores Arabici coniugationû multitudine. Nec euadere reli-
 5 cuisset ex his angustiis sinè incredibili Dei beneficio; tanta est congeries rerum, quæ suis quæque locis erant disponendæ. Verùm improbitate laboris, & crebrò illud Pindari nostri cogitans: Deus quis similis tibi? ne
 10 taceas, nouem mensibus in Arabico pistrino, quanta potui maxima temporis cura versatus, cò promoui, vt munus docendi publicè non reformidassem. parumq; abfuit, quin Cathedram ambirem Arabicam, quæ Salmantica tot annos desiderat Professore. Iamque rem
 15 fermè transegeram cum bibliopola Iunta, vt nobis excuderet exiguum libellum de linguę rudimentis, quòd illic nactus fuisset eximium sculptorèm, hominem nostratem, qui typòs formaturus erat Arabicos è buxo. Verùm mutauit Iunta sententiã, veritus ne sumptum
 20 faceret sine lucro, propterea quòd paucis cordi futuras suspicaretur istas literas.

D v m sic mea sese haberent Salmantica, præter Iacobum Hallensem, qui iurè patriæ statim mihi factus est familiarior, amicum etiam eximium sese præbuit
 25 Franciscus Castellus, celeberrimus Concionator in monasterio Diui Francisci, vir & in Theologica palæstra pulchrè versatus, & Græcas Latinasque literas insignitèr doctus. cuius perspecta fide, & quotidiana còsuetudine crescentibus illecebris, amorisque stimulis,
 30 eò necessitudinis deuenimus communicandis studiis, vt hominem omnibus còsiliis haberem intimum. Mox & alter in amicorum venit catalogum Andreas Vega: qui si fuerit vitalis, egregium aliquando daturus est specimen ingenij. sed de hoc aliàs. Is hospitem deduxit
 35 ad summum Theologum Franciscum Victoriam, tanta me excipientem humanitate, vt nihil suprà. Non hìc laudabo calàmo debili; doctrinam tantì viri, ne minus

Q dicam

dicam quàm ille mereatur , & in Galliis & in Hispaniis
 eruditionis nomine nobilis . sed quòd pauci norunt,
 etiàm Salmantica, tacendum non est . Nemitem me
 nosse , ne ex ijs quidem qui omnem ætatem in Latinis
 literis triuerunt , cuius tam placeant epistolæ , vt quas 5
 ad me multas misit Victoria. Quòd si animum aliquan-
 do ad scribendum appulerit , orbem vniuersum fama
 nominis occupabit. ignorat Salmantica quem possideat
 thesaurum in nostro Victoria . gratulentur sibi Domi-
 nici monasteria, quòd tale decus meruerunt. Vtrumq; 10
 Franciscum illic officiosè colui, neutrum tamè pro vir-
 tutibus celebrare possum , adeò me suis beneficiis te-
 nent obnoxium. Cum multis aliis illic mihi conflata est
 necessitudo, qui vniuersi suminoperè sunt adnixi , ne
 discederem Hispalim, effectumq; est, vt interuentu Re- 15
 uerendiss. domini Cardinalis, D. Ioannis à Toletò, qui
 tum Episcopus erat Cordubensis , nunc Burgenfis, vt
 Coloniciis pactis liberatus , filium fratris docendum
 susciperem, Ludouicnm à Toletò. Postmodum & ipsa
 quoque Academia , honesto salario prouinciam detu- 20
 lit, & in Professorum cooptauit numerum: adeò vt pri-
 uatim & publicè me Salmantica beneficiis sit profecu-
 ta, quorum non poterit excidere memoria.

VIXDV M. muneri inauguratus eram, cum ecce no-
 bis è Lusitania venit Poëta Resendius, Legatus nomine 25
 Regio, & fratris Principis Henrici, prolatisque vtriusq;
 literis, & adhibitis in consilium amicis, sic me incanta-
 uit suis carminibus, vt cum bona Salmanticensium ve-
 nia, pertraheret in Lusitaniam . præcipuè tamen cun-
 ctantem auctoritate sua compulit Marcus Teyninger 30
 natione Germanus, iuuenis vltra fidem prudentià qua-
 dam senili præditus, cuius mores & grauitatem exper-
 tus aliquot mensibus , quibus fui apud eum in hospi-
 tio, tam sum admiratus talem ætatem talibus dotibus
 cumulatam , vt nihil aliud cogitarem, quàm me apud 35
 Regem quempiam Philosophum diuersari , adeò velut
 in manu gereret orbis habenas , de quouis themate
 mira

mira dexteritate differebat, bonam etiam Europæ par-
 tem faciundis profectiõibus contemplatus, Vlysses
 nobis referebat. Qui cum omnibus meis casibus,
 post initam necessitudinem presentaneum tulerit auxi-
 5 lium, & consuetudine quotidianâ, tanquam fratris lo-
 cum, vulgi iudicio teneret, me etiam facillimo præce-
 pto munivit, ad capeffendam vitam aulicam. Siqui-
 dem quando Resendio potissimum excusarem quod
 essem ab eo vitæ genere multum alienus, & grandior
 10 annis iam ægrè possem induere mores, quibus inter
 Proceres & Magnates vtédum est: imò, inquit Teynin-
 ger, cauendum est, ne te velis recudere, fiasque ridicu-
 lus. At sum rusticus, inquam, & quid in aula faciam
 Theologus? Antiquum, inquit, obtine. quanto magis
 15 mordicus istam rusticitatem tueberis, tanto placebis
 magis. non vocaris propter tuos mores festiuos & ele-
 gantes, cum sis planè Campinienfis, (nam & in Bra-
 bantia vixerat Marcus) sed cupiunt hominem quicum
 tractent literas. At non sum grandis Theologus, nec
 20 tanti Regis expectationi queam satisfacere. Quod præ-
 stare nequeas, inquit Resendius, non postulamus, tradè
 modò Principibus quæ nosti. Itaque relinquo Salmân-
 ticam, comite profectiõis meo Marco, in biduum.
 qui cum valediceret, oborto vehementissimo dolore
 25 velut attonitus pergebam in iuinere, ne Resendio qui-
 dem rumpente silentium, quod sublatuſ Teyninger
 nobis imprefferat, donec tandem voces cum lacrymis
 ederem, tam iucunda mihi fuerat tanti amici consue-
 tudo.

30 VBI venimus Eboram, (nam illic erant statua tunc
 aula Lusitanicæ) quàm humaniter sim exceptus tum à
 Rege, tum à meo Principe, longum esset commemora-
 re. Regis oraculum fuit, non futurum, vt me poenite-
 ret illius profectiõis, id quod non modò re ipsa com-
 35 peri, nactus copiosum studiis meis otium, verum etiam
 quod, præterquam quod præclare de me mèrita est Lu-
 sitania, talem etiam Principem & Mæcenatem sum

Q 2 sortitus,

fortitus, cuius sola virtus quemuis in amorem rapiat.
 Natales, genus, diuitiæ, nihil capeffendis disciplinis ob-
 fuerunt: sed tam modesta illis omnibus Regis Emanue-
 lis liberis est purpura, vt vel plebeios morum comitate
 superent. Et quamuis temporis ratio duceretur ex-
 altissima, nec à lectitando sibi indulgeret ferias, nisi
 quantum negotiorū quotidiana moles flagitaret: exi-
 mium tamen pietatis decus me tractare gaudebam, in-
 dolemque fouere, quæ olim in Christiana religione
 magnum habitura esset momentum, eam sic quotidia-
 nis incrementis hætenus exeruit, vt non dubitem, si
 Deus vitam prorogauerit, quin stemmatum gloriæ, qua
 nulli cedit, talem sit additurus titulum, qui in Christia-
 na ditione summis laudum rationibus debeat. vt
 quemadmodum fraternis imperiis bona pars Asiæ Afri-
 cæq; subditur, ita in proferendis nostræ religionis po-
 mœriis, ille iam fermè vnus superstes è reliquis fratri-
 bus, nomen memoriamque sit deportaturus sempiter-
 nam. Tacebo Græcas, Hebræasque literas, quas præ-
 ter Philosophiam & Theologiam vtcunque degustauit.
 nec nominabo Mathematicas, quas & ipsas didicit:
 propterea quod singulari pietate præditus animus, re-
 ligionisque Christianæ studiosissimus, nullam ex istis
 laudem vindicare conetur. Vbi vbi agis mi Resendi,
 quocunque te contulisti optime Teyninger, vobis
 gratiam habeo, qui me rusticum miseritis ad Lusita-
 nos.

Quid dicam de amicis? Resendius primas partes
 obtinet, Poëta cum veteribus comparandus, cui si iuge
 studium staret poëticum, non minus nobilitaret suam
 Eboram, quàm Lucanus Cordubam. Cum quo tamen si
 iam pridem contracta fuisset familiaritas Louanij, ma-
 gis tamen culta fuit in Lusitania, non solum propter
 diuturniorem vsum, sed etiam quod amicitie prioris
 fructum vberimum protulit, delatus Salmanticam, vt
 me faceret Lusitanum. Nouas verò multorum ibi lu-
 crifeci amicitias. In primis Georgij Cœlij, viri præter
 Græca-

Græcarum literarum peritiam, sic & prosa & carmine
 celebris, vt dubites vtro magis polleat. mihi semper ob
 id probata est oratio eius soluta, quòd nesciam, an ho-
 die sint qui tam propè accedant ad veterem illam Ro-
 manam eloquentiam. Sermo est purus, concinnus,
 & eleganti munditie, nec quicquam tamen præ se fert
 affectatum. Videorq̃ue mihi non immeritò Resen-
 dium inter Poëtas, Cœlium inter Oratores collocasse,
 quòd eò mihi res redacta iã iudicatur, vt in bello quod
 10 spiro contra Machometum, Cœlius orare melius, Re-
 sendius canere possit sonoriùs. Inter Theologos au-
 tem, quem quæso præferam Ioanni Paruo? qui cum
 mihi mensa fuit communis toto biennio: quemq̃; non
 minus quàm parentem charissimum venerari debeam.
 15 is cùm annos natus esset sexaginta duos, non contentus
 Græcis literis, quas occupatissimus templi functioni-
 bus didicit, à me etiam initiatus est Hebraicis, quas no-
 cturnis vigiliis tam ardentè concupiuit, vt paucis mē-
 sibus sine cortice naret, vt vtar verbis Horatij. cumq̃ue
 20 omnium Canonicorū diligentissimus esset, obeundis
 quotidianis officiis, nec statas illas vacationes vsurpa-
 ret, quæ solenni consuetudine conuiuent, ad illud vul-
 gò iactatum: Beneficium dari propter officium; tamen
 cura perfecit, ne domi desideraret ocium quod consu-
 25 meret in literis. Cæteras dotes & viri probitatem hinc
 colligite, quòd cum multis egregiè doctis spectatæque
 vitæ non careat Lusitania: Paruum tamen nuper Rex
 inclytus, nulli prouehendo Religionis negotio secun-
 dus, cæteris posthabitis, sua sponte designauit Episco-
 30 pum. cui quotquot Hebraicis literis sese tradiderunt,
 annos precari conuenit Nestoreos, adeò magnum
 possident in Episcopo Paruo studiorum patronum.
 Erat etiam nō postremæ notæ D. Franciscus Mellonius,
 genere ac literis adeò præditus, vt & inter audicos pro-
 35 ceres dignitatem, & inter eruditos claram famam te-
 neret. qui, aduenienti mihi Eboram, primus hospitis
 nomine sese commendauit, & omnibus in rebus sum-

num fautorem præbuit. sed non licuit multo tempore hoc bono gaudere, nec perpetua necessitudinis vincula constringere, quod sublatus è vita moerorem acerbum amicis, cladem flebilem intulit aulæ Lusitanicæ, tantum vir ille consiliis, prudentiaque Reipub. iuuare; consuevit, magis natus iuuandæ patriæ, quam spectandis priuatis commodis. superi illum in beatas sedes accipiant. Nec silentio prætereundus est Franciscus Geraltes, egregius Medicus, vtraque lingua bene percultus, & vir acerrimi iudicij, qui tamen inter amicos non infimum locum occupauit, partim eruditione commendatus, partim magno in me collato beneficio, quod graui morbo decumbentem, in pristinam incolunitatem restituit, arctius tamen coalescere poterat mutua inter nos beneuolentia, si tam læctitasset Arabicè Auicennam, quàm erat sectator Galeni. hæc quid sibi velit oratio, non ignorat Arabicafter paruulus. Mis-
 sos faciam reliquos, vt properem ad Antonium Philippum, tam deditū Medico Arabico, quàm deuotus esset
 Geraltes Græco.

EST hic Antonius inter Eborenses summi nominis, & quod me titillabat, libris Arabicis instructus quamplurimis. Mihi verò nihil erat codicum præter Evangelia illa, & ynum Grammaticum, quorum præsidio nactus eram, quicquid habebam Arabismi. Et studia Arabica iam desierant, postquam sedem cepissem inter Lusitanos. Quare, tamen si fermè vicinus esset Antonius, non tamen multum fueram anxius, vt bibliothecam inspicerem. Hoc etiam segnior quod surditatis vitio laboraret, parum commodus futurus hac de causa vel præceptor vel congerro. Ipse vltro quodam die, nescio an à Resendio doctus de meis studiis, saluator aduenit, & velut expergefaceri cœpit alto somno pressas literas. Et quamuis hinc quoque Resendius arma cepisset, quibus me expugnauerat; nam Sal-
 manticæ cum rogassem, nunquis esset in Lusitania peritus Arabicè: est, inquit, Medicus quidam doctissimus,
 qui

qui te ad saturitatem doceat . Igitur tamenſi etiam
 hic non leue momentum fuerat ad accipiendam con-
 ditionem Luſitanicam, tamen vt fit præſenti bono non
 admodum ſolicitabar, ratus mihi non defuturum, quo-
 5 ties libuiſſet ea ſtudia renouare . Poſtea creſcente in-
 ter nos amicitia , ſenſim redij ad meas priſtinas deli-
 tias. cumque ita ſeſe res tuliffet, vt meus Princeps ali-
 quot diebus abeſſet, & domi liceret omne tempus mi-
 hi ſumere, vt nunquam antea feruebant Arabica, ob id
 10 quòd & ſocium laboris naſtus eſſem hunc Antonium,
 & ſicubi dubitarem, etiam præceptorem, præſertim
 in huiuſmodi vocibus, quas uſurpant ſcriptores Me-
 dici . nam Grammaticam prorſus ignorabat . Eo tem-
 pore Lexicon, quod hætenus in ſchedis iacebat or-
 15 dine ſuo digeſtis, in iuſtum librum contraxi, & vt le-
 ctitando proficiebam . ſubinde nouis vocabulis auge-
 bam . Nam & Auicennæ partem diligenter euolui,
 non quòd me caperet ars Medica, ſed quia non erant
 apud Antonium niſi id genus codices, & iam tantum
 20 noueram rerum Grammaticarum, vt nihil reſtaret niſi
 auctorum tractatio . Cæterum ſupra modum me
 turbabat Latina verſio, propterea quòd Interpres ſic
 aſſideret literæ, vt nec phraſes commutaret tam alieni
 à nobis idiomatis, nec vim proprietatemque vocabu-
 25 lorum ſatis redderet . Arabica diſcebam quæ ignora-
 bam, nec ea licebat è Latinis parum elegantibus col-
 ligere: contrà collatione Græci codicis ſic me iuua-
 bant Euangelia, vt è Græcanicis phraſibus non in-
 cognitis, facile conijcerem diſtinctionem Arabicam. Qua-
 30 re conſultum videbatur, Galenum aut alium quem-
 piam verſare, qui è Græco tranſlatus eſſet in Arabi-
 cum, placuitque commentarios expendere, quos
 ſcripſit Galenus in Aphoriſmos, adhibita etiam ver-
 ſione Leoniceni, quem tribus aut quatuor locis anim-
 35 aduerti, non tam rectè ſenſum percepiffet, quàm red-
 didit Interpres Arabicus . Interea tentauì episto-
 las quoque componere, & me exercere ducendo ſtylo:

poteramque facultatis nonnihil comparare, si perdu-
rasset exercitatio: verum non tam gaudebat alter hac
literarum vicissitudine, mihi que illius epistolæ quan-
doque olebant, nescio quid vulgare, quod non sa-
tis iudicaram elegans. quare rursus intermissa sunt;
ea studia, tum ut iucundioribus disciplinis fatigatum
ingenium auocarem, tum quod iam abunde me pa-
ratum crederem, ut redditus patriæ professionē hanc
instituerem. & ut verū fatear, multum etiam deuora-
bam molestiæ, quod res mihi esset cum surdo. nisi quod 10
ut mutos magistros, Salmanticæ nouē mensibus, sic E-
boræ fermè septē surdos pertuli nimio ardore discēdi.

IAM annus instabat quartus, & adornabamur ad
professionem Braccarensem, vbi meus Princeps Ar-
chiepiscopus Braccarensis, rem Ecclesiasticam con- 15
stituere, & cogere Synodum volebat, instaurandis
moribus, utcumque hic illic collapsis. Ego mo-
dis omnibus abhorrebam abitinere, rursus in Loua-
niense veternum redactus, & diuturna quiete peregrin-
nandi artem dedoctus, nihilque non causabar: quo li- 20
ceret permanere mihi interim Eboræ, veritus, ut inge-
nuè fatear, ne per viam inter procures aulicos essem
ridiculo: nihil enim vnquam vidistis ineptius pere-
grinante Clenardo; tanquam ad amulsum præceptum
seruaueram mei Marci, ut toto triennio nihil didicis- 25
sem aulæ, nisi quod nossem vbi esset aula. hoc tamen
effeci, ut postquam illi discessissent, subsequerer sine
arbitris meorum vitiorum, & impunius peccarem
submotis testibus. Tantum Ioannes Paruus, tum
Canonicus Eborensis, cuius supra meminī, ad sesqui- 30
horam comes fuit, ut subinde moneret quomodo tra-
ctarem frenum: nam iam in obliuionem abierat. Is
pro sua humanitate vinum suppeditauerat, quod ter-
tio demum die nobis futurum esset vsui: tum enim iter
facturi eramus per vastissimam solitudinem, vbi vix 35
media via casula sita erat perquam exigua. Sed prius-
quam in illud desertum ingressi sumus, pridie sera nocte

At diuersorium subiuiimus, quod vnum par fuisset expiando Erasmo, sic infamanti Germaniam. Hordeum non erat iumentis, & vix palearum portio paruula. foris sub dio stabulabantur, nos sarcinis utebamur pro
5 sellis, aut humi sedebamus. Coena planè fuit dubia, & incertū erat an cogeremur iciunare. Vinū non desiderabatur, & panis abundè suppetebat. sed homini Brabantino congruūt & alia obsonia. Eia conferamus nos cubitum, siquidem crās ante diem abeundum est,
10 alioqui pernoctabimus in Seruecca, sic vocant eam solitudinem. age fiat. At neque lectus, neque locus vllus dabatur, vbi somnum caperes in angustissima domuncula, fermè iumentorum oneribus op-
15 pleta, dormiendum erat. Præter Gulielmum ministrum, tres seruos adduxeram Aethiopes, Dentonem, Nigrinum, & Carbonem; nam sic eos nominauit Resendius. hos inter, partim stans, partim sedens, partim suspensus, & cubito sarcinis innixus, sic quiescere conabar, vt nihil aliud expectarem, quàm
20 mulionis clamorem, qui foris delitiabatur in strato gramineo. Itaq; paulò post noctis conticinium, impatiens moræ, licèt somnolentus reliquos excitare cœpi. Credo decem & amplius horas equitauimus priusquam pranderemus, cū interim in tenebris
25 procumberet equus ministri, & me in posterum exemplo redderet freni tenaciorem. quanquam ne sic quidem euasi, quin & meus primoribus pedibus in genua flexis me fermè præcipitauerit. Vix tandem tantum itineris perpessi, conspecta casula, læti festina-
30 bamus ad prandium, & noctis superioris damna pensauimus, cohortantibus etiam mulionibus, & omnia prospera pollicentibus, simulatque traiecto Tago venissemus Taucos, qui pagus nos manebat ad vesperam. vinum, gallinas, perdices, capones, carnes arietinas &
35 bubulas, fermè Sicalas mēsas nobis decantabant, adeò vt exhilarati, prolixius etiam hauriremus Bacchum illū Eboresensem fermè fæce tenus siccata lagena.

VERVM extrema gaudij luctus occupauit, gra-
 uesque pœnas dedimus lætioris conuiuij. Siquidem
 ad ripam Tagi nox aduenientes occupauit, nec licebat
 iam traicere. Ibi in muliones stomachatus sum,
 quodd diutius protractum fuerat prandium. Quid
 5 ageremus? Vnum erat diuersorium, quod parum co-
 gitauerat de nostro aduentu. Heus, inquam, hospes,
 habésne paleas? obambulabat Polyphemus titanicum
 obtuens, & ne verbum quidem respondens. rursum
 ego: Domine, inquam, sūntne paleæ nostris iumentis? 10
 vix tandē & ægrè, nescio, inquit. sic & cæteri circum-
 cursitabant, partim exonerandis iumentis, partim
 quærendis paleis: plus enim equis timebamus quàm
 nobis. Iam præterierat semihora, cū nunciat mu-
 lio domum plenam esse pælearum. Vtinam, inquam, 15
 essem Rex Lusitaniæ, hunc hospitem in crucem adi-
 gerem: & simul circumspiciebam, si quid in culina
 situm esset ad focum. Quid cœnabimur, hospita?
 nihil, inquit, habemus. nihil proisus? nihil. Occi-
 datur gallina: non alo gallinas vt vobis occidantur. 20
 Sūntne oua? Quæram. at nihil inuentum est. Ni-
 hilne capitis piscium accolæ fluminis? Quis, inquit,
 comederet pisces die carniū? ô quantum mihi acue-
 batur bilis. profectò si præsens fuisset Rex, ipse tor-
 toris munere fuisset functus, & fortassis imitatus 25
 Anthropophagos. Gulielme sternatur mensa. Appo-
 situm est salinum, & vnus atque alter panis, cum in-
 terim intentissimos haberem oculos in ollulam, quæ
 adstabat igni. Et quid, inquam, illic coquitur? Est,
 inquit hospita, laridum. Cedo mihi quippiam iuris, 30
 vt scilicet intinctum panem cœnarem. Non. famuli
 opus habent. At partem laridi summis precibus ob-
 tinuimus, credo vnciam vnā, adeò vt me recusum
 suspicarer & factum Italum, vbi locis quibusdam car-
 nes veneunt vnciatim. irritatus stomachus, & velut 35
 femuncia leuiter perstrictus, appetebat laridum: &
 nihilne præterea, inquam, domi est laridi? Est, conij-
 ciatur

ciatur in ollam , aut super prunas affetur . Carnes
porcinæ , inquit hospita , sub noctem lædunt stoma-
chum . O veneficam cum tua istac medicina . Pru-
riebant dentes Gulielmo Hollando , Clenardo Braban-
tino , & ad muljones conuersus , vbi , inquam , sunt
perdices , quas somniauimus in prandio ? Illi verò
cepas rodebant crudas , & nihil indignabantur : quin
& consilium dabant , vt aliquot assas ipse comederem .
hæc enim sacra videbatur anchora . Earum condimen-
tum est oleum cum aceto . Oleum maligne præbi-
bitum fuit : acetum verò non erat in acerbissima do-
mo , nisi quòd eiusmodi nobis promebant vinum , vt
facile nomen tueretur aceti : hoc ergo oleato condiui-
mus cepas , quas tam repperi sapidas , vt deinceps con-
tra omnes casus aduersos , & malam fortunam , hoc
vnum circumferrem in sarcinis remedium : atque vti-
nam affata fuissent complures , tam eram ea nocte fa-
melicus , credo propter iram immodicam bene dige-
sto prandio . Commodum in mentem venit vt pa-
nis laminaꝝ tostas madefacerem vino , rogabamque
nunquid reliquum esset vini Eborensis . non , inquit
Gulielmus , nam plusculum lætati fuimus in prandio .
At vide , inquam , vt scilicet vel reliquias odoriferi Bac-
chi dilutas aqua inspergerem panem . inuenimus semiscy-
phum , & his bellariis cohonestauimus opiparam cœ-
nam , magno nimirum malo , quòd post illud obso-
nium magis etiam latrare cœpit stomachus . Sed quia
iam omnia fueramus periclitati , & nihil eduliorum
restabat , saltem aliquid solatij nox ostendebat , quòd
in molli strato quiescerem . Gulielme , inquam , pa-
retur lectus , & abeamus dormitum . Non , inquit
hospes , opus est lecto mensibus his æstiuis . At mi-
hi , inquam , opus est , non assueto cubitare vel humi ,
vel super nudas tabulas . Non , inquit hospita , lectum
habemus . O Lusitani , inquam , apud me , cur sini-
tis ista falsa manere vocabula ? vocatur diuersorium ,
vbi nec comedendi , nec dormiendi datur facultas .
Post

Post disceptationem longam, reuoluti ad preces blandiores, summis conatibus vix impetrauimus speciem quandam lecti.

POSTRIDIE subducta ratione didici, cur Tagum scriptores appellarent auriferum. tanti constitit 5
vmbra coenæ cum lecto, quanti magnificum apud Brabantinos epulum: quare si quis auri venas, aut arenam auream hætenus in flumine non repererit, mihi credat dictum esse Auriferum, quòd aurum abstulerit è nostris oculis. nam & hoc poëticum est, simplex 10
vsurpari pro composito, vt apud Iuuenalem: Ponamus nimios gemitus, hoc est, deponamus. Omitto reliqua, quo properemus Conimbricam, vbi Rex nouam tum moliebatur Academiam. Hic quid opus est multis laudibus, quando sese ipsa indies magis ac 15
magis commendat? Erant vacationes, & in cæteris professionibus feriæ. nec iudicium ferre possum nisi de auditorio Græco, quòd me nouo miraculo reddidit attonitum. Vincentius Fabricius enarrabat Homerum, non vt Græca verteret Latinè, sed quasi ager 20
et in ipsis Athenis, id quod nusquam hætenus videram: & nihilò segnius discipuli præceptorem imitabantur, fermè in totum vsi & ipsi sermone Græcanico. E quibus auspiciis si fas est diuinare, florentissima erit Conimbrica linguarum studiis. De Theologia speciem 25
præbuerunt tres monachi, qui cùm paucis mensibus in ea palæstra fuissent versati, de themate proposito disputauerunt argutissimè, & re ipsa testati sunt, quàm eruditis viris illic darent operam. Quòd si honos alit artes, quid manet Conimbricam, nisi vt ipsam ali- 30
quando vincat Salimanticam? neque enim Rex parcat vllis sumptibus, & tam opimis prouentibus donat Cathedras, vt in vniuersa Hispania non sit Professoribus fructus vberior.

IN DE venimus Braccaram, vbi & ipse meus Princeps 35
Gymnasium condidit, capeßendis literis Latinis. communicatoque mecum negotio, in eam sententiam consen-

consensimus vt quæreretur qui in Scholis non vteretur sermone vernaculo, vnde per Hispaniam non tam religiose literatissimi etiam abstinent, quemadmodum aut apud nos aut in Germania. Et volebat non triuiale quendam instituere ludum, sed in quo pulcherrimè discerent Latinè. Occurrebat Ioannes Vassæus, par huic futurus prouinciæ, ad quem statim profectus Salmanticam, vbi Græcas Latinasque docebat literas, oblati conditionibus & cunctantem exhortatus, voti compos in Lusitaniam adduxi, vt eum sisterem Principi. Habito congressu, Princeps Vlyssiponem discedit, Vassæus Salmanticam componendis negotiis, quæ illic recens ducta vxore inchoauerat. Ego interim hæsi Braccaræ, ponendis nouæ scholæ fundamentis, dum adueniret Vassæus, vnum atque alterum secum adducturus, qui partem laboris susciperent.

Eo anno misit ad me Rescius meus literas, sparsum fuisse rumorem Louanij, Clenardum factum Cardinalem, & ita seriò prædicatum in Collegio Theologorum, quòd Præsès epistolam accepisset ab Antuerpiâ, quæ rem assereret. Cæterum Latomum suspensisse iudicium, & stetisse ancipitem, nec fidem habere, donec à me factus esset certior: propterea quòd pridem fama mendax me creasset Episcopum. Quin & aliud in vulgus manauerat, me tot onustum esse sacerdotiis, vt quamplurima contemnerem. quare Diestensis quidam olfacta præda contulit se Braccaram, ratus se aliquid ablaturum ex istis contemptis sacerdotiis.

Ego etsi riderem sermones hominum, non poteram tamen effugere, quin tot diuitiarum particulam largirer frustrato conterraneo. Istiusmodi in populo temerè iactari non solent, nec vllus tam est vanus rumor, quin aliquo nascatur auctore. Itaque libet vobis exponere, cur suspicer me creatum Cardinalem, & ad id multis cumulatam id temporis sacerdotiis, vt etiam Beginas mihi ademptas intelligerem, quas cum tot annos

annos positas haberem in iudicio controuersas, inaudita ratione sic sunt commissæ tribus arbitris, vt eas vniuersas mihi abiudicarent. Credô quòd parum notus esset Cicero, ad arbitrium inquiring, hoc animo adimus, vt neque nihil, neque tantum quantum postulamur, consequamur.

SI vnquam fuit Braccara vero nomine Augusta, certè cum illic agerem, dici poterat Augustissima. Et ne Roma quidem tot vidit Episcopos, Cardinales, Patriarchas, cæterasque dignitates, quot creabantur illic 10 exiguo tempore. Ad hæc Senatores, Consules, & reliqui Magistratus, passim per vicos ambulabant, & quandoque in foro emebant lactucas: cum quibus omnibus quando quotidie versabar, quid mirum si fortè & ipse afflatus fuerim aura benigna, & titulo Cærdinalitio? Aenigmata scribo, præstabo Oedipum. Erant Braccaræ circiter triginta, qui darent operam literis, quorum magnam habere curam non operæ precium duxi, propterea quòd scholàs nouas ab ipsis fundamentis volebam inchoare. Quare velut periculum facturus de ingenio puerorum, ciuium aliquot liberòs publico loco docere coepi, tam expertes linguæ Latinæ, vt ante eum diem, ne literam quidem audissent. Et prima statim hora, cum res iam vulgata fuisset, concurrebant complurimi, commoti, vt sit, nouitate, adeò vt crescente indies multitudine, locus auditores non caperet. Nulla enim ætas in nouo Gymnasio desiderabatur, & omne genus mortalium confluebat. non deerant qui vix annum quintum agerent, non sacerdotes, non serui etiam Aethiopes, & quidem natu grandes. quin 15 & parentes vnà ludum frequentabant cum filiis, nec minus præceptorum morem gerebant, quàm obediens discipuli.

CVM QVE solus versaret in tam disparibus ingeniis, & apud rudes ne verbum quidem sonarem, nisi 35 Latinum, sic sensim assiduo vsu processit negotium, vt intra paucos menses, & loquentem satis omnes intelligerent,

ligerent, & minimi etiam vtcunque Latine balbutirent, cum vix nossent Alphabetum. Neque enim tenellam ætatem eò trahebam, quòd aliquid haberet molestiæ, nec per antiphrasim interpretabar ludum, 5 sed reuera ludebam in scholis. Erant mihi seruulitres, quos suprà nominavi, non sanè periti Grammaticæ, verùm domestica consuetudine tantùm consecuti, vt me perciperent, quicquid dicerem, & contrà Latine responderent, licet identidem peccantes in Priscianû.

10 Hos in ludum productos, dialogos agere iussi, spectantibus discipulis, & cum eis multis de rebus sermonem miscebam, attentissimo auditorio, adeò miraculi loco fuit, quòd Aethiopes loquerentur Latine. Heus Dento, inquam, salta: mox vnum atque alterum edebat 15 saltum, ridentibus spectatoribus. Tu Nigrine, repe nobis per pauimentum: sine mora quadrupedem agebat, magis etiam in cachiunos solutis quotquòt aderant. Carbo iussus currere, cursum statim expediebat. Sic & alia multa non tam voce docebam, quàm 20 gestu; vt per iocum vocabula puerorum animos subirent. Minimaque cura fuit, vt initio canones obicerem Grammaticos, rem non satis amoenam. sed omnem adhibebam artem, vt quemadmodum mercatores in variis regionibus vsu perdiscunt idiomatica; sic in tanta 25 frequentia, omnibus in locis streperent voces Latinae. Quin & illud piaculum erat, primis diebus quippiam scribere, sed oculis in præceptorem intentis, aures assuescebant audiendis vocibus. Et si quando sese offerret vel sententia, vel adagium pauculis verbis 30 comprehensum, per discipulos in orbem ibat, & tota schola iactabatur, velut manus manum fricat, me interim gestu rem declarante. Nam & hoc decretum erat, non solenni pompa docere, & aliquid meditatum afferre; sed quicquid obiter ac primum occurrebat, de eo fabulabar. Si quem conspicerem insigni naso, ridendo & contrectando naso, fungebar docentis officio, & obiter mungebat Dento nares.

Inde

Inde iussi adferri candelam, & tu Nigrine, inquam, munge candelam: quam si imprudens extingueret; irato vultu obiurgantis speciem præbebam, & simul videbant quid esset candelam accendere, quid extinguere: Hinc labimur ad seuum, & candelas seuaceas, inde ad cereum, ceram, ellychnium, & cætera quæ oculis arbitrari poterant, ut utar verbo Gelliano. Dum sic nugamur, & quamuis fermocinandi ansam temerè raperemus, sæpenuerò sine omni tædio, tres horæ nobis imprudentibus abibant cum summa puerorum voluptate. 10

QUIBUS rebus factum est, ut à parentibus pueri contineri non possent, quin summo diluculo pergerent ad scholas, velut gessientes audire præceptorem: adeò ut horam quandoq; vnam anteuenteret, & noctu nihil aliud somniaret, quàm Comoedias nostras scholasticas. Ipse certè vehementer cum plerisque sum admiratus, illorum iugem constantiam, qui acerrimè quandoque castigati, tamen æmulatione quadam mutua sic perpetuò frequentabant ludum, ut abesse mortem ducerent. Videte quæso rem nouam. Cùm instaret Quadragesima, quo tempore vix tandem sub exitum plerique Confessarios adeunt, edictum tuli, neminem admittendum in scholam, qui non statim peccatorum peregisset confessionem: eique rei destinauimus dieculam, & à docendo feriatum sumus. Protinus totis templis concursus est quærendis sacerdotibus, adeò metuebant ne priuarentur nouæ scholæ delitiis. Postridie, imò verò eo ipso die, puelli complures, ubique me conspicerent, velut gratulabundi veniebant; & ut quisque occurrisset, Ego, inquit, domine sum confessus, tam redditum erant alacres, tamque patientes, ut omne tempus sub oculos Præceptoris cuperent consumere. Erant autem digesti in certas tribus, quas pro aduentantium numero pluribus paucioribusque capitibus cumulabamus. Et suum quisque in propria tribu, tum nomen, tum locum obtinebat, ut in 30 25 35

vt in singulis tribunus minimo negotio notaret stationis desertores, qui nisi fontica causa nulli fermè cernebantur. Grandioribus addebam paruulos, & alium alij modò discipulum, modò designabam præceptorē, vt hinc vicissim discerēt, illum inuicem doceret. Ac primò omnium per tribus dispersa sunt ista.

Heus puer,

Quid est rei?

Quo properas?

10 Ad ludum literarium.

Mane paulisper.

Non possum.

Quid ita?

Quia iam præteriit hora.

15 Quid tum postea?

Si moratus fuero, vapulabo.

Ain verò?

Sic profectò.

Vtram metuis, ferulam an scuticam?

20 Vtraque præceptor vititur.

Sed ausculta paucis.

Non licet inquam. Vale.

H VNC Dialogum sic perstrepebant in omnibus vicis, vt cerdones, & muliones passim in vrbe cantarent: Heus puer; & puellæ quoque in ædibus eum agerent, tam nobilitatus erat in vniuersa Braccara. Mox alium effudimus, non spectantes quàm essemus elegantes, sed quid captus puerorum ferret. deinde alium atq; alium, semper tractantes argumentum non
30 alienum ab eorum ingeniis.

ET quia paulatim iam sermo Latinus reddebatur familiaris, pedetentim instillabam gustum Grammaticæ, nominumque Declinationes maiusculis characteribus in parietibus suspendebam, quas tribules in libellos referebant, qui nossent scribere. vicinisque operam dabant tam in describendo, quàm tradenda scribendi ratione. nam & hæc prouincia Tribunis data

R

erat,

erat, ut peritus, rudium curam gereret. Interea verò in auditorio crescebat lingua, quòd viritim pensum præscriptum redderent, nunc sententiam, nunc adagium, nunc insigne aliquod insipientes memoriæ vocabulum. Quæ omnia sic moderabar, ut cum tota schola nullus compareret codex, typis excusus (id enim vetitum erat,) tamen in tanta frequentia, binas quisque quotidie novas lucrificeret sibi & peculiare lectiunculas, & simul auribus hauriret quod pertineret ad cæteros. Dicam planius: Nemo commune pensum habebat cum altero, sed suum quisque persolvebat, & partibus suis defunctus, audiebat quid sonaret in auditorio. idque ad hunc modum. Surgant Tribuni, qui dum ordine suum quisque munus peragerent, ceteri tribules auscultabant, & summo silentio vel inuiti multa reponebant in animo.

POST hos consurgebat *

PLURA tametsi cùm Salmantica tum Granata diligentissimè perquisierim, inuenire non potui: quo fit ut hanc epistolam Clenardum morte forsitan præuentum non absoluisse existimem. Quotquot autem in has epistolas incident, rogatos velim, ut si reliqua nanciscantur, & alias item ipsius Clenardi epistolas, eas ne lectori inuideant, sed in publicum prodire sinant.

SVM-

SVMMA PRIVILEGIORVM.

REGIS privilegio cautum est, ne quis Nicolai Clenardi epistolarum libros duos citra voluntatem Christophori Plantini imprimat, aut alicubi impressos importet, venalesve habeat, à die impressionis absolute intra octennium. Qui secùs faxit, tum confiscationis librorum ipsorum, tum verò quinquaginta florenorù pœna, fisco Regio exoluenda, mulctabitur: ut latius patet in ipsis diplomatis: quorum alterù datum est Bruxelle in Consilio priuato, XII. Nouembris. Anno M. D. LXV.

Signat.

de VVitte.

Alterum verò in Consilio Brabantie eodem anno & mense.

Signat.

Mesdach.

R. 1. PRI-

PRIVILEG. CAESAREAE

MAIESTATIS.

MAXIMILIANVS II. Diuina fauente clementia electus Romanorum Imperator semper Augustus, Germaniæ, Hungariæ, Bohemiæ, Dalmatiæ, Croatia & Sclauoniæ, &c. Rex, & Archidux Austriæ, Dux Burgundiæ, Styriæ, Carinthiæ, Carniolæ, & VVirtembergæ. Comes Tyrolis &c. Recognoscimus & notum facimus tenore præsentium vniuersis. inter alia maiorum nostrorum consilia, illud haud postremum fuisse comperimus, vt ad Imperij Romani decus et dignitatem plurimum facere arbitrarentur, non minus rem litterariam, quàm militarem disciplinam propagare: quòd litterarum monumentis quidquid fortiter & præclarè gestum esset, illustrari cognoscerent, & æternæ memoriæ consecratum ad posteros ita transmitti, vt tam exteris quàm domesticis populis, exemplo ad virtutem esse posset: quòdque optimarum artium studia, & quidquid ad humanæ vitæ cultû atq; vtilitatem in quaque arte fuisset excogitatum, litteris & contineri & conseruari optimè didicissent. Illorum nos laudatis vestigijs insistere summo studio cupientes, dignum imprimis duximus prudenter & accuratè cauere, vt si quis ad eam rem quidquam vel industria vel laboribus & impensis suis contulerit, ne huic fraudi beneficium publicum sit.

Cum itaque sincerè nobis dilectus Christophorus Plantinus ciuis & Typographus Antuerpiensis nobis humiliter exponi curarit; se veteres
non

nōnullos auctores, vel nunquam antea viſos & raros, vel emendatiores, aliaque opera magni momenti, imprimis verò Biblia Hebraica, Nouum Testamentum, Eunapium de vitis Philoſophorum, Illuſtrium de poëtis, Nonium Marcellum, Petronium Arbitrum, omnes veteres Poëtæ correctos vel commentarijs illuſtratos, Emblemata Sambuci, Diſtionarium Hebraicum, Diſtionarium Græcum, & ſi quæ huius generis alia vel antea non edita vel emendatiora, locupletiora, auctiora, & illuſtriora facta ſunt, quacunque in lingua imprimere conſtituiſſe: vereri autem, ne, quod ſæpe numero uſu venire conſueuerit, alij nonnulli, qui alieno labore & induſtria partis, fucorum more inhiare, & frui ſoleant, ea quæ ille magnis ſumptibus & impēſis collegerit, & typis procuderit, mox ad ſuum compendium, minore ſumptu & labore imitentur, atque effingant, illique labor omnis ſumptus & impenſæ, omne quoque lucrum & laboris præmium, atq; adeo (quod dici ſolet) oleum & opera pereat: ideoque ſuppliciter à nobis petierit, vt contra huiuſmodi improbos quorundam lucri cupidorum conatus, fraudem & iniurias, Priuilegij noſtri prærogatiua munire illum dignaremur.

Nos huiuſmodi illius precibus æquis & iuſtis benignè annuentes & prædicti Chriſtophori Plantini honeſtos conatus promouere, atque indemnitati illius quàm maximè conſultum cupientes, hoc publico edicto cautum volumus, & ſancimus, ne quis, cuiuſcunque ſtatus, gradus, ordinis, aut conditionis fuerit, quacumque ſacri Romani Imperij & ditionis noſtræ fines patent, deinceps prædicta,

aut alia quæcunque probatorum auctorum opera,
quotquot vel hætenus nondum impressa, vel ab
alijs quidem impressa, nouis autem deinceps scho-
lijs, annotationibus, aut commentarijs aucta &
illustrata præfatus Plantinus primus typis procu-
derit, intra proximum sexennium à prima cuiusq;
operis aut voluminis editione vlllo pacto eiusdem
vel diuersi characteris forma excudat, aut excusa ab
alijs intra nostros & Imperij fines vendenda im-
portet, seu quouis modo distrahat manifestè vel
occultè sub pœna decem Marcharum auri puri,
quarum dimidia fisco nostro Imperiali fraudis vin-
dici, residua verò pars prænominato Plantino ce-
dat, præter librorum, sicut præmittitur, ad imita-
tionem impressorū amissionem, quos idem Plan-
tinus vbicumque locorum nactus fuerit, per se, vel
suos adiumento Magistratus loci, vel citra, propria
auctoritate sibi vindicare, inque suam potestatem
redigere potest. In cuius rei fidem præsentì edicto
manu nostra subscripsimus et sigillum nostrum ap-
poni iussimus. Datum in ciuitate nostra Vienna
Austriæ, die vigesima prima mensis Februarij, Anno
Domini Millesimo quingētesimo sexagesimo quin-
to: Regnorum nostrorum, Romani, tertio: Hun-
garici, secundo: Bohemici verò decimo septimo.

Maximilianus

Ad mandatum sacræ Cæs.

M. proprium.

Haller.



Goertz
3135



Goertz
3135

Goetz
3135

